

СТАТУСЪ БѢЛКОЮКНА ТЫЛЮКІ

Ѣнаяснѣшого гдѣра короля Ѣго млѣти
 жнкгнмонга третего на коронациѣ
 въ краковѣ выданѣ рокиѣ
 а ф нн.



Смотритѣ што маєте чинити. Бо несправдѣте сѣдѣ
 члвчегоам сѣдѣ бофѣ. А што цольвѣнѣ чѣдѣте вѣ на
 вѣвѣе чѣвалитѣ. нехѣ бѣдѣ? во вѣвѣстрахѣ господнѣ члвчѣ
 фдѣ. Асправдѣте вѣ цѣри. неспѣ бо прѣгосподѣ богомѣ
 нашимѣ неправѣти. ани бранованныя чѣо бѣ. ани пофѣ
 данѣя даровѣ.

Книги Ѣ паралл
 Глава Ѣ.і

Милѣте справедливоитѣ, цѣоторыѣ сѣдѣте землю.
 Хто любитѣ неправѣдѣ, тогѣ ненавизѣ души своѣ.
 Правѣя сѣдѣте сынове чѣловѣчѣстѣи.

Мѣдрѣ (слово)
 глава Ѣ.
 Члѣѣ Ѣ.
 Члѣѣ Ѣ.

Законѣ Ѣ Запривилѣемѣ короля Ѣго млѣти
 Бѣнлѣни, дрѣковѣно вѣдомѣ мамоннчѣовѣ.

СТАТУТ ВЯЛІКАГА КНЯСТВА ЛІТОЎСКАГА.

1588

Роздел первый. О персоне нашей господарьской

Артыкул 1

**Вси обыватели Великого князства Литовского тым одним
правом писаным и от нас даным сужоны быти мають.**

Напрод мы, господар, обещуем и шлюбуюем под тою ж присегою, которую учынили есмо всим обывателем всих земель паньства нашего, великого князства литовского, иж всих княжат панов рад, духовных и светских, панов хоруговных, шляхту, места и всих подданных наших и всих станов в том панстве нашем Великом князстве Литовском и иных всих земель, здавна ку тому паньству прислухающих, почоншы от вышшого стану аж до нижшого, тыми одними правы и артыкулы, в том же статуте нижей писаными и от нас даными, судити и справовати маем. Также чужоземцы заграничники великого князства литовского, приездчые и яким колвек обычаем прибылые люди тым же правом мають быть сужоны и на тых врьдехъ где хто выступить.

Артыкул 2

Мы, господар, шлюбуюем никого не карати на заочное поведанье, хотя бы дотыкалося маестату нашего господарского ображенья або зрады речы посполитое. А хто бы теж на кого што несправедливе в тых речах вел около ображенья маестату нашего господарского або

здрaды рeчы пoспoлитoe, a нe дoвeл, тым сaм кaрaн быти мaeть.

Тeж прeдрeчoным прeлaтoм, князaтoм, пaнoм рaдaм, духoвным и свeтским, пaнoм хoругoвным, шлязхтe и мeстaм зeмль вeликoгo князствa литoвскoгo и всих иных зeмль, здaвнa и тeпeр дo тoгo пaнствa вeликoгo князствa литoвскoгo нaлeжaчых, oбeцyeм слoвoм нaшим гoспoдaрским, иж нa жaднoгo чoлoвeкa выдaнъe aбo oсoчeнъe явнoe, тaeмнoe пoдoзрeнъe тых стaнoв, вышeй мeнeных, кoтoрoю кoлвeк винoю пeнeжнoю, кривaвoю, вeзeньeм aлбo дoстoeнств, врядoв aбo имeнъa oдъймoвaньeм винити и кaрaти нe мaeм и нe бeдeм, aжбы пeрвo нa сoймe у суду явным рядoм и пoступкoм прaвa, кoли жалoбник, тo eст пoвoд и oтпoр oбжалoвaный oчeвистe стaнуть и дoстaтoчнe нaкoнeцъ бeдyт пoкoнaны. Кoтoрыe пo судe и пo тaкoвoм пoкoнaнъю винныe мaeютъ быти кaрaни винoю в aрьтыкyлeх, нижeй oписaных, мeнoвитe нaзнaчoнoю. A xтo бы тeж кoлвeк кoгo oбмoвляющы в тых рeчaх oкoлo oбрaжeнъa мaeстaтy нaшoгo aбo здрaды рeчы пoспoлитoe винил кy сoрoмoтe a зeльживoсти, a шлo бы тaкoвoмy oбвинeнoмy o чeсть aбo o гoрлo, aбo кoтoрoe кoлвeк кaрaнъe, тoгдa тoт, xтo нa кoгo мoвить и вeдeт, a нe дoвeдeт, тым кaрaнъeм сaм кaрaн быти мaeть.

Артыкул 3

Обрaжeнъe мaeстaтy нaшoгo гoспoдaрскoгo в чoм сe рoзумeти мaeть и якo зa тo кaрaти.

Кoли бы xтo змoвy aбo спикнeнъe, aбo бунт учинил нa здoрoвъe нaшe, гoспoдaрскoe, xтa бы пaн бoг ухoвaл, иж бы oнaя змoвa нe былa учинкoм пoпoлнeнa, тaкoвый зa слyшным дoвoдoм, якo o тoм нижeй в aртыкyлe пятoм сeгo рoздeлy eст

описано, честь, горло и именья тратить. Теж маестат наш образон бываесть с тое причины, гды бы ся хто бунтовал, покой посполитый взрушаючи, против нас, господаря, або ку шkode речи посполитое мынцу без воли наше бил, або по зейштью з сего света нашем господарском, также и потомков наших, королей полских и великих князей литовских, хотечи хто осести и опановати тое панство великое князство и господарем на нем быти, и войско, люд служебный збирал, выводил. Кто бы теж з неприятельми нашими порозуменье мел, листы до них або послы, радечи против нам, господару и речи посполитой, або остерегаючи слал, тым неприятелем якую помоч давал. Кто бы теж замок наш неприятелю здрадою подал, кроме причины голоду гвалтовного. Кто бы теж люди неприятелские в панство нашо великое князство литовское здрадливе привел, а то бы на него слушне а справедливе было переведено таким же доводом, яко ниже написано, таковый с права, кром суду нашего с паны радами нашими великого князства литовского, честь и горло тратит. А сынове такового зрайцы дорослые, и которые бы теж за доводом слушным оказались быть ведомыми тое здрады отцовское, также честь и горло тратити мають. А тые сынове, которые бы не были лет зуполных дорослых, або другие, и дорослыми будучы, а тое здрады отцовское не были бы ведоми, таковые чести ани горла не будут тратити, однак же и таковые недорослые и дорослые а здрады неведомые сынове за таковый выступ отца своего от всих имень отчизных, выслужонных и которым колвек обычаем набытых вечно отпасти мають. Але вси именья здрайцы такого мимо детей и близких на реч посполитую и на нас, господара, ку столу нашему великому князству припадати будут. А жоны таковых зрадец, которые не будут ли ведали тое здрады мужов своих, а с того ся вывести присегами своими, таковые имень своих отчистых и материстых и вена, перед учинком тое здрады им

от мужей их описаного, не тратят. А дочки теж тых здрадец, ачколвек почстивости своее не тратят, але до именей отчистых не прийдуть. Толко по смерти маток своих до именей материстых и до вена матчиного восполок из сынами, яко вышей описано невинными, водле права их прирожоного приходити мають.

Артыкул 4

О ображенъе маестату нашего господарского, иж кождый обвиненый справоватися винен. И о том, хто перестережетъ и где таковых судити. Также о словном мовенью або писанью о господару.

Теж, коли бы хто якого ж кольвек стану был найден явне подойзраный, иж маестат наш господарский образил, таковому жаден привилей, ани зацность, ани достоенство не маеть помагати, ани ся он им щитити можетъ, абы ся не мел справовати, и где будетъ правом поконан абы не мел каран быти. А хто бы в час перед учинком, милуючи пана бога и пана своего и реч посполитую, справедливе перестерег або объявил таковыя речи, тот маеть ласку нашу господарскую мети и чти подвышенья годен будетъ. Ведь же в том выступе коло ображенья маестату нашего господарского, где кому идеть о честь и о горло, таковых шляхту подданных наших нигдей инде одно на сойме великом валном с паны радами нашими великого князства литовского мы, господар, судити и подле выступу каждого их тым караньем, яко вышей описано, карати роскажем.

А где бы теж хто заочне што образливого о нас, господари, мовил и теж хто бы особу нашу, господарскую, явне и через листы свои явные писанья албо с подписаньем властное руки

своее шкалевал, тогды о то перед нас, господара, на рок завитый маеть быти позван. И покажет ли ся слушным доводом водлуг права шляхтою того панства за его и тых светков присегою, же што ущипливого о нас, господари, мовил або писал неправдиве, тогды за то повинен будет в замку верхнем виленском у везенью учтивом седети шесть недел, а не болш. Вед же может быти менш за ласкою нашою, господарскою, а неоселый — там, где мы, господар, назначим, ведь же не инде одно у великом князстве литовском. А таковую справу на первшом року теж не инде одно у великом князстве литовском с паны радами нашими судити маем, в жадную лимитацыю тое справы не впускаючи. Што если бы ся на первшом року не скончило, тогды вжо в том обвиненый волен быти мает. А покажет ли ся невинность обвиненого, тогды тот хто такового помовил, сам той вине подlegaеть. А для того мы, господар, того, хто таковое мовенье албо писанье нам ознаймить, меновите в позве писати роскажем. А вед же естли бы хто з глупства або шаленства в том выступил, за то мы, господар, братися не будем.

Артыкул 5

О доводе ображенья маестату нашего господарского.

Яко в каждом учинку, за который горлом карають, потреба доводов явных и ясных, так и в ображенью маестату нашего, неледа за осоченьем або обмовеньем, маем ся на подданных наших сквапяти. Але хто на кого ображение маестату ведеть, маеть довести сведецством веры годными и неподозренными, людьми добрыми, шляхтою, семма светками и их и своею присегою. И то при слушных правных доводех и явных а певных знаках того такового учинку. А естли бы хто кого обмовил в том учинку, а звлаща где бы на его менил, же нам,

господару, на здоровье стоял або реч посполитую здрадити и ку упадку привести хотел, а на то ся готовал и усажал, а таковый поведач и сок естли бы таким явным свидетельством не довел, сам отсуженьем почстивости и горлом маеть быти каран.

Артыкул 6

Хто бы колвек с паньства нашего до земли неприятельское утекл.

Теж уставуем, хто бы колвек с подданных наших утекл с паньства нашего до земли неприятельское умыслом злым на зраду а ку шкоде нам, господару, и речы посполитой, такий честь тратить. А дети ачкольвек для того выступу отца своего почстивости своее не тратять, але от именей отца своего отпадывают, которые до столу нашего господарского привернены быти мають, яко ж всих таковых именей по зрадцах яких же кольвек на нас, господара, припалых, мы, господар, николи никому отдавати не маем, абы ся на вси потомные часы зрада такового выступного показывала. А кождый, хто бы што таковых добр у нас, господара, собе упросил, а будучи о то упомянутый, зася до столу нашего господарского пустити не хотел, тогды и тот сам за такого ж безецного розумен быти маеть. А ведь же дети того здрайцы естли бы што мели властного набытья своего албо перед тым учинком отца своего от него отделены были, тогды при том зостати мають. Таким же обычаем и жоны, естли будут не ведали таковое зрады мужов своих, таковые в том будут заховани, яко в третем артыкуле сего розделу о таких ест написано. А если бы тот здрайца, утекаючи до земли неприятельское, был пойман, тот горло и почстивость тратить. А иж вжо заплату свою возметь, дети его яко при чти, так и

при именьях отца своего зоставати мають, так же и жоны при маетности, им належачой.

Артыкул 7

Если бы отец от детей утекл до земли неприятелское, также и которые близкие, и о том, хто бы такого поймал або забил.

Теж уставуем, если бы отец от детей утекл до земли которого неприятеля нашего и сего паньства нашего великого князства литовского, а дети на именью зоставил по себе, тогда именья его на нас, господара, и на реч посполитую спадывають, абовем за выступ отца их вжо суть отдалены от именей. А ведь же который бы сын был делный от отца своего и первой тое части свое в держанью был, нижли утечеть отец его, и мешкал бы на том кром отца не в одном местцу и не в одном дому, а тое зрады и учинку отца своего не ведал и не был бы подозренный и вывелся того присегою своею, тогда таковые сынове и дочки от почстивости свое, именей отчизных и материстых не отпадывають. А если бы который приржоный брат албо дядко, або который ли будь з роду утекл до земли неприятеля нашего и земель поганьских неприятелских, тогда делница, то ест часть его, будеть ли выделена была, альбо и не выделена, спадываеть на реч посполитую и на нас, господара, до столу нашего. А ближний жаден ку тому ничего не маеть мети. А вед же то братьи и близкимь яко почстивости, так и частям именья их шкодити не маеть. А хто бы такового зрадцу утекаючого забил або живого до нас и вряду нашего привел, такового почстивости то шкодити не маеть, але ещо за то годен будеть ласки наше господарское. А если бы такового зрадливого утеканья не довел, тогда сам тым маеть быти каран, яко о доводе и

каратью вышей около ображенья маестату нашого ест описано о том, хто на кого што ведеть, а не доведеть. А гонечи хто за таким здрайцою маеть ся перво на котором кольвек вряде близшом в том гоненью оповедати, иж за тым збегом гонить. А тот артыкул маеть ся стегати на всех тых, якого кольвек народу и стану людей, которые бы в том выступе пойманы были, так через старост граничных, яко и через иншие особы, которые бы за ним гонили, и на который вряд таковой здрайца пойманный будеть дан, маеть быти у везенью задержан до сойму, а на сойме тым же правом маеть быти сужон, окром народу людей стану простого, которые и без сойму сужоны и караны быти мають на вряде том, где будеть пойман.

Артыкул 8

Если бы здрадца кому именье заставил або продал первой, нижли з земли утекл.

Теж коли бы который здрайца первой, ниж до земли неприятельское утечеть, будучи ещо в паньстве нашом, продал або запродад кому якое именье, або люди, або земли, тогды тот, хто купить або закупить, окажет ли на то листы слушные врядовые, иж за тыми того именья в держанью врядовне ест, тогды тот таковое именье, купленное вечностью а закупленное до отданья ему суммы пенезей, держати спокоем маеть. А пакли бы такового доводу правного слушного не оказал, тогды тое купленное або закупленное именье тратить. А о голых долгах за слушными правными записы на именья збеглого внесены, хотя бы ещо хто перед утеченьем водлуг записов ку держанью именья не пришол, так ся розумети маеть, иж тот, хто ся с таковыми долги окажет, маеть присегнути на том, же о умысле его таковом злом не ведаючи, тую сумму пенезей дал. А так за тым от суммы своее отдален быти не маеть, заховуючи в

том при моцы першие записы, яко о том в розделе семом
ниже описано ест. А где бы ся трафило, жебы тот, хто до
земли неприятельское утечет, отбег имения через него у кого
кольвек закупного або такового, о которое бы хто его, будь
близкостью самого того имения або яких кривд, шкод, з него
поделаных, позыскуючи, первой утеченья его позывал, тогды
на закупном имению мы, господар, только сумы, которую
оный збеглый на нем мел, смотрети маем. А принявши суму,
именье тому пуцоно быти маеть, кому вечность его водле
права належати будеть. А о таковое именье, которого бы
близкостью хто доискивался або кривд, шкод, з него
поделаных, доходил, мы, господар, через инстыгатора або
умоцованого нашего на том же вряде, до которого оный
збеглый был позыван, росправу водлуг права посполитого
приняти маем, за обвещеньем и зложенъем нам року через
лист отвороный того то вряду, которого будуть позвы о то
первой зашли. Который лист маеть быть покладан на том же
имению, о которое право идеть, перед початком роков земских
або рочков гродскихъ за шесть недель. А держачий от нас
таковое именье што наборздеи маеть нам о том листе
врядовом знати давати. Пакли быхмо з яких причин на першие
роки або рочки ку такой справе никого от нас не послали,
тогды вряд, тую реч еще до других рочков отложивши,
повторе то нам листом своим ознанити маеть. А то вжо
будеть рок завитый, на который где быхмо никого не послали,
вряд маеть, далее водлуг права слухаючи доводу, судити и
сказывати и нам то листом своим судовым ознанити через
тую ж сторону жалобную. А мы, господарь, яко будучи
сторожом справедливости от пана бога постановленным,
узнаем ли з паны радами нашими суд врядовый слушный,
водлуг того ся ку стороне жалобной заховати будем винни.

Артыкул 9

О спокойном и учтивом захованью при дворе нашем господарском.

Уставуем, гды бы хто будучи при дворе нашем а не поважаючи пристойне зверхности нашего маестату, смел того ся важити, а на кого другого на палацу нашем торгнути слова быстрыми, ущипливыми, славе доброй и учтивости шляхетской шкодливыми, а о то бы ся укривьжоны до нас утекл з жалобою, тогды мы о тую реч ображоному справедливость неотволочную назавтрее ж, а надалей третего дня, маем с паны радами нашими, пры нас на тот час будучими, вделать, и найдет ли ся в том винным, маем того за нашу вину везеньем на замку шесть недел карати. А жалобной стороне о примовку справедливость ведле права учинити. А хто бы на кого перед нами, господарем, або хотя и не перед обличностью нашою, але на палацу, в замку и на дворе нашем торгнулся рукою и дал кому другому поличок, таковый через врьд двору нашего маеть быти зараз прыстигнен и не спущаючи з замку або з двору нашего ставлен перед нами и сужон. А найдет ли ся то с права, же он и початок учинил и ударил, за тую вину нашу маеть быти каран везеньем, седеньем на замку нашем, где будеть воля наша, в том паньстве нашем чверть року. А оному ображоному навезку водлуг стану его совито маеть заразом без складанья жадных роков заплатити. А естли при поличку розкрывавит, тогды навезку также совито платити маеть и через полрока везенье терпети винен будеть. Хто бы теж перед нами, господарем, корда, шабли або якое иное брони достал и ранил, тот горло тратит. А где бы от тое раны умер або хто зараз забит был, тот горло и почстивость тратит, а головщина або навезка совито з имения и маетности его мает быти плачона и отправена без

отволоки. А хотя бы хто, торгнувшись на кого и добывши брони перед нами, не забил и не ранил никого, тот руку тратит. А хто бы в замку, на палацу або в дворе том, где быхмо сами особою нашою господарскою были, на кого другого брони ку зваде достал, таковой, хотя бы не ранил, тогда везеньем у вежи на замку четверть року без вшелякое фолги каран будет. А естли бы ранил, тогда за доводом руку тратит, а з ыменья або маетности рухомое ранному навезька совито отправлена быти мает. А пакли бы хто так шкодливе был ранен, ижбы не мог быть жив, тогда за такового ранного шляхтич и вшелякого стану и достоенства человек мает быти через нас або вряд наш дворный шлюбом завязан до росправы, поки тот ранний с тых ран або умрет, або жив зостанеть. А естли бы от тых ран умер, тогда тот, который ранил, с права за доводом горлом мает быти каран, а головщина з ыменья або маетности винного теж совито плачона будет. А где хто не толко на палацу и дворе, але в месте на улицы або в дому и на котором кольвек местцу в месте том, где мы сами персоною нашою господарскою будем, кого ранил, збил або насмерть забил, тогда тот такой же вине подлечи маеть, яко бы на полацу нашем то вделал. Естли ж бы хто, будучи о такий выступ через вряд наш дворный заказан, не усправедливившись проч зехал, тогда таковой за доводом и поконаньем стороны жалобное водлуг права маеть быти зараз с панств наших выволан, а за учинок, пополненный перед обличностью нашою, або за уеханье через шлюб и чьсти отсужон. Але потомкове за выступ отца своего некоторой вине за то не подлежат, только стороне ображоной отправа водлуг вины на ыменью и маетности его чинена быти маеть. А хто бы перед заказом уехал, а о то бы до заказу очевистого не пришло, маеть по обвиненого позов наш дворный толко на две недели дан быти, и кладен тот позов по оселого на близшом ыменью его, а по неоселого позов такий выданный маеть быти

прибиван у брам замковых и местских, и пры костелех, и через возных обволыван, рок ему ку справе также за две недели назначаючи. А не станет ли и за позвом, то также верхуописаное выволанье и иное каранье водлуг учинку противко него стегатися маеть. Вед же где бы шло о якую реч, што ся чсти дотычеть, тогды то аж на сойме с паны радами нашими здешнего паньства судити маем. А будеть ли такой свовольный на горячем учинку пойман, а тот бы учинок вину отсуженья чсти и горла за собою тягнул, тогды таковой, яко тот, который сам себе тым учинком вольность свою шляхетскую згвалтил, маеть быти у везенью лжейшом до сойму осажон, и потом на сойме первшом ку розсудку в той речи ставен.

Артыкул 10

О погамованью хоженья и стрелянья непотребного з ручниц и з луков при дворе нашем господарском и при каждом вряде нашем судовом.

Еще теж видячи мы в многих людях zufальства и своволенства збытечные, а хочачи то срогостью права посполитого обваровати и завстегнути, уставуем, абы жаден, якого кольвек стану будучи, не смел при дворе нашем господарском, где коли двором нашим мешкати будем, так на палац и двор наш, яко и по месту збройне и з жадными иными бронями ходити, звлаща з ручницею, гаркабузом и з луком, и з жадною иною стрельбою, окром меча, корда, шабли, шпады и иное ручное брони. И для того ж каждый приездчаючи до места того, где мешкати будем, винен будеть ручницы перед местом выстрелити и, скоро приехавши, ручницы, гаркабузы, луки и иную стрельбу в господа поховати и з ними по месту и на палац, ани до врядов наших так в день,

яко и в ночи ходити и стрельбы жадное на месте и в господе чинити не маеть. А где бы хто кого якою стрельбою на палацу або на дворе нашом господарском ранил, тот с права горлом за то каран быти маеть. А естли хто кого в месте на улицы, або в господе стрельбою ранить, тот маеть у вежи на дне полрока седети и раны совито платити. А естли бы на палацу або в дворе нашом там, где сами двором нашим будем, стрельбою забил, такой почстивость и горло тратить. Вед же то детем и потомком его ничого шкодити не будеть, только головщина з имения або маетности его плачона быти маеть. Пакли ж бы хто кого в месте том, где мы, господар, двором нашим будем, на улицы або в господе стрельбою якою забил, тот горлом каран, а детям або близким забитого головщина троякая водлуг стану его з имения и маетности такого мужобойцы плачона быти маеть. А хто бы над сую уставу и заказ наш смел з ручницею або з луком по месту або на палац, або до двору нашего приходити, хотя бы з нее не стрелял, не ранил, ани забил, предся такой бронь тую на врьд наш тратить. А к тому вины на врьд маршалка нашего або тому врьду, до которого бы з бронью такою пришол, винен будеть дванадцать коп грошей заплатити и, поки то заплатить, у везенью седети. А хто бы не мел чим вины тое заплатити, тот дванадцать недель у везенью седети маеть. Вед же для направи до ремесника ручницы ненабитые а луки неналожоные и без стрел приносити и назад односити вольно. А около притягненья до росправы в таком обвиненью мы, господар, и врьды наши дворные заховатися мають водлуг артыкулу вышей описаного в сем же розделе девятого. А иж врьды наши судовые за порученьем нашим, шафуючи справедливостью людскою, местце нашо господарское заедають, прото, беспечность их варуючи, хочем мети, абы таковой же покой з стороны неуживанья тое стрельбы помененое был захован завжды так при судех земских,

городских, подкоморских и комисарских. А против выступных с тое уставы при врьдех наших такое каранье маеть быти стегано, яко тут в сем артыкуле нижей ест описано. То ест где бы хто з ручницею або з луком по месту ходити або до врьду нашего судового приходити смел, хотя бы з нее не стрелял, не ранил, ани забил, таковый такою ж виною каран быти маеть, яко бы то при дворе нашем господарском вделал. Которых вин естли бы заразом заплатити не хотел, тогды то на именью его порядком статутowym отправлено быти маеть. А хто бы з ручницы або з лука и якою кольвек стрельбою ранил кого, будь на месте, в господае альбо перед судом, тот маеть навезку совитую водлуг стану ранного за доводом з розсудку того ж врьду, под которого отправованьем судов то бы се стало, заплатити, будучи винен ку росправе становитисе заразом за заказом врьдовым. А к тому за тое своволенство у вежи земленой чверть года седети в дворе нашем судовом того ж повету. А хто бы через заказ не усправедливившися уехал альбо везенья подняти не хотел, тот, гды будет о то позван, на рок первшый завитый до того ж врьду, под которого судом то се станеть, совитой вине верхуменованой подлегати маеть. А где бы и за позвом не стал, альбо и ставши и правом в том переконанный будучи, досыть сказанью врьдовому з стороны везенья чинити не хотел, тот на выволанье до нас, господара, отослан быти маеть. А с канцлярии нашео заразом выволанье маеть быти давано, выволываючи со всих паньств наших, и поступок против него маеть быти чинен, яко в инших артыкулах о выволаньцох ест описано. Пакли ж бы хто кого такою бронью з ручницы або з лука и якою кольвек стрельбою забил, а был бы на горячом учинку пойман альбо за заказом врьдовым сам в право вдавшися, а слушным правным доводом в том переконан, таковый горло тратить. А головщина троякая водлуг стану забитого детям альбо близским его з маетности оногo мужобойцы лежащее и рухое плачона и отправована

быти маеть. И где бы ся то стало под урядом земским на рокох земских, тогды такого, на горло сказаного, врьд земский и суд подкоморский и комисарский маеть до врьду гродского на покаранье водлуг учинку его отослати. А врьд гродский винен будеть то выполнити, фольги в том не чинечи, под присегою своею, на врьд его учиненою. А естли бы такой обвиненый через заказ врьдовый, не усправедливившися, зехал, тот, будучи позванным до врьду гродского и правом слухным переконаный, также горло тратити маеть, а головщина четверако отправлена быти маеть на маетности его.

А где бы и за позвом не стал, тот вжо тым самым учинком и непослушеньством ку праву не толко горло, але и честь тратити будеть за отосланьем врьдовым з розсудку нашего господарского и панов рад того паньства на сойме за доводом стороны поводовое, водлуг права на конец учиненым, там же перед врьдом нашим гродским на оном року запозваном. А неоселый человек в том панстве нашом, гды бы будь у двору нашего господарского албо под урядом нашим которым судовым, в которую вину с тых верхумененых попал, а не усправедливившися перед заказом або и по заказе врьдовом, албо по справе сказанью досыт не учинивши и везенья не выконавши, проч отехал, таковый где колвек может быти под которым врьдом постигнен, там черезь тот врьд за оказанем на листе судовом переводу правного у оног врьду, от которого зникнул, тыми винами вышей описаными водлуг важности выступку своего каран быти маеть. А где бы шло о учинок кровавый о забойство, таковый неоселый за даньем справы от врьду нашего, под которым ся то станеть, почтивости и горла черезь нас, господара, на сойме отсужон быти маеть, а за раны выволаньем с паньств наших каран будеть.

Артыкул 11

Хто бы напротивку выроку нашому мовил.

Теж уставуем, гды быхмо мы, господар, с паны радами нашими з выроку нашого сказанье учинили, а хто бы смел против тому выроку нашому и по сказанью што противного мовити, тогды таковый якого ж колвек стану так высокого, яко и низшого маеть седети на замку нашем шесть недель, а то никому не маеть быти отпущоно.

Артыкул 12

Хто бы з пригоды до земли сусед наших утекл, и о даванью таким глейту.

Уставуем теж естли бы хто з якое пригоды припалое, кром ображенья маестату нашего и здрады речи посполитое, зехал до земли якого суседа нашего, выймуючи землю неприятелскую, таковый почстивости, горла, ани имения не тратить, одно маеть справоватисе тому, от кого будеть обвинен, и ласки наше господарское перенайдовати за глейтом нашим. А тот глейт наш на врядах и везде, где ся оборочати будеть, а особливе по местом, торгом и при костелех, мает давати обволывати и прибиваньем цедул ознаймовати и рок выйстья глейту оповедати. А то для того, абы себе тым лепшую беспечность меть мог. А если бы в том часе не переправил себе ласки наше господарское и тому, кому завинил, не справил ся, тогды мають такового засе з границ панства нашего за тым же глейтом нашим пропустити, леч не до земли неприятелское. А то мають чинити перед выйсьтем глейту. А нам, господару, волно будеть глейт далший дати еще раз другой, а надалей и третий, яко бы ся от

выволанья перед роком и шестма неделями за тыми глейты выволаный з стороною своею противною росправил и ласку нашу господарскую собе перееднал. И хотя бы хто болш над то глейтов с канцлярыи наше одержал, таковый глейт жадное моцы и важности, яко ку зволоце справедливости одержаный, мети не будеть. То ж ся маеть розумети о даванью глейтов и тым, которые бы за нестаньем своим перед нами, господарем, або перед судом головным, будь теж до суду гродского и земского, або за непоступленьем увязанья водлуг сего ж статуту до выволанья прыходили.

Артыкул 13

О згвалтованье и зламание глейту.

Теж уставуем, естли быхмо мы, господар, глейтом своим кого убеспечили, а тот бы глейт явне и значне был обволан, за которым бы он обвиненый на справу до нас або до вряду нашего приехал, а хто бы такового под тым часом ранил, тогды за раны совитую навезку платити, а за зламание глейту полрока у вежи на дне седети мает. А естли бы забил без его початку и причины, таковый сам маеть быти каран горлом, яко тот, который глейт наш господарский згвалтил, а головщина совитая з маетности его лежачое и рухомое детям або близким его маеть быти плачона. Тым же обычаем хто бы, за глейтом приехавши, а сам спокойне и скромне ся не заховал, а кого без данья причины и не в обороне живота своего ранил або забил и який кольвек гвалт учинил, тот сам собе глейт зламал и за такой учинок и свовольство свое честь и горло тратить. А о то не будеть ли пойман на горячем учинку, позов ити маеть до гроду на рок завитый. И зостанеть ли в том с права винень, ино вряд гродский на горло маеть его сказати. А где бы таковый по учинку зникнул, проч зехал не росправившись,

таковый честь тратить и маеть быть выволян вечным выволяньем со всих паньств наших, жебы ся до них николи не ворочал. А где бы ся таковой где в котором паньстве нашем знашол коли кольвек, предся тое каранье вышей мененое через вряд наш гродский, под которым бы был постигнен, выконано над ним быти маеть. А головщина, раны и шкоды на именью мають быти отправлены або, в недостатку именья, и маетности рухомой, естли бы которая в паньстве нашем зостала. А тож ся маеть розумети и о послех чужоземских, которые до нас, господара, в посольстве приеждчаютъ.

Артыкул 14

О мандатех, в которых речах мають быть с канцлярии наше даваны.

Напервей мандаты мають быти даваны о ображенье маестату нашего, господарского, и о здраду речи посполитое. Теж хто бы, у войску кого забивши або гвалт який, што несеть за собою вину кровавую, учинивши, утекл. Хто бы теж покой посполитый взрушил, яко ест вышей в артыкулах о ображенье маестату нашего, господарского, ширей описано. К тому где бы хто на панов рад наших, воевод, кашталянов, старост, подкоморих и на вряд судовый гродский и земский або комисарский, будучи им на справах наших, господарских, и земских або на суде сидячих, а не поважаючи местца зверхности наше, господарское, торгнулся рукою и кого с тых станов помененых ранил або забил, тогды таковой маеть быти позыван перед нас, господара, мандатом нашим на сейм. А там на сойме з розсудку нашего, где ся то покажетъ, честь и горло тратить. А где бы не ранил, ани забил, одно словне обелжил, тогды таковой маеть быти позван до суду головного трибунальского, а тот суд за доводом слухным маеть его

сказати на везенье до вежи на шесть недель, которое везенье отпущено быти не маеть. Теж листы мандаты наши мають быти даваны в речах и пожиткох, столу и скарбу нашего, господарского, належачих, то ест доходы и пожитки, з добр нашихь приходячие, и чиненья з них личбы и теж от кривды и шкоды подданных наших от врьдников наших, которые бы ся стали з укривженьем скарбу нашего от врьдников наших. Еще теж мають быти мандаты даваны в тых речах, о которых в трибунале, то ест в артыкулах головных судов, до мандатов наших дорога ест указана. К тому теж мають быть мандаты даваны о мыто, где бы старостове, державцы або мытники наши, господарские, мыто новое небывалое, яким кольвек назвиском названное, в местех, на селах, на дорогах, на мостех и торговое на торгох вымышляли и брали албо над уставу а привилья наши мыт подвышали и вытегали, албо от подвод наших, господарских, и шляхетских мыто по дорогах и в местечках брали. А за маньдатов кождый рок маеть быти завитый покладан от поданья очевистого або положенья на имению мандату, естли будем в здешнем панстве, — за чотыри недели, а естли за границю того паньства будем, — за осм недель. А о иншие некоторые речы, кром тых вышей помененых и в трибунале описаных, артыкулы, маньдаты никому гволи с канцляреи наше не мають быть даваны. А естли бы были выданы, тогды сторона о иншую реч, кром тых менованых, мандатом нашим позвана будучи, не повинна будет перед нами становитисе. А за нестаньем жадная сказнь и отправа на такого давана быти и выданая моцы жадное мети не мает, для чого печатари и писары наши постерегаючи в том достоенства и поваги маестату нашего и затрудненья справедливости людское, мають того пилновати, абы над сее замерынье мандаты с канцляреи наше не выходили. А естли бы позванный перед нами стал, о то, же его неслушне мандатом позвано, оказал, тогды тот, хто его вызвал повинен будеть сам

або прокуратор его, не сходечи с права, заплатити вины сто коп грошей, которое вины половица стороне, а другая половица до скарбу нашего быти маеть. А што се дотычеть бранья мыт через князей, панов, шляхту на именьях их так подорожного, яко и торгового мыта, также и на перевозех, будь новых незвыклых без данины нашею або теж подвышшаючи над уставу и привилья наши, таковых хто бы то чинил вольно будеть о то позвати до суду земского того ж повету, в котором се то деяти будеть на рок завитый водлуг артыкулу двадцать девятого, в сем же разделе описаного. А окроме тых причин так маньдатов, яко и позвы наши никоторие за двором нашим никому даваны быти не мають.

Артыкул 15

О позыванье шляхты о забранье безправное именей, грунтов наших господарских.

Хто бы с подданных наших того паньства великого князства литовского, якого кольвек стану будучи, што добр наших господарских, людей, грунтов и иных пожитков безправне и без данины нашею забравшы, держал, альбо што бы потом и за панованья нашего до столу нашего спадало, а то было бы затаивано, ино в таковых речах воеводове, старостове, державцы наши мають тых держачих власность нашу именем нашим господарским перед нас, господара, позвом нашим позвати. За которымь позваньем естли бы се оный шляхтич на комисары брал, тогды мы з стороны нашею комисаров выслати повинни будем, а шляхтичу комисаров так теж з стороны своею вывести волно. И где бы се тые комисары з obu сторон згодили, тогды вжо апеляцыя до нас быти не маеть. Але естли бы се не згодили, тогды апеляцыя до нас, господара, обема сторонам вольно, а мы за тою апеляцыею тут у великом

князстве литовском судити будем с паны радами нашими, которые при нас будутъ.

Артыкул 16

Хто бы листы або печати наши и врьдовые фальшовал, чим маеть быти каран.

Коли бы хто листы або печати наши фальшовал або нахштальт руки наше, так теж канцлера, подканцлерого и писаров наших дворных, земских, гродских и подкоморских того паньства великого князства литовского листы альбо привилья якие змысливши подписовал, або хто бы теж печати наши и врьдов наших собе рыл и у себе их ховал и их уживал, таковый с права за оказаньем явностью певною и доводом слушным ничим иным, только на горле огнем каран быти маеть. Ку тому естли бы теж хто печати и выписы врьдовые переправовал, тестаменты, записы, церографы, на долги листы, на заставы фальшовал або, отбираючи печати от листов ку другим прикладал ку помочи и ку пожитку собе а ку шкоде стороны своее противное, а то бы се на праве знашло и оказало, тот тую реч, о што тые листы идуть и о што за ними право ведеть, тратить и горлом предсе за то маеть быть каран. А хто бы листы фальшованные на якую реч набытую оказал, которые бы по чией смерти з именем або ш чим кольвек до рук пришли, и за такими листы чого уживал або ещо доискивалсе, тот близший присягнути на том, иж такие листы по смерти тых, от которых се ему достали з именем або которою кольвек речю досталися, и за тым то стороне почтивости и горлу шкодити не будетъ. А о тую реч, о што право идеть, предсе можетъ мовити и правом поступовати и ку листом мовити, естли будутъ против праву, але не доткливе. А где бы хто присягнути на том не хотел, тогды яко имяне и

кождую реч, на што тые листы служить, тратит , так и сам горлом каран быти маеть.

Артыкул 17

О фальшованью монеты, о мынцах и о золотарох.

Теж хто бы монету нашу фалшовал, переправовал и обрезаывал, так теж мынцары наши, которые золото, серебро и иншую матерю, належачую и прислухающую ку мынцы, фальшовали бы, зливали и мешали ку пожитку своему а ку шкоде речи посполитое, а того бы се на них досветчно, тые мають быти на горле огнем карани без милосердья. По тому ж и золотары, которые золото, серебро фальшуют и межы того мешають медь, цын або олов, а в том были бы дознани, тогды сами на горле огнем мають быть карани, а з их маетности тому, кому шкоду учинили, маеть быть плачно. Вед же работа тая и матеря, без которое бы тое ремесло их справовано быти не могло, подлуг звыклости ее то фальшом розумено быти не маеть.

Артыкул 18

Не маеть ниhto ни за кого терпети, только кождый сам за себе.

Теж уставуем, иж ниhto ни за чий кольвек учинок не маеть каран и сказован быти, толко тот, который в чом сам винен зостанеть, гды ж того право божое и справедливость хрестиянская учить. Яко ж так хочем мети, абы ни отец за сына, ани сын за отца, кром ображенья маестату нашего и речи посполитое здрады, яко вышей около того ест описано, ани жона за мужа, ани муж за жону, так теж брат за брата, отец

и matka за дочку, дочка за матку або отца, сестра за сестру, и жадный прироженный и слуга за пана, пан за слугу и ниxто иный ни за чый выступ и вчинок не был каран, только кождый сам за свой выступ маеть терпети и каран быти.

Артыкул 19

Хто бы много за мало упросил або безь данины побрал.

Теж хто бы много за мало упросил, а то бы на него слушне с права было переведено и знайдено, вышей, нижли упросил, таковой тую выслугу свою от нас даную всю тратит. А хто бы и добре упросил, а без данины наше што к той выслуге своей взял и к тому ж привернул, предсе тую выслугу и тое забранье тратит. А спадываеть то зась на реч посполитую и на нас, господара. А хто бы ку отчизному именью своему люди або земли, пущы, ловы, озера без данины наше забрал, а то бы се с права показало, тогды маеть каждого человека, колко будеть взял, своими отчизными навязывати и з землями, або кождую землю землею. А вед же не на голую повесть и обмову, але за огледаньем и выведаньем слушным и справедливым, правным поступком и доводом через людей цнотливых и веры годных, комисаров тубылцов, ровностью права и одинакими доводами вдаючисе, мы, господар, в таковой речи о грунт землений в ровное право з шляхтою, яко о том нижей описано.

Артыкул 20

О реч земленую межи именьями нашими князьскими, паньскими и шляхетскими мы, господар, одним тым правом судити ся маем.

Теж мы, господар, обещуем и хотим, абы то через нас и потомков наших вечно было держано, иж где бы се трафило в ыменьях наших спор и розница межи грунтами нашими и теж межи грунтами костелными подаванье нашего, а также межи грунтами нашими и шляхетскими и межи тыми именьями, которые вышли з данины нашею дочасне, иж в той речи землею маем мы и потомки наши, великие князи литовские, также одним правом, яко и подданные наши великого князства судитися, а не йначей. И чий довод слушный будет водле права, тот ку доводу мает быти припущон. А где бы нам с права от подкоморего або от комисаров довод был сказан, тогды тот шляхтич на местцо старостино ку присезе маеть зо всею волости нашею ку тому местцу, о который спор идетъ, прилеглых, кого сам похочет, семи человекъ обрати, родичов або заседельных людей того села, где спор идетъ, добре ведомых грунтов и границъ того села, которые на тот час при том граниченью будутъ. А старосты або державцы и тивуны будутъ их повинни ставити. А предсе сведки з обух сторон ставены быти мають водле артыкулу дванадцатого и шеснадцатого в розделе девятом.

Артыкул 21

**О листех заповедных, иж не мають быти с канцляреи
нашое выдаваны.**

Теж обещуем, иж листов наших заповедных на продолжение справедливости людское, яко кольвек повстегаючи або задерживаючи ее от тех часов напотом до всяких судов, мы сами и потомки наши великие князи литовские давати не будем, кром только тех причин нижей описанных. Первое — коли бы хто о реч посполитую у неприятелей наших у везенью был; другое — коли бы хто на службе нашей и речи посполитое в поселстве до земель чужих або на граничение паньств наших з паньствы або землями суседов наших заграничных, также и в наших речах господарских властных за границу с паньств наших послан был, — таковым только листы наши мають быти до стороны и вряду даваны. А в иных речах, кроме тех менованных причин, хотя бы и листы выданы были кому, тогды всякие вряды наши судовые таковых листов заповедных, ку кривде одное стороны одержанных, не повинни приймавати, ани их послушни быти.

Артыкул 22

**О врядникох дворных, воеводах, старостах украинных и
людях служебных, же се с права вымовляти не мають.**

Забегаючи мы, господар, продолжению справедливости людское, уставуем, иж врядники наши дворные, панове печатари, маршалки, подскарбие, писары, секретары и вси иные врядники и слуги наши дворные, также воеводове, старостове украинные и теж люди служебные, езные и пешие,

в полю и на замкох будучие, которые без рушенья посполитого за пенези служить, так ротмистры сами, яко и товаришы их, будучи з именей своих до которого ж кольвек вряду або и перед маестат наш водле права позвани под часом покою в князстве литовском, не мають и не будут мочы з отказу правного забавою таковых служб своих вымовлятисе. И мы, господар, таковых листы нашими от права вызволяти не маем, але кождый з них повинен будет поступком правным або сам, або через умоцованого своего за позвы становитисе и усправедливяти, вынявши тых, которые на службе речы посполитое або поселством в справах земских забавены будут, што он по звороченью с тое послуги, на перших рокох будучи позванный, явне оказати и усправедливитисе, на другую послугу не отеждчаючи, маеть. А естли бы на тых других рокох того значне водле права, иж на послузе таковой был, не оказал, а то ку зволоце стороне учинил, тогды вжо на тых рокох вторых, яко на року завитом, суд тот, не припускаючи стороны позванное ку отводу, сторону поводовую ку доводу припустивши, тую реч, о што позвано, на упад на немь всказати за доводом водле права и сего статуту маеть.

Артыкул 23

Листы отворонные кождому мають ворочаны быти.

Теж хто бы листы наши або врядовые отворонные в жалобе своей до кого принес, будь до князя або пана, або державцы, або земенин до земенина, або до мещан, тогды таковые листы мають быти даваны, а заразом и копея при листе за печатью возного. Естли пану або вряднику в руки дадут, тогды зараз, вычитавшы лист таковой, маеть его вернути тому ж возному. А хто бы кольвек з них оный лист отворонный, прочетши, у себе задержал и, копею з него взявши под печатью возного,

оному засе того листу не хотел вернути, тогды таковой за противность свою нам, господару, у вину впадывает в двадцать рублей грошей. А за загамованье листов воеводиных, старостиных и вряду земского оному вряду шесть рублей грошей, а стороне другую шесть рублей грошей маеть заплатити. А ведь же листы отворонные мають обычаем слушным даваны быти через возного поветового и перед людьми стороньными шляхтою. А позвати о тое загамованье листу на рок завитый до того вряду, от которого листу будеть, а о лист наш, господарский, або панов рад их милости — до суду земского.

Артыкул 24

О збитью, зельживости албо и забитью посланца нашего господарского албо и возного при власных листех наших господарских.

Уставуем: хто бы посланца нашего, господарского, албо теж возного за листы нашими, господарскими, сам тот, до кого бы листы належали, албо через слуг, подданных своих и через кого ж кольвек збил албо, листы от него взявши, содрал, албо посланца нашего любо теж возного, будь теж сторону, при них будучую, листы, мандаты, позвы ести примусил и тым нас, господара, и зверхности наше не учстил, тогды тот за слушным доводом полгода на замку нашем у Вилни верхнем седети, а того посланца албо возного совито навезати водлуг стану его повинен будеть. Вед же дворенин посланец наш, также и возный при поданью таковых листов наших и при всякой справе, на которую хто з них послан будеть, маеть мети при собе сторону — двух шляхтичов для подпоры своее. А хто бы посланца нашего албо возного, за листы нашими до кого посланого, албо теж сторону насмерть забил, таковой с права

за доводом слушным горлом каран, а головщина з ыменья, а естли бы ыменья не мел, тогды з маетности его рухомое, троякая водлуг стану забитого плачона быти маеть. А позвати о такую зелживость, бой албо забийство на рок завитый перед суд головный трибуналский, который в том году на справах судовых заседати будеть, на котором же кольвек местцу, не гледечи на то, в котором повете обвиненый оселость свою мети будеть. А тот суд головный без вшелякое фолги то судити и винного за выступ водле сего артыкулу карати маеть. Пакли ж бы што с тых помененых речей посланцу нашему або возному, будь теж стороне, слуги албо подданные, албо хто ж кольвек з дому того, до кого будеть дворенин албо возный послан, учинили, ино в позве маеть быти описано, естли то з росказанья самого пана учинили, ижбы сам стал, а естли бы не з его росказанья, тогды абы тых обвиненых сам албо через умоцованого своего становитися и тых слуг албо подданных и кожного такого, хто бы то з дому его учинил, хотя бы и не припоручени были, ставити повинен будеть. А покажет ли се то с права за слушным доводом, же то будет сам учинил албо з его власного росказанья в дому, албо з дому его, албо в лесе, на ыменью то вчинено, тогды вов все тот сам господар домовый водле выступку своего попастьи мает. А где бы тот пан сам, куторому бы вина дана, не зналсе до такого росказанья, тогды не згола, але присегою отведшися, будеть от того волен. А однак же с тых обвиненых слуг и подданных своих, и через кого кольвек то бы ся стало, там же заразом на року запозваном суд головный справедливость поступком правным чинити маеть. И естли хотя слуга, але шляхтич, то учинить, той же вине, вышей менованой, подляжеть. А естли не шляхтич — горлом каран быти маеть. Пакли ж бы хто не мог таких обвиненых ку праву ставити за зникненьем их, ино будеть винен присегу на том учинити, иж то без воли и росказанья его сталосе, также и без воли а ведомости его тот

албо тые обвиненные зникнули и поутекали. А за таким отводом сам от обжалованья волен будеть. А тых обвиненных стороне укривжоной волно будеть где можеть постигати и справедливости з ними доводити. А такому позванью неочивистому двои роки до суду головного служити мають. Для того, естли в неведомости оного, который будеть позван, на именью его позов был положон, а не мог бы зехати альбо обвиненных ставити на першый рок, а за другим позвом и на другом року гды станеть, маеть присегнути, же не мог становитисе на першом року за неборздым принесеньем ему ведомости о позве, звлаща, гды приидеть самой особе на присегу. Прото тая присега — неведомость позву — мает быти посполу с тою, яко вышей описано, иж без росказанья и ведомости его то се стало. А тым же обычаем поступовати мають, гды бы в небытности самого пана на именью што с тых речей посланцу нашему албо возному, албо стороне за листы нашими вчинено. Если ж бы хто, будучи в такой речи позван, и на другом року без причин слушных правных сам альбо через умоцованого своего не стал и водлуг сего артыкулу усправедливитися не хотел, против такового суд головный заховатися маеть водлуг того, яко в артыкулах на суд гродский около речей кровавых вынятых за нестаньем сторон позванных ест описано.

Артыкул 25

О листы заручные.

Теж обещуем и маем давати о беспечность здоровья подданым нашим шляхте за похвалками и звазненьем чиим кольвек противко их на кожного з великих и ровных аж до низших станов с канцляреи наше листы заручные и закладу на них казати описовати межи шляхтою з obu сторон особ

собе ровных; маеть быти заклад або зарука покладана так великая, якое жалобная сторона потребовати будеть, аж до десети тисечей коп грошей. А где бы шляхтич против особы стану вышшого и можнейшого заручного листу потребовал, таковому маеть быти зарука в листе описана, также великая аж до десети тисечей коп грошей. А тая зарука покладана быти маеть в листах заручных о обеспечность здоровья самых особ шляхетских. А хто бы, за похвалкою або звазненъем своим обнесен будучи в рядовне листом нашим або в ряду нашего заручным, а через тот заклад наш кого сам або з направи своее через кого кольвек иного забил, тогды с права за слухным доводом горлом маеть быти каран без милосердья, хотя бы и на горячем учинку не был пойман. А тое заруки, на листе описаное, половица на нас, господара, до скарбу земского великого князства литовского, а другая половица на дети, потомки або близкие забитого и на именью противного отправлена быти маеть без жадное фольги. А хотя бы хто и не забил, але предсе ранил або бой через заруку учинил, тот также у заруку упадывается. А навезку водлуг стану и шкоды за доводом слухным платити будеть повинен. А тое заруки также половица нам до скарбу земского, а другая половица стороне жалобной отправлена быти маеть. А ведь же где бы шляхтич, в заруки попалый, так много маетности лежачое и рухомое не мел, на чом бы тая вся зарука отправлена быти мела, ино, колько ж маетности мети будеть, тое половица до скарбу земского, а другая половица стороне подана быти маеть, а остаток заруки на особе самой водлуг порядку сего статуту отправлено быти маеть. И не маем никому таковых закладов отпускати, а то для завстегненья свовольства и злости людское и для захованья покою посполитого. А если бы тот, который заруку вынес, сам або з направи своее через кого кольвек иного забойство або зраненье оному, на кого заруку взял, учинил, тот сам такою ж

виною маеть быти каран. А в небытности нашой в здешнем паньстве воеводове и старостове судовые, где книги лежать, будуть мочи листы заручные под печатями своими шляхте давати по тому ж, яко вышей ест описано. А на воевод, старост судовых в небытности нашой в том паньстве великом князстве литовском вряд наш земский судовый листы заручные и кромя роков судовых шляхте давати маеть под такими ж заклады. Ведь же то предсе варуем, иж где бы и по вынесенью заруки трафилосе то, жебы слуги, бояре, подданные обеюх сторон где на торгу, на дорозе або в корчме, в небытности панов своих повадившисе, промежку себе забойство або бой, раны одна сторона другой учинила, ино одна сторона другой под заруки не подлагаеть, одно справедливости неотволочное поступком права доводити собе мають. А естли бы которая сторона при обжалованью своем того правне довела, иж самой особе его обельживость, зраненье, бой альбо забитье сталосе, особе, убеспечоной заклады, тогды позванный где бы слушний довод противко нему не показалсе, близший будеть отприсегнутисе, же то без росказанья и ведомости его сталосе. Вед же с тых слуг и подданных своих, которые помененый о тот выступ маеть ставити на том вряде, и заразом справедливость з них укривжоной стороне чинена от вряду быти маеть, и подле заслуги коранье онесуть с того ж вряду. А где бы шло не о тую особу, которм заклады служить, але о слуги и подданные, жебы се таковой бой або забойство стало з волею оного, тогды за доводом и переконаньем правным навезка и головщизна трояко маеть быти плачона водлуг стану кожного с таковых укривжоных.

Артыкул 26

О отповедниках неоселых.

Теж уставуем: хто ж колвек неоселый, будь тубылецъ панства нашего, великого князства литовского, яко и чужоземец, кому теж кольвек иншому отповедь обличне або через лист, або теж заочне учинил, таковый отповедник мает быти поставлен через заказанье от нас, господара, або вряду замкового або земского перед правом, где бы колвек при котором вряде то се деяло. И естли бы тот оное отповеди перед врядом на него довел водле права, то ест будь то писмом его властное руки або сведецством трох або двух шляхтичов, тогды таковый отповедник неоселый маеть быть на замку нашом посажон и седети маеть дванадцать недель. А вед же, и выседевши дванадцать недел, не маеть быти с того везеннья выпущон, аж первой себе рукоемством уистить, абы тот, против кого отповедь чинил, в покою от него был. А где бы жалобник доводу писмом або светками на тую отповедь мети не мог, а ку присязе бралсе, тогды обжалованный близыший будеть отприсегнутисе и от того волен быти маеть, же ему не отповедал.

Артыкул 27

О листех железных, кому мають быть даваны.

Теж уставуем, иж листы железные с канцляреи наше не мають быти даваны тым, которые маетности свои на збытках марне утратили и за токовыми збыточными утратами в долги попали, але тым маем давати таковые листы, которые в долги пришли и в убоство попали з божего допущенья, то ест ижбы огнем погорели або маетности их стонули, або бы от розбою,

або от непрыятеля нашего забраны были, або хто бы теж для речи посполитое ку утрате и убоству и ку долгом пришол, также купцом и иным людем упалым, окром жидов. Вед же дальшого часу волности не маем тыми листы узычати и давати, толко в наболшой речи и суме тры годы. А в том часе маеть се тот о заплату старати. А вед же кому быхмо хотели такового листу железного узычати, тогды с канцляреи нашеое тот маеть быти отослан до вряду нашего належачого, откуль ест, перед которым врядом хто такового листу железного потребуеть, маеть рукоемство слушное поставити людей добрих, оселых и уиститися ими и их маетностями, иж не зникнуть в tych лeтeх, яко на листе ему назначоно. А на остатни день выстья року будуть повинни рукоими оногo на том же вряде поставити, а должники долгов своих и оногo истца в того вряду упоминатисе, найдовати и доходити будуть. А естли бы рукоими не поставили, тогды сами за листы або за доводом правным тые долги повинни будуть платити. Вед же где бы в том часе на листе замероным тот человек должный умер, тогды поручники, доведши того выписом врядовым, под которым такий должник умереть, в той речи вольни будутъ. А тые, кому што винно будетъ, мають долгов своих смотрети на маетности оногo змерлого должника своего водлуг права, которое до того мети будутъ.

Артыкул 28

Кому бы шло о честь, яко борздо справедливость учинена быти маеть.

Теж обещуем и будем повинни кождому с подданных наших, кому бы шло о честь, прудкую а неотволочную справедливость учинити на первшом близкопришлом сойме великом вальном с паны радами нашими великого князства

литовского без всякое отволоки. А естли быхмо на первом сойме для затрудненья справ речи посполитое того судити не могли, ино вжо на другом сойме конечно то скончити маем. А до розсудку нашего вшелякая примовка або обвиненье почстивости оного обвиненого ничего не маеть шкодити. А хотя бы умер або забит был, не дождавши того розсудку нашего, тогды то ему, ани потомком его ничего шкодити не маеть, и з службы наше, господарское, и земское таковые приганенные не мають се вымовляти.

Артыкул 29

О мытах новых и о вольности засаженья местечок, и о будованью мостов або гробель в именьях шляхетских.

Теж уставуем и приказуем, абы жадин человек в том паньстве нашем, великом князстве литовском, не смел новых мыт вымышляти ани на дорогах, ни на мостех, ани на греблях, ани на реках, ани на перевозех, ани в торгах, ани на местечках и стодолах або корчмах, на гостинцах, в именах своих, кроме которые бывали зстародавна уставлены або мели бы на то листы предков наших або наши. А хто бы кольвек смел мыто подорожное и на торгах новое якое ж кольвек сам без данины наше в именю своем змышляти и установляти або над старый звычай и данину нашу повышшати, тогды тое именье, в котором то будеть хто чинил, где бы се то оказалось за слушным доводом, тратить, и спадываеть тое именье на реч посполитую и на нас, господара, до столу нашего, великого князства литовского. А которые здавна за привильями и листами нашими мыто и мостовое на именьях своих берутъ, тые властным накладом своим в тых именьях своих на дорогах гати, мосты, гребли, ровы направовати мають. А где бы хто мостов, гатей, гробель направленных не мел, а для того

бы переезд был трудный, а кому бы се на tych местцах шкода стала, тому тот же пан, хто мыто береть, винен будеть шкоду оправити и з накладом, што ищучи шкоды наложить. А старостове, державцы або мытники наши естли бы также беручи мыто дорог на именьях наших не направовали, тогды шкоду и наклад тому, хто ищучи што наложить, винни будуть платити.

А которые бы теж князи, панове, земляне, шляхта старие дороги ставы своими затопили або заорали, привлащаючы себе пожитки, таковые дороги новые мають быти положоны не ку кривде людем перееждчим, але што может быти напростей и так абы были направованы, жебы з возы тяжкими везде беспечный переезд был. А к тому иншие стародавние дороги на именьях и на грунтех своих на местцах потребных и топких поправовати, мосты мостити, гати гатити тые, которые зстародавна людми то робливали, и вперед будут повинни. А где бы на чием именью або грунте злый переезд был, а шляхтич хотел бы его направовати, а с того себе за наклад свой пожиток меть, тогды тот мает се до нас, господара, утечы. А мы, доведавши се того через комисаров наших, ку тому именью его прилеглых, маем ему дати и установити от купцов и иных перееждчих людей, окром станов, от того сим статутом вызволенных, яко о том нижей описано, мыто або плат подле важности накладу его и ласки наше, господарское. Так теж врядники и мытники наши по дорогах, местечках и по селах наших, господарских, и теж князских, паньских и землянских, где первой мыта не бирано, часу празников и сходов жадных мыт и торгового вымышляти и брати не мають. А если бы се важили то учинити, тогды мають гвалту дванадцать коп грошей и шкоды з навезкою оправити. А на реках портовых и на которых порт может быть где кольвек в панстве нашем, великом князстве, жаден ставов новых

ставити и гребел сыпати ку переказе порту и спусту не мають. А естли бы хто занял, тогды местце волное ку порту маєт зоставити. Так теж и езы на реках портовых где зьстародавна бывали, хто бы ставил, тогды предсе маєть местца зоставляти так слушные, абы езом або тамованьем никому се шкода не стала. И таковых речей воеводове, старостове и державцы наши кождый в державе своей мають досмотрати. А новых мыт абы на реках портовых, на ставех и на греблях не было. Так теж на езох абы проходы слушные без завад на реках были заставованы. А хто бы зь обывателей того паньства нашего якого кольвек стану и народу шляхетского для примноженья собе пожитку хотел на грунте своем местечко новое садити, то ему волно будеть учинити, и торговое в нем водлуг давного звыклого обычаю, яко се то в местечкох иных князских и паньских заховесть, установити.

Артыкул 30

О небранью мыта от шляхты и подвод их.

Теж з ласки и доброты наше, господарское, князем, паном радом, духовным и светским, шляхте в том панстве нашем даем тую вольность на водах, на дорогах, то ест сухим путем и воденым, на торгох и на мостех, так по именьях наших, яко и по их властных, спущати, провадити и продавати добровольне з их властных гумен кождому его работы правдивое его збоже, а не купленое; от того не маєть быти мыто давано. Так теж и от подвод шляхетских, которые з их властными речми и збожем ходять, от того всего мыто и мостовое брано быть не маєть. А естли бы што купленого збожя и иных речей пры том было, от того мають мыто платити. А ведь же сами особами своими або, где бых самых при том не было, тогды слуги их або справцы, от них при том

посланные, веры годные на мытех наших головных, где будет
вряд гродский або местский, перед врядом тым при бытности
справцы албо писара мытного. А где вряду такового нет, ино
перед справцою мытным мають присегнути, што ест
правдивое роботы его домовое, а што теж прикупленное ротою
таковою, яко ест нижей описано. И гды на одной коморе
присега учинена будеть, тогды вжо на иных коморах не
потреба будеть присегать, але пропущоно маеть быти за
квитом, з оное первшое коморы взятым. А подводы без
присеги мають быть пропущоны, только за листы и печатми
панов своих. Тым же обычаем и о лесные товары и о всякое
господарство маеть се розумети и безмытне пропущаны быти.
Также и от того мыто на шляхте брано быти не маеть, хто з
них што купивши на свою властную потребу и обыход
домовый, а не на продажу никому обчому альбо и подданным
своим, будь з мест наших, господарских, або заграничных
паньств повезеть. А на мостех стародавных, где перед тым
што будеть давано, только от подвод таких, которие, збоже
перекупуючи на продажу, без листов панов своих везуть, тые
подле стародавного обычаю мають давати мостовое. А
присега таковым способом маеть быти чинена: я, найме,
присегаю пану богу всемогущому, в тройцы единому, иж тот
товар або збоже, которий спущаю альбо везу и тут оповедаю,
ест властный мой або пана моего господарства домового, не
купованый, ани з чужого имения способленный, але ест з
властного имения своего або пана моего — так ми, пане боже,
поможы. А тым же обычаем мають присегати, отменивши
только слов тых, же з заставного имения або з державы
доживотное тые товары альбо збоже спущаеть альбо везет, не
закриваючи в том купцов вшелякого стану, которые звыкли
лесы у иных закуповати и под тытулом их спущати, угору
идучы, иж: тот товар везу альбо проважу на властную домовую
потребу свою альбо пана своего, не на жадную продажу, ани на

гандель, але на властный обыход дому своего албо пана своего, чого я або пан мой обчым людем, ани своим подданым продавати не маеть — так ми, боже, поможи.

Артыкул 31

О прочищенью рек портовых.

Обачаючи пожиток не менший людей народу шляхетского, также и мест наших головных, до которых бы се латвей живности и иные потребности спустом воденым спровожати могли, уставуем, иж естли бы в котором краю в том панстве нашем, великом князстве литовском, река портовая была, которою бы до мест наших головных спуст быти мог, а прочищенья бы потребовала, тогды старостове и державцы добр наших, где такая река через грунты наши идетъ, поддаными нашими повинни будутъ оную реку вычистити и порт направити так, яко бы се ею комяги, витины, судна воденые и плоты дерева, на будованье и на дрова годного, без завады проходить могли. По тому ж и вси станы так духовные, яко и светские от навышное аж до низное особы повинни будутъ заховатисе и таковыя реки портовые, через именье и грунт их идучие, вычищати и направовати, яко се вышей поменило. Гды ж то не без пожитку их будутъ, бо што бы мел на сту подводах до места нашего головного живности, от выхованья его зосталые, для продажи послати, то може судном воденым путем через колько человека отправити. А хто пущы свои над портом маеть, пущаючи дерево, на будованье и на дрова годное, великий пожиток себе прибавить. А где бы через именье спольное таковая река шла, а один бы учасник або и колько их хотели бы тую реку до спусту выправити, а другие бы учасники их до того одному або колько их до помочы и до вычищенья таковое реки

причинитисе не хотели, тогда тые, которые вычищать мають там подкоморого поветового вывести. А подкоморий маеть тот наклад их за доводом слушным ошачовати и нам то на листе своем ознанити. А мы, господар, маем тому або тым особам, которые то реку вычистять, за наклад их дать мыто выбирать от тых, которые тою рекою збоже и иные товари спущати на продажу будеть. Вед же потуль того мыта им позволить маем, поки наклад свой, на тое вычищенье реки учиненый, выберуть.

Артыкул 32

Хто бы под ким што упросил, а тому наперед дано.

Уставуем теж, хто бы под ким именье, люди, земли у нас, господара, упросил и в привилью бы то себе описал, а в того бы, под ким то он себе упросил, первой была на дате або на привилью нашем описано, и то ему потвержоно, и того он поживал и в держанью был, тогда таковый первый привилей або лист при моцы мает зостати. А за ним тот, кому дано тую реч, держати и поживати маеть водлуг листов и потверженья нашего первшого, а последние листы в ни во што обернены будуть. Так же се мають розумети и о листех на врьды.

Артыкул 33

Хто бы на што листы упросил, а того в держанью не был, и о експэктативах.

Теж уставуем, естли бы хто у нас, господара, именье, люди або земли выпросил и в листе данины наше ему то было описано, а того в держанью и в поживанью не был до десети лет, тогда и листы наши и дата таковая потом жадное моцы

меть не маеть. Так теж, справуючися водле прав хрестияньских и теж остерегаючи, абы межи поддаными нашими небеспочность и ростырки не множилися, уставуем, абы от сего часу жадные листы, которые по латине експэктатывами зовуть, жадное моцы не мели, а хотя бы от нас кому были даны, предсе держаны быти не мають, нижли естли бы хто сам по своей доброй воли перед нами, господарем, з волею нашою, господарскою, на то призволил з державы своее, што за живота своего в держае кому пустил, того заразом при животе своем маеть уступити и то людем, в летех дорослым и годным.

Артыкул 34

О недаванью двох достоенств або врьдов одной особе.

За прозбою всих станов великого князства литовского, бачечы мы, господар, з лепшим пожитком и оздобою речи посполитое, гды ж дыгнитарство и врьды два судовые одной особе даваны не будутъ, прото уставуем и мети то хочем, и полнити обещуем, што ж одной особе бы назацнейшой и назаслуженшой двух дыгнитарств в лавицы рады нашое, так теж двух врьдов земских и дворных, и староств судовых от сего часу и на вси потомные часы давати не маем. А хто бы якое ж кольвек дыгнитарство в ряде нашей албо врьд дворный, земский, будь теж староство судовое, против сего статуту одержал, такового владзы ниhto подлечи не будетъ повинен. И овшем хто кольвек его перед нас, господара, на сейм позовет, тогды на первшом року яко на завитом стати маеть. И станеть ли албо не станет, мы, господар, там же на том року оного дыгнитарства албо врьду судового, о который будетъ позван, отсудити маем а иншому дать. А тому, хто о то его позоветъ, тот же позванный сто коп грошей заплатити

повинен будетъ, и то на маетности его отправлено быти маеть, не складаючи роков статutowых.

Артыкул 35

Абы се в дворех наших, господарских, не становил ниhto.

Теж уставуем, иж жаден пан и ниhto з подданных наших свовольне в дворех наших у великом князстве литовском, ездячи дорогами, не мають се становити и стацей на себе и на кони свои з дворов наших брати, ставов, сажовок и озер наших волочыти. А естли бы хто напpотивко той уставе нашей учинил, а в дворех наших становился, стацыю собе и коням своим з дворов наших брал, ставы, сажовки и озера волочил, тогды, за слущным доводом с права в том поконанный, маеть на замку дванадцать недель седети, а шкоды оправити.

Роздел второй. О обороне земской

Артыкул 1

О повинности, яко вси обыватели тутошнего паньства службу земскую служити мають.

Уставуем теж с призволением рад наших и всих станов подданных наших паньства того, великого князства литовского, иж вси станы духовные и светские, княжата, панята и врядники земские, дворные, дворане и земяне, шляхта хоруговная и вдовы, и теж татарове и мещане мест наших, маючи именья земские, и кождый от вышшого до низшого стану, никого не выймуючи, лета зуполные маючие, часу потребы з нами и с потомки нашими або при гетманех наших винни будуть сами особами своими войну служити и выправовати на службу военную, коли бы колвек была потреба водле уфалы земское з соймов вальных, яко на он час будет потреба указывати, звлаща гды бы рушение посполитое было уфалено, то ест юко з людей отчизных и похожих и з ыменей яко отчизных, матерыстых, так выслужоных и купленых, и яко кольвек набытых. А вдовы, сироты и дети, лет зуполных не маючие, мають выправовать водле важности именей своих конно, збройно, яко се на сойме постановит. А на местцы, наменованом через листы наши, маеть се очевисто кождый ставить и дать се пописать и шиховать гетману нашему великому того паньства, великого князства литовского, на тот день, который через нас к тому попису будет положон и обволан. А коли было колько братьи недельное, тогды братья мають межи себе годнейшого лет дорослого выбравши и послати, который з именья неделного

маеть войну служити тым же обычаем, яко вышей описано. Хочем теж мети и уставуем, абы вси подданные наши мещане часу навалное потребы з иншими людьми нашими войну служили або з дозволеньем нашим на войну выправовали водлуг постановенья соймового. А хто бы кольвек с тых подданных наших шляхты и рицерства всякого, также и всякого стану, маючи именья земские, войны не служил або, приехавшы на рок положоный, не пописалсе, а хотя бы и пописалсе, а шиху не дождал, або и шиховавшись, без воли нашею або гетмана нашего великого проч поехал, тот именье свое все тратить на реч посполитую и на нас, господара, под тым обычаем, яко бы войны не служил. И для того ж мы, господар, обещуем тот вряд, гетманьство великое, годным и досветчоным людем народу шляхетского, родичом стародавным тутошнего паньства нашего, великого князства литовского, давати и тое местце засаживати.

Артыкул 2

О постановенью и обороне земской.

Обещуем и уставуем вечными часы, иж гды будеть потреба против которого неприятеля нашего обороны земское сему паньству нашему, великому князству литовскому, албо вальку вести, тогды мы сами, господар, и с паны радами нашими не маем и не будем мочы того учинити, ани серебщизны и плату никоторого и ниякого побору установляти так на подданных князских, паньских и земянских, яко теж и на местех и подданных наших, господарских, али ж первой сем великий валный зложившы, на который сем за росказаньем и листы нашими будуть повинни вси станы, сойму належачые, зехатисе и там, на сойме, мы, господар, и з их милостью паны радами и послы земскими, с порадою и згодным призволеньем

их таковыя речы о войне намовляти и становити маем. И який способ сполне за уфалою всих станов на сойме намовлен и постановлен будеть, таковым порядком отправоватисе маеть, а не иначе. А без сойму и позволенья всих станов войны вщинати и вести не маем.

Артыкул 3

О невызволенье з войны листы нашими и теж — кого вызволяти вольно.

Теж уставуем, иж мы не маем жадного з войны от службы земское так словным розказаньем, яко и через листы наши вызволяти и з войска отпущати. Так теж и гетманове наши не будуть мочы вызволяти и з войска отпущати, кром тых врядников и слуг наших, которых мы, господар, на он час для послуг наших и справ земских зоставим. А ведь же и тые почты свои водле уфалы соймовое винни слати и выправовати. А што се дотычеть старост и державец украинных, тые часу вальки также повинни з именей своих у войско, яко и иные шляхта, почты свои ку службе земской выправовати и становити. А сами они, а звлаща тые, которым быхмо у войско листы нашими и панове рады або гетман наш не казали ити, таковыя почты свои, што з урядов повинни ставити, мають для обороны и потреб замковых при собе на оных замкох наших, которые от нас держать, зоставити.

Артыкул 4

О именья заставные, хто з них службу земскую служити маеть.

Теж уставуем, естли бы который пан або шляхтич один другому именье в суме пенезей заставил, тогды тот, хто закупит и в держанью будеть, службу земскую с того заступовати мает и повинен будеть.

Артыкул 5

О хоружих земском, дворном и поветовых.

Хоружства во всих землях и поветех великого князства где до того часу бывали, таким радом и способом мають быти захованы, иж мы, господар, хоружих инакших не маем установляти, только людей зацных, годных, ростропных, родичов властных того панства и оселых в повете том. Вед же того вряду хоружства иначей давати не маем за обраньем на то певных особ через обывателей кождое земли и повету тым порядком, яко обирание врядников судовых, земских в сем же статуте ест описано. А с тых особ, обранных и нам от станов поданных, кому се нам с паны радами нашими напристойней видети будеть, того мы зверхности наше, господарское, на тот вряд преложим и привильем нашим потвердим. А хоружий, гды будеть хоругов держати, маеть на себе мети зброю добрую, и гелм або шишак, и бронь, а конь абы под ним был добрый. А хоругов сам хоружый в гуфе своем на шиху и ку потребе маеть держати и статечне се в том вrade на потребах наших и земских маеть заховати подлуг цноты и повинности, на хоружых належачое, не засажываючи местца своего иным под страченьем вряду, окром обложное хоробы.

А хоругови мають им быти даваны з скарбу нашего подлуг давного обычая. А хоружый земский и дворный мають быти в урядех своих подле стародавнего обычая захованы, а в земли Жомоитской водле давного звыклого обычаю заховатисе мають.

Артыкул 6

О збиранью и тягненью шляхты на войну.

Теж мы, господар, для пораднейшого тягненья на войну, абы в том шкода людем не была, так уставуем, иж где бы з уфалы сойму великого вального пришло до рушенья посполитого всих, тогды хоружий, давши ведомость о том шляхте, кождый у своем повете маеть выехати сам и через листы свои ознаймити шляхте местце ку зеханью на границы оногo повету, яко пристойт тягненья ку збиранью войска назначоно, и ознаймить ден — которого дня у него становиться мають. А таковыя листы мають быти обвоływаны в местех, по торгох, при костелех и везде переписы з них прибываны быти мають. А они будут повинни то учинити и до него, се не вымовляючи, в том часе и на тое местце, яко им от него назначоно будеть, и с почты своими, як войну служити повинни, зехатисе. И там же хоружые, собравшысе с ними и маючи о кождом с них добрую ведомость и печу, маеть посполу тягнути што напростей ку местцу, до попису назначоному. А кашталян теж, естли бы з яких причин заразом з шляхтою в повете своем зехатисе не мог, тогды мает што наборздей в дорозе с хоружим и с поветниками стягнутися. А там, с кашталяном стягнувшисе, маеть хоружий оный повет шляхту отдати и оповедати кашталянови и ознаймити, естли вси сполна чили кого нет, а хто ест. А где в котором повете кашталяна нет, ино до маршалка, который в том таковую ж

моц мети будеть, яко и кашталян. И гды вжо с кашталяном або маршалком стягнуться хоружый с шляхтою, тогды вси сполном под кашталяною або маршалковою справою тягнути мають до воеводы того воеводства и, стягнувшись з ним, кашталян або маршалок с хоружим мають здати и оповедати шляхту воеводе, кого нет. А за чим где вжо вси тые, яко панове воеводове, кашталяны и з маршалки и с хоружими мають тягнути на местце, от нас назначоное або ку гетьману, где розказано будет, и в одном местцу завжды при воеводе становитисе, а не порозну, будучи в послушеньстве и справе панов воевод своих. А в том тягненью маеть того с пильностью стеречи и боронити повинен, абы поветники его никому некоторое шкоды в дорозе и на станех стоечы ни в чом не чинили, але себе и конем своим за пенези торгом, а не уставою, живность куповали, кроме паши волное часу летнего на сеножатех и полях простых, збожя не травечы и дармо не беручы. А который бы над заказ смел кому которую шкоду учинити, тогды воевода або кашталян, поки до пана гетмана не дотягнеть, маеть им с таковыми справедливость чинити и отправу на винном и маетности его сам заразом, не проволокаючы, делати. А поветники шляхта будуть его повиньни во всем том, яко вышей описано, послушни быти. А против непослушным и противным, также винным, заховатисе и карати их мають, осадившы о нем право, и што с права заслужить, то и втерпеть. А поки се хоружый и шляхта з кашталяном або маршалком стягнуть, потуль хоружому шляхту о шкоду, в тягненью через них кому вделаную, засадивши при собе кольку шляхтичов, судити и водлуг сказанья отправу чинити вольно будеть. А где бы шло о реч кржавую, то ест о горло, то маеть быти отложено на суд гетманьский. Ведь же обвиненый в таковой же речы маеть быти через хоружого до росправы шлюбом завезан. Естли бы теж хто с подданных наших шляхты водлуг сее уставы наше

до хоружого зехатисе и з ним сполом тягнути не хотел, тогды таковый за ознайменьем хоружого маеть быть от пана гетмана ув обозе везеньем каранье водле баченья гетманьского. А шкоду естли бы кому таковый, в дорозе тягнучы, учинил, совито будеть винен за доводом жалобного платити. А земля Жомоитская до войска тягнути маеть водлуг давного обычаю под справою старосты своего жомоитского.

Артыкул 7

Вся шляхта поветовая повинни становитисе под хоруговью.

Хочем теж мети и приказуем грозно, абы вси подданные наши яко старосты, державцы, подкоморые и иные врядники земские поветовые, так и рыцерство, шляхта и кождый стан шляхетский, войну служити повинни будучи, на войне нигде се индей не шиховали, ани становили особами своими и с почты, одно под хоруговью своею поветовою, в котором суть повете оселыми.

А естли бы который з них служил нам, господару, у двору нашего, албо за пенези жолнерские брал, албо теж у которого с панов рад наших, або врядников, або теж у кого иного, ино тот повинен будеть под хоруговью на местцы своем поставити брата або кривного своего, або так доброго шляхтича, яко и сам, абы тым местца своего не опустил и не омешкал под страченьем имения своего. А тот почот его завжды маеть быти межы иншою шляхтою при хоружом и под справою хоружого, а не при нем самом. А панове рады и врядники наши земские и дворные, княжата, панята — тые мають се становити на местцах своих подлуг стародавного обычаю, яко нижей о том описано.

Артыкул 8

О шляхте, которые в розных поветех именья мають.

Уставуем: которие шляхта подданные наши мають в розных поветех именья свои, таковой маеть в том повете, в котором будеть наголовнейшее именье свое мети со всих именей отчизных, выслужонных, купленых и женних, сам стати и почот свой поставити. А иные станы водлуг вышшого артыкулу сегомаго заховатисе мають.

Артыкул 9

О духовных, яко мають службу земскую служити.

Уставуем теж, иж вси духовные з ыменей своих светских и костелных наданых, с которых служба земская военная бывала, также з ыменей своих отчизных, купленых и закупленых шляхетских, войне повинных, службу земскую военную мають служити тым обычаем, выправуючи с тых именей своих почот повинный и при нем за свою особу человека доброго шляхтича, войне годного, водле уфалы земское соймовое. А тые почты свои становити мають под хоруговью поветовою межи обывателей тых поветов, в которых хто з них именья головнейшие маеть. Теж за позволеньем всих станов а за прозбою колиятов колеиум Виленьского з именей тых, которые от кого кольвек на тое ку колеиум наданые албо яким кольвек способом набытые до сего часу мають, от выправованья на службу земскую военную волными чыним. Але естли што болш именей до того колеиум Виленьского яким кольвек способом по выданью сего статуту потом набыли, с таковых всих они потом на службу земскую военную почты с тых именей повинни, ровно яко и шляхта

великого князства литовского, выправовати будуть повинни. Вед же где бы на сойме сполном податок який на оборону речы посполитое был ухвален, тогды они со всих добр своих колеятских, яким кольвек обычаем первей сего и потом набытых, таковый податок выдавати будуть повинни. А справы судовые зо всих тых добр своих, которые тепер набытые мають, отправовати будуть тым же способом, яко иншыє станы духовные.

Артыкул 10

Абы се по шихованью з войска не розеждчали и о станех.

Теж уставуем, иж кождый подданный наш, пописавшисе у ших обычаем вышей писанымь с тыми ж коньми и з бронями, с которыми се показал при нас або при гетмане нашом, повинен будеть войну служити на тых же конях и с тыми ж зброями аж до суполного роспушенья войска нашего. А который бы кольвек подданный наш, хотя пописавшисе и шиховавшисе, без воли и ведомости гетманьское з войска проч поехал або што почту своего повинного до дому отпустил, таковый именье тратит, яко бы войны не служил. А естли бы тот, хто пенези у кого на службу военную бравшы, а был бы чоловек неоселый, а то теж учинил, таковый кождый честь свою тратить так, яко бы з битвы утек. А на пописе маеть каждого коня гетман наш казати, у шерсть написати и петно, которое на кони будеть, на рейстре намалевати. А станы свои поветники на войне при хоружом в одном местцы мети мають, а не розно.

Артыкул 11

Которые для немоцы своее на войну ехати не могут.

Уставуем теж, естли бы хто кольвек повинный войну служити з божего допущенья был немоцон обложною хоробою, за которою на службу нашу ехати бы не мог, а не мел бы сына дорослого, тогды маеть се оповедати хоружому своему, у которого ест повете, а при нем трема шляхтичом, которые, немоцы его очима своими огледавшы, и то мають нам або гетману нашему оповедати под сумнением своим. А почот свой з именей и на свое местце человека доброго и годного на войну предсе послати повинен. А панове рады и врядники наши и иные станы, которые под хоруговью поветовою не стоять, таковые у хоробе своей предсе тым же обычаем водле уфалы земское и важности имения своего почот выправовати на войну. А вед же под часом военным таковой, хто обложною хоробою немоцон, маеть оповедатисе нам, господару, а в небытности нашей, ино гетману нашему. А по зеханью з войны кождый с панов рад и иных станов маеть речы добрым словом перед нами, господарем, иж правдиве обложною хоробою был немоцон.

Артыкул 12

О сынех и о заступованье войны один за другого.

Теж уставуем: хто бы с подданных наших шляхты, будучи сам здоров, а мел сыны у себе дорослые в осмнадцати летех, а не нижей, а тот сын не был бы с ним делный, або и делный, а был бы годный ку службе военной, тогды таковой сын за отца может войну служити с почтом отца своего. А вед же тот и таковой отец того сына своего маеть привести до хоружого

своего, в котором повете ест, и ему оповедати. А хоружий маеть его гетману нашему оповедати. А гетман наш будет повинен такового ку попису и ку службе нашей принять.

Артыкул 13

Хто бы замешкал на рок до войска прыехати.

Уставуем, естли бы хто замешкал року на попис, через листы наши положоного, и до войска не поспешил се, и на рок у нас и у гетмана нашего, великого князства литовского, не постановил без слушное причины, тогды таковых огурных а непослушных гетман наш великий в особливый рейстр маеть казати уписати и того доложившы, як который долго замешкал. А тые вси таким способом карани быти мають, иж мы, господар, через пана гетмана литовского маем их послати на границы або там, где того потреба речи посполитой окажетъ. А они водвое так много, яко замешкали, там заслуговати будут повинни. А то се маеть розуметь о посполитом рушенью с сойму.

Артыкул 14

Хто бы з битвы утек.

Уставуем теж: хто бы з битвы утек, таковый за слушным доводом от гетмана черезъ вырок наш, господарский, именье и честь тратить.

Артыкул 15

**Которые на войне коней, зброй и броней своих кому
позычают.**

Теж уставуем: хто бы кому на войне, будучы у войску, позычил до оказу пописаного коня, зброи и всякое брони, с чим сам приехал служити, а то бы на него было переведено, от того таковый статок позычоный увесь через гетмана нашего, великого князства литовского, забран быти маеть.

Артыкул 16

По чому от попису брати.

Уставуем, абы гетман наш, великого князства, не казал большей брати от попису войска нашего писаром своим, толко по полугрошку литовскому от коня за працу их, а то в тот час, коли се войско нашо зеждчаеть. А коли войско нашо маеть быти роспущоно, тогды не маеть гетман, ани его писары, от попису ничого брати под ласкою нашою. А гетман з рейстру войска роспущати маеть. Вед же квитов шляхте от гетьмана при роспущенью войска не будеть потреба брати, опроч хто бы сам для яких потреб своих потребовал квит взяти. А гетманове мають рейстра списанья войска порадные мети и с пилностью их ховати и писары свои на попис войска люди добрие, шляхту, и к тому присяглых мети.

Артыкул 17

О хоружих, абы земян дома не осаживали и не отпускали.

Уставуем теж и приказуем, абы хоружие наши не смели жаден з них земенина и кожного стану человека, войне належачого, дома от войны вызваляти и з дороги або з войска отпускати. А естли бы се который земенин дома зостал, а хоружий бы того перед гетманом не поведал и утаил, а то бы на него было переведено, иж то умыслне учинил, тогды таковый хоружый вряд свой, хоружство, тратить.

Артыкул 18

О наезды на дома и на гумна шляхетские.

Уставуем: хто бы, на войне будучы або в дорозе до войска, будь теж з войска тягнучы, кому з духовныхъ або светских станов на дом або на гумно наездчал або ставы и сажовки волочыл, або якие кольвек шкоды починил и при таком наезде гвалтовном естли бы кого в дому таковом забил або ранил, збил або гвалт, насилье белой голове учинил, тогды тот маеть за слушным доводом горлом каран быти. А гвалт и шкоды зособна за каждое наеханье платити з маетности своее рухомое и лежачое. А пакли бы не забил, ани ранил и бою, збытку жадного не вделал, только што взял або шкоду якую учинил, тоть винен будеть гвалт и шкоду за доводом слушным совито платити. А о такие кривды, шкоды укривжоный маеть себе справедливости доводити в тягненью перед хоружим або кашталяном, або воеводою водлуг артыкулу шостого в сем же разделе. А у войску — перед гетманом литовским. А где бы хто з яких причин не мог себе справедливости в тягненью або у войску перед гетманом довести, таковому и потом волно

будеть з оселым справедливости собе доводити и у суду належного, водлуг учинку позываючы о то на рок першый завитый, так до вряду земского, яко и гродского. А з неоселым там собе справедливости доводити, где бы под которым врядом его пристегнути мог, або перед паном его, кому бы служил.

Артыкул 19

О живности на войне, кому бы не доставало.

Уставуем: кому бы с подданных наших, будучи на войне, лежачы войском на одном местцы, живности на самого або на кони его не доставало, таковый з вижом гетманьским маеть ехати и взяти с потребу живности на себе и на кони, а заплатити водлуг уставы, от нас або гетмана нашего на то положоное подлуг урожаю. Нижли дрова мають брати волно, где стояти будуть, але домов розбирати и плотов жечы, ставов и сажовок волочити, ани спущати, жыт, ярын умысльне травити, ани топтати не мають. А хто бы таковый кому шкоду учинил, тот шкоду совито маеть заплатити. А естли бы хто на збожях и яринах обозом умыслне положился и шкоду учинил, такового пан гетман карати водле шкод и выступу его маеть з нагородою слушною в том укривжоному. А хто бы теж, маючи живности у себе ув обозе досыть, а предсе ее не вживаючы, иншое собе найдовал и за вижом брал, таковый то, што возметь, тому, у кого взял, совито ворочати або платити маеть.

Артыкул 20

О бранье вижа на живность от гетманов и што ему давати.

Теж уставуем, хочечи мети, иж, будучи на войне, кому бы для недостатку живности вижа была потреба, тогды гетман наш винен будеть вижов придавати на скупованье живности, а вижом его вижованого ничего не маеть быти давано, одно ж на гвалты, бои к тому, хто бы на шкodu свою брал вижа, таковым вижованого маеть быти давано на милю по грошу. А естли на местцу, не едучи мили, такеж маеть по грошу дати.

Артыкул 21

О гвалт або о наход военный в обозе.

Теж уставуем, естли бы хто, будучи на службе нашей, будь в обозе або в тегненью на дорозе, один на другого умысьльне або обычаем звады наехал, або нашол на обоз або на стан гвалтом и кого забил або ранил, а было бы то на него переведено, тот горло тратит. А естли бы не ранил, але, умыслне або свовольне нашедши, ударил, а хотя и не ударил, але словы неучтивыми соромотил, або шкodu якую учинил, такового пан гетман за доводом слушным карати маеть водле баченья своего и водлуг артыкулов, которые бы на он час о спокойном захованью у войску выданы были.

Артыкул 22

О людех пенежных, яко мають з ыменей своих службу земскую служити.

Теж уставуем: хто бы кольвек с подданных наших пенези наши або у панов рад, князей, панов и иных станов ку службе военной ездной або пешой брал, таковые люди пенежные, ротмистры и их товариши особами своими тые, што за пенези наши, господарские, служити будутъ в гуфе нашем пенежном. А тые, которые у кого иного пенези будутъ брали, в почте того, в кого пенези взяли, становитисе и за особы свои людей годных шляхетских с почты, которые з ыменей своих винни ставити, под хоруговью поветовою повинни будутъ уставичне мети и ставити под тою ж виною, на неприбылых до службы военное вышей описаною, абы за тыми пенезми, которые на службу жолнерскую берутъ, служба земская з ыменей их не гинула.

Артыкул 23

О приимованью людей служебных прибылых, и яко се они в тягненью заховатисе мають.

Теж уставуем, иж людей прибылых так обчых, яко и суседних заграничников приимовати и вести до паньства нашего, великого князства литовского, и через тое ж паньство не маем аж з ведомостью и за радами рад наших великого князства литовского. Вед же тые люди прыбылые, яко теж и тутошние жолнеры, не мають иными дорогами до иншого местца тягнути и на лежах се раскладати, одно там, где мы, господар, або гетман великий того ж великого князства ознаймит и лежи роспишетъ. А з дороги, з леж, им от нас и от

гетмана великого данных ознайменых, они ездити у пицованье нигде не мають, але там, у дорозе, на ночлегах и на лежах з сторон живность звезеную або торгом або уставою, яко мы з радами нашими уфалим або гетман в небытности нашої установить, мають куповати. А порадок до даванья тое живности и цену также мы з радами нашими сего ж паньства в он час уфалим водле потребности.

Артыкул 24

О неданье пенезей на роты станом, нижей описаным.

Уставуем, иж часу войны, которая бы з уфалы соймовое рушеньем посполитым отпраовала, не маем воеводам, старостам и державцам украинным на тые замки, где староства и державы мають, на роты давати, але з своими властными почты, з врядов их повинными, там зоставати мають. А вед же тот замок ротмистрами и людом служебным водле потребности опатровати маем, которые ротмистры под владзою и справою того старосты и дерьжавцы быти мають. Вед же не уймуючы владзы гетмана великого ни в чом, гды ж не одно ротмистрове, але и сами старостове украинные часу войны под владзу и послушеньство гетманьское належать. А естли быхмо потребовали которого с тых воевод, старост и державец до поля, того нам звести оттуль и пенези на служебные дати ему волно будеть.

Артыкул 25

О блюдяги на войне.

Уставуем и так то мети хочем, абы кождый у войску нашом в тягненью не смел коня блюдяги держати у себе болш, толко

через ноч и день, але по том часе замероним маеть его заразом вести до гетмана нашого литовского. А естли бы гетман далеко был, тогды до старшого своего, а он того ж часу маеть до гетмана отослати. А хто бы блюдыгу держал далей, нижли через тот час помененый, таковый того коня повинен з навезкою вернути. Так теж и кождую реч, знашодшы, нести до гетмана. А гетман наш маеть казати от блюдыг болшей не брати, толко от коня грош, а о иные речы в обозе гетманьском закликати и тое, што нашол, маеть до вряду гетманьского отдати, а уряд гетманьский тому, чие што будеть, маеть казати отдати дармо.

Артыкул 26

Яко войне повинные далеко у войску от гетмана становитися мають.

Уставуем теж, абы ниhto не смел далей мили от гетмана нашого у войску становитисе, але так, яко им водле часу и потребности гетман роскажетъ.

Артыкул 27

О завстегненью бранья живности через людей свовольных.

Кды бы хто с подданных наших якого кольвек стану, менуючисе людьми служебными, жолнерми, без листов наших або гетмана великого здешнего паньства на лежы се где в панстве нашом, великом князстве литовском, положил и там, на том лежы або дорогою тягнучы, живность дармо або уставою брал, шкоду якую чинил, а был бы где близко пан гетман великий того паньства, великого князства, тогды такий

маеть быть позван перед пана гетмана на короткий час, яко бы мог с того местца до пана гетмана переехать, и окажет ли се то с права перед гетманом, тот мает быть за то каран водлуг зданья гетманского, а живность браная або шкода яка учиненая з совитостью з статку маетности его маеть быть укривжоному плачона. А естли бы пан гетман далеко был и отсягнуть его укривжоному трудно было, ино таковый своволный маеть быть от укривжоного позван перед вряд гродский на короткий рок, яко бы мог зъехати. А где бы был неоселый, тогды маеть быть поставлен ку праву перед оный же вряд гродский. И гды там ку праву притягнен будеть и з розсудку врядового винен зостанеть, маеть сужон и каран быти, яко збойца и лупезца, а шкоды з совитостью зь статку маетности его отправлены быти мають. А естли бы перед гетманом або врядом гродским не стал и того се не справил, ино пан гетман або вряд гродский маеть такого выволать и дати о таком по всей земли на врядах листы своими знать, абы был пойман и там так каран, яко вышей описано.

Роздел третий. О волностях шляхетских и о розмноженью великого князства литовского

Артыкул 1

О розмноженью великого князства литовского.

Мы, господар, обещуем теж и шлюбуюем то за себе и за потомки наши, великие князи литовские, под тою ж присегою нашою, которую есмо учинили всим обывателем всих земель великого князьства литовского, иж тое то славное панство, великое князство, и вси земли, ку нему здавна и тепер належачие, в славе, тытулах, столицы, зацности, владзы, можности, росказыванью и в иных всяких належностях и прислухиванью и теж в границах ни в чом уменшивати и уимовати або понижати не маем. И овшем ещо всего того примножати хочем и будем. И хотя бы пан бог з ласки своее светое нам, господару, узычити рачил паньства иного, або и королевства, тогды предсе сего панства нашего, великого князства литовского, князей, панов рад, духовных и светских, и всих врядников земских и дворных, шляхту, рицерства и всих иных станов ни в чом не понижати, але от всякое легкости и пониженья стеречи и боронити будем с помочю божою, стараючисе о примножение и вывышение того паньства и всих достоинстей, оздоб и пожитков з наболшою пилностью и усилованьем нашим.

Артыкул 2

О волностях шляхетских.

Также мы, господар, обещуем словом нашим за нас и за потомки наши, великие князи литовские, под тем же обовязком нашим, яко вышей у першом артыкуле ест описано, иж всих князей и панов рад, яко духовных, так и светских, и всих врьдников земских и дворных, панов хоруговных, шляхту, рицерства, мещан и всих людей посполитых у великом князстве литовском и во всих землях того паньства маем заховати при свободах и волностях хрестияньских, в которых они, яко люди волные, волно обираючи зстародавна и з вечных своих предков себе панов а господарей, великих князей литовских, жили и справовалисе прикладом и способом волных паньств хрестияньских, ровнуючи а однако маючи и тых вольностей уживаючи, з суседы и братьею своею рицерством и иными станы народу коруны польское, а особливе над то при свободах и вольностях на привильях и листех великих князей литовских, предков наших, и от нас им так всим, яко и кождому зособна на достоенствы, врьды, на именья, на люди, на грунты и на што ж кольвек даных и што ещо будуть даваных, вперед непорушне и неотменне вечными часы ховати. И хто бы теж што хотя без привильев за отчизным правом и яким кольвек обычаем набытым именеи, людей и грунтов своих в держанью был за предков наших королей их милости полских и великих князей литовских Владислава, Ягейла и брата его Витолта, Жигимонта — великого князя, Владислава — Ягейлового сына, Казимира Третего — Ягейлового сына, Яна Ольбрихта, Александра, Жигимонта Першого и сына его Жигимонта Августа и Генрыка — за которого кольвек с тых панованья и теж за нашего щасливого панованья, тые сами с потомки и близкими

своими и тепер то держати вечно мають и будутъ. А о таковых добрах и грунтех шляхетских, абы вонпливость жадная не была, волно завжды зо всими пожитками, которые бы се кольвець на их грунтех показовали, теж и крушцы всякие, и окна сольные зоставати мають. А мы и потомкове наши перекажать им не маем часы вечными вольного уживанья.

Артыкул 3

О захованью в покою всих подданных наших обывателей того паньства з стороны розного розуменья и уживанья набоженьства хрестияньского.

А иж теж привильем и поприсяженьем нашим ест утвержоно покою межы розными в релии стеречы, прото и конфедерацыя часу интерэгни, в той речы межы станы коруны польское и великого князства литовского учиненая, в сесь статут слово от слова естъ вписана, абы водле нее яко мы, господар, так и вси обыватели тых панств заховалисе. Которая конфедерацыя с польское констытуцыи водлуг права, каждому народу належачого, на руский язык преложона и руским же писмом в сесь статут уписана и слово от слова так се в себе маеть:

Мы, рады корунные, духовные и светские, и рицерство все и станы иншие одное а нероздельное Речи Посполитое з Великое и з Малое Польски, Великого князства Литовского, Киева, Волыня, Подляша, земли Руское, Пруское, Поморское, Жомоитское, Ифлянтское и места корунные — ознаймуем всим вобец, кому належить, на вечную тое речы память, иж, под тым небеспечным часом без короля пана зверхнего мешкаючи, старалихмося о тое вси пильне на зезде варшавском, яко бысмо прыкладом продков своих сами межы

собою покой, справедливость, порадок и оборону речы посполитой задержати и заховати могли. Прото ж статочным одностайным зезволенем и светым приреченым собе то вси спольне именем всее речы посполитое обещуем и обовезуемся под верою, под почтивостью и сумнением нашим наперед жадного розорваньа межы собою не чынить, ани розлученья жадного допустить, яко в одной нероздельной речы посполитой, ани одна часть без другое пана собе обирати, ани спикненъем особливим з иншими нарабляти, але подлуг местца и часу, тут назначоного, зехатисе до громады корунное и сполне а спокойне тую справу обиранья пана водлуг воли божое до skutku слушного привести. А иначе на жадного пана не позволяти, одно с таковою певною а меновитою умовою, иж нам первой права вси, привилья и волности наши, которые суть и которые ему подадим, по обранью поприсегнути маеть. А меновите то поприсегнути: покой посполитый межы розорванными и розными людьми в вере и набоженстве заховывать и нас за границу корунную нигды не тегнути жадным обычаем, ани прозбою королевскою своею, ани плаченьем пети гривен на древце, ани рушенья посполитого без уфалы соймовое чынити. Прото жь повстать против кождому такому обещуем, хто бы альбо местца и часы иншые до елекции собе обирал и складал, albo замешанье чынити на елекции хотел, albo люд служебный особливе приймавал, альбо елэкции оное, згодне от всех замкнутой, спротивятисе смел. А иж в речи посполитой ест розность немалая з стороны веры хрестияньское, забегаючи тому, абы се с тое причины межы людьми зашстье какое шкодливое не вщело, которую по инших королевствах яснее видим, обещуемь то собе сполне за нас и за потомки наши на вечные часы под обовязком присеги, под верою, честью и сумнением нашим, иж которые естесьмо розни в вере, покой межы собою заховати, а для розное веры и отмены в костелех

крови не проливать, ани се карати отсуженьем маетности, почстивостью, везеньем и выволаньем и зверхности жадное, ани уряду до такового поступку жадным способом не помогать и овшем где бы ее хто проливать хотел с тое причины заставлятьсе о тое вси будем повиньни, хотя бы теж под обликом выроку або за поступком яким судовым хто то чинити хотел. Вед же через тую конфедерацыю нашу зверхности жадное над поддаными их, так станов духовных, яко и светских не уймуем и послушеньства жадного подданных противко панов их не псуем. И овшем естли бы таковая своя воля где была под облигом набоженьства, тогды, яко завжды было, будеть вольно и тепер кождому пану подданого своего непослушного так в духовных, яко и светских речах подлуг порозуменья своего скарать, абы вси наданья зверхности и владзи королевское достойности костелные, яко арцыбискупствъ, бискупств и иных всяких добр были даваны не иным, одно римского костела особам духовным, обывателем полским водлуг статуту. А добра костелов грецких людем тое ж греческое веры даваны быти мають. А иж то до покою много належить, абы розницы межы станы гамованы были, а межы станом духовным и светским ест немалая розность о речах светских дочасных, обещуем вси тые межы собою поровнати на близко пришлом сойме обиранья пана. Справедливости порадок такой в моцы заховуем, який собе которое воеводство дома сполне постановило альбо еще постановит згодне. Также и около обороны потребное замков пограничных, хто ж кольвек се кому о певный долг записал и до городу мощным записом отповедатисе поддал добровольне, будь перед смертью або вжо по смерти королевской, таковой кождый подлуг запису своего нехай звыклый поступок права терпить.

А панове старостове будуть повинни моццю того посполитого обовязку без всякое отволоки обычаем звыклым судити и отправовати и скуточне выполняти таковые sprawy, опроч тых воеводств, которое себе кшталт або обычай справедливости отправованья особливый постановило в небытности короля або еще постановити мають. Записы вшелякие и сознанья добр вечистые, перед явными книгами учиненные и которые вперед будут чинены под часом небытности короля, сполным тое конфедерации зезволеньем умоцняем, абы под часом небытности короля, почавши от дня смерти королевское, никому в поступках правных давность земская не шкодила напотом до справедливости его. Также которые мели час замероный бранья пенезей на прошлые годы або на новое лето, або на який час, вжо прошлый, тые вси абы были повинни брать свои пенези на першие суды, дать ли пан бог по обранью нового короля, або на первшое леженье книг. Обещуем теж то себе, же, на елекцыю назначоную едучи и на местцу будучи и до дому се розеждчаючы, гвалту жадного людем и сами межи собою чинить не будем. Тые вси речы обещаю себе и на потомки свои ховать статечные и дерьжати под верою, честью и сумнениями нашими. А хто бы се тому спротивляти хотел и покой а порадок посполитый псовать, противко таковому вси повстанем на его скаженье. А для лепшое певности тых всих описаных речей приложили есмо печати свои до того и руками властными подписали. Деелосе у Варшаве на зезьде вальным коронным двадцать осмого дня месяца генвара року паньского тисеча пятсот семдесят третего.

Артыкул 4

Мы, господар, обещаю розмножати великое князство литовское и, што бы розобрано и отышло, зась ку нему

привернути.

Теж добра паньства того, великого князства литовского, не уменшим и то, што будеть черезь неприятелей того панства отдалено, розобрано и ку иному панству от того панства нашего коли кольвек упрошоно, то засе ку власности того великого князства привести, привлащити и границы направити обещуем. А хотя быхмо теж кому заграничником пры границах тых верхумененых земли, именья, села и люди дали, тогды таковые мають с того служити великому князству литовскому. А хто бы не хотел служити — таковых привильев не маем мы и потомки нашы держати.

Артыкул 5

О неданье шляхты и их именей, людей, грунтов и всяких волностей и теж наданья листов и привильев против сему статуту.

Уставуем и вечными часы то ховати и держати обещуем, иж яко продки наши, великие князи литовские, так и мы не звыкли никому некоторым способом бояр, шляхты и их именей, грунтов и земель давати, так и тепер на вси потомные часы обещуем и прирекаем под тою ж присегою нашою, которую есмо учинили всим обывателем сего паньства нашего, великого князства литовского, бояр, шляхты и их именей, грунтов и всякое маетности и иных свобод и волностей и прав в них отбирати и отводить и нияким особам которым кольве в том панстве обывателем, яко и заграничником и посторонным и жадному иному давати и записывати и некоторым способом отдаляти не маем. А где бы што одержано и вышло и яким же колвек обычаем против сему статуту, то с права и з суду справедливого через нас и

потомки наши за радою рад наших великого князства на сторону отложено и в ни во што обернено быти мает. А прото привилъев так в посполитости, яко и кождому зособна не маем, ани будем мочи давати против сего статуту и артыкулов, в нем описанных. А которые бы перед тым вышли и потом с канцлярии наше по выданью сего статуту от нас через кого кольвек одержаныи были, таковых мы и потомки наши держати не хотим, але с права и з суду касовати и в ни во што оборочати будем. Вед же кому быхмо дали и з ласки наше давати хотели родичом великого князства именья наши спадковые и в них бояре, хотя бы и шляхта была, а именьца свои здавна и ново теж через данину оных панов, по ком на нас, господара, тые спадки пришли, мели и им служили, а листы и подтверженным нашим не вызволени, в том моцы рук и щодробливости наше и потомков наших не замыкаем, вед же в моцы своей маючи.

Артыкул 6

О сойме вальном и о соймиках поветовых и о выправованью их и посланью з них послов земских на валный сейм и о вольных возных от войны, также о приездчанью панов рад, врядников земских и шляхты.

Уставуем для лепшого порядку во всих речах и способов ку справедливости и обороне, ижбы з волею всих на сойме потребы земские становили и отправованы были, абы вечными часы перед соймом великим валным, который маем мы и потомки наши завжды, коли того потреба укажет речи посполитой, за порадую рад наших того ж паньства складаны листы нашими были теж соймики поветовые, а меновите на тых местцах и воеводствах, нижей тут написанных и постановленных, которые соймики также листы нашими будутъ

складаны не на близший час и рок, только за шесть недель перед соймом великим. А листы наши таковые соймовые мають быти приношоны з двору нашего до воеводств и староств судовых и отдаваны до рук врядов гродских за часу перед соймиками недел за две. А вряд маеть тые листы розсылати через возных поветовых до панов рад, до княжат, панят, врядников земских и поветовых и до йинших станов народу шляхетского, до кого перед тым стародавна листы соймовые с канцляреи наше посылывано, до домов их мають носить. А для всих посполите в местех, местечках наших, на торгах и пры костелех парафеяльных обволывати и копеи з листов наших прибивати. Таковым же обычаем около розсыланья листов наших военных вряд гродский заховатисе маеть. А возные поветовые винни будуть с пилностью тые листы рознести под караньем их за то через вряд гродский везеньем водле баченья своего — гды ж возные для таковых послуг земских от службы военной вольни быти мають. На которые соймики мають зеждчатисе и бывати тые особы: бискупове, воеводове, кашталяни и врядники земские, князи, панове и шляхта — кождый у своем воеводстве або повете. А в земли Жомоитской — бискуп, староста жомоитский, кашталян, тивунове и иные врядники земские и рицерство, шляхта. А намовляти о тых речах и потребах земских, которые им на тых листех наших и через посла нашего ознаймены будуть, не мней теж и о всих потребах и долеглостях оного повету и воеводства. И, зволившисе вси одностайным зданьем, мають обрати послов своих, то ест от каждого суду земского, колько их в том воеводстве будеть, по две особе и послати их на сейм, ознаймивши и поручивши все, о чом водле листов наших, господарских и теж в своих потребах радити, намовляти и становити будуть, даючы им моц на том таковом вальном сойме поступовати и кончити тые речы, которые им на соймику злецоны и на инструкции за печатями

обывателей того повету поданы будутъ. А послове земские местца и вота свои мають мети водле порадку воеводств и поветов, яко которые по которых местца свои звыклые мають. А кожды з милости и повинности своее ку речы посполитой повинен на тые соймики прибыть. А хто бы не прибыл, под тое все подлегаеть, што се там становить. А соймик далее стояти, и справа на нем ити не маеть, только надалей через чотыри дни. Але приездчати вси на соймик винни будутъ першого дня, а местца и порадок заседанья и вот на зездех и соймиках тым обычаем маеть быти: воевода, кашталян, а где кашталяна нет — маршалок оного повету, подкоморый, хоружий, судья, подсудок, войский, столник, подстолий, писар земский, затым врядники и городские панове и иншая шляхта.

Артыкул 7

О пенези стравные послом земским, выправуючы их на сейм вальный.

За спольными намовами и згодным призволеньем всех станов обывателей того паньства нашего, великого князства литовского, уставуем, хочечи то мети на часы потомные, иж по обранью послов з каждого воеводства и повету маеть быти им давано на страву так много, яко тут нижей описано.

Виленьским послом сто шестьдесят коп грошей.

Ошменьским послом сто шестьдесят коп грошей.

Лидским послом сто шестьдесят коп грошей.

Вилькомирским послом сто шестьдесят коп грошей.

Браславским послом сто двадцать коп грошей.

Троцким послом сто шестьдесят коп грошей.

Городеньским послом сто двадцать коп грошей.

Ковеньским послом сто двадцать коп грошей.

Упитским послом сто шестьдесят коп грошей.

Земля Жомоитская своим послом двесте коп грошей.

Полоцким послом сто шестьдесят коп грошей.

Новгородским послом сто шестьдесят коп грошей.

Волковыйским послом сто двадцать коп грошей.

Слонимским послом сто двадцать коп грошей.

Витебским послом сто шестьдесят коп грошей.

Оршаньским послом сто шестьдесят коп грошей.

Берестейским послом сто двадцать коп грошей.

Пиньским послом сто двадцать коп грошей.

Мстиславским послом сто шестьдесят коп грошей.

Меньским послом сто шестьдесят коп грошей.

Мозырским послом сто двадцать коп грошей.

Речицким послом сто двадцать коп грошей.

Ведь же естли бы коли з допущенья божего была дорогость збожя и иное живности, тогды и болш маеть быти послом на

страву давано водлуг уваженья часу и далекости дороги — естли бы се коли трафило с потребы речы посполитое где далей над звыклое местце сейм мети. А откуль тым послом на страву маеть быти давано, то вжо особливою уфалою соймовою ест варовано, што замоцно держано быти маеть, одно не поддаючы под тое добр наших, господарских, и костелных. Вед же тые послове обраные початку соймов омешкивати не мають, также и зезду головного.

Артыкул 8

О соймику або зезде головном в Слониме перед соймом великим вальным.

А догажаючи тому, абы послове земские усих земель великого князьства литовского в справах и потребах земских могли згодными намовами и умыслы на сейм великий приездчати, за чим бы се и на сойме потребы речи посполитое без великого затрудненья снадней и спешней отправовали, прото уставуем, иж перед кождым соймом великим валным за две недели мають вси станы того паньства, великого князства, так панове рада их милость, яко и послове земские зезд свой вольный мети у Слониме. И там, знесши впосродок себе инструкции всих земель и поветов, мають межы себе намовы спольные в милости братерской о всих потребах земских чинити, приводечисе до одного слушного зрозуменья и уваженья речей ку доброму речи посполитое, за чым бы вжо на великом вальном сойме порадней и спешней справы и потребы речи посполитое становити и отправоватисе могли. А так у Слониме тот соймик трвати маеть водле часу и потребы, яко бы только на сейм великий в час прибыти не омешкали.

Артыкул 9

О складанью соймиков по сойме вальном и о даванью дармо с канцляреи справ соймовых.

А гды се сейм валный доконаеть, тогды по выволанью сойму в чотырох неделях мають бывати в каждом повете соймики таким обычаем, иж послове, скоро прыехавши з сойму, мають воеводе або старосте судовому о приеханью своем дати знати, а воевода або староста, або наместники их мають то через возных шляхте обволати, жебы на тот рок на соймик ку слуханью послов своих зехалисе. А то для того, жебы на тых соймиках послове, с поветов на сейм посыланые, звернувшисе з сойму, дали о том всим обывателем каждого повету ведомость достаточную, што бы на котором сойме в справах и потребах речы посполитое справили и постановили. И которые се кольвек на такой соймик зедуть, тые тых справ соймовых слухати мають. А неприбылые на такой соймик винам жадным не подлягутъ, але соймовому постановенью досыть чинити мають. И то, што се на сойме постановить и уфалить, мають послове на писме за печатью нашою до повету своего принести и то ку захованью при книгах земских вряду земскому подати, также для ведомости тое речы и до книг гродских дати то вписати. А с канцляреи нашею такие sprawy земские послом дармо выданы быти мають без жадного затрудненья.

Артыкул 10

Абы шляхтич безправне не был иман.

Теж уставуем и вечными часы то мети хочем мы, господар, и потомки наши, иж все рыцерство, шляхту великого князства

при волностях их звыклых, которые от нас, господара, и от продков наших им суть наданы, будем повинни заховати и держати. Теж кождый шляхтич оселый, подле права не позванный и не поконанный правом, от нас, господара, и от жадного вряду иман и в везенье сажон быти не маеть, окром причин, в иных артыкулах сего статуту помененых.

Артыкул 11

Абы панове шляхту о почстивости их сами не судили.

Теж уставуем, иж княжата и панове рада нашы и шляхта и теж кождый з рицерства нашего, которые шляхту нашу у себе служебниками ховають, не мають их сами о почстивость судити, кромя нас, бо тот суд никому иному не належить, одно нам, господару. А што се дотычеть злодейства, забойства, гвалту и иных выступков тому подобных, естли бы, служечы которому пану, кому иному, также и самому пану своему што зашкодил, о то волни будуть панове их, засадивши при собе шляхту, людей добрых, справедливость с такового чинити. А в чом бы был хто с права поконан, тогды тот маеть за выступок свой терпети и каран быти, бы теж и горлом. Вед же апеляцыи поступком сего статуту на обеде стороне, так поводовой, яко и отпорной, до суду головного не маеть боронити. А в каждой таковой справе маеть быти складан рок за чотыри недели для того, абы тот слуга обжалованный родичов або приятель своих ку тому праву способити мог. А в меньших речах, где о горло и о плаченье суммы пенежное, также о седенье не пойдеть, волно будеть кождому пану слугу своего водле выступу его судити и с права карати.

Артыкул 12

**Около недаваньа чужоземцом достоеньств и врьдов
всяких, а приходнем з инших паньствах и оселости не
давати.**

Также мы, господар, обещуем и шлюбуюем под присегою нашою, которую учинили есмо великому князству литовскому и всим станом обывателем его, беручи то из статуту старого, короля его милости Жигимонта Першого, тому паньству, великому князству литовскому, даного, а в сесь укладаючы и на то позволяючы, што ж в том паньстве, великом князстве литовском, и во всих замлях, ему прислухаючих, достоинстей духовных и светских, городов, дворов, грунтов, староств, держав, врьдов земскихъ и дворных, посесый або в держанье и поживанье и вечностей жадных чужоземцом и заграничником, ани суседом того паньства давати не маем. Але то все мы и потомки нашы, великие князи литовские, давати будем повинни только литве, руси, жомойти — родичом старожитным и уроженцом великого князства литовского и иных земель, тому великому князству належащих. А хто з чужоземцов, заграничников и суседов того паньства и всих земель, ему прислухаючих, важил се што с того упросити, взяти и в держанье прийти, а, упомененый будучы, того заразом не пустил, тогды маетность его вся маеть быти взята до столу и скарбу нашего, великого князства литовского. Ведь же и тубыльцом, хотя и родичом великого князства литовского, достоеньства и врьды всякие мають быти даваны добре значным и правдиве незмышлене в том воеводстве або повете оселым. А хотя бы хто обчого народу за свои заслуги в той речы посполитой пришол ку оселости з ласки данины наше абы которым иным правом, тогды и таковый только оселости оное уживати маеть, учинивши первой присегу по

взятью оное оселости на першых рочках гродских онго повету перед врьдниками земскими або гродскими того ж повету, которые на он час там прибыти могут, иж маеть быти верным и зычливым тому паньству, великому князству литовскому, так, яко и тубылцы, и служечи службу земскую тому ж паньству. Але и таковые на достоенства и всякие врьды духовные и светские не мають быти припущани, ани от нас, господара, установлены, чого печатары и писары наши с повинности своее постерегати винни будуть.

Артыкул 13

О захованью в целости достоеньств и всяких врьдов того паньства.

Теж обещуем и хочем вечными часы мети, абы панове рады наши, яко духовные, так и светские, и вси иные врьдники наши земские и дворные в том паньстве нашем, великом князстве, были во всяких достойностях и учтивостях захованы водле давного обычаю и кождый подле зацности местца своего. А што се дотычеть владности и справ их судовых, в том се они мають заховати и справовати, яко которому врьду здавна замероно и в сем статуте описано ест.

Артыкул 14

О неотниманью достоеньств и врьдов на заочное обмовенье.

Теж уставуем, иж достоенств всяких врьдов, староств, держав, тивунств на справу чию ж кольвек на обмовы заочные мы и потомки наши не маем отнимати. Але коли бы который з урьдников наших был роспрошитель або шкодник наш и

дворов наших и до нас бы в том обмовен и обвинен был, тогда обоя сторона, як тот, хто ведетъ, так и на кого менишь, мають перед нами очевисто за мандатом стати, а мы с паны радами нашими великого князства литовского, выслухавшы их и розезнавшы тую реч, винного подле выступу его маем карати. А безвинне и без права на заочное поведанье не будем ни в кого врьдов брати, ани их з них рушати.

Артыкул 15

О держанью старых устав, а новых без сойму вального не уставляти.

Теж прирекаем вси привилья земские стародавние и ново от нас даные, вольности и звычайи добрые стародавние ховати и ни в чом того не нарушати, а нового ничего не вставляти. А ведь же была ль потреба што нового прибавити ку доброму речы посполитое, тогда и того не маем чинити, ани устав жадных делати, али ж на вальном сойме з ведомостью и порадую рад наших и призволеньем всих станов, сойму належачых.

Артыкул 16

О вольности выеханья с панств наших до инших паньств хрестиянских, кром земель неприятелских, и о опеках таких именей.

Теж узычаем и уфаляем вечными часы, абы княжата и панове хоруговные, шляхта и кождый чоловек рицерский и всякого стану того паньства, великого князства литовского, мели вольность и моц выехати и выйти с тых земель наших, великого князства, для набытья наук, в писме цвиченья и

учинков рыцерских и теж будучи неспособного здоровья своего для лекарств до всяких земель и сторон, кромя земель неприятелей наших, с ким бы тое панство нашо на он час валчило. А вед же так, абы з ыменей их под тым часом а в небытности их самых службы наши земские не были омешканы, але нам и потомком нашим, яко и при них были завжды, только илекроть бы потреба указывала, подле уфалы и уставы земское были заслугованы. А естли бы сын поехал по рыцерстве, а отец в дому зостал, а в небытности его отец бы умер, а не оставил бы по себе другого сына дорослого або опекуна, або близкого кровного прирожного в ыменьях, тогды маем мы, господар, а в небытности нашой в том панстве — вряд наш земский судовый мает опекуна, чоловека доброго, роетропного, цнотливого, побожного и добре в том панстве и в том же повете, где тые именья лежать, оселого, на таковыя именья установити, хто бы з них службу земскую заступовал и именья от кривд и шкод боронил и у права отповедал водлуг артыкулов, нижей о опекунах доложоных. А гды тот з чужих земель приедеть, маеть именье и маетность свою до рук своих взяти, яко власность свою, а тот опекун маеть се в той опеце справовати и личбу з опеки своее чинити так, яко и кождный иный опекун водлуг науки сего статуту. А будеть ли тот, мешкающий в чужой земли, хотел кому иншому тое именье пустити або в опеку злетити, то ему волно будеть. А тот перший опекун и ку тому заховатисе маеть, яко вышей описано.

Артыкул 17

По смерти отцов и маток и иных кровных и близких, их детей и потомков и близких дедичства, спадку, выслуги и

**всякого набытья не отдаляти и о спадку на нас, господара,
по безпотомных.**

Теж уставуем, иж по смерти отцов и маток дети их, сынове и дочки от отчизны и матерызны не мають быти отдалены. Але они сами и их щадки властные кровные и близкие правом прироженным и слушне набытым звычаем стародавным и теж статутом первым и теперешним мають посегнути и одержати и тые добра на пожиток свой оборочати вечными часы. А то ж се теж будеть розумети о близкостях, спадках, выслугах и всяком набытью подлуг права, а то тым обычаем: естли бы было колько братьи, сестр рожонных, выданных або не выданных замуж, а тые бы братья межи собою отчизною и куплею, которые се в отчизну им оборочати мает, поделилисе, або еще и не поделилисе, а который бы з них умер, не зоставившы по собе плоду, тогды его часть отчизны и купли только на братью приходить и на их потомство, а на сестры — только выправа с четвертое части всякого имения отчизного и купленного, и то естли бы которой перед тым з них замуж по смерти отцовской идучи от тое братьи не была дана. А естли бы была материзна, тогды мають братья з сестрами ровно поделити межи собою. Пакли бы пан бог допустил, жебы оные братья померли вси, а в жадного потомства по них не зостало, а хотя ж бы и было, а потом се звело, тогды оная вся отчизная и всяким обычаем набытые имения, засе на сестры и на их потомства спадывають. Нижли естли бы еще также пан бог допустил, жебы оных братьей и сестр, ани их потомства и щадков не зостало, тогды оная отчизна их вся, также всяким обычаем слушне набытые имения и маетность маеть на близких спадывати, который ест наблизший до отчизны, до матерызны наблизшие по мечу водлуг того ж поступку. Так же теж и материстое маеть спасти на тых, которые будуть до материстого имения наблизшие по матце оных змерлых, естли

бы через них кому слушным записом не было заведено, — кроме тех, которые без потомков, близких щадков и наследков своих зомруть, ни на кого права своего прирожного, выслужоного и набытого не влившы и не записавшы, бо по тех и таким обычаем именье спадком на реч посполитую и на нас, господара, великого князя и потомков наших, великих князей литовских, приходять и приходитьи будуть.

Артыкул 18

О неданью достоенств, врядов людям народу простого.

Теж простых людей не повышати над шляхту, ани на достойности их прекладати и врядов наших простого народу людем давати не маем, але шляхте, кождому рицерскому чловеку и тутошнего паньства, великого князства литовского, родичом и в том паньстве оселым. Мы з ласки наше, господарское, за годностями и службами их нам, господару, и речи посполитое обещуем их достойностями и вряды опатровати и до служб наших на двор наш приимовати, яко верных подданных наших.

Артыкул 19

О выводе шляхетства за примовою.

Уставуем теж, естли бы хто кому рек, жебы не был шляхтич, тогды тот, хто се выводить, маеть поставити з отца и матки по двух шляхтичов прирожных, то ест двоих з отца и двоих з матки кровных, и на том им поприсегнути, иж их ест природный а правдивый шляхтич. А пакли бы се род звел, а он бы был тутошнего паньства нашего тубылец, тогды бояр, шляхту околичных маеть поставити двух шляхтичов, которые

мають при нем присегнути, же он ест з роду шляхтич. А по
таковом выводе приганий при шляхетстве зостанеть, а тот,
который приганил, маеть за таковую неповстегливую мову
свою седети в замку або в дворе нашем судовом дванадцать
недель, а сторону противную совито навезати.

Артыкул 20

О понятью через шляхтича нешляхтянки и потомстве таких людей.

Пакли бы который шляхтич нешляхтянку себе не ровную
понял, тогды як тую нешляхтянку, жону свою, так и дети свои,
з нею набытые, собою и шляхетством своим ушляхтит. И
таковые жоны и дети их за правых шляхтичов быти мають. А
вед же естли бы таковая невеста, бывши за шляхтичом, и засе
бы потом пошла за простого человека, а не за шляхтича, тогды
тая засе учтивость шляхетскую тратить и в таковом стане
быти маеть, яко муж ее, за ким в тот час будеть. А детем тым,
которые с першим своим мужем шляхтичом мела, то предсе
шкودити не будеть, только бы ремеслом а шинком се не
живили и локтемь не мерили. А вед же и таковой, естли бы
шинк и ремесло местское и хлопское покинул и опустил, а
поступков шляхетских и рицерских наслядовал , тогды предсе
за шляхтича почитан быти маеть.

Артыкул 21

О чужоземцу, наганеном о шляхетство, и о набытью через него оселости.

Теж естли бы которому чужоземцу хто наганил на
шляхетство, тогды маеть ехати до земли своее, откуль ест, и

там перед врядом вывести шляхетство свое, а з уряду под их печатми лист принести, котрым тут шляхетства своего маеть довести. А естли бы валька с тое стороны была, откуль он ест, тогды маеть поставити двух особ, правдивых шляхтичов, с тое ж стороны своее або тутошних, бывалых в той земли, которые бы были шляхетства его сведоми, а тые мають также при нем присегнути, иж он ест шляхтич. Таковым обычаем чужоземцу вывод шляхетства будеть. А гды вжо тот приганный выведеть шляхетство свое, тогды тот, который ему приганил, якого кольвек стану будеть, маеть шкоду и наклад, на чом тот, хто се вывел, присягнуть, ему заплатити. А пакли бы который чужоземец, приехавши до здешнего паньства нашего, купил и яким кольвек слухным обычаем набыл собе именье шляхетское, а хотел волностей шляхетских уживати, тогды первой маеть указати перед врядом тым, где купил именье, если ест правдивый шляхтич. А где бы того не показал, тогды, хотя именье купит, предсе з волностей шляхетских веселитесе и их уживати не маеть и под хоруговью заровно з шляхтою стояти не маеть. Але близкие мають его з того именья шацунком, в сем статуте нижей в артыкуле о отправах речей сужоных описаным, скупити и службу земскую з него служити. А предсе достоинства и врядов держати не мает, хотя бы и шляхтичом был. Также се маеть розумети и о тубыльцу нешляхтичу.

Артыкул 22

Естли бы тот, хто приганил, сам не был шляхтич.

Уставуем теж, иж гды бы хто, сам будучи нешляхтич, приганил човеку доброму шляхтичу, а тот шляхтич в том стане своем шляхетском был бы значный и ведомый и довод на шляхетство учинил, а по выводе и оказанью своего

шляхетства естли бы теж тот шляхтич противной своей стороне задал, мовечи, же он сам нешляхтич, а тот бы засе шляхетства своего водлуг артыкулу двадцатого в сем же розделе не вывел, але оказал се быть с права человеком простым, не шляхтичом, такового, чий бы кольвек был в ряд наш, перед которым се то станеть, маеть розказати кату вести до пренгира и там его дупцы бити и потом высветчити. А ведучи его от вряду до каранья и высветчываючи з места, маеть казати обволати, же се такими словы на шляхтича торгнул.

Артыкул 23

О наганенье шляхтича забитого.

Теж кому бы дана была вина о голову шляхетскую, а он бы поведал, иж тот забитый не был шляхтич, тогды, гды того доведуть кровные водлуг артыкулу двадцатого в сем же розделе, же был шляхтич, маеть быти каран, сяко о том в сем статуте о мужобойцах нижей написано. А зособна навезка за приганенье з имения и маетности его маеть быти плачона, яко бы живому шляхтичу наганил.

Артыкул 24

О шляхте, которые имения свои попродавши, лифою се бавять.

Уставуем, естли бы который шляхтич, имение свое продавши а в месте мешкаючи, з лифы жил, уникаючи службы земское военное, таковые предсе з суммы своее пенежное винни службу земскую служити водле уфалы на он час соймовое под утраченьем всего добра своего.

Артыкул 25

О шляхте, которая бы у месте оселость принела.

Теж уставуем, иж гды бы шляхтич, занехавши именья и обыстья своего шляхетского або про худобу свою ищучы себе поживенья, ушол бы до места и мешкал там, торг местский ведучи або и шинк в дому маючи и локтем меречы, або ремесло робечи на варстате, таковый вжо з волностей шляхетских веселитесе не маеть. Ведь же естли бы потом тот шляхтич сам або сынове шинком и ремесством местским обходитесе не хотели и локтем не мерили и, вышодшы зась з места, наслідовали поступков рицерских продков своих, таковые мають быть за правую шляхту розумени.

Артыкул 26

О непривлащенье вольностей шляхетских людем простого стану.

гды ж повышенья чсти и стану за годностями и заслугами каждого власне рукам и шафунку зверхности наше, господарское, належит, и теж постерегаючи всякого уближенья стану шляхетского от людей простых, уставуем, иж ниhto з людей простого стану, окром особливое ласки и надаренья от зверхности наше, господарское, и то за явными значными и рицерскими послугами, мужством, оказаным против неприятелем нашим, вольностей и привильев стану шляхетского и гербов шляхетских сам себе привлащати, ани их уживати не мает некоторим обычаем, ани поседаньем именей и грунтов шляхетских. Прото абы дома шляхетские не сходили, тогды то варуем, иж простого стану человек, не осегнувши первой от нас, господара, волности шляхетское,

именей и грунтов шляхетских некоторым обычаем поседати ани куплею своею на вечность одержати не может. Але близкие за отложенъем пенезей шацунком статутowym ку тому именью прийти и припуцоны быти мають, хотя бы и давность земская зашла.

Артыкул 27

гды бы шляхтич шляхтичу примовку якую учынил так о шляхетство, яко и о иншыя речы у вочы и заочне.

Теж уставуем, иж гды бы, которого кольвек стану и достойности будучи, только бы одно роду шляхетского, чоловек, заровно всих в том почитаючи — от велможного аж до наубозшого шляхтича однако розумеючи — один другому так о шляхетство, яко о иншыя речы, почтивости и доброй славе доткливые, очевисте голыми словы, кром менованья самых учинков, на суд гродский вынятых, примовку учинил, а то бы се до права, будь перед нас, господара, гды бы се то у двору нашего стало, або перед врьд земский або гродский приточило, и где бы тот, хто примовил, а перед правом к тому се не знал, тогды тому, кому примовено, то ничого шкодити не маеть, и он того справоватисе не будеть повинен. И тая примовка далее на того, хто се запрел, не маеть быти довожона. Але естли бы повторе тот же и тому ж шкодливе примовил очевисте, тогды вжо, хотя бы се того прел, а сторона ображоная доведет ли того на него доводом слушным, яко о доводех особливе на своем местцу в сем статуте ест описано, маеть быти с права каран везеньем, то ест в замку або в дворе нашем шесть недель седети будеть. А за переводом права, естли бы винный врьду послушон быти и у везенью сести або в нем через час замероный вытравати не хотел, тогды маеть за то заплатити вины стороне ображоной

пятьдесят коп грошей заразом без позвов и без складанья роков, которую вину тот же вряд на маетности его стороне ображоной отпавити будеть повинен подлуг артыкулу, о отправах речей сужоных учиненого. А заплативши тую пятдесят коп грошей, предсе ему вряд маеть листом своим рок зложити за чотыры недели от положенья листу, абы за тую вину шесть недель выседел. А за кождое недосыть учиненье седенью маеть вину вышей описаную платити и не маеть то ему быти отпущоно, аж выседить. А о заочную примовку ни хто се брати не маеть, гды ж то при том зоставати маеть, хто заочне мовить о человеку почстивом, бо доброму человеку не годиться лихо говорити о почтивом.

Артыкул 28

О примовку, жебы мел быть неучстивое матки сыном, и о прымовце белым головам шляхетским.

Теж уставуем, иж коли бы хто кому рек, жесь ты неучстивое матки и нечистого ложа сын, а того бы на него не довел, а тот, которому примовено, с того слушне бы се вывел, тогды сказуем, иж таковой мает оного навезати совито сорокма копами грошей, а тую примовку перед тым же судом заразом, с права не отходечи, так очистити и тыми словы одмовити маеть, што есми менил на тебе, жебыс ты был неучстивое матки и нечистого ложа сын, том на тебе брехал, яко пес. А где бы так упорным был а тыми словы заразом у суду того отмовити не хотел, тогды маеть седети у везенью на замку нашом так долго, аж тыми словы, яко в том артыкуле написано, отмовить и навезку сполна отдасть без складанья роков под виною, в артыкуле вышшом двадцать семом описаною. А вряд наш в том тому упорному ниякое фольги чинити не маеть. А вед же бенкарты не инакшые одно таковые

быти мають розумены, хто бы дети не з венчальною и нешлюбною жоною мел, хотя бы потом ее и понял, и таковым отец от правых детей и от кровных ничего записати не может. А зважа таковые дети наддерь бенкартами розумены быти мають, которых бы отец при властной жоне с чужолозницею мел. А хотя бы по смерти правое малжонки тую подложницу свою понял а дети з нею прибыл, тогда яко тые першие блудные, так и тые, хотя по венчанью а шлюбe с таковою жоною мети будеть, предсе тые обои дети, з нею набытые, за бенкарты мають быти поличоны и некоторыми вымыслы, ани записы ку именьям и маестности отца их припущоны быти не мають. Теж таковый маеть быти за бенкарта розумен, которого бы се отец за живота своего вырек и не своим сыном бы его признал, одно, жебы того не учинил з вазни и з гневу против сыну або жене своей, матце его почстивой, або бы теж, жебы его час немалый за дитя мел и по его пороженью з собою матку его а жону свою терпел, бо, яко его вжо раз за дитя свое принявши и маючи его при себе в дому своем, терпливостью своею за дитя свое признал, так вжо его потом злым чинити не может, гды ж доброму ничего злого и непочтивого в дому своем терпети не годиться. А особливе отец сына бенкартом учинити не может за другое жоны свое а мачохи его, а зважа естли будеть того сына своего, с первшою жоною своею, маткою его, мешкаючи, за сына мел, тогда вжо при мачосе выречисе его не может. Таким же обычаем и о дочках маеть быти розумено, по тому ж а matka яко за первшого мужа своего, так теж и за другого мужа пошодши против детей своих, тым правом и обычаем, яко о отцы написано, сужоно быти маеть. А где бы теж хто примовил которой учстивой белой голове шляхтянце, называючи ее вшетечницею, жебы у стане своем неучстиве се ховати мела, тогда таковым же правом, яко вышей у том артыкуле написано о том, сужоно и карано быти маеть.

Артыкул 29

О вызволенье от платов новых, от подвод, будованья замков и мощенья мостов, так теж и о стацыю по дорогах.

Иж теж привильями давными продков наших, королей их милости и великих князей литовских, вси посполитые люди тяглые и мещане, подданные княжат, панов хоруговных, шляхты и бояр, обывателей паньств наших, земля великого князства литовского, от кождое дани, податку, серебщици и всяких поборов без добровольного самых панов их зезволения и уфалы сойму валного и теж от дякла и ото всяких беремён повозовых, которые подводами зовуть, и от давания стаций про нас и теж послов и гонцов наших, также от воженья камня, дерева або дров ку паленью плиты и вапна на замки наши, от кошенья сена и от всякое сторожы и ловов, также от будованья и поправованья замков и мощенья мостов и от иных работ выняты суть. А некоторые подданные князьские, паньские и шляхетские з именей их по сесь час обтяжени бывали роботами замков, станов, што уколы называно, также даванием стацей и подвод про нас, господара, и теж даванием стацей под послы и гонцы наши и робеньем а направованьем мостов. Прото мы, господар, всех обывателей паньства нашего, великого князства литовского, и земля, к нему належачых, русских, жомоитских и иных, до однакое ровное вольности приводечи, всех подданных князских, паньских и шляхетских от верхупомененых и яким кольвек именем названых потеглей и повинностей от сего часу на вси потомные часы выймем и вызволяем вечными часы, кроме мещан и подданных наших, господарских, абы тые водле стародавного обычаю яко подводы и подыймованье стацями на станех, на местцах звычайных нам, господару, послом и гонцом нашим, так теж мосты и замки на дельницах своих

поправовати водле звычайу своего повинни были. Вед же
мещане и подданные князьские, панские и шляхетские подводы
под послы и гонцы наши водле звыклого обычаю давать
будуть повинни. А што ся дотычеть отпрапованья замков,
замков и мостов старых и знову будованья, где до сего часу
подданные шляхетские направовати и будовати были повинни,
то маеть быти опатривано з мыт новоподвышоновых, што
особливою констытуцыею соймовою варовано будеть, яко в
констытуции на унии сойму любельского о земли
Волыньской, Подляшской и Киевской ест описано. А мосты в
добрах, столу нашому належачых, где бы потреба указовала
будовати, то также маеть быти опатровано подданными
нашими. И мостовое становено быти маеть, яко в артыкуле
двадцать девятом розделу первого шляхте около будованья
мостов в именьях их ест доложено. А где бы который староста
або державца, городничий и мостовничий наш альбо наместник
и слуга которого з них подданных шляхетских примушал в том,
до тых работ не повинных и сим статутом вызволенных,
догажаючи в том пожитку своему, тогды кождый таковой, хто
бы то учинил, маеть быть припозван до суду належного водле
артыкулу шестьдесят семого в розделе четвертом. А за
доводом правным вины двадцать коп грошей будеть повинен
оному уквивжоному шляхтичу заплатити и шкоду совито
оправити. Так теж кнежата, панове рады, воеводове,
старостове и нихто з шляхты, ездячи по дорогах от именья до
именья своего, у войску и на замки украинные, именьям
шляхетским и их подданным не мають шкодити и стацый и
подвод брати, але себе, слугам и конем своим за пенези водле
торгу ценою живность куповати будуть повиньни. А хто бы
над сюю уставу што учинил, тот так же, яко верху описано,
маеть быти позыван, а за переводом правным стороне
жалобливой также гвалту двадцать коп грошей платити будеть

повинен, а шкоду совито оправити за слушным доводом повинен будеть.

Артыкул 30

Естли бы который с подданных наших на князех, панех або на ком ином выслужыл именье лежачое.

Коли бы который с подданных наших, будучи народу шляхетского, на князех або на панех, або на ком ином именье лежачое выслужыл и, будучи того именья в держанью он сам або потомки его, а потом хотел бы проч, тогды вольно будеть ему и потомком его отыйти проч куды хотечи зо всими статки, маетностью и зо всим набытьем своим и накладом албо будованьем, што будеть на тое именье наложил. А естли бы оный пан дал тому слуге своему на оное именье данину свою, лист, запис свой под печатью своею и под печатями шляхты, людей веры годных, и то бы в нем выражено было, иж вольно ему и потомком его с тем именьем кому хотечы служити вечными часы, и тот лист, опис свой сам обличне перед нами, господарем, або врядом нашим водле сего статуту сознал, тогды таковый лист при моцы маеть быти захован, а тот, кому записано, пры записе и пры том именью зостати маеть и потомки его вечными часы. А который бы шляхтич, выслужившы на котором пане именье и не маючы такового листу и вольности с тем именьем служити або продати и заменить, кому бы он хотел, а потом бы, служечы оному пану своему и, кромя воли и ведомости его, с тем именьем нам, господару, або за которого иного пана поддалсе, продал або яким же кольвек правом тое именье, люди албо грунты от него пустил, тогды оный пан або потомкове его, под ким бы тое именье мел, волен тое именье от такого кожного взяти. Ведь же первой час на вырумованье через возного шесть недель

зложити ему маеть. А хотя бы и хто инший, а не тот сам земенин або боярин, тое именье держал, предсе не держачому, але тому, кому тое именье первой дано было, через возного, яко вышей описано, час складан быти маеть. А тот в том часе зо всею маетностью своею и з будованьем, своим коштом побудованым, где хотечи выпровадитисе повинен будеть. А где бы тот, кому таковое именье, люди альбо грунты пущоны были, на тое обосланье врядовое не дбаючи, того пустити не хотел, тогды тот таковый противный маеть быти позван до вряду гродского на рок завитый яко о гвалтовное выбитье зь спокойного держанья. А таковой шляхте и бояром, мешкающим под ким кольвек, и давность земская ити и помочна быти не маеть. А оному пану и наклады правные за доводом слушным заплатити винен будет. А тот слуга маеть быти за то каран везеньем на том же вряде чверть лета и, выседевши час замероный, не похочет ли тому пану служити, оставивши тое именье оному пану, вольно будеть ему з маетностью своею, яко о том выше в том же артыкуле описано, проч одыйти.

Артыкул 31

О непозыванье светских в духовное право о речи светские.

Теж уставуем, иж бискупове, прелати стану духовного и их справцы княжат, панов и всей шляхты, рицерства и мещан и всих подданных наших, яко и шляхетских не мають никого ку себе до духовного права о светские речи позывати. Так теж и сама шляхта, мещане и вси подданные нашы и теж подданные шляхетские якого кольвек стану не мають се до духовного права утекати и позывати о речы светские под закладом стороне позванной двадцатма копами грошей и под нагороженьем утрат всих з совитостью. Нижли што ку праву

духовному належати и прислухати будеть, то в духовном праве справовано и сужоно быти маеть.

Артыкул 32

О довоженье справедливости в кривдах светских з станы духовными, также духовным станы светскими.

Уставуем, если бы се коли якие кривды деяли з ыменей костелных от врьдников, слуг, бояр и подданных всяких станов духовных людем стану светского, так самой шляхте, яко слугам и подданным их, также и мещаном мест наших и иным подданным нашим, господарским, о гвалты, наезды, розбой, забойства, о гвалты панен и невест, бой, раны, грабежы, о люди и челедь збеглую и о иные якие кольвек речи поточные, ино иж кождый з своего слуги и подданого справедливость близший ест чынити, тогды теж и станы духовные з врьдников и слуг своих, будь оселых, яко и неоселых, и с подданных своих повинни будутъ справедливость чинити за впомненьем черезъ лист врьду земского водлуг сего ж права писаного статуту земского. А где бы хто з особ духовных якого ж колвек стану и достоеинства справедливости учинити не хотел або судом своим што кому в чом ублизил, тогды о то сам таковый до бискупа того, под которого справоу ест, яко до головнейшого преложенного своего маеть быти позван на рок певный от поданья позву очевистого за чотыри недели, а от положенья на именью за шесть недель позвом бискупим, писаным польским писмом. И там же сам маеть особою своею або черезъ умоцованого своего стати и оного, на кого жалоба вышла, перед судом бискупим ставити. А князь бискуп, которого то владзы будет належати, або врьд его, постерегаючи в том покою посполитого и справедливости светое, абы в чом ущербена не была, повинен будеть тым правом посполитым и

статутом земским справедливость укривжоному чинить без
вшелякое проволоки и затруднения, отправу слушную суду
своего даючи на виноватом з добр, з маетности рухемое и з
доходов правом переконаного. А где бы маетности не стало —
и на самой особе. А естли бы от самых особ духовных в чом
кольвек в тех речах верхупомененых кривда кому деяласе,
тогда о то также до князя бискупа або вряду его на рок
позваны быти мають. А князь бискуп або вряд его некоторым
иным, отдно сим же правом посполитым и статутом земским
то все судити и по суде отправу на виноватом, на маетности
властной тех духовных особ лежащей и рухомой, а придет ли
до того с права — и на теле каранье водлуг сего ж статуту
чинити и выконывати будет повинен, чинечи тому всему
досыт под присегою своею до рады, нам учиненою. А естли
што у суду духовнаго правом светским будеть осужоно, а на
отправу до которого вряду земского або гродского одослано,
тогда то оный вряд отправовати мает — вед же не
вскладаючи в то жадных таких речей, которые бы намней
волности прав тех и конфедерацию нарушати мели. А естли
бы отправки в таких речах вряд не учинил, тогда о такое
недосыть учиненье водле артыкулов, о том написаных, волное
право зь врядом кождому до суду належного будеть. Ведь же
естли бы сторона жалобная або отпорная розумела себе быть
уближение справедливости своее выроком и сказаньем
бискупим або вряду его, тогда таковой стороне князь бискуп
або вряд его о речи, тым правом земским осужоные, апеляций
допустить будуть повинни до суду трибунальского. Который
трибунал нигде инде, одно в месте нашем столечном
Виленьском таковые sprawy за апеляциями межы станы
духовными и светскими водлуг сего статуту права
посполитого отсуживати маеть. На которые суды
трибунальские для таковых справ мають быти высажоны з
стороны духовное три особы, а з стороны станов светских

также три особы, межы трибуналистами обраные. И где в какой
справе болш особ межы теми шестма особами, на те суды
выбранными, на одно вотум згодяться, при тех вотех
конклюдзыа зостати маеть. А пакли бы в ровности вот о
которую справу те шесть трибуналистов не згодилися, тогда
таковые речи отсылати мають до нас, господара. А мы за
токовым отосланьем те sprawy отсуживати маем, где на тот
час двором нашим будем в сем панстве нашем, великом
князстве литовском, и без сойму. А где бы теж кому от князей
бискупов кривда в чом деяласе, так от самых особ, як от
врядников, слуг, бояр и подданных их, а они бы сами за
упомнением от вряду земского через лист упоминальный сами
стороне жалобливой усправедливитися яко особы духовные не
хотели альбо з урядников, слуг, бояр и подданных своих
справедливости не учинили водлуг сего права посполитого,
тогда о то до нас, господара, также на рок завитый позываны
и тем же правом земским сужоны быти мають, складаючи рок
за позвы: естли у великом князстве литовском двором нашим
будем — чотыри недели, а естли за границю великого
князства литовского — осм недель. Если бы се теж людем
стану духовного, слугам и подданным их от людей стану
светского княжат, панят, шляхты, в какой кольвек зацности и
зверхности будучих, так в невыдаванью десетин, яко и в
ынших речах поточных, кривда се якая деяла, тогда о такие
кривды особа духовная особу светскую, от которого се ему
кривда станеть, позывати будеть до его суду властного
земского альбо гродского тем порядком, яко се и сами станы
светские позывають водлуг артыкулов, в том статуте
описанных, з вольным отозваньем обема сторонам до суду
головного трибунальского, сполного з духовным. А
оповеданья и записанье таковых звышменованных кривд и
шкод, которые от станов духовных и их слуг и подданных
починены будуть, мають се деяти на врядах земских, гродских

або и духовных, где хто похочеть в тых поветех, где тые именья костелные лежать, або под которым врядом што се кому от них и слуг, подданных их кривды станеть. А под тым часом коли бы которое бискупство ваковало, або где бы который бискуп до чужых паньств в посельствах або где по своих справах з сего паньства, великого князства литовского, отехал, тогды укривжоный до капитулы або справцы оного достоенства, хто тым бискупством справовати будеть, поступком, вышей описаным, утекатисе и справедливости собе доводити маеть. А они винни будут справедливость чинити водлуг сего ж права и статуту земского. А то ж се маеть розумети и о духовных греческого закону, же меньшие з них станы перед старшими своими преложоными, а преложенные старшие перед судом головным порядком, вышей описаным, усправедливится людем светского стану повинни будутъ. Леч што се дотычетъ таких кривд поточных с таковых именей станов духовных, от врядников и подданных их албо от них самых, которые праву посполитому и службе земской военной подлегли суть, то ест з отчизных, материстых, купленных, дарованных и закупленных и яким иным обычаем набытых, тогды вжо с таковых именей своих и духовные особы так, яко и шляхта стану светского, водле порядку статутowego тому праву посполитому земскому подлегати мають так у суду земского, гродского, подкоморского и комисарского, а за апеляцеею — у суду головного.

Артыкул 33

О права земленые межы станы духовными и светскими.

Пры том теж розницам, которые ся межы именьями и грунтами станов духовных и станов светских часто деють, а с того до заштья и непокоев немалых приходить, а забегаючи и

на часы потомные то меж и ними ровнуючи, уставуем, гды ж особы стану духовного добрую и певную с права посполитого мають ведомость, иж у суду земского належного з людми стану светского готовую и неотволочную собе справедливость, далеко ее не ищучы, завжды относити могут. А з нас теж, господара, наявнейший приклад в том им ест подан, иж мы водле права посполитого, через врядники нашы и через нас тому паньству, великому князству литовскому, поприсяжного и наданого, где идет о грунты и речы земленые, ровные и однакому праву посполитому тому ж подлегаем. Тогды тым же обычаем и вси прелати, бискупове и иные особы стану духовного, яким кольвек именем названы, держачы и именья светские, праву посполитому и службе земской военной подлежные, будь купленые, закупленые и яким колвек обычаем через них и продков их набытые, о грунты земленые тых таковых именей своих, где бы се кому з людей народу шляхетского и иных светских станов у забранью земли, у показенью границ и в переоранью меж и в ынших речах земленых кривды якие от них деяли, повинни будут им усправедливитисе и росправу межы собою и именьями або грунтами своими одинаким обычаем и поступком правным приймавати у суду земского и подкоморского, и там далее поступуючы, яко статут права посполитого того великого князства литовского учить и указуеть. Але которые бы именья духовные были с фундацыи и з наданья продков наших и нашего, господарского, и службе земской военной перед тым николи не были подлежные, а с таковых бы се кривды якие в грунтех деяли, тогды уквивжоный маеть у том утечисе до нас, господара, яко подавцы зверхнего, и, листы нашы комисейные одержавшы, справедливости собе доводити маеть перед комисарми нашими и там в доводех и во всих поступках правных водле сего статуту заховатисе мають. А што се дотычет именей от князей, панов и земян, шляхты, на костел

наданных, в которых естли бы также в грунтех або границах зь именьями шляхетскими розницы якие деяли, тогды укривжоный волен будеть с такового именья з духовным у права земского поветового, у котором тое именье лежить, поступком правным, в сем статуте описаным, справедливости себе доводити. А вряд земский маеть тую справу на суд подкоморский отослати, а подкоморий моцон будеть по оного духовного с такового именья, от шляхтича наданого, также и по того самого подавцу позвы свои выдати, которыми укривжоный их позвати и на року, за ними припалом, справедливости себе с тою духовною особою и теж з самым подавцою доводити маеть. А давность земская межы именьями костельными и шляхетскими такая маеть быти, яко добрам столу нашего, господарского, з добры и именьями шляхетскими. А тым же обычаем шляхте з добры нашими и костельными давность захована быти маеть.

Артыкул 34

О позыванью опекунов або ексекуторов тестаменту духовных особ.

Гды бы хто с князей бискупов або каноников, прелатов и иных станов духовных отписал кому записом або тестаментом остаточное воли свое по животе своем што маетности свое лежачое або рухомое и ку выконанью того тестаменту своего установил бы и назначил опекунов або ексекуторов того тестаменту, а тые бы опекунове не заховалисе водлуг того тестаменту або запису и тому, кому што отписано, не хотели бы отдати або кривду якую кому у том учинили, тогды у такой речы тых опекунов, якого стану будь — духовного або светского, стороне укривжоной вольно будеть позвати до суду головного, а там с права если што сказано будет на тых

опекунех, тогда против духовное особы на отправу речи
сужоное маеть быти от суду головного отослано до князя
бискупа, в которого послушеньстве тот духовный будеть. А
против особы стану светского маеть быти ку отправе отослано
до суду земского, а суд отправу чинити винен будеть. А самого
князя бискупа з стороны такое опеки, ему от кого кольвек
описаное, або и о то, гды бы он по сказанью суду головного
отправы учинити не хотел, маеть быти позывано перед нас,
господара, там, где на тот час двором нашим будем, на рок
завитый (а естли у великом князстве литовском — за чотыри
недели, а естли за границю великого князства — за осм
недель), што мы отсудити без вшелякое проволоки будем
повинни, не впускаючи тое sprawy в лимитацыю, а за
оказаньем зволоки вчиненью отправы вину на князю бискупе
сказати маем, которая ест в трибунале описана. А реч
осужоную отправить роскажем под зарукою таковою ж, о што
реч идеть. К тому о недопущенье апеляции и о неучиненье
справедливости князь бискуп тым способом позыван быти
маеть. А в небытности его милости князя бискупа в тых
паньствах, где бы в тых речах верхуописанных в чом кольвек
вряд его милости выкročил, тогда о то вряд его милости
маеть быти позыван до суду головного трибунальского,
сполного з духовными.

Артыкул 35

**О мещанех места нашего Виленьского и о иных местах
наших, яко шляхте справедливость з них чинена быти
маеть.**

Теж уставуем, иж где бы се трафило жаловати которому
шляхтичу на мещан наших виленьских о збитье, о раны и о
забойство, и о кождое обелженье, тогда о то вряд местский

справедливость чинити маеть правом их майдебурским водлуг привильев их, тому месту Виленьскому и мещаном нашим, под местским правом мешкающим, от продков наших и от нас, господара, наданных. Однак же и мещане наши места Виленьского, гды о бой альбо раны шляхетские правом будуть переконани, тогды тым винам подлегати повинни, которые в сем статуте описаны о головщинах и о ранах шляхетских. Ведь же хто бы з мещан наших виленских кому што записом своим доброволным, отступивши права своего, выполнить обовезалсе, то сим статутом сужоно и сказовано быти маеть подле обовязков кожного. Тым же способом и о збеги шляхетские водлуг артыкулу тритцать осмого сего ж розделу справедливость уряд местский чинити повинен, только бы от принятья права местного давности десети лет не заседал. А где бы теж мещанину нашему виленьскому в чом от шляхтича кривда деяласе, о то перед судом належным водлуг сего ж статуту земского мещанин права себе з шляхтичом доводити маеть. А в ынших местех наших по всей земли того паньства нашего, великого князства литовского, вряды местные, хотя где и права майдебурского уживают и привилья продков наших або и наши на волности таковые, яко и место виленьское, або инакшие себе бы наданье мели, предсе не майдебурским альбо себе наданым и упривильеваным правом, але сим статутом шляхте з мещан суд и справедливость вшелякую чинити повинни будуть. Гды ж только мещане наши места Виленьского, под местским правом мешкающие, статутом первшим и теперешним до такого права суть припущоны.

Артыкул 36

О мерах и локтях, абы были ровные и цена трунком и речам стрawnым была становена через врьд гродский.

Уставуем, абы в месте нашом столечном Виленьском и в кождом месте нашом паньства нашего, великого князства литовского, так упривильеванных местах, яко и в меньших местечках, по тому ж в местех князских, паньских, духовных и светских, и в домех гостинных, по дорогах, в торг и без торгов збоже всякое продавано мерою однакою ровновано, то ест абы была бочка, в которой маеть быти чотыри корцы меры краковское ровных, без верху и без тресенья, але под стрих. Которая мера маеть быти вымерона у Вильни от врьду пана воеводы виленьского гродского, а при собе маеть мети врьд местский. Также и инде где в которых местех право майдеборское ест, у воеводствах, староствах, державах теж врьд гродский з урядом местским, а в земли Жомоитской — староста або подстаростий, также державцы и тивунове тое земли таковые меры становити мають, абы не тресены и без верхов были, а клейно на тых мерах врьдовое положити мають, яко бы бочка была — в чотыри корцы, а полбочки — во два корцы, а четверть бочки — в один корець, и жебы вжо в тые меры всякое збоже мероно под стрых. Которая ж мера маеть быти по местом и торгом, стодолах и корчмах князских, паньских и земяньских. А хто бы кольвек с подданных наших, будь от врьду местского або теж от мещан мест наших, также князских, паньских и земянских смел се того важити и инакшые меры устанавливать и их уживать, таковый врьд наш местский або мещане мест наших через заказ, кром позву, а княжата, панове и земяне через позов гродский, будучи на рок завитый от уквивжоного притягненный перед суд гродский, в котором повете тые места и местечка або стодолы свои мети

будуть, усправедливитисе мають и за переведеньем правным повинни будуть за то заруки дванадцать коп грошей заплатити, которое маеть быти половица тому вряду нашому, перед которым ся тая справа приточить, а другая половица укривжоному. Пакли ж бы за позволеньем або надойзреньем самого вряду нашего, то ест воевод, старост, державец, тивунов и войтов мест, дворов и волостей наших, господарских, и теж духовных и светских, инакшых мер над тую уставу подданные нашы ку кривде чьей уживали, тогды таковой вряд, от укривжоного позвомь нашим перед вряд позванный и с права винным был бы дознанный, сам таковой же вине, яко вышей описано, подлеч маеть, которое вины половица до скарбу нашего земского, а другая половица укривжоному маеть быти заплачона. Тым же обычаем панове воеводове и старостове на врядах своих с таковыми вряды местскими около мер и цены шынкованья, питья, так привозного — мушкатылы, малмазеи, вина, яко и меду, пива, горелки и иных стравных речей через врядников своих постановенье и уставу подле часу и дорогости чинити мають; по тому ж на купцы, на ремесники — по чому што так на локти, яко и на вагу коренье и иншие всякие потребы продавати, а теж за працу свою водле матерей, часу и дорогости заробок слушный мети могли. Медницы теж и кварталы, гарнцы абы были по всему паньству нашему, великому князству литовскому, ровное и одинакое меры, яко суть у месте нашем столечном Виленском. Того всего тые ж таковые ж врядники гродские постерегати и становити винни будуть, а то все, яко вышей описано, держано и выконывано быти маеть под тою ж виною верхумененою.

Артыкул 37

О мящанех, иж не мають на торгу селян грабити.

Теж уставуем, иж мящане подданные наши яко мест упривильеванных, так и местечок менших наших, также князские, паньские и шляхетские о долги свои якие кольвек и о жадные иншие речи не мають селян наших, ани теж духовных и светских, ани чиих на торгу заповедати и грабити, ани тым себе на них справедливости доводити, але о тые долги и иншие кривды с тыми виноватыми у панов их, а з нашими подданными — у врьдников наших будуть повинни справедливости доходити. А наши врьдники и паньские мають им справедливость чинити. А естли бы хто пограбил, не доводечы себе права у суду належного, тогды маеть дать вины нам, господару, три рубли грошей, а стороне также три рубли грошей, а грабеж совито навезати и шкоду также совито оправити.

Артыкул 38

О слуги и люди шляхетские и челядь домовую, которая до мест входить.

Уставуем: которие бы слуги и люди отчизные альбо челядь властная домовая отчизная, материстая або полоненая, утекши от княжат, панов або от которого шляхтича, и пришли до столечного места нашего Виленьского або до инших мест наших, упривильеванных альбо и неупривильеванных, также у местах князских, паньских и в духовных, в землях паньства нашего, великого князства литовского, иж тых людей и слуг мають войтове, бурмистры и райцы наши з мест наших, выслухавши слушного доводу от панов их, чии будуть, або за

их властным признаньем выдавати, судечи земским правом, кроме которые бы слуги и люди отчизные шляхетские, пришедши до мест наших а приемши право в котором з мест наших и оселость маючи, а заседить десеть лет, таковых слуг з мест наших войтове и врьдники нашы выдавати не мають.

Але се маеть окупити водлуг стану своего шацунком сего статуту за кождую голову, иле их будеть. Так теж и старостове, державцы и иные врьдники наши, где права майдеборского нет, на врьдех наших тым же обычаем наппротивку таковым збегом заховыватисе мають. А где бы се за апеляцыею перед нами то показало, иж войтове, бурмистрове и иные врьдники местские альбо старосты, державцы и тивуны нашы таковых збегов за слушным доводом кому выдати не хотели, тогды таковый врьд з розсудку и сказанья нашего тому пану, чиих слуг, людей албо челяди выдати не хотели, маеть вину заплатити двадцать коп грошей, а оные збеги предсе выданы быти мають.

Артыкул 39

Кнегинь, пань, вдов, княжен, панен, девок не маем ни за кого гвалтом давати.

Теж обещуем и прирекаем, иж кнегинь, паней, вдов, княжен, панен, девок, шляхтянок и всякого иного стану рожаю женского, яко людей волных под вольным панованьем нашим, господарским, в том паньстве нашем, великом князстве литовском, мешкающих, при вольностях их заховывати маем, а гвалтом ни за кого не маем давати без воли их. Але каждой з них с порадою приятелей их за кого хотя, за того у малженьство вольно будеть ходити и отдаватися. Так теж панове рада, княжата, панята, панове хоруговные и шляхта,

которые на именьях своих шляхту мають, по тому ж против белым головам шляхтянкам заховатисе повинни будуть. А то ся маеть розумети о особах, а не о именьях паньских лежачих. А о речах рухомых водле артыкулу тридцатого, вышей описаного, сего розделу таковые особы мають быти захованы.

Артыкул 40

Отец и matka детем за живота своего з мушенья не повинни именья поступовати, кромя того, што бы сами хотели по своей доброй воли.

Уставуем теж, иж отец детем за живота своего з мушенья не повинен именья жадного поступовати, нижли по доброй воли своей, што будеть воля его. Але што се дотычеть именей матерыстых, не будеть ли он на то мети слушного права и опису от жоны своее а их матки, повинен то сыну дорослому и девце, замуж ее выдавшы, поступити. А вед же с того некоторое личбы сыну и дочце чинити не будеть повинен. Также и matka, которая будеть именья свои отчизные або материстые мети, по тому ж и купленные або от мужа своего записанные, з мушенья не повинна за живота своего детем поступовати, але што будеть добрая воля ее, то можеть поступити.

Артыкул 41

Всим станом народу шляхетского вольно именьями своими яко хотя шафовати.

Теж уставуем, иж всим станом шляхетского народу, яко людем вольным, вольно ест и будеть именьями своими отчизными, материстыми, также и выслужонными на нас,

господари, и яким же кольвек обычаем и способом набытыми вечностью шафовати водле potrzeby, воли и уподобаня своего — отдати, продати, даровати, заменить и на костел записати, в долгу и в сумах завести и заставить, ведь же водлуг того, яко о том шырей в розделе семом о записехъ ест описано.

Артыкул 42

О вольности шляхте именья лежащие и иные маетности свои нам, господару, записывати.

Теж хто бы хотел што нам, господару, записати, так именей лежащих, яко и иных маетностей, тогды то вольно будеть каждому листы, записы своими властными и сознанием своим очевидным, так перед судом земским и замковым, яко теж и до книг наших канцлярейских, сознание чинячи, водле права записывати. По тому ж и хорым людем вольно будеть нам, господару, отписывати тестаменты своими, водлуг права учинеными, маетности свои лежащие и рухомые, звлаща тые, которые сесь статут тестаментами описовати допускаеть.

Артыкул 43

Хто чого за короля Казимира и Александра и за короля его милости Жигимонта и второго Жигимонта Августа был в держанью, тот тое вечно маеть держати.

Хочем теж мети и уставуем, абы вси подданные нашы, як духовные, так и светские, княжата, панове и вся шляхта, которые именья свои отчизные, выслужонные, купленные и яким кольвек обычаем набытые за предков наших славное памети их милости королей и великих князей литовских, также и за нашего щасливого панования спокойне держали, тые мають

таковые именья вечно и спокойно от сих часов и на потомные часы держати и уживати, они сами и потомки их бы добре и листов некоторых на то не мели, яко вышей в том же разделе в артыкуле втором ест о том шырей описано.

Артыкул 44

Хто бы именье, от нас, господара, данное, у кого одыймовал.

Теж уставуем: кому быхмо мы, господар, именье або люди и земли дали, а хто бы инший по той данине нашей в него тое именье отнял, тогды тот, у кого отнял, может того доходить и правом позыскивати. Нижли болшей искати не может, одно, як ему дано и як на нас, господара, то держано, только бы давности земское не омешкал.

Артыкул 45

Што бы кому через лист дано або упрошоно, а он бы того не вживал и в молчанью был через давность земскую десеть лет и хто бы теж у чужой земли был.

Теж уставуем: если бы што кому дано або продано, хотя бы записом слушным, будь теж и перед нами, господарем, або перед судом земским обявлено, а оный бы, што ему дано, продано або записано, в держанью и поживанью через десеть лет не был и о то се врядовне не упоминал, таковый по выстью лет десети вжо того доходить не может, але держачий то вечно маеть мети. Вед же тот, хто се упоминает, маеть се того упоминати через листы наши, господарские, и земские упоминальные и позвы припозываючы его ку праву и становечисе за позвы. А хто бы, листы упоминальные або позвы взявши, у себе держал, стороны ку праву не припозывал

и листов упоминальных врядовне не давал, таковое упоминанье за впоминанье у права не маеть быти приймовано. Леч естли бы было што записано детем, лет дорослых не маючим, тогды у молодости лет их давность земская не шкодить, хотя бы того в держанью и в поживанью не были и не припоминалисe, только бы, доросшы лет, давности земское не омешкали. Так теж если бы хто в чужой земли был, тогды и тому также давность земская не шкодить, одно бы, з чужое земли приехавшы, давности земское десети лет не омешкал.

Артыкул 46

Мы, господар, шлюбуюем однакую справедливость чинити всим, а пересуду мы и панове рады наши брати не мають, и о том же о почстивость мы сами, господар, судити маем.

Обецуем теж з ласки, з доброты и милости наше, господарское, ку подданным нашим всему рицерству великого князства литовского под сумненьем нашим, иж мы, господар, и панове рада наша маем каждого стану всим заровно справедливость чинити без отволоки. А от права не маем ничого пересуду брать, по тому ж и панове рады наши пересудов брати не мають, ани маем теж стати и зычностью быти одной стороне, але просто каждому справедливость давати и чинити будем повинни. Так теж и панове рады наши и под присегою, которую до рады учинили, справедливость чинити будуть повинни. А што се дотычет таких речей, о што почстивость отсужона бывает, кроме тых артыкулов, суду замковому належачых, в том статуте нижей менованных, о то жаден с панов рад, ани суд замковый, ани теж суд земский поветовый не маеть судити, только мы сами, господар, с порадою панов рад наших на сойме вальном обычаем, в сем статуте описаным, судити будем.

Артыкул 47

О тех, которые, едучы в дорогу, на полях се становять а в збожю шкоду чинять.

Уставуем: хто бы, едучи дорогою, брал або жал жито и иншое збоже, або выпаствил и вытоптал коньми, а за ишпаш пограбитисе не дал, таковый будеть винен стороне жалобливой три рубли грошей заплатити, а шкоды, што люди сторонные на испаши ошацують, также платити оправовати маеть совито. Так теж хто бы на чией дедизне, кром позволения его, ку шкоде мысливства уживал, полюючи, жито и ярину коньми потоптал, таковый за окупованьем шкоды за узнаньем через возного або через трех шляхтичов, веры годных, повинен будеть за припозваньем до суду земского, мысливец, заплатити укривжоному вины три копы грошей и шкоду, на чом будеть довод уделан. А то се маеть розумети о мысливцах, яко о самых панех, так и о слугах паньских, которые сами без панов полюють. А то ж се маеть розумети так на зезде судов головных, на соймаках и на каждом зезде, абы нихто никому шкоды не чинил.

Артыкул 48

О вывоженье приправ военных и всякого железа до земли неприятельское.

Уставуем и вечными часы то мети хочем, постерегаючи того, абы зо всих земель панства нашего, великого князства литовского, яко жидове, татарове, купцы, так и вси подданные наши которого кольвек стану явне и таемне всяких броней, железа, ручниц, кос, ножов, стрел и всякого иного наряду военного не выпускали и послом не продавали, щого бы

неприятель силитисе мог. А хто бы се того смел важити над тое розказанье и уставу нашу, тот ничим иным, одно горлом каран быти маеть, а товары и вся маетность его маеть быти до скарбу нашего взята. А того с пильностью на всех замках украинных старостове и вси врьдники наши постерегати мають. А то се розумети маеть во впокою и под непокоем.

Артыкул 49

О дома шляхетские в месте Виленском и в ынших местех наших, господарских.

Уставуем, абы в таких домех, которые панове рада наши и иные станы народу шляхетского в месте нашем столечном Виленском и в ынших местех наших не под присудом местским, але под правом и вольностью шляхетскою держать, ниhto свовольне, без призволенья их самых господами не становилсе под заплаченем им гвалту двадцать коп грошей и всех шкод, которые бы се в том дому стали. По тому ж и становничие наши и маршалков наших великого князства литовского, земского и дворного, под соймом, ани под яким иным часом господ никому в них назначати и записывати не мають Позвом теж в таких домех шляхетских о кривды и иные, которые бы се где инде на стороне стали, ниhto ни на кого покладати не маеть, хиб жебы иншое оселости земское, окром того дому тот нигде не мел, або жебы с того дому сам пан кривду кому учинил. Также где бы шло о самый тот дом весь або о часть его, за такими причинами и в таких речах позвы земские и гродские водлуг порадку сего статуту могут быти на таких домех покладаны на роки слушные земские. А от господаров або от подворников, которие в таких домех мешкають, естли бы се кому кривда в чом деяла, тогды з них сами панове домовые при бытности своей справедливость

укривжоным без позву неотволочную чинити мають, а в небытности их самых, ино вряд наш гродский таких подворников их судити и справовати маеть.

Артыкул 50

О отменах грунты нашими з грунты шляхетскими.

Иж теж в звычаю было в том паньстве нашем, великом князстве литовском, же замены даваны грунтами, столу нашему належачими, за добра грунты шляхетские от предков наших и от нас, господара, а часом от ревизоров, в чом негды уближенье бывало добрамь столу нашего, а негды теж и шляхтичови ровная и зуполная отмена не дошла, што у порадок слушный приводечы, так вперед постановляем, иж где бы пришла потреба отмену давати нашими грунтами за шляхетские, тогды не первой будуть браны добра шляхетские в замену, аж вышлем комисаров, которые бы з добрым уваженьем широкости и пожитков грунтов так з стороны наше, яко з стороны шляхетское отмену давали, стерегучы подле веры и сумненья своего, ижбы не уближилосе ничим яко добрам, столу нашему належачих, так же и шляхетским. А комисаре на то з стороны наше — подскарбий земский або дворный и староста, в чией державе ся точити будеть. А естли бы панове подскарбие сами выехати не могли, тогды кого иного на их местце маем з стороны наше выслати, а шляхтичу з стороны своее также двух особ комисарми вывести вольно будеть. А гды вжо через таковые комисары замена и ограниченье дойдеть, мы, господар, повинни таковую замену листом нашим маем утвердить.

Артыкул 51

О монополий, то ест недаванья одной особе в аренду и заведанье пожитков, всей речы посполитой належачых.

Иж ест обваровано в артыкулах поприсяженья нашего, абы монополия не была, прото тот артыкул слово от слова ест вписан и так се в собе маеть: Особливе то варуем, иж податков, ани поборов жадных на именьях наших королевских и рад духовных, также цельновых, на местах наших в Польще и в Литве и во всих землях паньства нашего складать и постановлять не маем без зезволенья всих станов на сойме вальном, ани теж монополию речей тых, которые с паньств наших так польских, яко литовских походять, уставляти допустити не маем. А хто бы се важил над сее постановенье листы наши с канцляреи наше одержать, тот маеть быти виною каран до скарбу нашего земского стома копами грошей. А предсе такие листы наши некоторые моцы мети не мають, и тая особа тым владати не будеть мочы.

Роздел четвертый. О судьях и о судех

Артыкул 1

О вольном обиранию вряду земского, судий, подсудков и писаров в каждой земли и повете.

Што продок наш славное памети король его милость и великий князь литовский Жигимонт Август, выдаючи ку вживанью обывателем того паньства, великого князства литовского, сесь статут права посполитого земского, через них же самых з старого их статуту и зь иных розных прав хрестиянских поправены, межи иными волностями, свободами и порядками, в нем описаными, еще ку розширенью большое волности и осягненю прудшое справедливости рачил им за сполною на то всих станов згодою и призволением, яко верным подданным своим а людем здавна вольным, зацным и учтивым, того узычити и позволить, абы для шафунку и отправоування справедливости людское на местце господарское судьи земские, то ест судья, подсудок и писар в каждой земли и повете водле розграниченья, розписанья и порадку, около того вделаного, были вольне обираемы, которые бы всякие sprawy, тому суду земскому прислухающие, отправовали, яко то им привилыями его королевское милости, у Бельску и у Вильни на тот статут выдаными, достаточне ест обваровано и утвержоно и в сем статуте описано, где ж и мы, Стефан, божю милостью король польский, великий князь литовский, приходячи на панование того великого князства литовского, под тым то статутом и в том же помененом порадку судов обывателей здешнего панства знашли и застали, и тепер они того уживають. А ижбы

то им и на потомные вечные часы непорушне трвало, яко то себе привильями и тым же статутом и первой обваровано мели, так и тепер хочем то мети и уставуем, иж гды бы который з врядников тых земских, судья, подсудок або писар умер, тогды другие врядники, живо позосталые, мають нам, господару, о том через лист свой знати дати то, гды быхмо были в здешнем паньстве нашом, великом князстве литовском. А где бы се то трафило в небытности нашей в том паньстве, тогды о том мають дати ведати воеводе, а в земли Жомоитской — старосте жомоитскому, а в небытности воеводы або старосты, ино кашталяном оное земли. А за таким даньем знать маем мы, господар, через лист наш без жадное проволоки, а в небытности нашей маеть воевода або кашталян через листы свои старосте поветовому, врядником земским и шляхте того повету, а староста жомоитский або теж кашталян — тивуном, шляхте и всякого стану оное земли Жомоитское обывателем также через лист свой час ку зеханью зложити, приславшы такий лист в тот повет до вряду гродского перед часом, на то зложоним, за чотыри недели. И тот лист маеть быти везде в том повете обволан и обголошон тым обычаем, яко и о инших листех наших соймовых або военных ест вышей описано в розделе третем. На который рок зехавшисе вси обыватели оного повету от вышшого до низшого стану до замку албо двору нашего, и там тые, которые се до того обранья на день зложоный зедуть, колько их будеть, вжо инших неприбылых не ждучи, мають на местцо того змерлого врядника спосродку себе чотырох особ шляхтичов, людей добрых, побожных, цнотливых, годных, в праве умеетных, писати умеющих, родичов того паньства, великого князства, и в том повете не ново, не змышлене оселых обрати и нам, господару, имена тых особ обраных на писме за печатями своими ознаймити. А мы с тых чотырох одного, который се нам видети и подобати будеть, выбравши, на местцо того

змерлого врядника неотволочне установити и привилъем нашим на тот вряд до живота его альбо до вывышенья з ласки наше на инший який вышший вряд або достоеньство утвердити его маем. А где бы на судство подсудка або писара, або по зештью подсудка на подсудство писара обрали, тогды ку подсудку або писару вжо инших елеитов не потреба будет прикладати, только на местце подсудково або писарово мають там же заразом на оном зезде таковых же, яко вышей описано, особ чотырох обрати и нам имена их на писме за печатьми своими подати, а мы промежку них одного которого тым же обычаем, яко верху доложено, на такой вряд подадим и ствердим. А кому с тых обраных тые вряды земские дадим, тые врядники потом на перших рокохъ судовых будутъ повинни напервей там на местцу судовом перед воеводою або кашталяном, а где воеводы и кашталяна нет, ино перед старостою судовым и маршалком одного повету при собранью шляхты, а где бы воевода, ани кашталян, ани староста, ани маршалок не прибыл, тогды при инших врядниках земских и при собранью шляхты, которые в он час на тых рокох будутъ, присягу на тые вряды свои учинити, то ж потом вряды своими владнути и шафовати. И так мають вжо вечными часы в поветех около обиранья предречоных врядников справоватисе и заховати. А присега судьи и подсудку мает быти тыми словы: "Я, найме, присегаю пану богу вшехмогонцому, в тройцы едыному, иж в том повете (найме) водле бога справедливе и водле права статуту сего, даного великому князству литовскому, водлуг жалобы и отпору сторон, а не водлуг ведомости своее, ничего не прикладаючи, ани уймуючы, буду судити, сознанья и записы приймовати, не фольгуючы высоким и подлым станом, на достоинствах и врядах сидячих, на богатого и на вбогого, на приятеля кровного заховалаго, ани на неприятеля, на тутошнего, ани на гостя не смотречы, не с приязни, не з вазни, не з боязни, не за

посулы и дары, ани сподеваючисе напотом даров и якого нагороженья и не радечы стороне, ани боячисе казни, помсты и погрозок, але самого бога и его светую справедливость и право посполитое и сумнение свое перед очима маючи, теж роков николи не омешкиваючи, кром великое, правдивое зложное хоробы. А як на том справедливе присегаю — так ми, боже, поможи, а естли бы не справедливе — боже, мя убий". А писар земский маеть по-руску литерами и словы рускими вси листы, выписы и позвы писати, а не иным езыком и словы. А присягнути маеть на врьд свой писарский тыми словы: "Я, найме, присегаю пану богу, в тройцы единому на том, иж справедливе водле бога и того права писаного и водлуг мовенья и споров сторон, ничого не прикладаючи, ани уймуючы, буду записывати и радити судьи и подсудку верне и справедливе, подле сознанья сторон и споров на судех, осветченья и оповеданья судового, и сказанья судовные буду вписывати а пильновати и доглядати, абы водле сее присеги моее справедливе были вписованы. А книг первших, гды хто выписов альбо видимусов яких потребовати будеть, теж их справедливе и верне, яко в книгах записано будеть, з ведомостью судьи и подсудка выдавати буду, не маючи баченья на высокие и подлые станы, на достоинствах сидячих, богатого, на вбогого, на приятеля кровного и заховалого, ани на неприятеля, на тутошнего, ани на гостя, не с приязни, не з вазни, не з боязни, не за посулы и дары, ани боячисе казни, помсты и погрозок, не ждучи нагороженья, але самого бога и его светую справедливость и право посполитое перед очима маючи и сумнение свое добре, побожне справуючи — так ми, боже, поможы. А естли не справедливе — боже, ме убий".

Артыкул 2

О судьях, яковые мають быти выбираны.

Уставуем, иж на тые вряды, яко на судство, на подсудство и на писарство, не мають быти выбираны духовные особы, ани кашталянове, маршалки и старостове судовые, ани подкоморые, войские, ани хоружие земские, дворные и поветовые и нихто таковой, который бы иным врядником земским был, але таковые и так мають быти выбираны, яко вышей в першом артыкуле сего ж розделу описано. А где бы хто таковой был, жебы два вряды судовые або иные земские держачы, а напомнимый от шляхты на роках судовых або на соймаку пустити одного которого вряду не хотел, тогды тот оба два тые вряды тратить, а мы, господар, водле статуту за обраньем и прозьбою шляхты иных на тые вряды маем подати и установити. Ведь же з ласки наше, господарское, могут тые врядники земские, судья, подсудок и писар, также немней маршалки, подкоморие, хоружие быть державцами и тивунами дворов и добр столу нашего, только б не судовых староств, так в том же, яко и в ыншом повете.

Артыкул 3

О моцы и владности суду земского, иж кождый и вшелякого стану повинен перед ним становитися, и о том, хто бы перед ним не стал або ставши с права перед выроком проч зышол.

Теж уставуем и даем моц вечными часы зверхности владностью наше, господарское, с призывольем панов рад наших и всих станов всих земель того паньства нашего, великого князства литовского, тым врядом поветовым в

кождом повете судьи и подсудку на роки зложонные судовые
запозванных перед них судити и справовати всих станов,
почавшы от вышшого аж до низшого, однако и одностайне,
хто одно кольвек в том повете именья свои мети будуть,
жадного з них не выймуючы, ани з суду их самых и именей их
не выпускаючы, кром добр, столу нашему, господарскому,
належачих, яко о том в трибунале и в иных артыкулах сего
статуту на своих местцах ест описано. А хто бы кольвек,
маючи именья свои в том повете, перед ними се становити на
часы певные, яко то нижей на своим местцы постановено, за
позвы не хотел, на таковых, хто колвек будеть, так высокого,
яко низшого стану, даем моц зуполную оному вряду земскому,
судьи и подсудьку, иж мають подле сего права и артыкулов,
нижей о том постановенных и написанных, поступком сказанье
и отправу чинити против каждого, яко хто во што на котором
року упадаеть, аж до остатнего стопня права. А где бы сторона
позванная, перед врядом у суду ставшы, будь на первых або
на других роках, хотя ещо не на завитом року, позву
выслухавшы и до него так з стороны позванья, яко и з стороны
збиванья позву мовившы, а вряд бы ему того збуренья року,
ани збиванья позву за слушное не признал, а он бы предсе не
хотечи на реч самую отказывати, альбо пак и вступивши вжо в
реч и мовенье правное з стороною жалобною мевшы, а до
конца розсудку и сказанья их не слухаючи, проч от суду
отышол, не хотечи быти права послушон, тогда вряд на
таковом упорном вжо не нестанное, але заразом реч самую, о
што позов идеть, за доводом слушным правным сказати маеть.
То ж ся и о жалобной стороне розумети маеть, иж где бы
вступивши з стороною своею противною в право, а проч от
вряду отышол, тогда таковой реч свою тратить. Нижли тот
суд земский только тых артыкулов судити не маеть и моцы
мети не будеть, которые в особливых артыкулах суду нашему,
господарскому, и суду врядов наших гродских суть зоставлены

и злецоны, обычаем, способом и поступком, около того на своих местцах описаным. А декреты и вси сказанья судовые судья с подсудком мають с писма чинити и тую цедулу рукою своею судья або подсудок подписати, которую цедулу самого выроку водлуг зезволения судиного с подсудком писар маеть написати, а по выроку тую цедулу до писара отдати, водлуг которое писар оную справу в книги записати маеть; и не маеть выдавати сторонам листов судовых, аж перед судьею и подсудком вычитаеть, первой до книг уписавши. А листы судовые и всякие выписы и иные всий листы того вряду земского маеть писар рукою своею подписывати.

Артыкул 4

Абы особы врядовые сами судили, а не хто инший на их местцу, и о том, гды бы хто з них захорел або свои властные sprawy в иншом альбо в том же повете мел, и о даванью листов упоминальных.

Уставуем, абы судья, подсудок и писар сами через себе, а не через свои наместники суды и роки отправовали, окроме того, если бы который з них сам захорел або бы теж свои властные потребности мел, або быхмо мы, господар, которого з них в справах наших, господарских, и земских альбо в посельстве отослали, тогды маеть о себе на роки товаришом своим и шляхте дати знати, же на тых роках для которое с тых вышей помененых причин не может быти. А мы, господар, даем моц, иж тые два врядники судовые, на оных роках земских будучие, з шляхтою, которие ся на тот час зедуть, от дня зачатю роком, в статуте помененого, третего дня, не ждучи иных неприбылых, мають на местце оного третего врядника кого другого человека доброго, цнотливого, веры годного, в праве и писать умеючого шляхтича, там же в том

повете оселого обрати и местце его засадити. А где бы шляхтича на местце того вярника неприбылого на обранье одное особы не згодилися, тогды тые два вярники земские, которые прибудуть, в незгоде шляхты прихилившисе до тых, которые бы особу учтивую, богобойную и у права умеетную подавали, мають за товариша третего, в местце не прибылого, тою особою засадити. А тот, кого оберуть, присегу учинивши, вси sprawy судовые поспол с тыми двема урядниками отпраовати маеть. И вжо тые уси роки оная обраная особа отсуживать и всякие пожитки приходячие на себе брати будеть, хотя бы и тот урядник, который не в час приехал, прыбыл, тогды вжо местца своего на тых роках заседати не маеть. Вед же в тых двух днех с початку роков, поки третего дня местце неприбылого вярника засажоно будеть, предсе перед тыми двема вярниками стороны пилность до права чинити и воланья через возных ку праву на позвех записывати могут. А где бы и тому обраному якая справа в речах его властных на тых роках и в оном же повете припадала, ино тые ж вярники два з оною ж шляхтою, которая на он час будеть, не ждучи иных, на тую его только справу кого иного обравшы, местце его засадити мають. А вед же тот вярник земский, который на тых роках быти не мог, на других роках под тою ж присегою, которую на вяр свой учинил, маеть перед шляхтою поведити, иж правдиве не моцон был або свои властные потребности на роках в иншом повете мел, а не ку зволоце стороне и ни ку чьей шкоде тым се вымовил. А где бы который с тых вярников земских без правдивое обложное немоцы або властное пилное потребности своее в другом повете на роках, не маючи роков судовых, омешкал, а то бы се до трех разов на него показало, таковый уряд свой тратить. А писар может подписка або двух, або колко ему потреба будеть, мети а пилне того догледати, абы верне и правдиве, не проволокаючи, але заразом до книг записывано было. А где бы се што такового в

справе от них помылило, не повинна будетъ шляхта подписков
смотрети, але на самом писару за оную помылку шкоды свое
доходити мають. То ж се и о писару гродском в омылце якого
писанья розумети маеть. А где бы который с тых врьдников
земских судовых у того ж суду, где сам врьдником ест, мел
властные справы свои так за позвы, яко бы гды и сознание
якое чинити мел он кому албо хто ему, тогды таким же
обычаем оные два врьдники з шляхтою на местцо его иного
обрати мають, яко вышей описано. А на тую его справу
обраный без присеги справовати маеть. А пакли бы два з них
которые врьдники промежку себе запозвалисе до того ж суду
земского, тогды третий врьдник товариш их з шляхтою, там
будучою, будетъ мети моц на местцо оных двух врьдников, в
праве з собою стоячих, теж двух особ тым обычаем, яко
вышей о одном написано, ку розсуженью тых справ обрати. И
если бы на местцо писарское кого иного обрали, тогды его
подпис так будетъ важна, яко и писарская. А о бранью позвов
и листов упоминальных и иных листов правных в потребах
властных писаровых, также судьи, подсудку, и в их речах и
теж кому иншому противных около бранья листов
упоминальных и иных листов правных, окром позвов, мають
се они заховати водлуг артыкулу шостого в сем же разделе
четвертом. А хто под часом засаженья на суд иншее особы
кривду якую в суде менити собе будетъ, тот того ж и позывати
о то мает. Ведь же вины, платежу пенезного относити на собе
не будетъ.

Артыкул 5

Устава о пересудех и о паметном судьи и подсудку, также вряду городскому и иным врядником нашим.

Уставуем, гды суд земский кому што на ком присудить, тогды от презыску того, хто зыщеть, мають себе брати за працу свою пересуду от копы литовское по два грошы литовских, и с того пересуду судьи земскому маеть прийти грошы два, а подсудку третий грош. Нижли што се дотычеть долгу, хто бы будучи кому винен якую суму пенезей позычоную на запис свой або який иный долг от кого иного на нем записом его и за того, хто переводить, властным записом переведеный, а того бы заплатити не хотел аж за позвы с права, тогды не тот пересуд маеть платити, хто зыщеть свое властные пенези албо долг переведеный, але таковый сам долг свой и пересуд платити винен будет заразом того ж часу по сказанью, не отходечы от того ж вряду нашего. А естли бы упорне платити не хотел, тогды жалобная сторона на он час маеть своими пенезми вряду пересуд дати, а вряд то ему при головной суме на листе судовом и увяжчом доложити и на именью такового упорного ему отправить мает; так же и от долгов по змерлой руце, по которой потомки повинни пересуд платити. А што се дотычеть того, хто се от чого оттяжеть, тогды паметного яко от великое, так от малое речы и суммы пенежное не повинен больш дати вряду нашему и кождому иному суду, толко чотыри гроши; хотя бы теж и колко албо колконадцать учасников або сябров в одной речы оттягалосе, тогды предсе не болш паметного, толко чотыри гроши вси мають дати. К тому теж от печатованья вечностей, гды хто кому именье продаеть, даруеть, записуеть, на вечность заменяеть и даеть сознаньем своим обличне пришедши до вряду нашего земского з записом своим властным, тогды тот,

хто именья набываеьт, судьи паметного чотыри грошы, а подсудку два грошы, а за запечатованье выпису с книг того сознанья вечности другие чотыри гроши судьи, а подсудку от печати его два гроши маеьт дати. А над тую уставу не мають врьдники наши земские болш пересуду паметного и от печатей брати под виною на сторону, в которое бы над тую уставу болш поневольне было взято, дванадцатьма копами грошей. А што взял назвыш совито вернути маеьт, которую вину винен будеть тот врьд наш земский за первшим позвом суду головного, а за присегою стороны жалобное укривжоному заплатити. Тым же обычаем и врьд наш гродский пересуды и паметное от речей судовых, также и от сознанья вечности и яких иных записов только водлуг тое уставы наше, вышей описаное, маеьт брати. По тому ж и иншие, хотя не судовые державцы, тивунове и иншие всякие врьдники замков, дворов и волостей наших около обранья пересудов и паметного противку всякого врьду и стану шляхетского и их слуг, бояр и подданных заховатисе мають. А где бы врьд наш гродский, воевода, староста або державцы судовые над тую уставу и уфалу земскую што болш на ком взяли, тогды так же повинни будуть за первшим позвом суду головного и за доводом таковым, яко вышей описаное, тую ж вину дванадцать коп грошей и што взял совито стороне заплатити. И тым же способом на именью такого врьдника мощно отправено то быти маеьт через возного поветового за листы суду головного, до врьду нашего земского албо гродского о том писаными, и далее в той отправе поступуючи водлуг артыкулов, в сем же розделе о отправах речей сужоных описаных. А где бы не сами воеводове, старосты и державцы, и тивуны, але врьдники их над тую уфалу болш на ком што взяли, тогды укривжоны водлуг артыкулу тридцать сегого, в сем же розделе нижей описаного, поступовати и справедливости собе доводити маеьт. А на неоселых в сем

паньстве врадниках наших тые вины мають быти стороне
отправлены через посланьца нашего на маетности его
рухомой.

Артыкул 6

**Устава доходов писаром земским и городским и о позвех
писару в его речи, также иным врядником и теж против
врядников.**

Писару земскому и городскому от кождых позвов або
мамрамов двух на позвы по грошу, от листу заручного —
гроши чотыри, от листу упоминального — гроши два, от
вписанья позвов в рейстр — грош, от напису воланья ку праву
альбо якого застановенья сторон, альбо зданья в нестанном —
грош, за уписованье у книги — грош, от выписов с книг,
оповеданья в кривдах поточных и от сознанья возного —
гроши два; от судовых листов на именья, люди и грунты, с
права присужонные, и сознанья вечностей и всяких записов и
теж переносенья записов з гроду до земства за такой выпис,
што будеть на аркушу — грошей дванадцать; а естли на двух
аркушах албо и болш — гроши двадцат чотыри; а на
паргамене бы и наважнейшая реч — грошей сорок осм; а
паргамин, шнур и воск сторона повинна дать от листов
увяжчих по шести грошей; от листу, отосланого по отправу до
иншого повету — грошей шесть; от листу заповедного около
грунтов пенных — два гроши. А над сую уставу писары болш
вытегати не мають под виною на сторону дванадцатма копами
грошей и под верненем того, што бы над тую уставу взял, з
совитостью, яко о том у вышшом артыкуле о судьях ест
описано. Теж естли бы писар земский хотел кого позвати ку
праву в том же повете до того ж суду земского, тогды маеть
сам себе позвы запечатати тою ж печатью нашою, оному

повету даною, а судья альбо подсудок маеть их ему подписати. Так же и на себе самого повинен писар земский позвы печатью нашою запечатати и подписати рукою своею албо мамрам дать. А не всхочет ли писар на себе позвов або мамранов дати, тогды совитой вине, то ест двадцатма и чотыром копам грошей, подлѣгается, о што укривжоный водлуг артыкулу вышшого пятого в сем же разделе поступовати и права собе доводити маеть. Тое ж се и о выписех оповеданья кривд, сознанья возных часу роков земских и теж о выписех судовых и сознанья записов розумети маеть, иж в справах властных писаров земских судьи або подсудки подписывати их мають. Где бы теж хто листов упоминальных и иных правных потребовал против которого с тых врьдников земских, судьи, подсудка або писара, тогды против одному два их таковыя листы печатовати мають, а писар подписывати, а против писара судья або подсудок маеть подписати. Так же и в их потребах властных розумено и заховано быти маеть. А врьдники гродские так же ся и тым порядком в своих потребах заховати мають.

Артыкул 7

О беспечности судьи, подсудка и писара земских, также врьду гродского, по тому ж суду подкоморского и комисарского.

Уставуем теж, естли бы хто кольвек, пришедши до суду замкового або земского, а там на суде, албо хотя на улицы, будь теж в господае и где кольвек, под тым часом, поки роки земские албо рочки гродские водле порядку сего статуту отправованы будутъ, судью, подсудка и писара земских албо которого з урьдников гродских словы доткливыми славе и почстивости его зсоромотил, таковый маеть за нашу,

господарскую, вину седети шесть недель в замку албо в дворе нашем, а такового обельжоного врьдника навезати водлуг стану его шляхетского. А естли бы ранил, тогды горлом каран быти маеть, а ранному навезку совито на именью виноватого отправить. А пакли бы забил, таковый горло и честь тратить, а детям або близким забитого головщина на именью виноватого совито отправена быти маеть. Вед же обвиненый в таковых речах, звлаща о забитье або зраненье врьдника, не был ли бы заразом на горячем учинку пойман, маеть позван быти до суду гродского того ж повету, в котором се то станеть, а коли з суда за доводом так найдеться, тогды в том по суде кожного стану чоловек каран быти маеть, яко вышей описано. Вед же такую реч, где ся почстивости дотыкати будеть, до нас, господара, отсылаючы, по тому ж се маеть розумети и о беспечности суду подкоморского и комисарского, поки суды, им злецыные, отправовати будут. А хто бы, о такую реч будучи до суду гродского позван, на рок позванный не стал, тогды такового за даньем нам о том знати через лист того суду гродского маем розказати выволати со всих паньств наших вечным выволаньем, яко бы се николи в границы паньства нашего не ворочал, а навезка або головщина предсе з именья такого непослушного плачона и отправована быти маеть заразом, скоро за позвы не станеть.

Артыкул 8

О уставленью возных и присязе их.

Уставуем, хочечы мети, абы в каждом праве на врьдех наших, земском, гродском, подкоморском и комисарском, завжды порядок и справа обычайне шла, и для того даем моц, абы панове воеводове в каждом повете судовом, где книги лежать, а в земли Жомойтской — пан староста жомойтский

возных уставляли, давали и подстрегали шляхту, людей добрых, веры годных, цнотливых и оселых в том же повете, которых вряд земский и шляхта оберуть и дадут свидетельство о цноте и добром захованью их через лист свой так много, яко бы водлуг широкости повету потреба указывала. И гды прысягу возный учинить и имя его у книги гродские, а потом и в земские книги на роках вписаное будет, тогды вжо таковый возный то все, што на вряд его возновский належить, слушне справовати может, и завжды чергою два альбо три возные при суде гродском мешкати будутъ повинни для вшеляких припалых потреб. А присегати возные мають тыми словы: "Я, найме, присегаю пану богу в тройцы единому на том, иж я, будучи возным в том повете, маю верне, цнотливе, побожне и справедливе на том вряде заховатисе, позвы и всякие листы его милсти, господарские, и врядовые справедливе и пилне относити и отдавать и на именьях покладать. Теж правдиве то, на што буду от стороны взят и што справедливе видеть и слышать буду, гвалты, бой, раны и шкоды огледавши, правдиве до книг врядовых заразом без проволоки сознавать и все иншое справовать, што належить врядови моему, не за посулами, не за подарками, ани для обетниц, ани за приязнею, ани за неприязнею, ани з боязни, ани боячисе жадных погрозок, одно водлуг бога и светое справедливости поступуючи, и кождому потребуячому безъ жадных змышленых вымов и проволоки на потребности правные ездити. Так ми, боже, поможи, а если несправедливе — боже, ме убий".

Артыкул 9

Справа и врьяд возного.

Уставуем, иж возный присяглый с кождым часом за везваньем от кождого чоловека потребуемого, где кольвек его знайдець, будь в дому его, в торгу и на беседе, и в дорозе, повинен и без ведомости приданья и посланья врьядового, гродского и земского, и без квитов их на всякие sprawy людские неомешкали ездить, ничим се не вымовляючи, и тое справовать: напервей позвы наши, господарские, дворные, земские, гродские, подкоморские и суду головного до каждого и набольшого стану носити и ими позывати и рок складати; теж листы всякие наши и врьядовые в справах людских подавати и на право часу чиненья одному от другого за листы упоминальными справедливости ездити, а за посланьем врьядовым заповедать сторону, ижбы от права не отеждчала, а по сказанью врьяду земского або гродского присегу выдавать; при осветченью всяком быти и увязывать в ыменье, в грунты в презыскох з выроку и с приданья врьяду так земского, яко и гродского за листы их; а гвалты домовые и иные всякие речи кравые, розбой, раны, головщины и иные гвалты посполитые оглядовать и без приданья урьядового маеть и до книг врьядовых сознавати. А завжды маеть при собе меть при кождой таковой вышей помененой справе двух шляхтичов веры годных для подпиранья вызнанья и свидетельства своего. Вед же хлопские бои, раны, испашы вшелякие и иные шкоды тым подобные меньшие, о што честью, горлом и розлитьем крови и везеньем и выволаньем не карають и што бы большей двадцати коп грошей не выносило, сам один и без стороны шляхты огледати может. Однако ж без кождого омешканья за тыдень, а надалей за две недели сам очевисто то все до книг врьядовых пры квитех своих, которые зараз стороне дати

повинен с печатью своею и с печатми тое стороны и с подписью рук их, естли бы который з них писати умел, мает сознавати, окром яких гвалтовных и слушных причин, за чим бы возный не мог за две недели до вряду сознать. А вряду кождый от возных, так посланных з уряду, яко и без посланья врядового от стороны взятых, маеть сознанье приймавати и до книг записывати и выписы давать во всяких речах и жалобах людских, так земскому, яко и замковому суду належачих. А таковые выписы с книг врядовых сознанья возного у каждого права приимованы быти мають. А гды бы возный, не доехавши до книг и сознанья не учинившы, умер, тогды оная шляхта, которые бы на он час при возном стороною были, мають быти через сторону жалобную заразом скоро по смерти оного возного змерлого перед урядом ставлены. А тая сторона при квите том оного возного под сумнением мають то до книг сознати, чого будуть в той справе при возном сведоми. А тое сознанье их на вряде кождом за мощное принято будеть. А где бы возный што кольвек такового непристойного справовал, або ижбы несправедливе сознал, а врядом своим ку шкоде которой стороне шафовал за якою ж кольвек причиною, або жебы на чию справу и потребу кому гволи, або про страх и пожиток свой заразом ехать, листов наших албо врядовых и позвов водле потребности сторон носити и подавати не хотел и роков судовых кому с позваньем омешкал, тогды за доводом слушным, ясным и достаточным, который бы се з шкрутынии показал, каран быти маеть водле важности выступу своего. А меновите: за неправдивое сознанье горлом, а за иншие меншие выступления маеть сесть у везенью на замку або в дворе нашем дванадцать недель и шкоду стороне поводовой нагородити за доводом. А в таковом обвиненью, звлаща только в речах меньших, где о горло не йдеть, повинен будеть возный справоваться без позвов часу роков земских або гродских перед тым врядом, перед которым бы што ему о неслушною

справу его, очевисте на вряде будучому, задано. А где бы очевисте на вряде не был, а хотя бы и был, а шло бы о такую реч, за што бы мел быть горлом каран, тогды укривжоный маеть его, яко шляхтича оселого, позвы перед уряд належачий, то ест, где о горло идетъ, до гроду, а в речах инших — до земства, позвати и собе справедливости з ним за первшыми позвы, яко на року завитом, доводити будеть. Теж винен возный листы наши соймовые, военные и иншие всякие, от вряду ему поданные, без жадного омешканья до тех, до кого належати будутъ, относити.

Артыкул 10

О доходе або заплате возному.

Возному за працу его по тому маеть быти давано, то ест коли где на которую кольвек справу поедеть, тогды ему от мили по грошу ув одну сторону, а што назад поедеть, за то ничего брати не маеть. А естли мили не поедеть або на местцу позвы або якие кольвек листы господарские або врядовые дасть, огледати гвалту, ран, бою, шкод або прислухивати чого будеть, предьсе ему от того грош, а от осветченья — грош. А где на увязанье поедеть, с тех же людей, в которые увязывати будеть, з службы по грошу брати маеть, а от полслужбы — полгроша, а с пустовщыны таковое, которую пашуть, полгроша, а от моргу — пенезь один, а от сумы пенезей, отправуючи ее на рухомых речах, от копы по два пенези брати будеть. А от пустовщин и моргов пустых доход возному сторона жалобная винна при увязанью дати. А ей то потом от стороны противное при его суме сказаной часу выкупенья заплачено быти маеть. А от огледанья испаши и от окопованья шкоды возному грош, от воланья сторон за позвы ку праву — грош, от заказыванья на рокох ку праву — грош.

Артыкул 11

О беспечности возного, будучи ему на справах, вряду его належащих, также и стороне, при нем будучой.

Уставуем теж, естли бы хто возного на справе за листы воевод, старост, вряду замкового и земского албо суду головного трибунальского люб теж вряду подкоморского и комисарского албо и без листов, будучи ему на справах, вряду его належащих, сам або через слуг, подданных своих збил албо, листы от него отнявши, содрал албо возного люб сторону позвы, листы ести примусил албо поличковал, волосы або бороду рвал и тым вряду не учстил, тогды таковой кождый маеть быти о то позван на рок завитый до вряду земского албо гродского, где сторона жалобная похочеть, на першие роки. А там за доводом слушным маеть навезати возного совито водле стану его. А за нашу вину на замку албо дворе поветовым дванадцать недель седесть у вежи верхней, а сторону, которую бы при возном збито або, яко вышей описано, обельжоно, маеть также за слушным доводом навезати совито водле стану, якого будеть, и шкоду возному и стороне, и естли се ей што в тот час станеть, совито заплатити. Пакли ж бы конем хвосты поурезано альбо поранено, тогды за то винен будеть толко коня конем навезати и за то седенья не понесеть. А где бы претивная сторона за сказаньем суду земского або гродского седети, навезок и шкод платити не хотела на час, от вряду назначоный, тогды таковой еще в другую совитую заплату навезок и шкод присужонных для тое противности своее попадеть, што вряд возному и стороне заразом водлуг порядку о отправах речей сужонных, нижей постоновеного, на йменью такового отправить маеть. А тое непослушенство его з стороны седенья вряд земский або гродский, перед которым се то приточить, маеть нам, господару, ознаймити, а мы,

господар, тому не фольгуючи, без всякое проволоки и откладанья на инший час, але заразом взявши о том от того вряду нашего ведомость через лист отвороный, такового обвиненого и вряду нашего непослушного маем зо всих земель паньства нашего казати выволати. А пакли бы хто возного на таковых справах, вряду его належачих, або сторону, при немь будущую, забил, таковый, будучи о то притягненный до суду гродского и с права поконаный, сам горлом каран, а головщина забитого совито з имения его плачона быти маеть. А за нестаньем стороны обвиненое вряд в том далее поступовати маеть, и мы, господар, за отосланьем врядовым заховатисе против таковых будем водлуг артыкулов, на суд гродский около речей кровавых описаных. Одно ж за головщину и шкоды такого возного або стороны забитое вряд заразом, скоро позванный не станеть, совитое сказанье и увязанье в имение такого свовольного и непослушного дати маеть, положивши на листе увяжчом еще так великий заклад, яко самое речы скажетъ. А где бы што с тых речей менованых возному або стороне ку зельживости сталосе не от самого пана, до кого бы был послан, але от слуг, подданных и от кого колвек иного з дому або на имению оного, будь при бытности самого пана в том дому або в небытности его, а он бы, будучи о то позванным, до того се не знал, жебы се то мело стать з его росказанья, тогды о том через тот же вряд, до которого будетъ позвано, росправа маеть быть вчинена таким обычаем, яко в той мере о посланьцох наших в розделе первом артыкуле двадцать четвертом ест описано.

Артыкул 12

**О печати нашей, господарской, земской и теж о печатех
врядовых, которыми што маеть быти печатовано.**

Теж мы, господар, даем под гербом того паньства нашего, великого князства литовского, "Погонею" печать до кожного повету, на которой ест написани около гербу имя того повету. А тую печать писар земский присяжный у себе сам, а не хто инший, ховати маеть, которою печатью и под тытулом нашим позвы мають быти печатованы и выдаваны. А иные некоторые листы, выписы и признанья, кроме только самых позвов, тою печатью не маеть быть печатованы, але будутъ печатованные всякие листы с того вряду земского, судовые выписы и признанья, листы упоминальные, увязчие и иные печатями судьиною и подсудковою, а подписованы рукою того ж писара земского.

Артыкул 13

**О книгах земских и городских, где мають быти хованы и о
местцу на отпраованье судов земских и теж о выдаванью,
кому потреба укажетъ, выписов албо видимусов.**

Уставуем теж, хочечи то мети, и приказуем, абы в каждом таком повете, где суд земский ест в замку албо в дворе нашем, судья, подсудок и писар земский посполу з шляхтою и всеми иными станы опатрыли, збудовали таковые места, где бы завжды книги земские безпечне от вшелякое пригоды были захованы. Прото воеводове и старостове судовые в каждом воеводстве, земли, повете в замку або дворе нашем судовом схованье доброе и варовное поступити им на то винни будутъ. А где бы таковых схованей не было, тогды на збудованье

склепу ку захованью книг местца пристойные в замках и дворах наших указать и подати и сами ж таковые воеводове и старостове судовые оное схованье книг земских доброу сторожоу под кождым часом опатровати мають. А гды роки отсужоны будутъ, тогды по выволанью роков мають книги еще немней трех дни лежати, при которых мають быти, не отеждчаючи, судья, подсудок и писар для сознанья, уписованья и выписов бранья, для иных потреб шляхетских. А розеждчаючисе, мають иньшие первших роков книги вложить и захвати в скриню мощную за трима замками, от которых один ключ будетъ у судьи, другой у подсудка, а третий у писара, и печатями своими запечатати мають. Але книги тых одних судовых роков, с которых се по отсуженью их будутъ розеждчать, мають быти у писара земского, яко врядника присяглого, аж до других роков судовых, а то для порадного справованья и начысто переписанья книг. А писар в том часе, межы роков переписавшы тые книги начысто, маеть их на других роках до одное скрини и захованья з судьею и с подсудком, яко о том вышей доложено, положить и потом их не отворати, аж весполок з судьею и с подсудком, гды того потреба укажетъ. И вжо так завжды толко от роков до роков, судовне отправуючих, писари земские поветовые мають у себе книги ховати. А гды трои роки отсужоны будутъ, тогды по отправенью четвертых роков вжо тые sprawy прошлых троих роков в одны книги через писара знесены и вязани быти мають. К тому теж воеводове и старостове судовые в каждом воеводстве, земли и повете местца пристойные на збудованье домов для отпраованья судов земских недалеко замков и дворов наших судовых вряду земскому и шляхте указать и поступити мають. А врядники земские со всеми станы оног повету будутъ винни, яко тое схованье книг судовых у замку албо у дворе, так и тот дом судовый збудовати с тых пенезей, яко то особливоу уфалоу ест постановено, што за мощно

держано быти маеть. Тым же обычаем воеводове, старостове судовые книги гродские в добром схованью варовне ховати мають. А гды который воевода або староста судебный с того света зыйдет, албо если бы есмо которого з их с того вряду на иншое воеводство албо староство преложили, тогды врядники их гродские або они сами повинни будут тому старосте, которому оное воеводство або староство дано будеть, вси книги гродские в том же повете при веханью его на тот вряд перед шляхтою зараз в целости здати. А выписы або видимусы так с тых книг перших воевод и старост, яко и кождый вряд с книг своих справ кождому, кому кольвек того потреба указывати будеть, без вшелякого затрудненья и проволоки мають давати листы с подписом руки писара гродского присяглого и с печатми самих воевод, старост або их врядников судебных, наместника албо подстаростего и судьи гродского.

Артыкул 14

**О пересудех и паметном в ыменьях князьских, панских и
земянских так духовного, яко и светского стану.**

Забегаючи затрудненью и обтяженью справедливости людское, уставуем теж с призволенем всих станов, што ж вси панове рады наши духовные и светские, князи, панове, державцы, тивуны и вси иные врядники наши на врядах наших несудовых и теж в ыменьях своих властных, по тому ж рицерство, шляхта и вси обыватели того паньства, великого князства литовского, и в землях, к нему належачих, на ыменьях своих чинечи справедливость шляхте и иным подданым нашим з врядники, боярми и поддаными своими, мають се заховати сами и их врядники в бранью пересудов и паметного водлуг тое ж уставы, врядом нашим вышей в

артыкуле пятом сего ж розделу описаное, под тою ж виною на сторону по дванадцати коп грошей, о которые вины мають быти сами панове, где бы то сами вделали або з урядников своих справедливости о то не учинили, позываны до вряду нашего земского на первшие роки на завитый рок.

Артыкул 15

О бранью вижованого, оглядного и иных доходов в дворех и именьях князских, паньских и земяньских.

Уставуем и то, хочечи в порядку слушном мети, иж во всем том паньстве нашем, великом князстве литовском, и в землях, к нему належачих, на всяких врядах наших, господарских, несудовых, также на именьях князских, паньских и земяньских, духовных и светских, вижового, оглядного и от вязней потуремного не маеть быти большей брано, только водлуг сее уставы наше, нижей описаное, то ест вижу на кождую реч взятому и огледаного битых и ранных на местцу — грош один, а естли где виж поедет за колко миль, тогды ему помилного на милью по грошу у одну сторону, яко и возному поветовому — от выданья роты присеги духовным особам грош, а вижу, на то приданому, грош; а от вязней от вшелякого везенья потуремного, поланцужного або поколодного от такового вязня, который бы на горло седел, от шляхтича того, которого статут имать позволяет, дванадцать грошей, от простого человека — шесть грошей, а который бы в меньшей вине осажон был, жебы о горло не шло, от таковых по половицы того брано быти маеть. А платити то маеть тот, хто винен в чом с права зостанет. А естли бы вязень с права от обжалованья стороны противное вольным был вчинен, тогды сама тая сторона противная, што его осадить дала, маеть его подле тое уставы з везенья выкупити. Также где бы который

взяень на смерть был сказан, тогды тое потуремное сторона жалобная будеть винна заплатити. А плачоно то маеть быти раз один, гды вжо остатним разом взяень або на волность, або на смерть з везенья выходить. И для того вжо сторожа около всякого вязня маеть быти не того, хто его дасть осадити, але того пана, чый будеть слуга, боярин або подданный. Только где бы лезный неоселый человек, то ест дому под тым паном не маючий, был осажен, сторона жалобная на день на страву ему по чотиры пенези маеть давати. А естли бы хто з везенья вязня упустил, о том за припозваньем до права належного водлуг описаня сего статуту маеть быти сужоно водлуг артыкулу, в сем же розделе о врьдех наших гродских в таковой речи описаного, ищучи того на том, кому взяень подан будеть. А не всхочет ли пан або врьдник его того вязня до везенья своего принять, тогды маеть сторону с тым вязнем на врьд наш судовый пустити, и там вжо на том уряде з него справедливость чинена быти маеть, гды ж владзу свою за непринятьем вязня до везенья упустил. А што будеть от врьду с права сказано, то пан або врьдник его за декретом врьдовым на маетности того вязня рухомой отправити маеть. А естли маетности рухомое так много не будеть, тогды сам в том маеть быти стороне выдан на выроб, яко о том в ыншом артыкуле ест доложено, звлаща где бы горла не заслужил.

Артыкул 16

О зеханью суду земского за три дни перед роками и о пильности сторон ку праву.

Теж перед кождыми роками земскими будуть винни судья, подсудок и писар на местце, судом назначоное, за три дни приехати для отворенья книг и выдаванья выписов, кому того потреба будеть, также для вписованья позвов в реестр, абы

тот, хто первой впишетьсе до рейстру, тот теж наперед сужон был. Вед же где бы се обеде стороне межи собою запозвали, тогды тому наперед маеть быти справедливость чинена, хто наперед позвал. А от того вписованья в рейстр писару грош. А гды з рейстру три разы волано будеть, а не отзоветьсе тот, кого волають, таковый сказан маеть быти, яко не стал. Тым же обычаем и поводовая сторона маеть сказана быти. А тые воланья сторон у каждого суду и вряду розумено быти маеть, иж волавши стороны одного дня, и другого, и третего дня, по одному разу на день. Сторона, не пилнуючая року, маеть быти третего дня о нешпорной године здана и сказана за нестанье свое водле артыкулов, нижей описаных. А тых сторон, которим бы три дни пильности их обудвух минули, а для непоспеху врядового третего дня отсужоны не были, вжо четвертого дня и потом инших дней вряд до нешпорное години ждати не повинен, але скоро вряд на суде засядеть; а которая сторона за воланьем возного не станеть, тую вряд водлуг сего статуту здати и сказати маеть.

Артыкул 17

Яко и пры ком позвы позыватисе и яко а где то осветчати.

Теж хто бы на кого позвы взял и тыми позвы позывати его хотел, тогды позвы, от всякого вряду взятые, маеть возный з стороною шляхтою очевисто давати и позывати может при костеле, у суду, на дорозе и на каждом местцу, где бы его кольвек застати и найти мог. А где бы очевисте их дати не мог, тогды на именью того, с которого се кому кривда дееть, маеть положить в дворе, в дом або у ворота уткнути и там же у дворе, если бы у ворота до двора не был пуцон, через плот уряднику або тивуну, або, если бы там кого у дворе обачил, оный позов оповедати и обволати, жебы о позве сторона

ведома была. А не докликать ли се никого, тогда однак позовы, яко вышей описано, положити маеть. А предсе маеть тое положение позову возный оповедати войту або якому кольвек подданому того двора, который будеть наближей того двора. А естли бы в котором именью, с которого се кривда дееть, двора оного пана не было, яко то бывають села данники на Руси и инде в том панстве нашем, тогда тые позовы предсе в том же селе покладаны, старцу, войту, лавнику, десятнику або мужу которому оного села даваны, або в дому их кладены и до того повету, в котором тые села будуть, позывано быти маеть. Вед же гды возный заочне позовы покладаеть, маеть первой перед тою стороною шляхтою тот позов с противным позвом скориговати и их по достатку вычитати, абы во всем згодливые и нескробанные были. А иж теж на некоторых местцах через границы, поветом замеронные, многие особы таким обычаем дворов, мест и людей своих уживають, иж по одной стороне границы двор, а на другой стороне место, люди або грунты лежать, а будеть ли се кому кривда деети с тых людей або грунтов, при которых дворов нет, ино иж таковые кривды оному вряду поветовому, под которым се деяти будуть, оповеданы бывають, тогда теж до оного ж повету с такового места, людей и грунтов и позывано быти маеть. Вед же тые позовы, хотя и за границу, возный того вряду, в котором се кривда дееть, до двора оного пана нести и поступком, вышей писаным, давати будеть повинен, и рок, на который позовы подасть, маеть на обеюх позвех написати, абы позванная и поводовая сторона року ведоми, певни и пилни были. А где бы возный сам писати не умел, тогда будеть повинен оного позванья сознанье на писме обеюм сторонам под печатью своею и стороны шляхты дати и перед врядом гродским або и земским перед рочками и роками за день стороне жалобной тот квит свой сознати, которое сознанье за слушное у права земского и гродского приимовано быти маеть. А писар так

земский або гродский маеть на том же квите возного албо на позве, где подпис возного будеть, рукою своею написать, же возный тое поданье позвов признал. Естли на позве, тогды тыми словы, иж того дня при написе своем возный поданье того позву очевисто признал; а естли на квите, тогды также, день поменивши, коли сознаваеть, написать маеть, иж тот квит свой возный очевисто признал. А от того напису по полугрошку, а не болш писар брати маеть, а до книг вписовать того не потреба. А естли бы сторона поводовая хотела сознание возного до книг себе записать, то ей вольно будеть.

Артыкул 18

О позвех и о року, який за позвы будеть складан, и о грабежах.

К тому уставуем, иж хто бы до кого мел которое дело о кривду або о якую ж кольвек реч, тогды маеть от писара земского того повету позвы або мамрамы взяти под печатью нашою, от нас тому повету даную, и с подписью руки писарское. Ведь же в мамрамех дата, то ест рок и месяц и день, коли их хто береть, маеть быти написанный. А где бы сторона сама хотела себе позвы написати, тогды, принесет ли готовые написанные, писар, взявши от нее доход свой грош, запечатовати их и подписати будеть повинен. А шкод рейстр, похочеть ли сторона жалобная, вольно ей будеть под печатью своею або возного при позвех позваному дати. А сторона позванная яко на позов, так и на рейстр повинна будет отказывати. И тыми позвы перед кождыми роками судовыми мають се позывати очевисто за чотыри недели, а заочне, кладучи на именьях, с которых се кривда дееть, — за шесть недель перед роками. Ведь же личечы тую чотыри або шесть недель до роков, то ест до першого дня, на заседанье суду в

сем статуте описаного, не от даты позву, в нем описаное, але от часу и дня, яко очевисте поданы або на именью положоны будуть. А кому бы се стала яка кольвек кривда, также о грабеж ново близко перед роками за недель шесть, пять або за чотыри и за три, тогды о таковую реч новую может укривжоный позвати на тые ж першие близько пришлые роки, только бы се выполнил рок так очевистому, яко и заочному позванью от первшого дня роков судовых в десети днех, естли суд так долго заседати будеть. И таковый позов жалобник маеть в рейстр уписати в тот час, гды ему рок припадеть, и далее поступовати водле права. А меншие и близьшие роки не мають быти складаны, але в дальшом часе чотырох або шести недель волно позвы закладати.

Артыкул 19

О збиванью позвов и зношенью позвов з ыменья.

Теж уставуем, гды ж людем укривжоным великая проволока в справедливости их збиваньем позвов ляда причинами деяласе, прото так вечными часы мети хочем, абы позвы всякие, яко наши, господарские, так гродские, земские и подкоморские и з ынших вшеляких врядов, водлуг сего статуту выдаючыє, также у суду головного, жадными причинами збиваны быти не могли, опроч трех причин, нижей тут помененых. Первое, где бы сторона поводова року и позванья водлуг артыкулу вышшого сего розделу семнадцатого квитом або написом возного и писарским не довела; другое, хто бы имени позваного власного и имени отца его, также теж тытулу упривильеваного, преднейшого, альбо яко ся он сам зоветь и пишеть, не написал. Ведь же обчого народу людей так писати могуть, яко се хто сам писати и звати звykl. Третее, гды о што шкрутыния, а к тому о гвалт, бой,

грабеж идетъ, а поводови местца, где се то стало, року, месеца и дня естли бы не доложил, на таковой позов сторона не повинна отказывати. А иными некоторыми причинами вряд збиванья позовов не маеть допускати. Ведь же, позываючи о именье, за чим хто держить, або о заставу, через продков або близких своих вчиненую, хотя часу в позве не доложить, позванный тым позву збивати не можетъ. А где бы дата в позве не была написана, тогда сторона поводовая, за таковой недостаток позву своего заплатившы судови грошей шесть, а стороне противной другую грошей шесть, жалобы и речи своеe правне попирати можетъ. А где бы хто хитростью для збиванья позовов и проволокаючи кому права, звлаща позванный, оказал позов не згодный або скробанный и тым его хотел збити, а сторона поводовая доведет ли того сознанием возного, иж ему дал позов згодливый, нескробанный, тогда по таком доводе позванный повинен отповедати. А еще позванный за тое скробанье маеть стороне поводовой шесть грошей, а суду другую шесть грошей заплатить. А естли бы се теж то пригодило, жебы хто, не будучи позванным, одно ставши у суду або умоцованого пославши, менил, же позов, писанный на имя чие иншое, ест положон на его властном именью, тым не згола маеть быти позов зражон, але ажбы тот, хто позов зносити хочеть, первой того слушне водле права довел, же то ест и было его именье властное и еще перед заложеньем того позву врядовне в держанье пришол. А хто бы без причин правных на первших рокох не стал, тогда, на других рокох вину нестанную заплатившы, позву збивати не будетъ мочи, але будетъ винен усправедливитися.

Артыкул 20

О згубе позву.

К тому и то уставуем, естли бы сторона позванная, ставши на року, а поведила, же позов, которим его жалобник позвал, згубила, тогды жалобная сторона винна будеть той стороне позванной копию с позву жалобы своею под печатью своею або с печатью возного дати. А позванный по данью ему тое копии назавтрее ж повинен будеть у права отказывати. Где бы теж жалобная сторона менила, иж позов пригодне вжо на роках згубила, а позванный, хотечи ся усправедливити, хотел бы ей с позву копию дати, тогды жалобник, принявши от него копию под печатью его або возного и с подписью руки властное, хто писати умеет, такеж назавтрее маеть жалобы свое попирати. А естли бы копии брати и речы свое попирати не хотел, против таковому жалобнику вряд сказанье чинити маеть водлуг моцы або важности року. Нижли естли бы позванный, до усправедливенья не беручисе, копии с позву дати не хотел, то при воли его будеть, а жалобник, похочеть ли, о то знову позвати его маеть. А пакли бы жалобной стороне позов згинул еще перед роками, тогды он о том стороне своей противной листом своим отвороним с печатью своею, а хто писати умеет — и с подписью руки своею, через возного и одного шляхтича маеть знати дати, абы он на роки тые не ездил и до утраты прожное не приходил, такий лист на именью покладаючы.

Артыкул 21

О даванью межи сторон копей з листов, привильев и иных записов, у суду на праве покладаных.

Где бы се то у суду которого трафило, жебы сторонам, ведучи з собою право о именья, о люди, грунты и иншие якие маетности рухомые, а пришло бы им, будь з одное стороны або и з обудвух, до покладанья на праве листов, привильев и иных записов, с которых листов кождый свое противное стороны для лепшого зрозуменья и розмышленья потребовали бы себе копии, або одна которая сторона от другое потребовала, тогды с таких листов копии мають быти даваны с подписью руки писарское. А по взятю копии надалей третего дня порану за першим воланьем стороны повинни будут ку скуточной росправе до суду становитисе.

Артыкул 22

Хто бы за позвы на первшие и другие роки, кром обложное хоробы або службы наше, господарское, и речи посполитое, не стал, также и о том, хто бы, будучи позван, а не росправившись, умер.

Уставуем теж, хто бы, будучи позван, на первших роках земских не стал, ани которое причины слушное, в сем статуте выраженое, нестанья своего у суду не оповедал або не оказал, таковый маеть стороне на других роках первой, нижли в суд уступить, заплатити нестаного за кождые позвы чотыри копы грошей, а суду копу грошей, то ест судьи сорок грошей, а подсудку двадцать грошей. А если бы тот же и на других роках судовых, так же и о тое ж будучи позван, без причин, нижей в сем статуте описаных, не стал або, ставши, вины

нестанное, вышей мененое, заплатити заразом не хотел, а сторона жолобная позванья и року доведеть, таковой для непослушеньства своего вжо в речы своей упадаеть и тую реч, о которую был позван на тые двои роки судовые, вечно тратить. А суд на таковом упорном тое, о што был позван, за слушным доводом, такеж и вину нестанья сказати и отправу вчинити маеть. То ест естли именье албо який колвек грунт сказан будеть, тогды в то увязанье маеть быти дано заразом, а отправка суммы пенезей сказаное маеть быти чинена водле артыкулов, нижей описанных. А где бы се то трафило, жебы позванная сторона, за нестаным своим упорным або хоробою закрившисе и в вину нестанную впадшы, а потом не росправившисе з жалобною стороною, з сего света зышла, тогды дети, потомки або близские змерлого, хотя ж вин нестанных платити не будут повинни, вед же ку росправе о самую реч за припозваньем стороны жалобное подлечи мають тому року, стопню або пункту правному, в котором родичи або близские их зомруть. А естли сторона позванная умереть по сказанью самое речы, тогды дети, потомки або близские за первшим припозваньем до суду належного детей таковых недорослых з опекунами их вжо то платити винни будуть, и молодостью лет не вымовляючисе.

Артыкул 23

**Хто бы за хоробою або за послугою нашою земскою за
позвы стати не мог.**

Теж хто бы был позван на роки судовые першие або другие, а зашла бы его хороба або служба наша або земская, або теж поветрее моровое на которых колвек с тых двоих рокох судовых, для чого бы стати не мог, тогды за таковым нестаньем яко нестанного платити, так и речы тратити не

может, нижи о собе суду и стороне маеть дати знати на роках судовых, а надалей от початья судов третего дня. Если же послуги нашии и земские, в разделе первом в артыкуле двадцать первом выобразонные, тогда через листы наши, а естли бы хороба, тогда листом своим отвороним через приятеля або слугу своего, даючи в том же листе своем до вряду и до стороны знать, в котором именью або на котором местцы в той хоробе лежыть, абы вряд и сторона ведомость мели, где его знайдовать. А поветрее моровое так само собою, кром обосланья, вымовляеть. А вед же тот, который се хоробою закрываеть, потом на других роках за прыпозваньем стороны поводовое маеть прысягнути, яко правдиве немоцон был. А естли бы прысягнути не хотел, тогда на тых других роках маеть вины за першое нестанье свое заплатить стороне жалобной чотыры копы грошей, а вряду копу грошей, а з строною росправу прыняти. А где бы и на других роках еще хоробою заложылся, а сторона поводовая не хотела бы тому верить, тогда вряд маеть до него заразом с тых роков возного з двема шляхтичи пры стороне жалобной або посланьцу ее послати до того местца, которое оный хорый в листе своем поменил, на котором где бы того хорого не зостано, иньде искати его не повинен, и так то маеть быти розумено, яко бы не прысегнул. А стороне посланьца своего, всхочет ли, при том вольно мети. Перед которым возным и строною и его посланьцом тот, што ся хоробою вымовляеть, маеть прысегнути, же правдиве обложною хоробою на перших и на тых других роках для хоробы стати не мог. И прысягнет ли, тогда от плаченья вин волен будеть, а не всхочет ли прысегнути, тогда таковый на третих роках за тыми ж позвы, яко на року завитом, або сам або через умоцованого будеть винен стати и первой, нижи в право вступить, вины нестанные за обои прошлые роки заплатить, то ест за першыи роки стороне чотыры копы грошей, а вряд судьи с подсудком

копу грошей. А за другие роки совито, то ест стороне осм коп грошей, а вряду две копе грошей. А заплатившы тые вины заразом стороне жалобной усправедливитися. А хотя бы и прысягнул перед возным на хоробе своей, предсе вжо на третих роках повинен будет становитися и росправу наконец прынять, хотя бы сам хор был, тогды через умоцованого. Пакли ж бы на тых третих роках ку праву сам, ани через умоцованого своего не стал або ставши вин нестанных, первой ним в право вступить, заплатити не хотел, таковый реч свою тратить, а вряд противку него заховатися далее маеть водлуг артыкулу вышнего двадцать второго в сем же разделе. А естли бы хто, будь до суду земского або гродского, на рок завитый будучи позван, за хоробою своею стати не мог, тогды суду и стороне, яко вышей в сем артыкуле описано, ознамити о собе мает, а тым речи свое не тратить. Вед же естли бы на другой рок о тое ж был позван, тогды первой прысегнути на том, иж справедливе на першом року для хоробы своею стати не мог, а потом некоторыми прычинами и артыкулами, в сем статуте описаными, не вымовляючи, там наконец усправедливитися повинень будет. А где бы так был хор, же и на другой рок в той речи стати бы не мог, тогды перед тым другим роком от вряду и повету того, где на тот час тот хорый сам будет, маеть взять возного и сторону двух шляхтичов, перед которыми там, где на тот час будет, присегу учинити маеть на том, иж не ку зволоце стороне своей противной, але правдиве за хоробою своею на першом року стати не мог. А тот возный и шляхта, от вряду взятые, естли тот хорый прысягнет, заразом перед тым врядом, от которого послани будут, сознати мають, а потом, тое сознание возного и шляхты выписом с книг на другом року показавшы, предсе через умоцованого усправедливитися, яко вышей описано, повинен будет. А пакли бы, перед врядом на другом року ставши, не прысегнул альбо перед возным, шляхтою присеги,

учиненое врядовне, не показал, тогды тым таковым самым поступком тую реч, о што позван, тратить. А вряд то на том другом року, не припускаючи стороны позванное ку отводу, за доводом стороны поводовое на таковом вжо всказати маеть з винами за нестанье совитыми. А тое ж се и о том розумети будеть, хто бы, позвавши на рок завитый, сам за хоробою своею на том року першом стати не мог.

Артыкул 24

Хто бы, кого позвавши на роки судовые, сам без слушное причины не стал або бы кому на праве якого доводу або выводу не доставало.

Уставуем теж, хто бы, кого позвавши до земства позвы першыми и на першыя роки судовые, еще на рок завитый, и будучы стороною поводовою, без слушных прычин, яко вышей о позваном написано, не даючи о себе прычины слушное суду и стороне знати, сам з доводом своим не стал, тогды, естли бы тот же и о то ж другий раз сторону свою противную позвал, маеть первой за нестанье свое позваному страву заплатити, пану раде, естли бы сам особою своею у суду на рокох был, десеть коп грошей, а иным всим урядником и шляхте пять коп грошей. А где бы пан рада сам або врядник и шляхтич особою своею на рокох у суду не был, але умоцованого от себе послал, тогды умоцованому его так, яко иншому шляхтичу, пять коп грошей. А заплативши страву, тож потом о свое мовити может. А пакли ж бы, и другий раз позвавши того ж и о тую ж реч, а сам же и повторе такеж без причин слушных, в статуте вышей описанных, и не давши о них суду и стороне знати, не стал, тогды тую реч, о што позвал, тратить. А позванный тот, хто року и права за позвы пильнуеть, вжо от того часу, о што позван, на вси пришлые

часы будеть волен. Вед же и обмова тая причинами
статутовыми, хоробою або службою нашою, господарскою, и
земскою, стороне поводовой не маеть болш ити и служити,
только на двоих роках. А естли бы сторона поводовая, ставши,
у право вступивши, маючи спор з стороною обжалованою на
праве, з яких припалых причин, о которых перед правом не
ведала, а браласе еще на який иный довод, которого на тот час
ку праву на суде з собою мети не могла або о нем не ведала, а
просила бы о отложенъе на другие роки судовые, тогда суд
маеть ей того допустити, а тым речи своее не тратить. А на
других роках судовых, естли бы сам не стал або доводу не
ставил, тогда реч свою тратить. Так теж и сторона позванная,
естли бы на тых роках и за так коротким часом, ему за позовы
зложоным, не могла правдиве за якою слушною а пристойною
причиною листов або заводцы мети, а брала бы себе в таковых
речах и артыкулах на другие роки, тогда суд маеть ей того
допустити. А вед же на тых других роках будеть повинна вжо
без позовов, только за выписом врядовым того отложенъя, со
всим готова быти, яко на завитом року, под стратою речы. И
тот довод або вывод, на который ся отзывал, показавши, маеть
перве на том присегнути, иж тот рок себе одержала и
упросила не на проволоку якую стороне противной, але иж
без того быти не могло. А где бы на том присегнути не хотел,
тогда таковой повинен будеть стороне своей противной за
шкоды, наклады его десеть коп грошей, а на вряд вины две
копы грошей заплатити.

Артыкул 25

Хто бы кого через суд або через еднанье ку праву позвал.

Уставуем теж: хто бы, с ким мевши право и утративши
которую реч на праве або на еднанью ее упустившы и

заеднавши, а по суде або зеднавшись и тое еднанье, где о грунт землений або о горло и деть, при листе своем еднальном на вряде сознавши, а где о именье або о грунт землений, або о горло не й деть, такое еднанье листом своим еднальным, под печатью своею и с подписью руки своее власное и теж под двема печатьми людей сторонных, а хто писати не вмеет, тот при своей печати под трема печатми людей сторонных даным, упевнивши и утвердивши, а о тое ж засе его до права позвал и на праве тое ж речи знову искал и того доходил, таковый повинен заплатити там же заразом у суду стороне сем коп грошей, судьи две копе грошей, подсудку копу грошей, а тот суд або еднанье предсе маеть при моцы зостати. А если бы, позвавши о такую реч, сам не стал, тогды реч свою тратить, а противной стороне вольно будеть о то оного жалобника о свои пенези и вину врядовую позвати.

Артыкул 26

Иж в позвех наших земских не маеть ни хто ни на кого речей неучствивых и образливых доброй славе писати.

Теж уставуем, иж в позвех наших земских, которые их берут, не мають писати речей доткливых почтивости, а где бы позвал так, тогды на тые позвы сторона позванная, ставши, не повинна отповедати, аж се он на других роках на позвех своих поправить. Нижли што се дотычеть наездов домов шляхетских, гвалтов белым головам, пожар и розбоев и иного злочинства, которые артыкулы на суд наш, господарский, або на суд головной, также и на вряд гродский, а не земский належать, о то кождый подле учинку такового может меновите в позвех написати и то только реч учинку выписати, не докладаячи в позвех ображенья зверхности наше и ничего иного доткливого.

Артыкул 27

Хто именья свои в розных поветех маеть, а до колько судов розных з именей розных на одны роки заразом будеть позван.

Уставуем, если бы хто с подданных наших, в розных поветех именья свои маючи, до розных судов земских был позван первшими позвы и на первшие роки судовые, а роки бы на один час в тех поветех, до которых ест ку суду позван, притрафилисе, тогды маеть в том повете стати, до которого ест о болшую реч припозван. А вед же сутяжым своим к суду поветовому, у которого ся не становить, маеть через листы свои отворонные и через возного дати ведати стороне перед роками земскими наближей за тыдень, будь очевисте або на именью наблизшом, в том же повете лежачом, лист положивши, а вряду на роках судовых. А где бы и сторона в том повете оселости не мела, тогды и стороне таковой на роках же земских дати знати, иж для большое речы, о которую ест позван до иного повету, там не становиться. А однако ж с тех книг, у которого ся суду становил, взявши выпис, на других роках маеть показати перед судом, у которого ся не становил, иж ся правдиве большою справою вымовлял, тогды нестанного не повинен будеть платити. По тому ж, гды бы хто кого до одного повету в кривде своей позвал, а сам бы теж такий был от кого иного до другого повету на тые ж одны роки позван, тогды таковый будеть мочи такеж ув одного суду большою справою, будь за своим позвом або за тым, што его позвано, на перших роках вымовитися и потом на других роках то водлугу науки, вышей описаное, показати. А ведь же на других роках никто не маеть большою справою вымовлятися, але се повинен становити и в отказе быти, яко на завитом року, если не сам через себе, тогды через

умоцованого своего под утратою тое речи, о которую позван. А против роков завитых так гродскому, яко и земскому суду, в сем статуте вынятых и назначонных, большою потребою в ыншом повете вымовлятися ниhto не может. Одно ж где бы ся то коли притрафило, ижбы одна особа была позвана до двух судов гродских на одны рочки в таковых речах, што бы о горло шло, тогды таковой может ся ув одного суду таким запозваньем на первшых рочках вымовити обычаем, вышей описаным. Вед же будучи о то повторе на другие рочки позван, винен будеть выписом оногo вряду, перед которым ся становил, то показати, же ему о такую реч важную, о горло, шло и над то еще присягнути, же тое позванье до иншого вряду деялосе не жадным фортелем, ани змовою якою хитрою ку зволоце справедливости укривжоному . А пакли бы того выписом не показал, або и показавши выписом, а присягнути на том не хотел, тогды для оногo нестанья своего на рочках первшых маеть на других рочках згола без жадных доводов реч тратити, и вряд то на нем стороне водлуг жалобы, в позве описаное, и водлуг права сказати маеть так за станьем, яко и за нестаньем его.

Артыкул 28

О кривдах гостей приездчих чужоземских.

Уставуем, естли бы ся которому чужоземцу при нас, господари, або хотя и в небытности нашей в котором месте або под которым врядом стал от которого тубильца а який гвалт, бой, розбой, зраненье и отнятье гвалтовное маетности его и што колвек с тых вышей помененых речей, тогды обвиненый в тых речах без позву, а мещанин простой человек без роков, не проволокаючи ничим, повинен ся усправедливити за заказом перед нами, перед воеводами и

врядниками нашими замковыми дворными, а мещане, мешкающие под майдебургским правом, перед местским урядом. А естли бы хто с подданных наших, на жалобу гостиную будучи заповедан, проч зехал, тогды на именью его с позовом нашим возный маеть быти послан, або вряд замковый маеть послати с позовом своим возного. А хотя бы его на именью не было, предся тот позов на именьи его маеть быти положон и рок завитый зложон ку праву стати за чотыри недели, а он наконец, ничим не вымовляючисе и позову некоторыми причинами не збиваючи, винен будеть на тот час стати и усправедливитисе. А где предсе на тот день, ему зложоный, не стал, тогды маеть быти то на нем, о што жалоба ест, подле доводу сказано и отправа дана на именью его заразом, роков статutowых не складаючи.

Артыкул 29

О тех, которые бы, не маючи оселости в том паньстве або повете котором, а там, приехавши з стороны або з ыного повету, збыток або якую шкоду кому учинили.

Теж уставуем, иж хто бы кому кольвек з ыное земли чужоземець албо хто ж колвек неоселый в том паньстве нашом, великом князстве литовском, приехавши в который кольвек повет, где оселости не маеть, або под уряд и до места нашего, учинил там кому гвалт, бой, раны, шкоду и який же кольвек збыток, тогды там же, а не где индей, на вряде нашом замковом або, где бы замку не было, в дворе нашом староства судового водле права сужон и за доводом слухным сказыван быти маеть и отправа на нем чинена. А где бы хто за заказом до вряду ити и усправедливитисе не хотел, тогды таковый маеть мощно через вряд заразом ку праву постановен быти. А гды с права в чом винен зостанеть, а не всхочеть того заразом

платити албо слушного в том же повете оселого рукоемства по себе дати, тогды вряд маеть его до везенья осадити и держати в нем дотыхмест, поки стороне жалобной досыть учинить. Пакли ж бы не мог быти от вряду пойман и проч уехал, тогды вряд маеть водлуг учинку его и водлуг статуту сказнь против него за доводом вделати и стороне жалобной выпис сказанья своего дати, а жалобник с тем судовым листом маеть его везде, где может, постигати. А где под которым врядом постигнеть, оный вряд будеть повинен тот суд другого вряду ку выполненью приводити. А где бы хто, хотя оселый в ыншом повете, а приехавши в который оный повет, где оселости не маеть, або под вряд и до мест наших, учинил там кому гвалт, бой, раны, шкodu, розбой, забийство и який же кольвек збыток так шляхтичу и его подданому, яко и местскому человеку, тогды в таковых припалых речах, не отзываючисе до своего повету, повинен будеть за заказом перед врядом замковым судовым там, где што будеть смел учинити, стати и усправедливитисе. А естли бы черезь заказ не усправедливившисе або заразом по учинку первой заповеди уехал, ино вряд замковый того повету, в котором се то станеть, маеть с позвы своими на именью его, в котором бы кольвек повете было, послати, а жалобник, таковые позвы от вряду взявши, маеть тые позвы з возным оного повету, в котором тот виновайца оселость будеть мети, на именью его положить, рок ознаймити чотыри недели, на который рок за оными позвы будеть обжалованный повинен перед тем врядом, под которым што будеть учинил, стати и усправедливитисе, яко на року завитом. А пакли бы на том року обжалованный не стал, тогды вряд маеть против него сказнь для непослушеньства его без доводу на упад учинити и того сказанья своего стороне жалобной лист судовый дати. А потом жалобник маеть с тем листом судовым до вряду замкового судового оного повету, где тот виноватый оселость мети будет, ехати, а оный вряд,

вгленувши в суд або сказнь тую, маеть и повинен будеть
заразом жалобнику на нем самом водлуг учинку, а шкоду на
именью и на маетности его отправить водлуг оногo суда и
статуту. А слуги паньские неоселые, естли бы хто з них
таковый гвалт и зраненье або шкоду якую кому учинил, маеть
задержан быти у везенью на замку и на вряде двору нашого,
под которым се то станет, а оный слуга о собе маеть дати знати
пану своему. А если бы не мел через кого знати дати, тогды
вряд, з его ж статку нанявши, повинен будеть пану его
ведомость дати; естли бы тот пан у великом князстве
литовском оселость мел, тогды на близшое именье его з
листом своим послати маеть; а неоселому у великом князстве
литовском вряд не будеть повинен ведати давати, одно оный
слуга сам маеть се о том старати, ижбы пану его ведомость о
нем дошла. А вряд толко до чetyрох недель маеть пана его,
ким се озоветь, ку праву ждати, а пан его повинень будеть там
до того вряду сам приехати або кого прислати и чиненья
справедливости прислухивати. Пакли ж бы пан его сам не
приехал або и прислати не хотел ку прислуханью
справедливости надалей до чetyрох недель, а то, естли бы где
далеко оный пан был, тогды вжо вряд сам гродский, осадивши
при собе людей добрых, шляхту, справедливость з ним
жалобному чинити маеть подле сего статуту, а в речах таких,
где о горло не йдеть, можеть вряд обвиненого на рукоемство
слушное до права дати. А где теж хто кого невинне обжаловал
и за его обжалованьем на вряде задержан был, а тым
задержаньем его обелжил, ку шкодам и накладом привел або о
везенье приправил, тогды оный вряд там же заразом маеть
того пилне дойзрети, где бы се то показало, ижбы от того, хто
невинне его обжаловал, яко за обельжение его водлуг стану
его навезку, так теж и за вси шкоды, которые бы се ему при
бранью до везенья в маетности его стали, за доводом
слушным заплачоно и нагорожоно ему было кром жадных

позвов. А для того и оный, хто кого, в чом обвинивши, на
вряде задержать и оскаржить, маеть быти до учиненья
справедливости от вряду парукою уищон. Естли ж бы в ряд в
том которой кольвек стороне фольговал, а скуточное
справедливости и отпавы укривжоному там же заразом не
вчинил, тогды вжо не сторона, але в ряд сам повинен будет яко
навезку водлуг стану его, так теж и шкоды вси за слушным
доводом оному, на вряду невинне обвиненому або
укривжоному, платити.

Артыкул 30

**Што мають судити воеводове, старостове и державцы и о
их позвех, о што мають даваны быти, и о сказанью за
нестаньем сторон и о горячем учинку.**

Уставуем теж, хочечи мети, и даем моц, абы воеводове и
старостове наши судовые, кождый в повете и вряду своем
судовом, судили и справовали и позвы свои давали о тые
артыкулы, меновите тут описанные, то ест о наезд гвалтовный
на дом шляхетский, не толко на самый двор, але и на гумно
або на дворец, где быдло и иное господарство домовое
бываеть ховано, к тому о гвалт костела хрестияньского водлуг
артыкулу третего в розделе одинадцатом, о гвалтоване панен и
невест, о гвалт в местех наших, о розбой по дорогах, о
злодейство, о фалш, о пожогу дому або гумна, о чародейство,
о трутизну и отповедь от шляхтича шляхтичу на здорове або
огнем, и о голову шляхетскую, также и поручников таких,
которые бы о похвалку на горло або огнем кого ручили. Але о
збеги слуги и подданных вшеляких и челеди невольное, о то,
похочеть ли, до гроду або до земства волно будет позвать. А
вряд, а в небытности их наместники их оселые з судьбою и
писаром замковыми, присяглыми и в том воеводстве або

повете теж оселыми, мають и моц мети будуть судити, отпраовати и кончити подле сего статуту. А где бы хто на горячом учинку тых вышей помененых артыкулов которого ж кольвек стану был пойман, тогды тот маеть быти сужон без позвов. А тое иманье оселого на горячом учинку маеть се розумети, коли бы хто мог быти пойман заразом того ж часу на самом таком учинку, о што горлом карають. А естли бы, таковой збыток учинивши, заразом пойматисе не дал, але бы зникал або се скрил, такового вольно искати з урядом, вед же не далее, одно от пополненья того учинку через двадцать чотыри години зегаровые. А то се маеть розумети о том, где бы се што такового збытку стало в месте альбо в селе, але хто бы и в том часе з места або з села, где ся учинок станеть до имения и до дому своего шляхетского уехал альбо вшол, тот иман вжо быти не маеть, одно позыван, а неоселого завжды, коли и где может потрафити, волно имати. А пакли бы заразом на горячом таковом учинку оселый не был пойман, тогды вжо позвы от вряду замкового ку праву маеть быти припозван, за которыми позвы, звлаща в речах таких кровавых, где о горло идет, сторона позванная не через умоцованого, але сама очевисте повинна у суду становитися, а позву таковому гродскому рок не маеть быти должейший так за очевистым, яко и заочным поданьем позву толко за чотыри недели. А естли бы хто якого кольвек стану, также и рожаю, будь мужского або и женьского, будучи до суду гродского позван, а за тыми позвы и на тот рок стати або, ставшы, а расправитсье не хотел, а шло бы о такую реч кровавую, за што горлом карають, тогды тот вряд маеть его за нестанного на выволанье здати и о том нам, господару, через лист свой отвороный ознаймити, а мы, тому не фольгуючы, без всякое проволоки и откладанья на инший час, але заразом взявшы о том от того вряду на того ведомость такового обвиненого и вряду нашего непослушного, маем з земли паньств наших казати выволати.

А где бы выволаный, в таковом учинку хочечи се того справити, нас, господара, о глейт просил, тогды мы, господар, таковым выволаньцом маем поднесенье на выволанье и листы наши глейтовые ку справе з замереньем на то певного часу, и то неболш толко до трех разов, давати водлуг артыкулу в розделе первшом дванадцатого, абы се за глейтом нашим того, хто в чом будеть обвинен, справовал перед урядом нашим оного ж воеводства або повету, где се початок тое справы станеть.

А што бы власному суду нашему, господарскому, належало, то мы сами с паны радами нашими без жадное проволоки и откладов судити и росправовати маем. Вед же тое поднесенье выволанья и глейт наш предсе горячому учинку и праву а каранью, о нем в статуте описаному, ничего ублизати и уймовати не маеть, але мужобойца, правом переконанный, горлом каран будеть, а головщина, навезка и шкоды, о што буде позвано заразом без складанья роков статутowych, яко сторона обжалованая на року позваном не станеть, маеть от нас, господара, если се то в суду нашего точити будеть, а если на вряде, тогды такеж и от вряду нашего судового увязанье в именье обвиненого, до сконченья права дано быти, а о самого особу, яко вышей поменено, маеть вряд на выволанье до нас, господара, отослати. Ведь же в речах меньших, не кривавых, где о горло не идеть, вряд не маеть на выволанье нестаного отсылати, только для непослушенства реч, на позве описаную, без доводу сказати винен будеть, вынявши то, хто бы был позван о неучиненье досыть запису або суду и сказанью врядовому. Против таковому сказанье за узнаньем запису або водлуг суду першого чинено быти маеть. Может теж вряд гродский судити о гвалтовное выбитье з дому, з упокойного мешканья и отнятья именья, людей и всяких грунтов, звлаща естли бы сторона укривжоная мимо суд земский для прудшое

справедливости хотела о то до гроду позвати обычаем и способом, ниже описаным. Еще теж позывано быти может до гроду о збитье возного и неучщенье листов, от него посланных, и о мери на збоже и на иншие речи, неслушне над уставу сего статуту бранье, о безправное везенье шляхтича, яко о том всем ширей на своих местцах в том же статуте ест описано. А болш того над тые артыкулы, вышей помененные и на суд гродский в сем статуте вынятые, не маеть суд гродский позвов своих давати и судити. А естли бы над сее замеренье важилсе вряд кого упорне судити, тогды суд его не маеть быти держан.

Артыкул 31

О опатрности везенья на врьдех наших и о бранью потуремного от вязней.

Уставуем, иж от вязнев потуремного, поланцужного и от иного всякого везенья врьды наши, почавши от места нашего столечного Виленьского аж по всим иным замком и двором нашим, не мають болшей брати, толко от шляхтича сорок осм грошей литовских, а от боярина путного и чоловека простого двадцет чотыри гроши литовских. А то врьд маеть брати один раз, гды остатним разом вязен або на смерть або на вольность з везенья выходить. И естли вязень на волность выйдеть, то он сам выкупитися тым з везенья маеть або тот, хто его невиньне осадити дал. А где бы на смерть был выдан, тогды сторона жалобная маеть то врьду заплатити. Вед же кождый врьд наш, приймаючи вязня до везенья, вжо отсихмест в строжи от стороны тое, хто вязня подасть, потребовати не маеть, але принявши вязня за своею сторожою и опатрностью доброю так, яко бы до sprawy не утек, повинен будеть ховати, а сторона вязню своему, естли будеть неоселый, толко на страву на день по чотыри пенези винна будеть давати. Прото для

лепшое опатрности мають воеводове, старостове везде в замкох и дворех наших судовых казати побудовати вежы мощные и глубокие по шести сажон в земли, и при том иншие, не в земли, лжейшое везенье, але предсе за замкненьем и добрим мощным обварованьем мети. А где бы вязень таковой, на котором вряде осаженный, утек, тогды тот, хто такового вязня в заведанью своем за порученьем воевод, старост судовых мел, если вышгородский або городничий, где такие вряды суть и будут ли мети собе вязни поручонные. А где вышгородских або городничих нет, там наместник або подстаростей, кому который вязень от стороны жалобливое до везенья подан будеть, маеть того вязня надалей за дванадцать недель отыскати и до права стороне ставити. А не отыщет ли за дванадцать недель, тогды шкоду, на чом сторона жалобная поприсягнуть або яким иншим слушным доведет, винен будеть платити. И для того панове воеводове и старостове судовые тот вряд догледанье вязнев мають злецати и звератисе того людям добрим, вери годным народу шляхетского. А естли тот вязень будеть на горло седел, а не мог бы быть надалей до полугодья отыскан, ино тот же вряд, яко верху описано, которому бы от стороны тот вязень был подан або от воевод, старост ку осаженью и догледанью везенья злецов, з розсудку воевод, старост маеть отприсегнутисе, же тое утечение сталосе без рады, ведомости и фольги его и не за неопатрностью або недбалостью его. А за голову або за раны, шкоды стороне за доводом слушным нагороду и заплату учинити. А воеводове и старостове мають в таких речах безотволочную справедливость чинити так, ижбы в тых часех, вышей замеронных, за дванадцать недель або за полгода сторона жалобная конечную справедливость и з отправою речы присужоное одержати могла, а оного вязня, где бы се потрафило, предсе будеть волно так тому вряду, з чиего везенья утечеть, яко и стороне жалобной имати и правом

перед тым врьдом, где его постигнуть, поконывати. А если врьд того вьзня постигнуть, тогды маеть на нем собе шкод своих позыскивати або вьзня стороне жалобной вернути. А коли ему подасть, тогды сторона тую нагороду, што от врьду возметь, вернути маеть. А где сторона жалобная сама оного вьзня пристигнуть, тогды тые шкоды вьрадови тому вернути будеть повинна, а того вьзня водлуг права наконец поконывать во всем том, о што ему идеть. А естли бы хто якого ж кольвек стану так своволный был, а вьзня з замку або двора нашего з везенья або теж вжо выданого на смерть где на улицы або на дорозе гвалтовне отнял або ката при таковом вьзнью забил, а не был бы заразом на таковом учинку пойман, тогды таковый, будучи о то до нас, господара, на рок завитый позван, сам и с помочниками своими, яко бунтовники и взрушители права посполитого, горлом и отсуженьем почстивости карани быти мають, а шкоды и наклады стороны жалобное за доводом совито нагородити и заплатити таковые винни будуть.

Артыкул 32

О нечиненю фольги у везенью.

Опатруючи то, абы владза врьдов наших и моц права посполитого ку завстегненью своволенства людского до выконанья своего завжды приходила, уставуем и хотим то мети, иж гды врьд судовый земский в которой земли або повете албо теж суд головный за який выступ кого водлуг артыкулов сего статуту до везенья скажеть и отошлет на везенье до замку або двору нашего судового, тогды врьд наш гродский маеть и повинен будеть не только без жадных вымов и фольги таковых людей до везенья приймавати, але где бы от суду земского, головного и гродского которая особа на горло была сказана, а змоцнившисе не дал бы се осадити, тогды не

только вряд врядови ку пойманью такового сказаного помоч давати повинен, але вряд местский и место, в котором се то деяти будеть, против таковому непослушному або противному взрушитисе мають, яко бы таковый свовольник пойман и до везенья дан и водлуг сказни врядовое каран был.

А помочники таковые, которые бы поймати его боронили, таковой же вине и каранью подлежат, яко тот сам злочинца, правом переконанный. К тому теж такий вязень, на горло сказанный, по сказанью врядовом, гды апеляцыя дойдеть до нас, господара, або до суду головного, тогды што намоцней везеньем осмотрен быти маеть в той вежи, которая ест на головники описана, до учиненья против нему декрет от нас, господара, або от суду головного, до которого права апеляцыя належная допустить. Ведь же тех, которые рукоемство слушное по собе дадут, тех водле трыбуналу заховать. А такового вязня, который бы на горячем учинку, за што горлом карають, был пойман, и до замку дан, маеть моц вряд оковами и ланцухами у везенью другом, где головников не сажают, его опатрити, яко бы с того везенья не утек аж до росправы. А хто бы з еднанья за який выступ свой везеньем терпети сам доброволне через який час поднялсе, тогды перед часом, замероним седенью, вряд гродский не маеть вызволяти, ани фольги у везенью чинити без позволенья самое стороны. А тым, которых право на седенье до вежи на дно скажет, хотя бы и сторона противная волным везенья чинила, вряд некоторое фолги чинити не маеть, а тому всему мають досыть чинити под виною, в сем артыкуле нижей описаною. А хто бы з воевод, старост судовых або их врядников того се важил, а тому вязню до вежи на дно, будь от нас, господара, або от вряду гродского, або теж от которого иного вряду нашего сказаному, якую фольгу у везенью чинил и допущал ему себе седенье вышшого, нижли на дне, чинити або комины у вежи

будовати, або бы кому и в ыншом лжейшом везенью фолгу якую над сказанье судовое чинил, таковый воевода, староста або врьд его и хто кольвек везенье в моцы своей мети будеть, будучи о то от стороны болячое до суду земского позван на рок завитый, за доводом слушным правным повинен будеть той стороне болячой сорок коп грошей заплатити, иле кроть о то позвано и переведено то на него будеть, а стороне болячой вольно будеть завжды того догледати, як и где вязень, будь за голову або за який иный выступ, седесть. А врьд гродский не маеть ему того боронити под таковою ж виною, вышей описаною, колько бы раз о то его позвано и доведено. Вед же однак врьд гродский маеть, хотя перед ним самым правом переконаного албо от врьду земского, або суду головного, до везенья по сказанью отосланого, не кожного до вежы в землю сажати, але водлуг учинку и выступку, яко около того в сем статуте описано. Прото в котором артыкуле сего статуту вежа которому вязню поменена, тот в таковую сажон, которому теж другая, лжейшая, тот также в той сажон быти маеть водле выступу своего. А где бы хто оселый за який же кольвек выступ свой поточный, окром кривавого выступку, против которой особе народу шляхетского албо противко врьдови якому учиненый, на везенье которое водлуг сего статуту сказан и до врьду отослан был, а досыть бы тому везенью на час назначоный не вчинил, тогды за выступок стороне своей противной сорок коп грошей, а врьдови другую сорок коп грошей упадаеть и тыми винами до седенья маеть быти примушон водлуг сего статуту розделу третего артыкулу двадцать семого. А естли бы неоселый тым же способом до такового везенья дан был, а з него бы утек, которого тыми винами не было бы щого примусити, а не был бы пристигнен и повторе пойман, тогды тот врьд маеть нам, господару, листом своим о том ознаймити, а мы того ж часу без каждое

проволюки маем такового неоселого зо всих паньств наших
выволати, яко о том в сем же статуте ест описано.

Артыкул 33

О рочках, гродскому суду постановеных, и о давности позванья до гроду, о выбитье с покойного держанья.

Уставуем, иж рочки ку отправованью судом гродским
мають быти кожного месеца и починатися мають первшого
дня личбы месечное. А где бы первшого дня свято трафилося,
тогда назавтрее по святе рочки починатисе будуть, а трвати
судовне мають через две недели, на которые рочки каждый,
кому бы потреба указывала, маеть сторону свою порядком
статутowym так от заочного, яко очевистого поданья позву за
чотыри недели позывати. А хто бы за недоспехом своим не
мог бы за чотыри недели перед початьем рочков позвати,
тогда и тыдень в рочки рок приймован быти маеть, толко б от
позванья чотыри недели сполнились. А где бы за припадком
выбитья с покойного держанья в часе так коротком, жебы
укривжоному ку позванью на рочки первшие чотырох недель
недоставало, тогда таковому и на другие рочки волно будеть
позвати, только б от выбитья до позванью десети недель не
омешкал. Вед же если бы хто о выбитье з спокойного
держанья до десети недель позвати не мог с тых причин, то
ест за службою нашою, господарскою, земскою або для
поветрея морового, тогда. доведшы того слушне водле права,
иж за которою с тых причин в десети неделях не мог позвати,
предсе и по выстью тых десети недель позвы гродские
таковому ити и даваны быти мають, только бы зась по
утишенью поветрея, або приехавши с послуги нашое до
именья своего, зася десети недель не омешкал. А естли тых
причин предречонных не доведеть и не покажеть, тогда вжо о

то до суду земского позывати маеть на рок завитый, такеж о выбитье або отнятье спокойного держанья.

Артыкул 34

О позвех гродских и о року за ними завитом.

Уставуем, иж во всих таковых речах, на суд гродский вынятых, мамрамы на позвы мають быти даваны под печатми панов воевод, а в поветех, где воевод нет, ино старост судовых, а не их намесников. А рок за кождыми позвы гродскими маеть быти завитый под страченьем права. А ведь же писар на том мамраме мает рукою своею написать дату, которого дня выдаеть тот позов, справуючисе далее водле артыкулу осмнадцатого в том же разделе.

Артыкул 35

О промешканью часу позванью до городу о голову шляхетскую и о наезд домовый и иные учинки кравые.

Теж хто бы о голову шляхетскую и о наезд гвалтовный и кравый на дом шляхетский, где бы се стало забитье або зраненье, также о гвалт костелный, о гвалт панен и невест, о розбой, пожогу и иншие речи кравые, то ест за што горлом карают, на суд гродский вынятые, оселого в том паньстве не позвал ку праву через тры годы, таковый вжо вечне о то молчати маеть. Одно ж где бы по забитой голове шляхетской дети або близкие такие, кому бы о то правом чинити належало, еще лет недорослых были, або бы и дорослыми будучи, а в том паньстве нашем не были, але бы мешкали где в ынших панствах чужих, тогды таковые дети або близкие, дошедши лет зуполных або с чужих земель приехавши, могут о

то правом чинити, толко бы по дошстью лет або по приеханью
своём з земель чужих трех годов с позваньем не омешкали.

Артыкул 36

О присяже старост замков и дворов наших, господарских, судовых.

Постерегаючи мы, господар, с повинности наше
справедливости светое, жебы на вшеляком местцу в боязни
божой отправована была, так уставуем, иж кождый староста
замков и дворов наших судовых, которые не суть в лавицы
рады наше и до рады на чиненье, захованье и помноженье
справедливости и покою посполитого не присегали, так тые
вжо, што тепер староства такие судовые мають, яко и которые
потом з ласки наше, господарское, мети будуть, мають тепер
держачие такие староства скоро по выданью ку вживанью сего
поправеного статуту на перших рочкох гродских, а тые особы,
которим по выданью сего теперешнего статуту поправеного на
перших по том их вступенью на тые староства рочкох
гродских, теж при собранью шляхты, которые в тот час
прибудуть, присегу на суды вделати ротою судьи земского, а
поколь того не учинить, потуль врядом своим шафовати не
может. Ведь же тые воеводове и старостове теперешние
украинные, которые перед нами, господарем, присягу на вряды
свои учинили, вжо не будут повинни повторе присягати.

Артыкул 37

О установенью через воевод, старост судовых врядников их судовых гродских и о довоженью з ними справедливости.

Уставуем, иж воеводове и старостове судовые мають зособна кождый з них на вряде своем выбрати и на суд засадити наместника албо подстаростего, судью замкового и писара, людей добрых, цнотливых, годных, в праве и писма руского умеетных шляхтичов, в том же повете оселых и родичов того панства, великого князства литовского, которие, присегу вчинивши ротою судьи земского, а писар ротою писара земского, а посполу вси три зуполный суд заседши, мають и моц мети будуть судити и справовати вси речи судовые, замку або двору нашему належачие. А который бы с тых на вряде был неоселый и неприсяглый, а воевода, староста суду зуполного дати не хотел, тогды сторона не повинна будеть перед таким судом отказывати. А тым неданьем оселого и зуполного вряду, если бы се кому проволока або якое уближение праву стало, тогды воеводове, старостове судовые, гды о то будуть перед суд головный позванный, повинни будуть сами укривжоному шкоду и наклады за доводом оправити и заплатити. А предсе неоселых на врядах мети не мають, под страченьем того уряду з выроку нашего, господарского, гды о то до нас позван будеть. А естли бы се от оселого вряду што недозреньем на том уряде и в справе их поблудило, а з статутом бы се права посполитого не згожало и што бы се стороне которой с кривдою от них видело, тогды сторона жалобная в той кривде своей маеть от вряду земского того ж повету лист упоминальный взяти, абы пан воевода або староста судебный в таковой речи справедливость з урядом своим ей учинил. И тот лист

упоминальный маеть быти вряду не положон таким обычаем, яко и о иных листех врядуных покладанью ест в сем статуте описано. В том же замку або дворе нашем, где хто ест воеводою або старостою, а от положенья того листу упоминального меновите за чотыри недели маеть пан воевода або староста, будь сам прибывши особою своею до того вряду своего або на местце свое, кого его воля будеть, засадившы, и через тых особ засажоных жалобнику справедливости з урядом своим учинити. А где бы сам пан воевода або староста судебный або от них на то особы высажоные справедливости з урядом таковым на тот рок, верху мененый, не учинили, тогды о то стороне жалобной волно будеть позвати таковой врид гродский до суду головного трибунальского, покладаячи позов такеж на местцу судебном воеводства або староства их. А хотя бы панове воеводове и старостове сами або тые особы, которые от них на то высажоны будуть, чинили справедливость, але бы се стороне жалобной розсудок и сказанье их не водлуг права видело, тогды той стороне жалобной волно будеть в той мере до суду головного трибунальского апелевати и отозватисе. А в том часе до очевидное росправы, яко з урядом гродским, так же и з самыми воеводами и старостами судебными некоторая отправка стороне чинена не маеть быти.

Артыкул 38

Абы суд гродский рочков не омешкивал, хочечи то мети, абы справедливость без отволоки каждому укривжоному доходила.

Уставуем, абы воеводове, старостове судебные, а в небытности их, ино вридники их судебные рочков судебных гродских под тою ж присегою своею, на врид их учиненою, не

омешкивали, але их кожного месеца отпраововали. А который бы з урядников гродских на которые рочки гродские за хоробою своею або за потребами своими властными на тех же рочках або роках земских, под тым часом отпраовуючих, в ынышом повете припалыми, на рочки не прибыл, тогды на других роках винен будеть перед шляхтою поведити, под тою ж присегою, на вряд его учиненою, иж под часом тех рочков, на которые не прибыл, правдиве хор был або свои властные потребности правные на рочках гродских або роках земских в иншом повете мел. А где бы который с тех врядников гродских без правдивое обложное хоробы, або властное пилное потребности свое в другом повете на роках не маючи, рочков судовых омешкал або неслушне розорвал, а то бы се до трех разов на него показало, таковый вряд свой тратить. А воеводове, старостове повинни будуть такого непильного и недбалого врядника своего, гды то на него правне доведено будеть, с того вряду зложити, а на тое местце иншого уставити.

Артыкул 39

О кривдах в речах кравых, суду гродскому належачих, кому бы се деяли от воевод, старост судовых и их врядников гродских судовых з их оселостей.

Постерегаючи мы, господар, того, абы всим подданным нашим однакая и ровная справедливость одному з другим деялася, уставуем, иж где бы хто з воевод, старост судовых албо з их врядников судовых гродских, наместник або подстаростий, будь теж судья або писар, маючи именья в том же повете, где они суть врядниками судовыми, а с тех таких имень своих кому якую кривду в речах кравых и што гродскому суду судить прислухаеть, будь сами або их

врядники, слуги, бояре и подданные учинили, а они бы з своих слуг подданных справедливости о то укривжоному вделати не хотели, тогды воеводове, старостове сами о то мають быти позывани с тых именей своих до иншого близшого вряду и суду гродского того повету, с которым будеть о границу з оным другим поветом, в котором ся што будеть стало, кладучи позвы через возного того ж повету, с которого и позвы выйдуть, на том именью их, с которого се кривда дееть. А врьдников их судовых, естли жалобная сторона не схочеть до воеводы и старосты позвати, тогды волно ей будеть позвати також, яко вышей описано, до другого прилеглого суду гродского. А воеводове, старостове и их врьдники в оном другом повете, не вымовляючисе вызваньем з своего належного повету, повинни будуть перед тым другим урядом за позвы становитисе и росправу в таких речах водлуг права приймавати. А зостанут ли в чом с права виньни, тому тот же врьд, которий судил, и отправу на них и оселостях их водлуг порядку сего статуту чинити маеть. Оповеданье теж и записыванье тых кривд и всяких иных поступков правных маеть быти чинено, где жалобная сторона похочеть — або в том же городе того повету, где се што станеть, або на том же другом уряде, до которого и позванье в сем артыкуле указано.

Артыкул 40

О поправенью облуженья або сказни неправное вряду гродского и земского, за нестаньем стороны позванное учиненое, и о недопущенье апеляции, где о то врьд позывати.

Теж уставуем: где бы се то притрафило, жебы врьд гродский або земский в нестанью стороны позванное, за упорным сказанем своим, неправне або в такой речи, которая

бы суду его не належала, дал кому отправу, увезанье в ыменье або в который колвек грунт, або бы очевисте сторонам, у суду стоячим, в недопущенью апеляций сторона которая себе кривду от вряду менила, тогды о такие речи суд земский, толко судья а подсудок мають быти позвани на рок завитый перед суд головный. А о кривду в сказанью судовом писар так земский, яко гродский позываны быти не мають и за суд отказывати не будут повинни, гды ж они моци до чиненья выроков не мають. А хотя бы были и позвани, тогды становитесе не будуть повинны, одно ж где бы который писар в омылце або недоложенью якого писанья был обвинен, таковой о то такеж позыван быти может до суду головного. А вряд гродский в таковом обвиненью мает быти ку росправе притягиван до того суду и тым порядком, яко о том вышей в артыкуле сего ж розделу ест описано. А естли бы се з очевистого мовенья стороны жалобное з урядом тое неправное сказанье которого вряду показало, тогды таковая сказнь маеть быти поднесена и на сторону отложона. И так укривжоному маеть быти вывезанье дано и оное ыменье або грунт отсужоный зася ему привернен. А тому, кому за токовым неслушным сказаньем увязанье было дано знову волное мовенье з стороною, естли он похочеть, маеть быти заховано. Также и тому, с чюего держанья ыменье вынявши, тому, хто неслушне право перевел, подано о шкоды, которые се стали за держанья его, у суду належного з стороною волное мовенье будеть. А к тому стороне той, против которой первой сказанье было вчинено и увязанье бы в маетность его дано, винен будеть такий вряд, которые позвани и в том винными найдены будуть, вины дванадцать рублей грошей там же у суду заплатити. Пакли ж бы з розсудку суду головного против врядников земских або гродских або теж з суду воевод, старост судовых против их врядников нашлосе то, же сказнь врядовая слушне через них вчинена, тогды тот упорный,

который суд рушил и ку волоките невинне приводил, маеть вины тым врядником судовым, которые от него будутъ позвани, дванадцать рублей грошей там же у суду заплатити. А суд их правный ку выконанью своему, водлуг права привожон быти маеть. Вед же от воевод, старост и в таковой речы апелевати до суду головного вольно будетъ.

Артыкул 41

О злый перевод права через сторону и где о то позвати.

Хто бы против кого право якое так у суду земского, яко и городского и в которого кольвек иного вряду яким фортеlem або омылкою якою справою заочне, за нестаньем стороны позванное, перевел, будь рок який неправдивый, змышленный в неведомости стороны противное утворившы, або на якую реч за записы якими змышленными, неправдивыми, сказанье врядовое одержавши, тогды тот, против кому сказанье выйдеть, может о такой злый а неправдивый перевод права до того ж вряду, перед которим будетъ право переведено, сторону противную позвати. И гды се в том винным с права окажетъ, тогды тот суд перший маеть быти поднесен и внивеч обернен. А тот, хто змышленным обычаем право переводил, за тую вину маеть седети в замку албо в дворе нашем судовом дванадцать недель, а стороне своей противной дванадцать рублей грошей заплатити. А то в речах таких, где горла не заслужить. Вед же естли бы се на том праве оказал який фалш и подступок значный, явный, за што бы слушне водле права мел быти горлом каран, тогды такового вряд маеть судити, сказовати и карати водлуг сего права посполитого и выступку его. Пакли ж бы тот, хто позоветъ о злый перевод права, тое жалобы своей не довел, але бы тое позванье чинил ку зволоце справедливости, а тое бы ся противное стороны поступок

перший слушний правный оказал, тогда сам тот жалобник
оной противной стороне своей также вины дванадцать рублей
грошей маеть заплатить и на замку або в дворе нашем
дванадцать недель седети. А оному суду первшому маеть
отправа быти чинена водлуг сказанья и права посполитого. А
где бы хто, о злый перевод права припозвавши в речах
крававых, где пойдеть о горло, менил то, же ему о позве
ведомость не дошла была, тогда маеть на том присегнути, же
его ведомость о позве не дошла, и по присязе от первшого
сказанья волен будеть, а на реч самую там же заразом
отказовати маеть. А то се маеть розумети о заочном
положенью позву.

Артыкул 42

**Роки завитые в которых речах мають быти складаны у
суду земского.**

Напервей, хто кого позоветь о заставу ку бранью пенезей,
хотя сторона позванная не станеть на роки первые, тогда
предсе суд не маеть откладати на далшие другие роки. Але на
першом року яко на завитом, первой выслухавши доводу
стороны поводовое, яко о том нижей описано, тож маеть
всказанье учинити и ввезанье стороне поводовой дати, взявши
от него пенези до вряду, и при книгах судовых мають быти
положены до того часу, аж сторона позванная их озметь.
Другое: о выбитье з дому з спокойного мешканья и отнятье
именья, людей и всяких грунтов, где бы омешкал або не хотел
о то до городу позвати. Третее: о всякую реч сужоную рок
завитый за первшим позвом. Четвертое: о слугу якого ж
кольвек стану або чоловека, або челядина домового, который
бы от пана своего так шкоду учинивши, яко и не зашкодивши,
проч утек. Пятое: о мыто, о мостовое, о гребелное, торговое и

перевозы князские, паньские и шляхетские, также и всяких станов, естли хто на ком або на подданом чием мыто неслушне возметь або шкоду якую учинить. Шостое: хто бы езами або млынами, гатми, мостами реки портовые гамовал, проходу або дороги слушное не вчинивши, а за тым бы се шкода кому стала. Семое: естли ся хто кому добровольне описал и рок в листе своем ознаймил, а не учинил бы тому досыть. Осмое: о роздел именей и маетности всякое межи братьею и сестрами, и близкими, также и з опекунами детем лет дорослым, за первшыми позвы маеть быти рок завитый. Девятое: на поручника и на приказцу. А поручнику и приказцы з истцом, по ком ручил, маеть быти завитый рок. Десятое: о выеханье на грунт вряду подкоморского и комисарского. Одинадцатое: о обельживость возных на справе уряду их. Дванадцатое: о кривды подданных господарских от шляхты, где права майдебурского нет. Третеенадцать: о вдове утратной, на вдовим столцу будучой. Четвертоенадцать: о вины наши, господарские, врядовые и сторонам належачие. Пятоенадцать: о головщины людей стану простого. Шеснадцатое: о бранье пересудов и потуремного над уставу статutowую через князей, панов, шляхту и врядников их и о вину на подкоморого. Семнадцатое: о грабеж вшелякий и о заплату испаши. Осмнадцатое: хто бы под часом роков який збыток учинил и, не росправившисе, уехал. Деветнадцатое: о кривды от врядников господарских з их врядов, одно не о добра, столу нашему належачих, и о оборону их, яко о том в инших артыкулах ест описано. Двадцатое: о полюбовный суд. Двадцать первое: о выбитье або отнятье з держанья по увезанью. Двадцать второе: о загамованье листов отвороних. Двадцать третее: о кривду под часом военным вчиненую. Двадцать четвертое: о дохоженье долгов по змерлом должнику на именьях спадковых оного змерлого водлуг артыкулу осмнадцатого в розделе семом. Двадцать пятое: о навезку за

выводом шляхетства водлуг артыкулу пятьдесятого в розделе одиннадцатом. А в tych всих речах, тым роком завитым подданных, в сем артыкуле и теж в иных артыкулах сего статуту описанных, за позвы земскими рок маеть трвати, водле давного обычаю права, до третего дня так позванной, яко и поводовой стороне. А где бы которая сторона через три дни за воланьем возного без причин правных, в сем статуте замеронных, не стала, тогды вжо в той речи, на позве описаной, упадаеть и вечно то стратить, абовем моц роков завитых у суду земского и гродского такую хочем мети, иж кожного стану человек, будучи позванный на рок завитый, не может се на року завитом большими справами в иных поветех и некоторыми иными причынами вымовляти, окром трех причин, то ест хоробы обложоное и послуги наше, господарское, земское, в сем статуте менованое; а третья причина: естли бы се коли то трафило, жебы одна особа в речах кровавых до двух судов гродских была позвана, яко о том в артыкуле двадцать семом сего ж розделу ширей ест описано. Вед же и тая обмова против року завитому толко на одних роках и за одними первшыми позвы маеть быти допуцона, а на других роках або рочках гродских вжо се и тыми причынами вымовляти нихто не будеть мочи, але албо сам албо через умоцованого у суду становитесе и росправити повинен будеть, вынявши то, естли бы хто, будучи отослан на послугу нашу, господарскую, земскую з границ паньств наших, не мог се оттоль борздо звернути, таковому до звернення с послуги наше и земское фольга в праве чинена быти маеть водле сего статуту. А где бы теж сторона позванная без причын правных, вышей мененых, не стала, таковая реч свою, о што позвана, тратить, и суд на таковом за доводом правным то, што в позве описано, сказати маеть. Так теж и поводовая сторона, позвавши на рок завитый, сама не стала и

року своего не пилновала, таковая также реч свою, о што позвала, вечне тратить.

Артыкул 43

О позвех наших земских и городских, и як долго трвати мають.

Уставуем теж, иж кождые позвы уряду земского и городского, так тые, которыми бы не позвано, и яко и тые, которыми бы позвано, далее трвати и в моцы своей быти не мають, толко на одны роки судовые земские албо рочки городские, перед которыми их взято. И для того тые роки земские и рочки городские, на которые се тыми позвы позывати будутъ, в оных позвех меновите мають быть описаны, окром того, естли бы по заложенью позвов роки земские або рочки городские сползли не сужоные за войною або поветреем, або за иншыми якими с часом припалыми причинами, о чом ест нижей в артыкулах сего ж розделу описано.

Артыкул 44

Хто бы кого от суду належного до иного повету албо вряду и суду вызвал.

Уставуем, хочечи мети, абы нихто никого от суду належного до другого вряду и суду, то ест яко о речи, земскому суду належачие, до вряду городского, так о речи вынятые на городской суд, до земского вряду и теж с повету в ынший повет, ани до комисарского, подкоморского и жадного иньшого суду неприналежного, также ани перед нас, господара, ани перед суд головный над сесь статут и порядок его и теж над артыкулы оногo головного суду постановеные не

смел вызывати. А хто бы то учинил, а до иншого вряду и суду належного кого вызвал, тогды позванный толко ведомость вряду тому, до которого будет позван, о таком непорядном и неслушном позванью сам або через посланца своего, на то умоцованого, маеть дати и обмову в том учинити. А таковых позвов послушон быти и стороне за ними отказывати не будет повинен, але еще тот, хто таковые позвы озметь и ими позоветь, за то, же мимо суд свой належный смел то учинити, маеть заплатити вины тому вряду, от которого вызвал, копу грошей, а стороне — три рубли грошей. А то в тот час, гды бы жалобник повторе о тую ж реч позвал и тые вины тот вряд належный мает себе и стороне отправить заразом, не позываючи о то, где бы оселый в том же повете был, тогды на оселости его. А естли бы оселости в оном повете не мел, тогды на маетности его рухомой. Пакли ж бы жалобник, позвавши до суду належного, сам не стал, а позванный становилсе, тогды предсе позваному волно будет о тую вину оного жалобника позвати на рок завитый до суду земского з оселости его, в котором колвек повете мети ее будет. А вряд винен будет ему тую вину сказати и на оселости его отправить, окром того, хто бы записом своим листом властным, отступуючи повету албо которого суду своего належного, в який инший суд доброволне ся вдал и опроч тое причины, которая ув ынших артыкулах допускаеть с повету вызвати.

Артыкул 45

О таковых, которые бы, не маючи в котором повете оселости, другого оселого позвал, а шло бы им обудвум

сторонам о одну реч, также и о том, который нигде оселости не маеть.

Теж уставуем: коли бы хто, не маючи в котором повете оселости, другого кого там оселого позвал, а шло бы им обудвум сторонам о одну реч, тогды тот позванный оселый может заразом не отповедати и в право се не вдавати, аж бы се теж он противник его неоселый там поддал и обвезалсе листом своим и сознанием перед врядом ему в том, где о одну реч идетъ, там же у его повете отповедати и усправедливятися, не отзываючисе и не беручи собе до суду и повету своего. А гды ся поддасть под тое и обвяжетъ, тогды предсе оный позванный за тыми ж позвы на оный же час наперед будетъ ему повинен усправедливитися. Пакли ж бы тот приездчый жалобник з иншого повету, одержавшы собе справедливость, а позваному зася не усправедливившися, проч от суду отехал, тогды тот суд и сказанье, ему вчиненое, не маеть быти ему выконывано. А естли бы хто нигде в том паньстве, великом князстве литовском, оселости не маючи, оселого в котором повете позвал, а позванный бы до него, будь о тую ж реч албо о которую иншую дело мел, тогды таковый маеть наперед по собе паруку оселого в том же повете дати, иж нигде индеи, одно на том же уряде стороне своей противной усправедливятися заразом скоро по своем праве будетъ повинен. А где бы по своем праве уехал, не росправившися з стороною противною, тогды такеж сказанье оное першое ему вделаное, до выконанья привожоно быти не маеть, а речи свое позванный местцо истца на паручнику искати там же заразом маеть. А где бы и поручник не росправившися уехал, тогды з ним за позвом справедливости доводити собе будетъ у суду належного.

Артыкул 46

О роках, которые судья, подсудок и писар зеждчатисе и позванные перед ними становитисе повинни, а под которым часом роки сужоны быти не мають.

Теж уставуем, иж суды земские мають быти трикроть до году, то ест трои роки судовые, на которые будуть повинни судья, подсудок и писар на одно местце в каждом воеводстве и повете, а в земли Жомоитской также на местца певные, судом назначоны, зеждчатися и там так долго мешкати, поки вси sprawy судовые отсужоны и скончоны быти могуть. А в котором повете на двух местцах роки земские отсужованы бывають, тогды и до тых местц вряд приехавшы по тому ж ся около мешканья на отправу судов заховати маеть, яко о том вышей в сем же артыкуле описано, признаваючи каждому позванью очывистому и заочному рок перед кождыми роками водле артыкулу осмнадцатого в сем же разделе. А час приеханья всих трех урядников на другое местце судовое от початья роков земских в чотырох неделях. А позванье и повод будуть повиньни перед ними се становити обычаем и способы, в особливых артыкулах описаными. А роки мають быти сужоны: первшыя о светой тройцы рымского свята и назавтрее ся в понеделок почнуть, а другие — ув осень на день светого Михала рымского свята, и так же се назавтрее почнуть; третие — на день и свято трех кролей зиме и так же ся назавтрее почнуть. А потом в другом году, также на день светое тройцы рымского свята назавтрее се почнуть. А судья, подсудок и писар мають суды справовати и на суде седети каждого дня, кром недели, от поранку до нешпорное години. А позвы судити порадне з рейстру, не глядечи на особы а не фольгуючи в том никому, але который первой уписался в рейстр, тот наперед сужон быти маеть. А ведь же под тым

часом роки сужены быти не мають, першое: если бы послуга наша, господарская, земская, военная з сойму валного посполитым рушеньем была уфалена и листы бы наши военные зашли, ино для готованья на войну за шесть недель не мають быти роки сужоны, то ест перед часом збиранья войска зложоным, а где бы час певный и местце збиранья войска в листех наших не было ознаймено, толко о готовость на войну листы высланы были, тогды предся роки мають быть сужоны. А гды бы так с тое причины за войною роки сужоны не были, тогды по войне, на первших роках, водле статуту припалых, мають ся стороны, знову припозвавшы, росправовать. Другое: естли бы, чого боже уховай, в котором повете поветрее моровое было, а то бы се значне показало, под таким часом в оном повете также роки не мають быти сужоны; а по том часе, яко поветрее оминеть, мает вряд судовый земский в оном повете другие роки судовые, в статуте описанные, близко припадающие, судовне, отпраовати. А на тых роках мають стороны, знову припозвавшия, росправовати. То ж ся маеть розумети и о таких роках, которые бы не были сужоны за зейштем з сего света которого врядника судового. А также где бы ся то трафило, жебы в том часе межы роков хто с которое стороны, будь жалобное або позваное, умер, тогды с тое причины позов маеть быти отновлен водлуг потребы, албо естли бы сторона жалобная сама хотела и при животе позваного позов отменити и на ним ся поправити, то ей волно будеть.

Артыкул 47

О суженье роков земских и рочков гродских под часом соймов вальных и о обранью врьдника судового в посельстве.

Забегаяючи продлуженью непотребному справедливости людской, уставуем, иж под часом соймов вальных роки земские и рочки гродские и иные всякие суды отпраованы и сужоны быти мають, одно вынемшы тых особ панов рад наших, которые бы на сем вальный ехали, так теж которые бы справы судовые, соймови належачие, перед нами, господарем, на сойме мели, будь за мандаты або позвы нашими дворными. И теж послы с кожного воеводства и повету и земли Жомоитское, будучы на сем вальны от обывателей с поветов на соймиках обраные и посланные от судов всяких, под соймом волни будут, аж поки ся з сойму звернуть. Однак же кождый такой маеть ся суду и стороне листом своим отвороним с печатью своею и с подписом руки своее, а хто писати не умееть, за печатью своею и з двема печатями людей сторонных шляхты через приятеля або слугу своего обмовити. А потом предся тот, хто на сойме валном при нас, господари, яко их милость панове рада и послове або и иные станы, которые справы свои на дворе нашом за мандаты або за позвы маючие будутъ, естли бы на первшых роках земских або рочках гродских, водлуг порадку статutowого по оном сойме припалых и судовне отпраовуючих, о бытности своей на сойме або о справах своих, которие на сойме валном мели и судовне отпраованы были, свидетельства на писме с канцляреи наше не показали, тогды за другими позвы на других роках нестанное платити, а на реч самую з стороною росправу прыняти повинни будутъ. А где бы шло о речи, завитому року подлежные, в сем статуте в особливых артыкулах описанные,

тогда вряд сказанье за теми ж позвы на других роках, по сойме напервей судовне отправуючих, стороне поводовой кром доводу учинити и отправу через возного, яко на непослушного, вделати маеть. Пакли ж бы которого з урядников земских на соймику послом на сем великий валный обрано, тогда на местце такого врядника, в посельстве обраного, мають зараз на том же соймику або на роках земских шляхта, рицество поспол з урядниками, там на соймик або на роки прибылыми, иного кого шляхтича оселого, спросталого, ку отправованью тых роков, под соймом прыпадаючих, до звернення того врядника обрати. Который обраный шляхтич, присягнувши на справедливый суд, будет мети моц з иными позostalыми врядники тые роки судити и отправовати. А где бы не хотел присягнути, тогда роки сужоны быти не мають. Где бы теж обран был послом который врядник судовый гродский, на того местце воевода або староста маеть иного шляхтича оселого засадити и того листом своим шляхте на рочках ознанити. А тот обраный такеж винен будет на справедливый суд присягнути.

Артыкул 48

Которым бы се деяли якие кривды от врядников, слуг, бояр и подданных чиих кольвек.

Уставуем: естли бы кому от чиих колвек врядников, слуг, бояр и подданных якие кривды, шкоды в речах поточных, кромя забранья грунтов, деялися, тогда маеть сторона жалобливая взяти от писара земского позвы, в которых, описавшы всю жалобу свою, того докладать, абы ему с теми обвинеными рок праву зложил и справедливость вделал. А где бы року зложить и справедливости вделати не хотел, абы за теми ж позвы ку праву сам стал и тых, на кого жалоба идет, у права поставил.

А то в tych речах, которые земскому суду належать, от земства, а што городскому суду, то также з городу позвы таковыя браны быти мають, и с такими кождыми позвы маеть укривжоный ехати або слати з возным до того пана, от чиего врьдника, бояр, слуг и людей кривды кому ся деяти будутъ, справедливости просечи. А кривды и шкод своих рейстр дати маеть, звлаща если бы се на самом позве меновите не доложил. А где бы самых панов в tych именьях их, с которых кривда деется, не было, ино до врьдников их, абы они на слуг, бояр и людей пана своего справедливость чинили. А где бы возного с таким позвом у двор не пуццоно або и пустившы в двор, пан сам, або врьдник албо тивун, не оказали бы се возному, тогды оный позов маеть быти через возного покладан на именью том, с которого ся кривда дееть, tym порядком, яко о покладанью позвов ест доложено. А рок праву за такими позвы не маеть быти дальшый от них покладан, одно чотыри недели от поданья або положенья того позву. И на том же именью, где позов будетъ положон, справедливость чинена быти маеть. Естли бы теж сторона тая, которая таким позвом обнесена будетъ, похотела чинить справедливость стороне и ближей, нижли за чотыри недели, маеть через возного листом своим отвороным сторону жалобную обослати, упевняячы его в том, иж хочеть ему справедливость учинити водле оного позву. Вед же не ближей толко за две недели перед оным роком тое обосланье чынено быть маеть. И будет ли хто за таковым позвом справедливости на именью своем сам пан або его врьдник чинити, тогды того суда своего маеть стороне своей лист свой судовый под печатью своею и под печатями людей сторонных и возного, которые бы на том праве были, того ж дня а надалей дозавтрея по сконченью права дати. А где бы листу судового хто не дал албо хотя бы и дал, а сторона не хотела бы в он час заразом на том суде албо и листе судовом перестати, менечи себе уближенье в суде албо в

писанью листу судового, тогда возный, который на таком праве будет, маеть то до книг сознати, як ся тоє право точило, и тым ся сторона поводовая у права подпирати маеть. А естли ж бы яко панове сами, так и врядники их, очевисте будучы так упомнени, року праву зложыти и справедливости учинити не хотели, тогда за оным же позвом повинен будет на роках становитесе и в том се усправедливити. А пакли бы заочне тот позов на именью положон был, тогда сторона жалобная маеть от положенья позву за чотыри недели, хотя бы и рок не был зложон, до того именья ку довоженыю собе справедливости ехати албо кого з моцю от себе ку праву слати. Если ж бы тот пан албо врядник, тивун его, на тот рок справедливости не учинил, ино сторона позванная маеть о речи, земскому суду належачые, у земского суду, а о речи, прислухаючыє на суд гродский, у вряду гродского становити, и тых, от кого кому кривды будуть деяти, поставити. А вед же в небытности того самого пана, с чиего именья кривда се дееть в том именьи, не маеть его сторона жалобливая нигде инде искати, але на том же именьи, с которого се кривда дееть, позвы таковыє положить маеть. А вряд, перед который се то приточить, будеть повинен межи ними того досмотрети и справедливость учинити. А где бы позванный сам або через умоцованого своего стати и тых врядников, бояр, слуг и людей своих, кому вина дана, поставити не хотел, тогда суд повинен ку таковым непослушным заховатесе водлуг сего статуту. А естли бы тот пан и хто ж кольвек сам або врядники их рок праву зложили, а на том року зложоном або теж за заочным положеньем позву на року в чотырох неделях припалом, вышей тут менованом, справедливости водлуг права и сего статуту не учинили албо и учинившы справедливость, а отправки речи сужоное на виноватом не вделали, тогда такового пана и слуг вряд наш, перед который ся то приточить, в том судити маеть. А он тому, кому обещавшы справедливость учинити на року от него

зложоном, также и на року, в чотырох неделях по положенью позву припалом, справедливости водле права не вделал або отправки суду своему не вчинил, повинен будеть заразом у суду первей, ниж в право вступить, рубль грошей стороне жалобной заплатити под таковою моцю и повинностью, яко вышей о винах нестанных ест описано.

А ведь же если бы се то показало на праве, иж тот пан чинил оному справедливость слушную, але он ее упором своим не принял и на ней не переставал и о то его ку суду притягнул, тогды того рубля грошей платити не повинен будеть. Але еще тот упорный сам оному тот рубль тут же заразом у суду заплатити маеть. А dokonченье тое справы самое, о што межи ними идеть, там же заразом через врьд наш розсудком правным статися маеть. А где бы пан того имения сам або его врьдник, будь при прошенью права за таковыми позвы албо на том року, вышей менованом, праву припалом, то ест от положенья позву в чотырох неделях, врьдника або слуги и подданого своего вырекся, тогды волно будеть стороне поводовой шкодника своего увезде имати и, до врьду судового близшого притягнувшы, з ним, если бы неоселый под нами, господарем, был, правом ся обыходити, а пан его боронити не маеть. А если бы хто вырекшися врьдника, слуг, бояр або подданных своих, а предся таковых обвиненых в дворе або на имению своем переховывал, а то бы на него было слушне у права переведено, таковый вси шкоды, в позве описанные, за доводом стороны жалобное сам платити винен будеть. А то се маеть розумети о речах менших а не кровавых, а в речах кровавых, если бы обвиненым шло о горло, тогды врьд маеть около того заховатися водлуг артыкулов, в сем статуте о том постановеных и нижей описаных. Где бы ся теж то трафило, ижбы хто за обнесеньем позву з урадника, слуг, бояр або подданных своих справедливости учинити кому не хотел, а тот

бы або тые обвиненные в якой кривде або шкоде по заложенью позву первой, нижли жалобник справедливости себе у суду нашего с паном их и з ними доведет, померли, и то бы через поводовую сторону слушным доводом было оказано и доведено, же первой за живота тых винных право прошоно, тогды тот пан сам за доводом жалобное стороны на реч самую, водле права учиненным, будеть ей винен о то, о што жалоба идеть, сам у права отказывати и с права што будеть сказано сам заплатити и нагородити, а себе на маетности оных виноватых того смотрети. А вед же в иных речах, где не идеть о кривду, от врьдников, слуг, бояр и подданных водле сего артыкулу учиненую, о большие важнейшыя речы, о именья и о грунты мають быть листы упоминальные даваны от суду земского под печатями судей земских.

Артыкул 49

О том, если бы ся кому якая кривда стала от чые жоны албо сынов, также дочок.

Уставуем: если бы ся кому стала якая кривда в гвалтех, наездех, боех, ранах, забийстве, грабежах и в иных яких речах от жоны чией або теж от сына так того, который бы уставичне дома пры отцы мешкал, яко и од того, который, хотя кому служечы, а на час до дому отцовского прыехавшы, и под оным часом мешканья своего на именью отцовском або пры матце на ее именью властном або веновном мешкаючы, а кому будь в дому отцовском, матчином албо теж с того дому або именья отцовского, матчиного на дом, на село, либо на грунт наехавши, албо теж на дорозе кривду, шкоду якую учинил, тогды уквивжоный маеть у того, в чием або з чыего именья то ся ему станеть, справедливости с того за листом упоминальным врьдовым водлуг артыкулу вышшого сорок

осмого просити. А хто бы справедливости водлуг права учинити не хотел, тот, будучи о то до суду належного, яко и о слугах и людях вышей описано, позван, винен будеть сам стати. И доведет ли жалобник того слухным доводом або присягою, же ся то ему з его имения або в дому его от жоны або сына его стало, а он жоны або сына за позвы ку розсудку врядовому не поставити, то он сам винен будет за жону и за сына такового гвалт, навезки и шкоды вси стороне поведовой платити. Если ж бы муж оселости своей не мел, а жона бы мела имение от него венованное або свое властное, тогды то, што за ее вину с права будеть сказано, на ее ж имению, будь венованом або властном, отправено быти маеть. А где бы шло о реч кравую, за што горлом карають, а позванный бы обвиненых в том перед врядом ку праву не ставил, менечи, яко бы не мел их у себе мети, тогды таковой маеть ся от того отпрысягнути, же то, што ся жалобной стороне кривды якое стало, тогды ся то стало без ведомости, рады и позволения его самого, также и на том, иж он тых обвиненых часу прошения права о то за листом упоминальным у себе в дому не мел и не за ведомостью его о таком их учинку и без помочы а рады его з дому его зникнули, ани о них ведаеть, а по таком отпрысяженью сам от горла и всего, о што обжалован, волен будеть. А поведовой стороне волно будеть тых обвиненых, где можеть бы в надолжейшом часе, постигати и правом их водлуг их учинку поконовати. Так же ся маеть розумети и о дочце, паньне, и вдове, зятю и внуку, и каждом повиноватом неоселом, которые бы, мешкаючы пры родичох своих, кому в суседстве кривду якую учинили, тогды таким же обычаем з ними справедливости доводити. Пакли ж бы позванный в такой речы без прычин правных не стал, против таковому вряд маеть сказанье чинити водлуг сего права посполитого и важности року.

Артыкул 50

Хто бы, маючи именье заставное або с права в презыску поданое, в суседстве кому гвалт албо шкоду вчинил.

Уставуем: где бы хто, маючи от кого именье, собе в суме пенезей заставленное албо с права от вряду в презыску поданое, кому иному в суседстве з особы его самого або слуг его так в гвалтах, бoех, грабежах, яко теж отнятьем и привлащеньем собе до такового именья яких грунтов або пожитков и в ынших яких речах шкоду с того именья учинил, тогды укривжоный, таковые шкоды осветчившы и оповедавши урядовне, мает з вечности самого дедича того именья а заставника з суммы его обудвух одним позвом позвати, выписавшы в позве кривду свою, в чом се ему от того заставника албо в презыску держачого с того именья деети будеть, жебы сам с тем заставником або в презыску держачым стал, ему се усправедливил, а тые позвы на том же именью покладаны быти мають, который позов держачий такового именья винен будеть дедичу оногo именья ознaймити, з ним сполне до права становитисе и в отказе быти. А вряд будеть моцон за переведеньем правным отправу на том же именью, с которого ся кривда деяла, учинити. Ведь же за кривды и шкоды, от самое особы держачого або слуг его починеные и с права сказаные, дедич оногo именья платити не будеть повинен, леч тот же держачый платити маеть. А хотя бы укривжоному отправа на том именью была з уряду дана, тогды пры выкупенью оногo именья дедич держачому, откладаючи его суму пенезей, таковую суму, за выступок его албо слуг его присужоную, з суммы его вытрутити волен будеть. А где бы з ураду большая сума над суму того заставника сказана была, тогды то не на том именьи оногo дедича, але на особе заставника отправлено быти маеть. По тому ж где бы ся от

бояр и подданных такового ж имения, яко се вышей поменило, кому в суседстве в чом колвек якие кривды деяли, тогды укrywжоный, одержавши лист напоминальный о вчиненье справедливости от суду належного, маеть оногo держачогo урядовне, яко в том наука в артыкуле сорок осмом сего розделу ест описано, обнести. А гды бы, держачы за листом упоминальным, справедливости учинити не хотел, тогды и в таковой кривде укrywжоный дедича и заставника оногo имения позвати маеть, ижбы сам с тым держачым стал и тых бояр и людей, от кого кривда деетьсе будеть, поставил, и далее на них справедливости доводити маеть, яко в том же артыкуле сорок осмом сего розделу о ужыванье справедливости описано. Леч за кривды и шкоды, от бояр и подданных такового имения починеных и с права сказаных, держачому оногo имения дедич з сумы его пры выкупенью ничогo вытручати не маеть, але на винных боярех и подданных того смотрети собе будеть. А хотя бы хто не толко дедичное имение, але доживотное заставное и яким иным правом держачое, кому иншому заставил, тогды таким же обычаем в кривдах, с такогo имения вделаных, сужоно и росправовано быти маеть.

Артыкул 51

Хто бы, маючи от кого имение арендою, в суседстве кому гвалт або шкоду учинил.

Уставуем: где бы хто, маючи от кого имение собе арендованое, кому иному в суседстве з особы его самого або слуг его так в гвалтех, боех, грабежах, яко теж и отнятьем и привлащеньем собе до такогo имения яких грунтов або пожитков и в ынших яких речах шкоду вчинил, тогды укrywжоный, таковые шкоды осветчивши и оповедавши

урядовне, маеть з вечности самого пана того именья позвати, выписавши в позве кривду свою, в чом се ему от того арендара с того именья деяти будеть, жебы сам с тым арендаром стал и ему се усправедливил. А тые позвы на том же именью покладаны быти мають. Который позов держачый такового именья винен будет пану оного именья, который ему его арендовал, ознаймити и з ним спольне до права становитисе и в отказе быти. А уряд будеть моцон за переведеньем правным отправу на том же именью, с которого ся кривда деяла, учинити. А пан оного именья тое суммы сказаное на арендару своим смотрети будеть, а отправе урядовой спротивенья некоторого чинити не маеть. По тому ж, где бы ся от бояр и подданных такового ж именья, яко се вышей поменило, кому в суседстве в чом колвек якие кривды деяли, тогды укrywжоный, одержавшы лист напоминальный о вчиненье справедливости от суду належного, маеть оного ж пана урядовне, яко в том наука в артыкуле вышнем пятьдесятом того розделу ест описана, обнести. А гды бы оный пан або арендар за листом упоминальным справедливости учинити не хотел, тогды и в таковой кривде укrywжоный того ж дедича оного именья позвати маеть, ижбы сам стал и тых бояр и людей, от кого ся кривда деяти будеть, поставил, и далее на них справедливости доводити маеть, яко в артыкуле сорок осмом сего розделу четвертого о вживанье справедливости ест описано.

Артыкул 52

О приездчанью сторон на роки земские и рочки городские, также на суд подкоморого и комисарский без великое зграе, и о роздаванью господ.

Иж некоторые станы люди можные звыкли приездчати до судов и врядов наших з великими почты слуг и приятел своих, за чим теж многие розницы, розрухи и свовольства межи людьми деются, а убожшым людем и о господы а о покой перед таковыми трудно бывает, прото уставуем и так мети хочем, абы на роки земские и рочки городские, также и до судов подкоморских и комисарских нихто якого ж колвек стану и достоеинства з великими непотребными почты слуг и приятел своих, также збройне и з гайдуками або драбы не приездчал, одно в почстве мерном, скромном, такой справе, ужыванью справедливости святое, пристоynom и потребном, а панове рады нашы будуть мочы слуг з собою мети водлуг важности, достоеинства и потребности своее. А господы на роках земских и рочках городских вряд городской маеть и повинен будет роздавати, вед же первой вряд судовый земский, судью, подсудка, писара, господами добрыми, которые они себе оберуть, опатрившы, и к тому особный дом престронный, где на судех заседати мають, записати там, где еще дому судового нет, потым господы иным станом водлуг уваженья особ роздавати.

Артыкул 53

О порядке прихоженья сторон до суду на врьдех наших земском и гродском.

Хотечы мы, господар, то мети, абы на врьдех наших, господарских, у суду земского и гродского порядок и скромность з учтивостыю пристойною захована была, уставуем, иж кождая особа якого ж кольвек стану, достоенства до того дому албо избы, где на судех врьды наши земский албо гродский засядут, не маеть перед суд приходити и упорне ся тиснути, аж кого з рейстру до sprawy закличуть, и то не жадною тижбою людей до тое избы судовое входити масть, толко наболей самосм, то ест сам с прокуратором а з шестьма приятел шляхтичами. Вед же если бы колко вчасников водлуг позву до одное речы и sprawy тое ж належало, тогды и тые войти мають. А тые вси учасники толко одного прокуратора и шести шляхтичов мети можуть. А если бы который упорный, не будучы до sprawy заволаный або не маючы sprawy, до тое избы судовое вшол, а, будучы от врьду напомним, выйти не хотел альбо в том дому судовом воланье чинил, таковый кождый маеть быти виною дванадцатма копами грошей литовских каран, которую заразом под такою ж другою виною, не сходечи с права, суду тому заплатити повинен будеть, а заплатившы, предся вон выйти. А хто бы тому был противен, а за сказаньем врьдовым тое вины и за напомнимем о заплату ее до трех разов, а заплатити ее не хотел и упорне от суду отышол, на такого именью тая вина совито маеть быти заразом без складанья року через тот же врьд, перед которым ся то станеть, отправена, поступуючы в том далее противку упорного а непослушного водлуг артыкуло о отправах речей сужоных, в сем розделе нижей описаных. А если бы чый слуга або хто иной неоселый в тую вину попал, таковый маеть быти

на вряде нашом в замку або в дворе у везенью задержан, поки тую вину заплатити. А не будет ли чим мети заплатити, тогды место платежу дванадцать недель мает у везенью седети. А пан кождый слуги ани приятеля своего по праве и сказанью гвалтом в том боронити и вряду у выконанью тое вины противитисе не маеть под заплатою через самого его такое ж вины, верху описаное.

А иж стороне позволено шестма шляхтичами прыходити до суду с тое причины, где бы се стороне уближенье от вряду деело або чого в контроверсыи и в декрете не доложили, абы укrywжоной пры сознанью возного сведецьством тых шести шляхтичов и присегою своею sprawy своее доводил, а уряд возного до прыслуханья sprawy и оповеданья всякого и противко себе самому не маеть стороне боронить. А хотя бы возного против себе не прыдали, тогды уже сторона пры сознанью тых шляхтичов присегою своею уряд переконаеть ку поднесенью и знову слуханью тое sprawy з стороною у того суду, до которого будет водле права позвано, и где таковый неслушный всказ суду первшого будеть узнан. Вед же оный первшый уряд, от которого ся такая помылка станеть, никоторое вины и противного мниманья не понесет, але где возный будеть прыдан, там вжо стороне присегати не будеть потреба.

Артыкул 54

Яко стороны у суду за позвы заховатися мають, а суд ижбы з головы ничего не судил.

Забігаючы тому, абы на врядах наших у суду кожного жалобы и отпор порадне без сваров и непотребного забавенья и проволоки шли, так уставуем, иж наперед сторона

поводовая, не чынечы словы жалобы, але вместо жалобы маеть дати на праве позов чести и позву своего слушным доводом подпирати. А сторона позванная маеть на тот позов, яко на жалобу, отказывати и справоватися. В котором споре, если бы сторона поводовая што противного себе услышала, на што бы розмышленья потребовала, тогды суд на отступенье и порадy з ее приятельми маеть ей допустити надалей на одну годину. А будеть ли и повторе тая ж сторона узыченья часу на порадy просити, того суд ей и повторе боронити не маеть. Также на одну годину по тому ж и обжалованой стороне по двакрыть одного дня толко, яко и поводовой стороне, розмышленья на час не маеть суд боронити, а болш того сваров и отволоок суд не маеть допускати. А гды вже на обе стороне справу свою перед судом выповедають, а суд земский або гродский потребовали бы сами себе в том розмышленья, тогды мають первой сторон напоменути, абы все, што бы на праве покладати и оказывати або мовити мели, учинили. А гды вжо то все учынять и писар то спишет, тогды вжо над то стороны ничего большей прикладати не будуть мочи, ани суд того приймавати и писати казати не маеть, але суд маеть ся намышляти. И если бы того дня або и назаутрее розмышлятися не могли, и до третего дня то себе взяти на порадy и розмышление могут. А третего дня вжо суд конечное сказанье учинити будеть повинен водлуг жалобы и отпору сторон, ничего не прыкладаючы ани уймауючы. А в том часе, гды ся суд намышляет, стороны если бы хотели то себе взяти на вгoду и еднанье, тогды они им того боронити не мають, а мы, господар, также суд головный, воеводове, старостове и врядники наши, судья, подсудок, и суд замковый або дворный и нихто иной ничего з головы и домыслу своего, также и з ведомости своей судити и сказывати не мають и не будут мочи, толко водлуг сего статуту и артыкулов, в нем описанных, и водлуг мовенья и споров у суду обоух сторон. А

где бы чого в том статуте не доставало, тогды суд, прихилияючыся до ближшое справедливости водле сумненья своего и прикладом иных прав хрестияньских то отправовати и судити маеть.

Артыкул 55

О заступованью у суду одному за другого.

Теж уставуем, хочечы мети, абы так было на вси потомные часы, иж коли бы хто кого другого о которую колвек реч поточную албо який колвек учинок и о выступок, кромя имения лежачого, о чом на иных местцах ест особливая наука, у которого суду заступил, тогды тот вжо будеть повинен сам без жадных позвов на тот же час за тою ж жалобою, з суда не сходячы, за него отказывати и усправедливитися. А заступованье инакшое быти не маеть, толко очевисте у суду, а не через листы и прокуратора. А ведь же гды заступца в яком выступку кого заступовати будеть, тогды вряд тот, перед который се то прыточить, перед заступцою маеть казати вычитати тот позов и реч тую, о што идеть, достаточне преложити. А гды вжо заступца во всем том позваного заступити и писар то запишеть, тогды позванный або обжалованный от того волен. А поводовая сторона будеть о то с тым заступцою мовити и речи своее на нем доводити. А листы, выписы и оповеданье, все тое право и выводы, которые поводовая сторона против обжалованое стороны в том праве мела, маеть противко тому заступцы ити и у права местце мети так, яко и против обжалованому, и имя заступцы за имя обжалованого будеть розумено. А заступца не маеть себе до повету, ани до суду своего належачого, ани до пана своего, якого кольвек стану будучы чоловек, откладати и брати, але повинен будеть сам або при себе маючи прокуратора, того ж

часу, скоро заступить, отказывати и до конца
усправедливится. А естли бы на заступцы не оселом в том
повете што у права сказано, тогды жалобная сторона, взявши
от того вряду лист судовой, маеть з ним ехати або слати
умоцованого своего до вряду оногo повету, где тот заступца
оселость свою в том паньстве нашом, великом князстве
литовском, маеть. А оный вряд другого повету водлуг того
суда вряду оногo маеть ему отправу водлуг права посполитогo
на оном заступцы, правом переконаном, учинити. А до
оказанья оселости такого заступцы в ыншом повете правом
слушным або сведецьством и признаньем через лист
отвороный оногo вряду присяглогo судовогo, в котором повете
оселость будеть менити, маеть быти у везенью задержан в том
же замку або в дворе нашом судовом, где суд был, если бы
рукоемство слушного оселогo в том повете до сказанья
оселости своее по собе не дал. А на оказанье оселости маеть
вряд тому заступцы часу слушного, яко бы могл зьездити,
узычити. Ведь же где бы заступца на горло был сказан, таки
там же на том вряде, до его повету не отсылаючи, каран быти
маеть. А по отправу головщыны албо инших шкод, на нем
сказанных, отослано быти маеть до иншого повету, где
оселость его будеть. А который бы заступца згола не оселый в
том всем паньстве, великом князстве литовском, был у права
в якой вине переконан, тот заразом на том же вряде маеть
быти каран и не спущон з уряду, поки всему сказанью
врядовому досыть вделаеть. А если бы ся то прыдало, жебы
обжалованный, ставшы у суду, заступцу менил, але бы того
заступцы заразом у права ставити не мог, менуючи его быти
хорым обложною хоробою, тогды ему маеть быти дано на
поставенье заступцы до других роков под таким обовязком и
варунком, яко о хорых вышей в сем розделе ест описано. Ведь
же на хоробе заступца тот винен будеть прысягнути.

Артыкул 56

О злеценье речи и о данью моцы иным за себе у права мовити.

Уставуем теж, иж, где бы хто за позвы або на котором року прыпалом не мог на праве быти так за хоробою, яко и за иншими которыми причинами и потребами своими, тогды прокуратора албо умоцованого своего может уместо себе у права мети. А вед же умоцованный або прокуратор инакшый и иначей установян и у права прыймован быти не маеть, ажбы ему очевисто злетил реч свою перед урядом которым колвек в канцляреи нашей, господарской, або перед врядом земским и городским, и с того вряду выпис с книг маеть взяти и его тому прокуратору своему дати. А за таковым врядовым злеценьем могут быти прокураторми и не оселыми люди в том паньстве, великом князстве литовском. А хто бы за хоробою своею або про далекость вряду злеценья моцы на вряде сознати не мог, таковой кожного стану человек маеть речнику або умоцованому своему реч свою ку мовенью у права злетити листом своим отвороним, панове рады, даючи такие листы умоцованные толко под печатью своею и с подписом руки своее властное, а иншы станы такеж, даючи листы под печатью и с подписью руки своее и при своей печати еще под одною печатью человека сторонного. А хто писати не умееть, тот пры своей печати еще двух шляхтичов печати у такого листу своего умоцованого маеть мети и в том листе або выписе врядовом, поменивши речы, о што идеть, остаток на позов указати и моц на зыск и страту доложити. Вед же за таковою не врядовою моцю умоцованный маеть быти оселый в том паньстве нашем, великом князстве литовском, под нами, господарем, оселостью шляхетскою. И так вжо токовые умоцованные у каждого вряду прыймованы быти мають и моц

мети будуть так до буренья року и позву, яко и до мовенья в самой головной речы.

Артыкул 57

Хто бы сам не мог або не вмел у права мовити и о приданью прокуратора людям убогим.

Уставуем теж, если бы хто, очевисте у права стоячы, не могучы або не вмеючы сам мовити и речы своей справовати, поручыл устне кому другому тую реч свою мовити, тогды суд за злеценьем устным маеть его за мощного принять, хотя и неоселого; вед же где бы кому шло о горло, або за записом таким, которым бы се хто описал, не сходячы с права, досыть чинити, тогды таковая сторона, хотя и реч кому иншому злетившы, предся от суду отходити не маеть до сконченья права. К тому, где бы хто, не могучы и не умеючы сам мовити и речы своее у суду справовати, а про убожество, недостаток свой прокуратора сам себе способити не мог, яко вдовы и сироты, а просили бы вряду о прокуратора, тогды вряд маеть таковому прокуратора дармо прыдавати и казати от них у права мовити, и прокуратор маеть в том уряду быти послушон. А если бы прокуратор уряду в том послушон быти не хотел, таковому прокуратору и от иных особ у того суду мовенье не маеть быти допущено. А в ображенью маестату нашего и мы, господа, обещаем прокураторов стороне обвиненой давати, по тому ж и людям убогим и недостаточным, так же ся и суд головной против людей убогих заховывати маеть.

Артыкул 58

О прокураторах: якие особы и где не мають ими быти.

Уставуем теж, иж прокураторми тые особы, нижей описанные, быти не мають, то ест судья, подсудок и писар земский, также и врьд гродский. А то в тых поветех и пры тых судех, где суть сами врьдниками. Вед же у своих власных речах и в тых поветех могут мовити и справедливости себе доводити, а в поветех и в судех иных, где не суть врьдниками тые особы, верху менены, где бы се кому с потребы трафило, и от кого иного с приятел своих мовити могут, а таковые за прокураторы розумены быти не мають. Не могут теж быти прокураторми особы духовные, одно так же в своей власной речы кождому з них вольно будеть у права мовити.

Артыкул 59

О каранью фалшывых а потступных прокураторов, и к тому, иж волно стороне прокуратора своего у права подпирати, и самому мовити, и другого прокуратора на его местце установити.

Уставуем, иж гды бы который прокуратор, поднявшыся кому реч его мовити и справовати, а выведавшыся на нем тое sprawy и листов его огледавши, выдал его в том стороне противной або до тое стороны противное прыстал и от нее засе напротивко тому, кому ся первой обещал и поднял реч мовити, тогды таковому не маеть быти мовенье у права допущено. К тому если бы хто кольвек, хочечы кому ку шкоде учинити, а прокуратором се установил и лист от него умоцованый справил, а того бы ему сторона не поручила, и за

тым што бы кому утратил, таковый суд не маеть быти держан. Так теж прокуратор, чынившысе на котором року хорым, а стати бы на другом року и присегнути не хотел водле артыкулу шестьдесятого, нижей в сем же розделе описаного, тогды за таковые поступки такие прокураторы, гды то на них явным и слушным доводом переведено будеть, горлом карани быти мають. А где бы теж прокуратор, поднявшися кому речы мовити, а потом тому досыть не учынил албо умысльне ку шкоде кому што у права недбальством своим упустил, тогды за тое на везенье шляхетское на чотыри недели маеть быти сказан, а шкоду стороне, в чом уближенье учинил, платити маеть, о што там же заразом, где се то прыдасть, без позву стороне жалобливой усправедливитися повинен будеть. А хто бы теж, у права сам стоячи, хотел отставити прокуратора своего, а сам свою реч мовити або другому прокуратору злетити, то ему волно будет.

Артыкул 60

Прычины нестанья прокураторов, иж то им, сторонам их шкодити не будеть.

Теж уставуем, иж гды бы прокуратор перед роком права, не могучи стороне своей о хоробе своей дати знати, ижбы иншого на его местце послал, або, едучи вжо на дорозе албо и на местцу будучи, где роки отправуют, рознемогся обложною хоробою так, жебы на рок до суду сам быти не мог, тогды так стороне той, чию справу на себе взял в речах тых, так теж и прокуратору ничого шкодити не маеть. А хотя бы другие роки остатние або рок завитый был, предсе тым ничого тратити не будеть. А ведь же прокуратор в той хоробе скоро се рознеможет, маеть до вряду того, до которого была его сторона з моцю отправила, и теж стороне противной дати

знати, а обмогшиися потом на першых роках земских або рочкох гродских, перед которым судом тая справа точытися будеть, маеть присегнути, иж справедливе за обложною хоробою на тот час становитися не мог, а не ку зволоце справедливости. Так теж слуги и пасланцы от панов, которых бы до суду на роки посланных з якою обмовою правною у дорозе або и на местцу судовом хороба великая обложная зашла, по тому ж будеть ся заховати повинни, яко вышей описано. А ведь же если бы прокуратор албо слуга, посланець таковой о хоробе своей давати ведати, або и давши вряду на перших роках ведати, а потом на других роках, на том же вряде через сторону свою постановен не был, албо пак и ставшы, а присегнути на том, иж за хоробою на первших роках не становился, не хотел, тогды вряд на первших роках за неданьем знати о хоробе, так теж на других за невчиненьем такое присеги маеть стороне противной сказанье чинити водлуг сего статуту. Инде такая обмова хоробою прокураторскою албо которого посланца станеться у суду земского за позвы первшими на року першом не завитом, а потом на других роках такий прокуратор альбо посланец ставлен не будеть, або и ставшы, не присягнуть, тогды тая сторона за оные первшыи роки земские нестаное так, яко бы сам не стал, заплатити, а стороне своей противной вжо на тых других роках, яко на завитом року, усправедливится будеть винен. А будет ли такая обмова хоробою вчинена на яком року завитом, так земском, яко и гродском, а на других роках такий прокуратор або посланец не станеть або и ставши не присягнуть, тогды таковая сторона за оное первшое нестанье свое на року завитом реч, о которую позов идеть, тратити маеть без жадных доводов стороны своее противное. А пакли бы сторона позванная поведила, иж тот прокуратор его, от него посланный, перед тым роком, не доехавши того вряду, умер, тогды сама сторона таковая, не могучы вжо за тым того

прокуратора своего на другом року становити, маеть на том сам присегнути, иж тот прокуратор его на тот рок был от него послан, а он, не доехавшы того вряду, умер. И гды на том присягнуть, суд маеть ся противко ему водле сего артыкулу заховати. А естли бы сама сторона позваная на другом року не стала албо ставши на том присегнути не хотела, тогды, естли бы о завитый рок шло в той речы, вжо на том другом року упадывается; а естли не о завитый рок — тогды в нестанное упадывается.

Артыкул 61

Чого прокуратор без стороны своее справовати не можеть.

Теж уставуем, иж прокуратор за моцю жадных записов новых и никоторого вызнанья ни от кого не маеть у суду чинити и пенезей за записами брати, и з них квитовати, не маючы при собе стороны своее. А вед же естли бы хто, не могучы або не поспеючы до вряду ехати по пенези, хотел через кого иного пенези тые брати и квитовати, тогды иначей не маеть, ани можеть брати, только через такового прокуратора або слугу своего, кому бы особливую на то моц и порученье листом своим, подписаным рукою своею и под печатью своею дал, албо перед врядом близшим судовым поручил и выписом того вряду моцным его на то меновите учинил; таковый моцный можеть пенези брати и квитовати моц мети будеть.

Артыкул 62

Хто бы на кого перед правом словом або рукою сягнул, пхнул, або ранил, або забил.

Теж уставуем: коли бы хто, якого колвек достоенства и стану будучы, а стоячы перед судом, отступившы речи своее, один на другого словом ся неучтивым торгнул, тогды за то маеть з сказанья того суду место вины седети на замку ближшом шесть недель. А если бы пхнул або рукою ударил, хотя бы не ранил, тогды маеть заплатити стороне место навезки гвалту дванадцать рублей грошей, и за вину маеть седети шесть недель. А если якую справу у того суду мети будеть тот, кто таковое везенье заслужить, тогды маеть то везенье подняти по росправе своей речи. Пакли бы корда, меча албо шабли и якое колвек брони в обычай звады добыл, а хотя бы и не ранил, руку тратить. А гды бы ранил, тогды ничим иным, одно горлом маеть быти коран и о такий учинок кождый вряд, будь гродский або земский, перед которым се то станеть, такового может на горло сказати. А если бы хто кого перед судом забил, тот честь и горло тратить, а головщина з ыменья або маетности его совито маеть быти детем або близским плачоно. А такового явного выступцу пры горячом учинку не толко вряд тот повинне имати казати маеть, але и всим там будучым для завстегненья такового своволеньства, яко против взрушителя покою посполитого повставшы, против таковому помоч чынити волно будеть. А где бы таковой, змоцнившись, имати себе не дал и от вряду зышол, тогды против таковому вряды наши заховатися мають водлуг артыкулу трыдцать второго сего ж розделу. Вед же хто бы своволне дал прычину словы и рукою и початок учинил, а тот бы, ув обороне прымушоный, початком его брони добыл, ранил або забил, таковой за выводом слушным иман быти не

маеть и таковое покуты и каранья не винен терпети. А хто бы теж кольве, ранившы албо забившы кого перед судом, проч утек, по такового за даньем нам о том знати через тот вряд наш, перед которым бы ся то стало, маем казати мандат наш дати, и станет ли за мандатом, карати его водлуг сего артыкулу. А естли за мандатом нс станеть, тогды его маем казати со всих паньств наших выволати вечным выволаньем, яко бы ся николи в границы паньства нашего не ворочал, а ранному навезка, албо забитого головщина з ыменья его маеть быти плачона. Где бы теж хто так упорный был, жебы, не росправившисе в такой речи, проч уехал албо за сказаньем врядовым везенья подняти и гвалту верху менованого стороне обельжоной заплатити не хотел, а вряд бы его не мог до того везенья примусити, а он бы проч от вряду отехал, досыть тому, во што попал, не вделавшы, тогды тот уряд, перед которым ся то станеть, за такое его непослушеньство маеть стороне ображоной гвалт тот совито, а собе вряду вины сорок коп грошей на именью его заразом, без жадных роков, отправить, поступуючи далее около тое отправки водлуг артыкулов, о отправах речей сужоных описаных.

Артыкул 63

О том, где бы воевода, староста албо судья, подсудок и писар, так замковый, яко и земский вряд албо подкоморий, комисар, седечы на суде, кого соромотил, албо ся на кого рукою торгнул.

Теж уставуем, иж гды бы хто с тых вышей мененых врядников наших, сидячы на суде, кого слова неучтивыми соромотил, тогды тот такий врядник за доводом явным слушным маеть на замку шесть недель седети. А если ж бы который воевода, староста албо который з их врядняков

судовых гродских, albo теж судья, подсудок, писар земский, albo подкоморый, albo комисар сам гвалт местцу нашему, господарскому, и суду учинил, а кого на суде ранил, таковый врьдник горло тратить. А пакли бы забил, таковый горло и честь тратить, а навезка albo головщина з имения его совито маеть быти плачона. А о то укывжоной стороне такого врьдника волно будеть позвати на рок завитый до нас, господара. Вед же хто бы свовольне дал врьду причину, словы и рукою торгнулся и початок учинил, а тот врьдник, в обороне прымушоный, початком его брони добыл, ранил albo забил, таковый за слушным выводом от тое вины и каранья волен будеть.

Артыкул 64

Естли бы хто, на роки земские albo рочки гродские том повете, где ест оселым, прьехавшы, а часу отправованья роков кого зранил, гвалт albo шкоду якую учинил.

Варуючы кождому волный беспечный прыступ до справедливости, уставуем то, иж если бы хто ж кольвек, будь оселый albo неоселый, на роки земские albo на рочки гродские в тот повет, где суды будутъ, прьехавшы, и часу того, поки роки водле замеренья сего статуту трвати будутъ, то ест личачы тот час перед зачатъем роков за три дни, а по выволанью роков через три дни, кого, будь на дорозе едучого на роки albo в месте том, где ся суды отправають, на улицы и где кольвек поткавшы и перенявшы, albo на госпуду и якое становище гвалтом нашедшы, самого albo слугу его и кого кольвек с таковых ранил albo забил, будь теж только шкоду якую учинил, albo пофалку на здорове albo пожогу вделал, а укывжоный того ж часу утек бы ся до суду и то ожаловал, тогды тот врьд, под которого отправованьем справ судовых то

ся станеть, маеть обжалованого возным обослати, абы он, не зеждчаючи з оных роков проч, перед оным судом стал и в том ся жалобной стороне усправедливил, который без позвов винен будеть стати и того ж часу на тых же роках усправедливится.

А сторона жалобная таковому обвиненому, если того потребовати будеть, жалобу свою на писме через возного под печатью своею або под печатью возного дати маеть, а обвиненый потом третего дня о то, в чом ему вину дадуть, усправедливится будеть винен. Естли ж бы по заказанью через возного, не становечися перед врядом ку росправе, проч зъехал, тогды тот вряд гвалт, навезки, раны и шкоды совито на токовом, а будет ли выступок кровавый, тогды и на горло его за доводом слушным всказати а на выволанье до нас, господара, отослати мает. А за гвалт, раны, шкоды або головщину заразом отправу на именью его вчинити. А не будет ли очевисте пристегнен и зазван, тогды таковый за прыпозваньем стороны жалобное перед тот же вряд, под которым ся што станеть, на первшие роки на рок завитый будеть винен становитися. И станет ли, а за доводом слушным правным стороны жалобное покажет ли ся в том винен, таковое ж сказанье, яко вышей описано, противко нему чинено быти маеть. А не только вряд гродский, але и земский вряд в такой речи, што се под роками земскими межы сторонами в речи кровавой станеть, будеть мочи и шляхтича о горло судити и сказовати. А естли бы и за позвы без причин правных не стал, тогды вряд для непослушенства его вжо без доводу то, о што жалоба будеть на нем, всказати и отправу на именью его водлуг сего статуту учинити, а в речи кровавой самого на выволанье до нас отослати маеть. А неоселый у великом князстве литовском кто кольвек, если бы збыток який под тым верху менованом часом учинил, таковый, хотя бы и пана у себе менил, не допускаючи

ему до него отозву, там заразом через тот же врьд моцне сужон и водлуг выступку своего сказыван и каран быти маеть, выймуючы то, иж естли бы што пры бытности пана своего под тым же врьдом або на дорозе учинил, тогды пан его за обосланьем врьдовым через возного там же заразом справедливость укрывжоному перед возным учинити повинен будеть. А где бы пан за обосланьем врьдовым заразом справедливости не учинил, тогды на самом пане такового слуги укривжоному за доводом, в статуте описаным, всказанье в той речи обычаем, в сем артыкуле помененым, чинено и отправа на именью его делана быти маеть.

Артыкул 65

Иж запозваныи словы непотребными, так теж и иный з стороны, прыповедавши с правом своим, кром позву, не маеть права розривати.

Уставуем: если бы позванная сторона, будучы у права, а отступивши от позву, стороне поводовой што такового нового задала або теж хто иный до того се стороны с правом своим приповедал, хочечи право розорвати, а проволоку вчинити або собе што без позву правом выйграти, таковым сторонам то у суду ити не может, але маеть суд, отложивши то на сторону, предсе стороне поводовой справедливость чинити водле позву о то, о што кого позвала, и то кончити и сказанье чинити водле права. А тому третему, который бы се з стороны до тое ж речи з справом своим приповедал, суд, не припускаючи его зараз ку праву, маеть ему толко вперед волное мовенье до права в той речи заховати с тым, хто з выроку их при именью або которой речи зостанеть. А в ынших припалых речах, которые бы се ново межы тыми двема, за позвы у права стоячими, прыточили, суд маеть им сказати, абы ся о то на иншие роки

до суду належачого поzywали. А естли бы ся што такового
межи ними о почтивость дотыкало, суд маеть их обеюх
сторон на вырок наш, господарский, отослати на семь
вальный, и там на сойме обеде стороне без жадных позвов
мають ся перед нами, господарем, ставити ку росправе, а о
што ся запозвали, то предсе суд маеть судовне межи ними
росправовати и кончыти водлуг права.

Артыкул 66

**Яко братью неделную або вчасников, то ест себров,
позывати.**

Уставуем: естли бы колько братьи або участников держали
одно именье себренное, люди тяглые або данные неделеные, а
кому бы се от того именья и людей кривда деяла в чом колвек,
а они бы яко з себе, так и с таковыми людьми справедливости
чынити не хотели, ино естли от подданных, тогды жалобливая
сторона лист урядовый через возного на том именью
положити маеть, абы ся той жалобливой стороне
справедливость стала. А естли бы ся в том стороне
жалобливой справедливость не стала, тогды як о вчыненье
справедливости с подданных, так теж, естли и от самых особ
кривда яка будеть деять, всих учасников о то перед суд
одным позвом маеть позвати и на том же именью позов
положити. А хотя бы ся оны учасники вси не зехали, тогды суд
на рокох судовых будеть сказанье подле права на именью
чынити водлуг того, яко о том о рокох судовых написано.

Артыкул 67

О кривдах, которые бы ся князем, паном, шляхте и их слугам и подданным от воевод, старост, державец и тивунов, лесничых и мостовничых наших, от их особ або от врядников их, будь теж от подданных наших деяли.

Хотячы мы, господар, в том панстве нашем, великом князстве литовском, покой посполитый чиненьем прудкое и латвое справедливости розмножати, уставуем, иж кому бы се з обывателей того паньства — князем, паном, шляхте так стану духовного, яко и светского и теж их слугам, бояром и подданным — деяли якие кривды и шкоды в речах поточных, в гвалтех, боех, грабежах и в захоженью людей отчызных до мест и сел наших, господарских, и иных тому подобных от воевод, старост, державец, войских и тивунов, лесничых, мостовничых и иных врядников наших, будь от самых особ або их врядников и слуг з воеводств, староств, держав и тивуньств их, тогды такой кождый воевода, староста, державца и тивун, и каждый врядник наш если бы што сам учинил албо бы з урядников, слуг своих справедливости кому за упомненьем через лист вряду нашего земского або городского учинити не хотел, маеть быти о то позван на рок завитый водлуг учинку до суду належного земского або городского в том повете, где тот замок або двор, або волость наша, держава его лежить, або где вряд его ест, абы сам стал и того, на кого жалоба будеть, поставил и в том ся з укривжоным росправил. А будеть ли кому кривда вчинена з староства судового того ж повету, будь от самого воеводы, сторосты або от его врядника, слуг, в речах, городскому суду належачих, о то маеть быти позывано водлуг артыкулу трыдцать девятого в том же розделе до другого суду городского, в ыньшом повете наближей о границу к тому повету

прилегло, которые кожды позвы, не могут ли быть очевисте поданы, мають быти покладаны через возного в том же замку або дворе и волости нашей, откуль ся кому кривда деет. А за тыми позвы воеводове, старостове и иные вси врьдники наши сами або через умоцованых своих виньни будут у суду становитися и росправу з жалобною стороною прыймовати, будучи того врьду послушни во всем до остатнего стопня права. И было ль бы што на котором з урядников наших за его властную вину с права сказано, тогды тые презыски не мають се стегати на грунт и добра наши, господарские.

Але за то отправка маеть быти чинена на властном именью такового врьдника, которое будеть мети в том же повете. А где бы который державца або тивун в том повете, где его держава лежить, оселости своее власное не мел, тогды суд водлуг поступку права, сказанье на нем учинившы, мает отослати на отправу до иного врьду и суду, в котором повете, звлаща в здешнем паньстве, великом князстве, он оселость свою мети будеть. А оный врьд повету другого винен будеть укривжоному отправу на именью его водлуг того суду и обычаю права учинити под виною в артыкуле деветьдесят четвертом в сем же розделе описаного. А который бы державца наш и иный врьдник наш нигде оселости в том паньстве нашем, великом князстве, не мел, а было бы кому, укривжоному от него, у которого врьду нашего што на нем сказано, а он бы сказанью врьдовому досыть чинити не хотел, тогды, гды тот укривжоный з листом судовым до нас, господара, утечетьсе, мы ему через посланца нашего отправу на маетности его рухомой учинити розказати маем, во всем водле сего статуту аж до остатнего стопня права поступуючи. А где бы который врьдник наш был позван о неучиненье справедливости з урядника албо слуг своих, тогды тых, которые обвинены в чом будуть, мають перед судом ку

росправе становити. А естли в чом винни зостануть, то на тых жо обжалованных отправено быти маеть. А пакли бы хто от подданных наших яког ж колвек стану, державы чиее кривду собе в речах поточных менил, а воевода, староста, державца и который же колвек врядник наш справедливости з них укривжоному чинити бы не хотел сам або через вряд свой, тогды маеть быти упомнен водлуг артыкулу сорок осмого сего ж розделу, кладучи через возного таковое упоминанье на той же державе, с которое ся кривда дееть. А воеводове, старостове и иные вси врядники наши справедливость с подданных наших, отправу на винных водлуг выступку кожного аж и до остатнего стопня права водлуг статуту сего чинити повинни будут, и отозву им нигде не допускаючи, окромя речей кровавых, где бы шло о горло, тому яко шкрутыния, так отзов допущон быти маеть, вынемшы, где бы на горячем учинку або явном яком выступе пойман або з лицом приведен был, тому отзов ити не может. А естли бы воевода, староста, державца и который же кольвек врядник наш за упомненьем врядовым року не зложил або, и зложившы рок, справедливости не вчинил, тогды таковой кождый урядник наш на рок завитый перед суд земский albo гродский позван быти маеть. А воевода, староста и который же кольвек врядник наш перед тым врядом, до которого позван будеть, сам стати и подданных наших обжалованных до росправы поставити маеть. И покажет ли се то с права, же справедливости жалобнику не вчинил, тогды таковой кождый воевода, староста и который же кольвек врядник наш за то вины стороне жалобливой там же, где се то приточить, рубль грошей заплатити маеть, а вряд тот там же заразом с тых обвиненых подданных справедливость вделати повинен будеть. А где бы от таковых врядников с подданных наших шляхтичу справедливость чинена была, а суд вряду того не водлуг права бы ся жалобнику видел, тогды о то стороне жалобливой

отозватисе с тым волно будеть до суду головного
трибунальского. А воеводове або старостове и иные врядники
нашы у того суду головного за тою апеляцеею винни будутъ
сами або через умоцованных своих пилновать. И покажет ли се
то перед тым судом, же шляхтич неслушне се отозвал, тогды
суд таковой змоцнити маеть. А шляхтич тот вряду тому, от
которого апеляцыя уростеть, повинен будеть вины заплатити
рубль грошей. Так же се теж розумети маеть и о тых, которые
якие добра нашы, будь правом доживотным або в сумах
пенезей заведенные, от нас, господара, держати и на таких
добрах — так на сумах пенезей, яко на маетности его рухомой,
также и на доходах его, с тых добр прыходячих, а наконец и
на особе его до остатнего стопня отправа чинена быти маеть.
Вед же где бы хто до такового увязаня прышол, не маеть над
уставу нашу ничего доходов болш з добр наших брати и в
скарбе нашем о таковом своем держанью ведомость учинити
для того, иж по смерти оногo доживотника таковые добра
нашы волно без откладанья сумы пенезей, на том
доживотнику презысканое, до столу нашего ворочатисе
мають, а свое сумы смотрети маеть на маетности оногo
доживотника, где бы кольвек на него прыходила. Нижли естли
бы от столу нашего заставою добра нашы держал, а на той
суме пенезей ему отправа учинена, тогды з скарбу нашего
оному тая сума откладана быти маеть.

Артыкул 68

О мещанех и о людях наших в кривдах их от шляхты.

Уставуем: естли бы хто с княжат, панов, шляхты всякого
стану, так и подданные их вчинили кривду якую колвек
мещаном мест наших, где права майдебурского не мають, так
теж и людем именей наших, господарских, таковых о

вчиненъе справедливости воеводове, старостове и державцы наши мають сами або врьдники их упоменути позвом водле артыкулу сорок осмого сего ж розделу, абы сам з себе и с подданных своих справедливость учинил. А естли бы за тым справедливости не вчинил, тогды на первшых роках судовых, яко на завитом року, под страченьем права маеть стати и подданных своих, кому будетъ вина дана, поставити. А суд маеть яко с тым самым паном, так и с подданными его, от которых бы се мещаном або людем нашим кривда деяла, яко на завитом року, справедливость учинити и с права, в чом бы против мещаном и людем нашим зостали винни, кождый грабеж, на чом довод слушный учынять, з навезкою казати платити. А естли без причин правных не станеть, тогды на таковом для непослушеньства, яко на завитом року, за доводом подданным нашим сказанье в жалобе их учинено быти маеть.

Артыкул 69

О мещанех права майдебурского.

Так уставуем: естли бы кому з мещан наших права майдебурского которая кривда деяла от князей, панов и земян и подданных их, а они бы се сами доброволне усправедливити не хотели або справедливости с подданных своих не вчинили, тогды такового кождого мещанин маеть до суду земского поветового позвати и далей поступовати против ему подлуг поступку права и статуту земского.

Артыкул 70

О участниках, которые какое речы доходити усхочут, иж других своих учасников на одны роки судовые земские,

яко на рок завитый, позывати мають.

Теж коли о реч сполечную которую ж кольвек вси учасники веспол у права мовити и ее доходити усхочуть, а иж один учасник без другого сам того чинити, ани ку кривде иньших учасников своих некоторое речи сполечное протягивати не может, прото естли бы иньшие учасники вси посполу которое речи сполечное в праве доходити и о нее мовити не хотели, тогды тот, который доходити усхочеть, маеть о то поступком сего статуту прыпозвати оных участников своих на роки судовые перед уряд земский, в котором оные участники его оселостями своими будутъ, яко на завитый рок. А неоселых место позвов листом упоминальным урядовым обнести, жебы на року его позваном весполук з ним до права становилисе. А где бы на первших роках земских хто с тых участников за позвы або за листом упоминальным не стал и сполне части своее доходити не хотел, тогды вжо оный участник, который речы сполечное доходити усхочеть сам один, только своее части доходити может и без иньших участников. А позванный повинен вжо будетъ ему самому, хотя бы иньших участников при нем не было, отказывати и усправедливитися. А тым другим участником потом волно будетъ своих частей на держачом, коли похочуть, правом доходити, толко бы давности земское не промолчали, выймуючи только тых участников с такового позыванья и обосланья листами врядовыми, которые бы были на послуже нашей або на науках и по рыцержству у чужих паньствах, бо тым, прыехавшы до тутошнего паньства, также волно будетъ своих частей доходити, одно бы по тому ж, прыехавши до того паньства, давности земское не омешкали. А ведь же то ся розумети маеть толко о тых, под которым участники усее близкости своее доходятъ. А братья, близкие и якие кольвек кривные кожды своего кривного о невыделенье своее части

сам без других позывати и доходити ее может, и гды с права части свое дойдет, тогды ему, колько на него часть приходить, до вечного делу поступлена и выделена быти маеть.

Артыкул 71

О дохоженю близкостю або яким иным правом именей, в розных поветех лежащих.

Хочем то мети и уставуем, иж гды бы хто под ким хотел поискивати близкостю або яким иным правом именей, в розных поветех лежащих, а право бы одинакое, будь прирожное або набытое, сторона жалобная на вси тые именья менила, тогды волно будеть того, хто тые именья держит, позвати о вси именья до одного, которого похочеть, суду поветового, где хотя одно которое с тых именей лежить. И если жалобная сторона у том одном повете тые именья зыщет, тогды вряд иных поветов, в которых тые именья лежать, мають и повинни будуть водлуг листу судового оногo повету и суду, до которого было позвано, стороне поведовой увязанье в другие именья, в их повете лежащие, дати и далее, приводячы оный суд ку выконанью водлуг сего статуту до остатнего стопня права, против стороны противное в том поступовати.

Артыкул 72

Хто бы, будучи позванный о именье, а стороны своее жалобное не признавал бы за потомка тое особы, по ком чого ищеть.

Где бы ся то трафило, ижбы хто, тяжучися с ким о именье, а отпорная, то ест позванная сторона не признавала бы стороны жалобное быти сыном або девкою того отца або матки тое албо яким колвек потомком, близким тое особы, по которой жалобник чого искати будеть, тогды вряд в таковой речи маеть з обудву сторон листов и иных доводов достаточне выслухати. А которое стороны довод будеть лепший, слушнейший и яснейший, тую сторону самотретнюю з шляхтою, ему ровною, будь с повинными кривными его або в недостатку кривных з людми обчими, только веры годными, до прысеги припустити маеть. А гды жалобнику присега сказана будет и он ее учинить, а отпорная сторона не мела бы на тое именье якого права прирожного або набытого и давностью земскою задержаного, тогды жалобник вжо тое именье за слушным доводом одержати маеть. А еще отпорная сторона за то, же ему непризнаньем своим быть его близким до того, чого искал, трудность задавала, маеть заплатити двадцать коп грошей. А естли отпорная сторона право якое на тое именье мети будеть, тогды и о тое право вряд маеть розсудок свой водлуг права там же заразом на том року вделати. А будет ли присега сказана стороне отпорной, и учинить ее, тогды по присязе при том именью зоставен будеть.

Артыкул 73

О том, иж, будучи хто с которого именья о што до вряду позванным, не может его, не расправившись, иному

пущати.

Забігаючы продлуженью справядлівості людское, уставуем, хотячы то вперод мети, иж естли бы хто с ким право вести и зачал о именье, о люди, грунты, о долги або о иншие якие колвек речи, крывды и шкоды, с которого именья починены, так от особ самых панов, яко их слуг и подданных, а тот позванный, будучы в позвех и не скончивши права, кому иншому тое именье або люди, грунты, о што позывано будеть, в держанье яким же кольвек способом пустил, тогды жалобник, предся беручи позвы на имя того, кого позывати почал, и на том же именью их покладати маеть, с которого первой почал позывати. А вряд наш жалобнику на оном же именью, на котором позвы класть почато, отправу до конца чинити маеть водлуг сего статуту. А держачий ничим того забороняти не маеть, але в том заводцы своего смотрети маеть, хто ему пенное именье завел. Пакли бы тот, хто именье держати будеть, упорне вряду спротивился, а отправки вчинити не допустил и боронил увязанья, тогды против таковому вряд наш и сторона мають далее поступовати водлуг артыкулов о отправах речей сужоных, в сем же розделе описаных.

Артыкул 74

О заруки на реч сужоную.

Теж уставуем: хто бы на ком што правом презыскал, то ест именье, люди або земли и який же кольве грунт лежащий, тогды маеть в то ему увязанье с права дано быти, а з уряду зарука маеть быти положона, абы тот, хто на праве упустил, в то ся через то не вступовал и увязанья не боронил. А пакли бы увязанья не допустил и сам через себе або через кого кольвек такового увязанья боронил, будь рукою або словы мовечи, же

увязанья не поступуеть, або теж по увязанью так сам, яко теж через приятеля або урядника, слуг и подданных своих в то вступовал, тогды, в том за позвы правом переконаный, тую заруку, з уряду положоную, маеть платити стороне жалобливой. А вед же зарука болшая не маеть быти покладана, только водле важности тое речы, о што идеть. А тот, кому што присужоно, предсе то маеть держати и повторе урядовне в то, што было присужоно, и теж за заруку у властные люди або грунты противного водле права увязан быти маеть.

Артыкул 75

Хто бы после права и присеги того ж искал, што перед правом утратил.

Теж уставуем: естли бы хто чого на ком искал а пустил бы его на присегу або теж с права ему была бы сказана присега, а он бы присегнул, а потом бы оный, который его обжаловал, тое ж речы, што правом утратил, на нем по другое искал, менуючы, ижбы несправедливе присягнул, и того хотел на того, который присягнул, доводити, тогды такой довод водле права не маеть быти ему допущон, але иж по прысязе тое ж речы искал, которую у права утратил, маеть чотыри недели на замку нашом седети, а шкodu оправити, на чом слушний довод сторона учинить. А где бы, ничего такового не примовляючы и словы не соромотечы, толко речы сужоное у другий раз искал, тогды седенья не будеть винен, толко маеть вины строне тры рубли грошей, а на врьд, перед который позван будеть, винен тры копы грошей заплатити, а заплатившы тые вины, тот суд первший при моцы зостати маеть.

Артыкул 76

О светках, якие мають быти у права прыймованы.

Уставуем теж, иж на всякую реч у кожного суда светки мають быти веры хрестияньское, люди добрые, веры годные и неподозронные. Вед же суд первей, нижли сторон або светков ку сведецьству припустити, маеть их напоменуть и розважити, абы паметали на пана бога, на справедливость его и на почстивость свою. А в речах важных кровавых, где идет о горло, светки по розну у суду пытаны быти мають, але однак при бытности сторон. А где бы который светок с прычин слушных, значных, явных, досконалых, леч не за доводом яким стороны противное, теж через светки, але албо писмом яким слушным правным, албо з властных уст его через вряд наш дознан был светком неправдивым, фалшывым, таковый светок маеть быти сам каран тым, на чом бы он сведецьством своим неправдивым другому ближнему своему ушкодити мел. Однак жо и таковому светку, естли бы себе кривду и безправе в розсудку врядовом розумел, апеляция вольная зоставати маеть до суду головного. А к тому мають быти припущоны ку сведецьству и татарове тые, которые на службу нашу военную ездять, яко то в прывилью продка нашего описано, мають.

Артыкул 77

О доводех и отводех.

Уставуем: гды суд, выслухавшы жалоб и отпоров сторон, скажеть которой колвек стороне довод або отвод, а оная сторона на оный час, на который мела доводити або отводить, не доведеть або се не отведеть, таковая реч свою тратить маеть. А вед же естли бы заразом сторона которого светка або

и двух ставити не могла, тогда суд то е и до завтрае отложити маеть. Вед же он того або тых светков, на которых ставенье возметь, до завтрая заразом там у суду имени меновати винен. А то вжо будеть под страченьем права завитый рок. А доводы и отводы на всякую реч мають быти напервей через писмо або через светки. А то суть напевнейшыя и нагрунтовнейшыя доводы будуть. Теж доводы и отводы через присягу, кому писма або светков не достанеть, теж и через певные знаки, яко о кождом доводе таковом зособна ниже написано.

Артыкул 78

Которые ку сведецству припущоны не мають быти.

Уставуем теж, иж ку сведецству не мають быти припущоны тые, которые суть правом переконани в яком злом учинку, за што горлом бываеть карано, што там же перед урядом тот, хто ему наганить, доводити маеть. А если бы не довел, тогда ку доводу прыпущон будеть. К тому не мають светчити слуги и подданные за панов, ани теж против панов; шаленый, то ест который розуму не маеть. По тому ж светками быти не мають один другому тые, которым сполне вину дадуть або помочниками их будуть. Также и выволанцы светчыти не могут, поки ся з обвиненья своего не выправить. Теж если бы который в якой речи светчыл, же на том местцы, где ся што станеть, сам был и то видел або слышал, а потом в другой речи, которая бы на иншом местцы того ж дня, яко и першая, о которую светчыл, сталася от того местца оподаль, яко бы подобенство не было, жебы того одного дня на обудву местцах быти мог и хотел также светчити, тогда таковый ку тому, ани наперод ку жадному сведецству не маеть быти прыпускан.

Артыкул 79

О светкох, што бы хто хотел ку ним мовити.

Естли бы хотела сторона противная ку светком што мовити и ганити им, тогды маеть тут же заразом перед правом и первей, нижли их ку сведоцству прыпустить або ку прысязе, ку ним мовити и на них доводити и, не спущаючи с права, то кончыти. А где бы на которого светка што вел, а не довел, тогды маеть того светка там же у права навезати водлуг стану его, а ку сведецству будеть прыпуцон. А переведет ли, тогды тот светок светком быти не может, а сторона поводовая на того местце иного светка маеть ставити, и на ставенье других светков маеть стороне час быти узычон на тых жо роках водлуг далекости местца, где ся што стало, або як далеко того светка поведеть. А трафить ли се то на концу роков або для далекости дороги ставити бы его не мог, тогды на ставенье светков таких до других роков под страченьем права отложити маеть. Але сторона зараз тых светков у суду имени меновати маеть, на которых постановенье просити будеть. А не будет ли мочы за смертью або з яких иных слушных правных причин которого менованого светка поставити, тогды на того местце волно будет иного светка поставити, толко бы веры годного, неподойзренного, а припустивши светков ку сведецству, к ним по праве ничего мовити не маеть.

Артыкул 80

На своих светкох по праве ништо ничего искати не маеть.

Уставуем: хто бы у якой кольвек речы перед правом выдал светков, а тые бы светки против самому посветьчили, тогды он

на тых светкох своих по праве и свидетельстве того пойскивати и до права их поволокати не маеть.

Артыкул 81

Свидетством трех або двух светков маеть сторона реч свою одержати, и хто бы теж, оставившы довод, пустил стороне на присягу.

Теж уставуем, иж сторона, доводечы речы своее, маеть доводити трема светками, людми веры годными и неподозренными. А естли бы хто трех светков не мел, тогды в недостатку третего при двух свидетельстве сам маеть прысегнути и тым реч свою одержати. А вед же не о честь, не о гвалт, ани о наезд домовый, и теж где бы не шло стороне обжалованой о горло, так теж и о земли, на што особливе на местцах своих суть доводы написаны. А хто бы, оставляючы доброволне довод, светков трех пустил стороне своей противной на присягу о которую кольвек реч, тогды тая сторона, гды ся доброволне за присягу озметь и присягнеть, маеть реч свою одержати. А естли присягнути не всхочеть, тогды реч свою тратить. А хто бы, маючы трох светков, а над них сам доброволне за присягу братисе не хотел, тогды то ему волно будеть и свидетельством трех светков без прысяги реч свою одержить. И гды кому с права присега сказана будеть албо ся хто за нее добровольне у суду озметь, тогды уряд для розмышленья сторон маеть присегу на день третий зложити, а там дня третего сторона противная, против которое маеть быти прысега чинена, маеть, роту тое присеги от писара с подписью руки его взявши, оную сторону свою до присеги перед возным и стороною двема шляхтичами вести, а возный роту выдавати маеть. А не всхочет ли хто стороны своее противное до присеги вести, такой реч свою тратить. А оный,

хто мел прысягати, а не был веден до прысяги, вжо без прысеги тую реч, ему сказаную, одержати маеть. А час пилности прысяги маеть быти того дня третего до полудня, местце прысязе там же перед судом, а чынити прысегу маеть кождый водлуг своего набоженства, якого ужываеть.

Артыкул 82

О доводех листовных.

Могут теж быти доводы листовные, то ест записы на именья и иные выписы або оповеданья и сознанья книг канцляреи наше и с книг судовых земских и замковых и через ceroграфы под печатями и под написаньем руки власное, такеж квитами и реестрами ревизорскими, на отмены даными, и иными листы и реестры заведучыми або увяжчыми, яко о том шырей ниже на местцы своем ест написано.

Артыкул 83

О комисеях наших, господарских, в которых речах мають быти даваны.

Уставуем теж, иж листы нашы комисейные ку вчиненью справедливости толко в тых речах, ниже описаных, мають быти даваны, то ест о границы межи именьями нашими и шляхетскими, гды ся хто с подданных наших народу шляхетского якого кольвек стану особа утечеть до нас, менечи собе кривду в грунте своем от воевод, старост, державец, тивунов и яких колвек врядников з ыменей наших або от подданных наших. Тогды мы заразом без жадное проволоки на розсудок и росправу таковых розниц о грунты маем комисаров наших трех особ, а меновите кашталяна або маршалка и к

тому подкоморого того повету и з ними третего шляхтича, в том же повете оселого. А в котором повете кашталяна, ани маршалка не будеть, там с подкоморим двух шляхтичов того ж повету албо кого з урядников наших, толко родичов и обывателей того панства нашего, великого князства литовского, давати и высылати. А стороне жалобной волно будеть также за листы нашими з стороны своее толко ж особ шляхетского народу узять. Теж мають быти комисей наши даваны о выкупенье именей наших, господарских, также и з духовными, яко о том в розделе третем в артыкуле 30 третем ест описано. А о иншие речи вси як шляхта межи собою, так и вси панове духовные и светские мають ся справовати перед судом належным.

Артыкул 84

О роки заплаты пенежное, з суда сказаное.

Теж уставуем, иж каждой заплате пенежной, с права за презыски от которого кольвек суду сказаной, мають быти роки заплате по сказанью судовом положоны, то ест, почавшы от наменное личбы до петидесят коп грошей — две недели. А той суме, што будеть болш петидесят коп грошей, албо сту копам грошей — чотыри недели; што болш ста коп грошей до петисот коп грошей — тому дванадцать недель; а што над пятьсот коп аж до тисечи коп грошей — той суме рок двадцать чотыры недели. А естли бы хто на тые роки не заплатил, тогды возны, от вряду на увезанье прыданы, за листом врядовым увязчым, по вышстью каждое раты албо колко рат, яко того сторона жалобная потребовати будеть, маеть в именье виноватого сторону поводовую увязывати водлуг обычаю сего права посполитого. Нижли естли бы се хто листом своим записал на который рок заплатити, а не заплатил бы, тогды

вряд, сказавшы на таком тую суму, в записе описаную, маеть за нее zarazом без складанья роков водлуг опису отправу чинити. Так же естли бы пры отнятью гвалтовном именья взял што колвек маетности, збожя, быдла и иных статков домовых и што бы кольвек речью рухомою названо быть могло, на што бы сторона поводовая слушний довод водле права вчинила, тогда если чого с тых речей пры подаванью именья не вернетъ, ино и то без складанья роков статutowых на стороне обжалованой отправлено быти маеть.

Артыкул 85

О полюбовном суду.

Уставуем: гды бы судьи полюбовные за компромисом кому презыск який судовный сказали и лист того сказанья згодне сполу обеде стороне под печатми своими дали, а одна бы которая сторона суда их того держати и тому досыть чинити не хотела, тогда за прыпозваньем тот лист судовый маеть через сторону тую, которая пры том суде стояти будеть, положон быти перед судом земским на роках судовых. А суд, угленувшы в компромис и в тот лист судовый, и обачит ли тот суд полюбовный згодный и печатми судей обеюх сторон прыпечатаный, маеть его пры моцы заховати и отправу водлуг того суду учинити. А где бы ся суд полюбовный показал розный о таковой суд, гды ся обеде стороне перед вряд земский прыпозовут або одна которая сторона противную свою сторону позоветъ, тогда вряд маеть того досмотрети и розсудити, и которое стороны судьи водлуг права будуть сказали, тот суд пры моцы зоставити. Естли ж бы обеюх сторон судьи судом своим от права посполитого або компромису ухилилися, тогда вряд за тым же позвом zarazом, яко на року завитом, будь за станьем або нестаньем стороны

позванное, маеть розсудок свой в той речи водле права вделати и отправу дати.

Артыкул 86

О отзыванью з суду до головных судей.

Уставуем теж, коли бы ся кому с подданных наших сказанье у суду земского або замкового, так самых воевод, старост, яко и их врядников судовых або подкоморого або комисарское, не водле права видело так поводовой, яко и отпорной стороне, тогды будет кождый с тых сторон, так поводовой, яко и отпорной, волно ся по сказаньи судовом отозвати до суду головного в том, што ему судить належить. А вед же тот, хто ся отзоветь, не мает судьи слов соромотных мовити пры отозве, одно тыми словы поведити: «Панове судьи, тое сказанье ваше мне ся видить не водле права, отзываюся с тым до суду головного». А по отозванью, поки се перед судом головным стороны правом розопруть, суд отправки чинити не маеть. А где бы у суду которого перед апеляцеею присега которой стороне была сказана, а другая бы сторона противная по сказанью апелевала, тогды тая присега маеть быти задержана дотыхмест, поки ся стороны з собою за апеляцеею розопруть. А потом на суде головном естли сказнь врядовая уфалена будеть, в тот час и присега там же у суду головного выконана быти маеть. Естли ж бы ся то трафило, ижбы тая сторона, которой присегу вряд скажеть, не дождавши росправы у суду головного, з сего света зышла, тогды потомки ее, кому бы тот презыск водле права належал, похочут ли презыск одержати, винни будуть апеляцции пилновати и присегу учинити. То ж ся и о противной стороне в таком припадку розумети маеть, же потомки их права пилновати и попирати мають. Вед же гды бы, у апеляцции стоячи, одна

которая сторона умерла, тогда та другая сторона позосталая
маеть потомки ее ку прислуханью выроку позвы нашими
земскими перед суд головный припозвати на рок завитый. А
што суду нашему, господарскому, водлуг права посполитого
належить, в таких речах и апеляция маеть ити до нас же,
господара.

Артыкул 87

**О отозвех, где бы колко братьи або участников позвали
кого ку праву, а потом, от суда отозвавшись по сказаньи,
если бы один з них зеднался, а другие, которые ся не
еднали, могут отозву пильновати.**

Теж уставуем: если бы колько участников, будь стороною
поводовою або отпорною будучы, мели с ким право о якую
кольвек реч, а сказанье бы за ними або против них вышло, в
чом бы видечи которая сторона себе с кривдою, до суду
отозвавшисе, один з них або два з стороною зедналися, кром
иных участников, а потом бы другая сторона з отозву тым
хотела быти права, отбиваючы тех, с которыми ся не еднала,
для того, иж иные участники их зедналися и з апеляцеи
выступили, тогда таковой отпор у права не маеть быти
приймован, але тые, которые ся не еднали, могут отозву
пилновати, и сказанье маеть быти чынено, бо тые, которые ся
зеднали, части их утратити не могли, кром того, гды бы
которые се зеднали зуполную моц, а меновите врядовне на то
им даную от участников, ку тому праву и ку еднанью мели и в
права то показали.

Артыкул 88

В чом отозву суд допустити не может.

Остерегаючи то, абы продлуженье в справедливости непотребное не деялося, уставуем, иж от врьдов наших апеляцый никому допущона быти не маеть в тых речах, ниже в сем артыкуле описаных. Первшое: хто бы кому описался и обовезался в чом листом своим, записом добровольным, а таковой запис найден бы слушный, водлуг сего статуту и артыкулов, в нем ниже описаных, справеный, а тот, хто ся опишет, не приймаючи сказанья, апелевати хотел, проволоку чынечи, тому отзов ити не маеть. Другое: где бы стороне жалобной прысужоно именье, люди або грунт який, о который она повывала о выбитье и отнятье з спокойного держанья, тогды сторона отпорная апелевати в такой речы не может. Третье: естли бы хто кому, у суду стоячи, добровольне на довод або отвод який пустил, а тот бы, кому пущоно, довод або отвод учинил. Четвертое: естли бы ся хто ку чому сам добровольне на праве знал, не маеть теж врьд апеляции допущати, збиваючи позвы и рок зражаючи, але по сказанью головное речы, о што позвано, кром артыкулов, в сем статуте вынятых, волно будеть апелевати. Также, варуючы и то, где бы стороны, о котрые спадки правуючися, а спор станеться межи ними, не признаваючи один другому линии кривности, в том суд маеть розсудок чинить. И естли бы которая сторона то себе за головную реч брала, тогды и апеляции маеть ему допустити до суду головного от сказанья своего.

Артыкул 89

О року завитом за апелецыями и о том, хто бы неслушне апелевал.

Уставуем, иж кождой апеляцыи от всих врядов наших маеть быти рок завитый, то ест кождому воеводству, земли и повету там на том местцу и о том часе, яко ест в артыкулах суду головного около того меновите и достаточне доложено. А хто неслушне и против праву отзовется, а суд головный сказнь судовую потвердить, тогды тот оному, противко которому ся отозвал, мает шесть коп грошей заплатити. А платы, доходы або пожитки, которые брал в том часе, по отозве держачы то, о што право идетъ, за доводом слухным з навезкою маеть ушкожоному вернути для тое причины, абы ся ништо упорне, а в чужом користечы, над право ку проволоц стороны своее противное не отзывал.

Артыкул 90

Которого часу от врядов наших отзов быти маеть.

Уставуем: естли бы ся кому от врядов наших в сказанью судовом кривда видела, таковый маеть того ж часу, от суду не отходячы, заразом скоро по сказанью судовом пры бытности стороны своее противное отозватисе до нас, господара, або до суду головного обычаем вышей мененым. А так перед судом нашим, господарским, або головным болшей ку помочи собе ничого брати и прикладати не маеть, толко то, што было перед судом первшым, от которого апелевал. А где бы хто заразом того ж часу, яко вышей доложено, не отозвался, токовому вжо апеляцыя допущона не маеть быти и вряду такового о то

позывать не может водле артыкулу чотырдесятого сего ж розделу.

Артыкул 91

О промолчанью давности земское о именье лежащее и о презыски, с права сказанные.

Уставуем, иж хто бы о именье лежащее давность земскую десеть лет в молчанью был, не позывал, ани листами упоминальными оносил, таковой вжо вечне о то молчати маеть, хотя бы ся и вспоминал, и ку праву позывал и в року стоял, а речы конца не довел, а потом также от обношенья листом упоминальным, або от заложенья позвы, албо и переведшы право, а в держане именья не вошедши, давность земскую десет лет промолчал и не вспоминался, таковой вжо о таковое именье вечне молчати маеть. По тому ж, естли бы хто на ком якую суму пенезей с права презыскавши, а после суда и сказанья врядового, не ужываючы и не домагаючыся отправки той речы сужоной, через десеть лет в молчанью того был, таковой такеж о то вечне молчати маеть. Пакли бы теж, одержавшы хто сказанье врядовое на якую суму пенезей, а отправки за то за первшого вряду, хто то ему присудил, не одержал, а давности земское десети лет не омешкал бы, в такой речы другой вряд без позванья о то, одно вгленувшы в лист судовой первшого вряду, водлуг того отправу вчинити маеть.

Артыкул 92

О гвалтовное выбитье з спокойного держанья.

Теж уставуем: хто бы кого гвалтовне без права выбил з спокойного держанья, з двора и с пашни дворное, з места, з млына, з бояр, з людей и з их грунтов, будь в дому шляхетском, в месте або на селе бой який вчинившы або и так без бою отнял и себе привернул именье, люди за правом прироженным держачое, або во што бы хто за правом яким набытым врьдовне при возном и шляхте в держанье вошел, а то бы будь сам особою своею албо хотя через врьдника, слуг, бояр або подданных своих учинил, тогды оный укривжоный маеть без мешканья тую кривду свою на врьде судовом оповедати и записати, и возным и стороною обвести, и знаки гвалту, естли якие будут, оказати. А потом надалей в десети неделях от выбитья або отнятья маеть припозвати самого того пана, хто его, будь сам албо через слуг, подданных своих, с чого выбил або отнял, до врьду замкового на рок завитый за четьри недели так от очевистого, яко и заочного поданью позвов. А там перед врьдом гродским, гды обедве стороне стануть ку праву, а позванная сторона естли бы ся того гвалтовного отнятья и держанья своего того именья або людей заперла и до того не знала, тогды тое именье або люди мають быти зараз сказаны жалобнику в держане. А гвалту, бою, ран або забойства и теж шкод починеных, в позве описаных, похочеть ли сторона жалобная доводити, то ей волно бедеть . И врьд наш за слушным доводом, яко о каждом гвалте довод ест нижей описан, маеть сказанье против стороны обвиненое учинити водлуг вины и учинку порядком сего статуту. А по всказанью и отправу на властном именью винного чинити до остаточного стопня права, роков статutowых, заплате пенезей сказаных, не складаючи. А прийдет ли до того с права, и

горлом карати. А где бы сторона обвиненная, признавшись до держанья того имения або людей, поведила то, же он жалобника с того, о што он жалуеьт, гвалтовне не выбиял, але то держить за правом яким слушным и хотел бы то яким правом хотя и на писме покозати , тогды предся той стороне отпорной не маеть быти на вывод давано, але жалобная сторона маеть ку доводу припущона быти. И доведет ли будь писмом яким або сведецьством суседов околичных яког колвек стану, толко людей добрых, веры годных, ни в чом не подойзренных, сема чоловіеки и присегою своею спокойного держанья своего того имения або людей, тогды то, с чого был выбит, суд ему заразом в держанье и к тому гвалту двадцать коп грошей сказати маеть. А за бой, раны, забийства, естли ся при таком гвалтовном отнятью стануть, также шкоды, в тот час поделанные, вряд при знаках слушных и при оповеданью врьдовом за тою ж присягою, которая яко на выбитье гвалтовное, так на ранах и шкодах одним разом чинена быти маеть от стороны жалобное, сказывати маеть, а шкоды з навезкою сказуючи, и отправу чинити на имению виноватого водле науки сего статуту. А той противной стороне, которая се з яким правом своим у суду окажет, вряд волное мовенье вперед у суду належного заховати маеть. А хто бы, минувшы вряд гродский, хотел о выбитье з спокойного держанья, хотя и в том чаете от выбитья в десети неделях, вышей в сем артыкуле споминаных, до врьду земского пазвати, то каждому волно будеть. А врьд земский тым же обычаем, яко верху поменено, такие речы розсуживати мает. А што колвек который врьд гродский або земский за такими позвы о выбитье з спокойного держанья гвалту, навезок и шкод присудить, тому роки заплате, в статуте описанные, не мають быти покладаны, але заразом по сказанью сторона поводовая яко в держанье того, щого была выбита, через возного впущона, так и отправа ей за презыски сказанные на властном имению стороны противное

вчинена быти маеть под заруками на сторону и вряд, яко о порядке отправа иных всех речей сужоных ест описано.

Артыкул 93

О напмненью врядовом около заплаты сумы пенезей, с права сказаное, первой ним возный паедеть за то увязывати.

Забегаючи мы тому, абы ништо непослушенства своего праву посполитому неведомостью покрывати и обмовляти не мог, уставуем, иж, гды которая сума пенезей от которого кольвек вряду нашего сказана кому на ком будеть, за нестаньем тое стороны противное, на ком што скажутъ, а будет ли тая сказнь вчинена в речы такой, в которой сесь статут роков заплате пенезей складати не допускаеть, тогды вряд наш, выдаючи стороне поводовой, которая презыск одержить, лист свой увязчий до стороны противное, предся маеть на том листе своем часу ему ку заплате тых пенезей сказанных узычити от поданья ему або от положенья на именью его через возного и двух шляхтячов копии з листу увязчого за чотыри недели, напоминаючи его, абы на тот рок тые пенези водлуг сказанья их заплатил. А в том листе увязчом зарука маеть быть покладана так великая, як будеть важность речы сужоное. А где бы за чотыри недели тое сумы всказаное не заплатил, тогды за тем же листом увязчим возный отправу на именьи его за то учинити маеть водле артыкулу, нижей описаного. А где бы сказанье врядовое вышло теж заочне, але на такую суму пенезей, которой роки заплате водлуг замеренья сего статуту будуть положоны, тогды предся тот рок або тые роки, яко их великость сумы сказаное укажетъ и на листе увязчом описанные будуть, мають початися личити не от сказанья врядового, але такеж от

поданья албо положенья на именью виноватого копееи з листу увязчого. Нижли которая сума пенезей за очевистым у права мовеньем сторон або их умоцованых сказана будеть, в том такового обвещенья и напominанья не будет потреба, але водлуг припадку речи и науки сего статуту або заразом по суде отправа будеть дана, або от сказанья судового роки статутовые пойдуть и личитися почнуть. Также ся не толко о суме пенезей але и о иных речах яких рухомых, с права ку отданью присужоных, розумети маеть. А где бы хто на роки, от нас або от вряду нашего водлуг сего статуту положоные, пенезей присужоных заплатяти не хотел, тогды против такового отправа чинена быти маеть водлуг артыкулов, нижей о том постановеных. Тое ж ся маеть розумети и о речах, з выроку нашего, господарского, присужоных и до вряду на отправу отосланных.

Артыкул 94

О отправе суммы пенезей, с права присужоное, где бы хто ее водлуг сказаня врядового не заплатил, и теж о увязанье в ыменье прысужоное.

Пакли бы хто суммы пенезей, от которого колвек вряду нашего земского або гродского, будь теж подкоморского або комисарского, присужоное, албо пак з нашего, господарского, любо теж судей головных выруку на отправу до вряду отосланое, будь заразом по сказанью водле описанья сего статуту або на роки, в нем вышей описаные и узычоные, стороне своей противной не заплатил, тогды возный, от вряду нашего на увязанье стороне жалобной приданый, маеть с трема шляхтичами, веры годными, для того увязанья до именья стороны противное, на ком што сказано будет, ехати и сторону жалобную водлуг листу увязчого за суму, ей

сказаную, в люди, именье, грунты и иншую маетность стороны противное водлуг порядку и науки, в сем статуте около того нижей описаное, увезати и то ему в держанье до заплаты сумы пенезей подати. А где бы хто возному увязанья не поступил и боронил сам або через врядника, тивуна, слуг, бояр и подданных своих и через кого кольвек иного, не толко учынкoм яким спротивенство показуючы, але хотя словне мовечы, же не поступуеть увязанья, и то бы возный и с тою стороною трема шляхтичы згодне перед врядом земским або гродским сознали, тогды таковы противник вжо в заруку, на листе увяжчoм описаную, попадаеть. А вряд тот, который будеть тую реч судил албо до которого от нас, господара, албо от головного суду на отправу отослано будеть, естли земский, тогды судья або подсудок, а естли вряд гродский, тогды воеводове, старостове або их наместники, подстаростий або судья гродский, маючы при собе возных двух того ж повету и пети шляхтичов, оселых в том паньстве, великом князстве, людей добрых, веры годных и ни в чoм не подойзронных, о которую сторону жалобная сторона старатися повинна, мает на тое увязанье ехати от данья ему знать через того возного, первой на увязанье посланого, надалей за чотыри недели, и там сторону поводовую яко за тую суму, с права сказаную, так и за заруку, в листе увяжчoм положоную, в именье противника увязати и на конец отправу на нем водлуг порядку сего статуту учинити, заховуючыся в том увязанью противко обеюм сторонам верне, правдиве, под тою ж присегою своею, на вряд его учиненую. А хотя бы по всказанью врядовом тот сам, против кому сказанье выйдеть, або на ком што присужоно будеть, первой ним до увязанья приидеть, умер, тогды возный або вряд сам без жадного иного припозыванья, але за тым же сказаньем отправу и увязанье против детей, потомков и близких его водлуг порядку сего статуту выконывати маеть. Где бы теж тот, хто презыск одержить, не взявши заплаты, и

первей увязанья з сего света зшол, тогды детям, близким его, кому бы тот презыск за правом прирожоным албо теж обчому кому за записом належал, также без позыванья, толко лист увяжчий отменивши, отправа чинена быти мает. А за працу тому вряду самому увяжчого от копы два грошы тот, на ком отправу чинять, платити мает, и вряд за тот свой доход особливе в люди або земли виноватого увезатися и стороне той жалобной або кому иному в том завести может. А гды придет увязывати у власное именье стороны жалобное, близкостью або яким иным правом презысканое, або в люди, грунты, кром такого именья, которое бы было гвалтовне з спокойного держанья отнято, о чом ест наука в особливых артыкулах. Тогды вряд около увязанья в тое именье тым же порядком, вышей описаным, заховатися маеть. Одно ж за працу вряду увяжчого вжо сама сторона поводовая от службы або волоки, оселое людми, по два грошы, а от дворное и пустовское пашное земли або волоки по одному грошу платити будеть, а от иных грунтов, которые бы ся на пашню не згодили, ничого платити не будеть винна. А тую отправу вряд в том часе, вышей за мероном, выконывати маеть под виною петмадесят копами грошей стороне поводовой, о которую вину вряд до тых жо судей головных позван быти маеть, а по заплате вины предсе тую отправу чинити винен будеть.

Артыкул 95

О том, хто бы вряду которому увязанья не поступил по суде которого вряду, а не по трыбунальском.

А естли бы сторона тая, на ком вряд земский або гродский отправу вчинити всхочеть в речах тых, в которых сторона, правом переконаная, сказанье врядовое прынела и от него не

опелевала, тому вряду нашому отправы вчинити на именью своем не допустил и чым кольвек сам або через кого иного спротивился, тогды таковой за тую свою противность в совитую заруку впадаеть. А вряд тот, которому бы се спротивлено, до нас, господара, на листе своем отвороном под печатью своею и под печатми тых шляхтичов и возных, пры нем будучих, к тому и с подписаным рук их, хто з них писати умети будеть, отослати и о том упоре ознаймити нам маеть. А мы, господар, где на тот час двором нашим будем, такового упорного и вряду нашому не послушного казать выволать с паньств наших, а на именью противного через дворанина нашего укривжоному мощную отправу вделати розказати заразом, кром вшелякое проволоки, так в речы осужоной, яко в заруках, закладех и винах, и в шкодах всих, маем и повиньни будем. Который дворянин при таковой отправе пети теж шляхтичов и двух возных при себе мети маеть. А за тую вину, иж вряду нашому не поступил увязанья, яко за спротивенье праву посполитому и зверхности нашей, господарской, остаток маетности противного, што бы колвек ее по вчиненью стороне жалобной отправы в великом князстве литовском остало, всю от мала до велика лежачую до столу нашего, господарского, взяти и привернути маем, которую вжо тот истый таковой противник вечне тратить повинен будеть. И вжо мы, господар, тую маетность роздати мощни и волни будем людем народу шляхетского, нам и речы посполитой заслужоным, яко властные спадки наши, а тому выволанцу не ворочаючи ее, вынявши то, естли бы таковой стороне укривжоной за вси презыски досыть учинил, а до нас, господара, о милосердые бы се утек; тогды привернение ему оное маетности и знесенье з него выволанья будеть при воли и ласце нашей, господарской. А естли бы тот же так упорный был и тому посланцу нашому спротивился и отправы вделати не допустил або тое именье, уникаючи права, кому иному в

руки пустил, чого водлуг артыкулу, вышей описаного в сем же розделе, семдесят третего учинити не мог, такового яко противника справедливости божое и зверхности маестату нашего, господарского, за припозванем от стороны уквивжоное перед нас, господара, на рок завитый и по оказанью на писме того упору и непослушенства его сознаньем посланца нашего, шляхты и возных, при нем будучих, там, где на тот час двором нашим будем, в жадную лимитацыю того не впускаючи, гды позванный станеть, горлом его карати кажем.

А естли не станеть, тогды заразом на том же року маем его росказати зо всих земель паньств наших выволати вечным выволаньем так, ижбы ся николи в границы паньств наших не ворочал . А поступок увесь отправки стороне жалобной и привернение маетности упорного до столу нашего, господарского, такеж заразом на року, за мандатом припалом, так, яко вышей описано, через посланьца нашего выконати мы, господар, без жадное проволоки повинни будем. А увязчого посланцу нашему так же маеть быти, яко и вряду. Ведь же где бы сказнь врядовая против кого заочне за нестаньем або за недопущеньем апеляции вышла, а тот бы, на ком што сказано, тот суд и сказанье за неправное почитаючи, увязанья не поступил и вряд о такое сказанье неправное до суду належного трыбунальского запозвал, тогды таковая справа маеть быти задержана, и вряд того такового спротивного яко на выволанье до нас, господара, отсылати, так и отправки чынити не мает аж до росправы о том у суду головного. И зостанет ли тот спротивный в том винен, што уряд на нем всказал, тогды и зарукам тым за непоступленьем увязанья возному и вряду, вышей в сем статуте описаным, подлечы маеть. А суд трыбунальский ку отправе тое речы и зарук отослати маеть водлуг науки, в «Трыбунале» описаное.

Артыкул 96

О таковых, хто бы под часом переводу права межи двема особами он третий увязанья вряду боронил.

Пакли ж бы хто, маючи собе именье, от кого иного пуццоное, по заложенью позву через которую сторону жалобную, а потом по сказанью врядувом того именья стороне поводовой або по присуженью на том именью какое суммы пенезное увязанье возному або вряду нашому боронил, тогды сторона жалобливая такового на рок завитый заочне за шесть недель, а очевисте за чотыри недели до суду головного припозвати маеть там, на тое местце, где в котором воеводстве в он час суд головный sprawy судовые отправовати будеть. И гды на него того спротивенства сведецством врядувым, яко вышей описано, доведеть, тогды у вязанье у оное именье за реч осужоную поступити, а к тому гвалты, заруки, в листе судовом описаные, з навезкою сам заплатити повинен будеть, што на властной маетности его без складанья роков статutowых сказано, и отправа порядком, вышей против самого истца описаным, учинена быти маеть. А то се маеть розумети, коли бы хто оселый в великом князстве литовском тое вчинил. А гды бы тот, который увязанья боронил, у великом князстве литовском был неоселый, а увязанья боронил мощно, тогды самый истец поступком вышей описаным во всем поконыван быти маеть. А о том неоселом спротивнику одном або колко их будеть, яко о самом истцу, вряд нам, господару, ознаймити маеть, а мы и тых противников посполу з самым истцом з земли всих панств наших выволати розказати маем.

Артыкул 97

О выконанью увязанья и отправки на именью виноватого в иных поветех, где бы оселости и иное маетности его в том повете, где сказнь вышла, стало.

Уставуем, иж гды бы в котором повете на ком с права так великая сума пенезей сказана была або бы хто, упором своим противечися праву посполитому и увезанья не поступуючы, в заруки так великие попал, за што бы отправки водлуг сего статуту именье и маетность его в том повете, в котором суд был, не вынесла, а он бы еще мел оселость в ынших поветех, тогды за ознайменьем о том и отосланьем через лист отвороный вряду того повету, где тая реч сужона, маеть и повинен будет вряд другого повету, будь земский або городский, которому з них водле того суда належати будет, то ест естли у земства было сужоно, тогды земский, а естли у городу, тогды теж городский, за останок сумы, с права сказаное, водлуг науки сего статуту, на именьях виноватого отправу стороне поводовой учинити от принесенья им такого отосланого листу с того иного повету надалей за чотыри недели под тою ж виною, вышей в артыкуле деветьдесят четвертом сего ж розделу описаною. Естли бы ся теж трафило отправу за суму пенезей чинити або в самое с права сказаное именье увязывати, в таковое, которое бы ся розлучило людьми або грунтами от двора того пана в ынший прилеглый тому повет албо и колко поветов, тогды вряд того повету первшого маеть ку отправе и увязанью до остатка тую реч отослати через лист свой отвореный в иные поветы, где такие люди, грунты лежат, до суду городского. А тот вряд городской повинен будет тое сказанье водлуг листу судового оного первшого вряду, где ся початок тое sprawy стал, выконати и отправу

учинити водлуг порядку статutowого под виною, ув ынших артыкулах на вряд о зволоку отправы описаною.

Артыкул 98

Яким шацунком отправа сумы пенезей, с права сказаных, на именью лежачом чинена быти маеть.

Уставуем, иж кождый вряд наш судовый за суму пенезей присужоную маеть водле порядку сего статуту вышей мененого увезанье давати шацунком, в сем артыкуле нижей описаным, за кождую двадцать коп грошей — в службу або волоку, людми оселых, а за десеть коп грошей — у полслужбы або полволоки, людми ж оселых, по тому ж и в землю пустовскую або волоку пустую — за десеть коп грошей. А где бы людей тяглых и пустовщин не стало, тогды в бояре панцерные и путные: в панцерного боярина з его землею — за сорок коп грошей, в путного — за тридцать коп грошей. А естли бы и tych не стало, тогды в люди и грунты бояр, шляхты, которые бы оселостями своими ку тому ж именью, на котором отправа чинена будеть, належали, а не мели бы первой данин вызволения от пана своего слушного водлуг сего статуту. Однак жо тот, хто в именья такие шляхетские увяжеться, не маеть у тое шляхты именьей отнимати, толко маеть смотрети службы и повинности такое, якую повинни были пану своему, также шацунком, вышей и нижей описаным. А морг земли по гною — за копу грошей; поля простого морг — за пятьдесят грошей; сеножать морг — пятьдесят грошей; земли лесное, которая бы се годила на пашню, морг — за сорок грошей; бору, лесов, пущ кождый морг — по грошей двадцати. Пакли ж бы и таковых грунтов на увязанье за суму присужоную не доставало, тогды и в засеянье на грунтех дворных жытом и ярынами увезанье давано быти маеть, то ест с каждого моргу,

погною рахуючы: жыта по пети коп, а на моргу простого поля — по тры копы, а на моргу ярынами засеянными — пшеницы по шести коп, ечменю по шести ж коп, овса по чотыры копы, ярыцы по тры копы, гречихи по пети коп, гороху по шести коп, проса по чотыри копы, сочывицы по чотыри копы. А иншые огородные речы засеяные — водле уваженья возного и шляхты, з ним на том увязанью будучое.

А то маеть быти шацовано на пенези по тому, яко нижей в сем статуте шацунок збожю ест описан. А што ся дотычеть озер, рек, тогды ув озера увязанье давано быти маеть ведле ведомости, от сусед околичных осягненное, яко много тонь в котором озере будеть, каждую тоню становечы за двадцать чотыри грошы; ставы и млыны, сажовки — подле важности пожитков, а на реках ез або сежу осетровую — за копу грошей, ез рыбий — за грошей дванадцать, гать котцовый рыбий руский або полеский — за грошей дванадцать, гать уюновый, также полеский, — за грошей шесть.

А где бы и тыми речми вышей меноваными сума сказаная не выполниласе, тогды быдло всякого рожаю, збоже молочоное и немолчоное и иные статки и речи рухомые шацунком сего статуту подавати маеть. А которым бы речам шацунок в статуте не был описан, тогды также возный з шляхтою водлуг уваженья своего шацунок и отправу на тых речах чинити мають. А пакли ж бы и то все оное сумы не выносило, тогды по таковой отправе возный з шляхтою, рок чотыри недели зложившы, и по выштью их маеть и в двор, и в будованье дворное, и в пляць, ошацовавшы все будоване, за што стояти будеть, увезати и стороне подати маеть. А возный тот и шляхта, которые таковую отправу делати будуть, тое именье, люди, статок их робочый и вшелякую повинность звиклую тых бояр, людей и пожытки списати мають и тот

реестр перед урядом сознати. А тот, кому таковыя добра подадут, ничего болшей над повинность, в реестре описаную, брати не мает под нагороженьем всего того стороне противной, што бы над то взял по выкупенью такового именья и людей. Естли ж бы и тое все оное суммы не выносило, тогды на особе самой в недостатку маетности отправка вчинена быти маеть. Вед же припозвавшы его до вряду гродского, а то тым обычаем, иж тот позов маеть быть через возного при костеле в парафеи и на торгах прибитый и обволаный. А гды станеть, тогды вряд гродский оного повету за ознайменьем тое речи от стороны жалобное, а за сведецством возного и стороны, ку той отправе посыланных, маеть его до везенья осадити. А не станет ли за позвом, ино где бы колвек мог быти постигнен, маеть быти пойман через вряд гродский и до везенья замкового або дворного осажон, в котором везенью потуль маеть седети, покуль рукоемство на том дасть, иж стороне своей за все досыть учинить. А не будет ли мети рукоемства, тогды вряд стороне поведовой винного выдати маеть, а он его у везенью держати маеть, аж ему за всю суму присужоную досыть учинить. А хто бы такового врядовым посланцом взяти боронил, таковый за припозваньем о то до гроду ж на рок завитый и за переконаньем его в том правным доводом сам будеть повинен жалобнику то платити, што был винен тот, кого не допустил поймати.

Артыкул 99

О заплате суммы пенезей, с права сказаное.

Гды бы хто, маючи на собе суму пенезей, с права сказаную, а не хочечы за нее допустити увязанья в ыменье свое, хотел ее стороне своей противной на рок заплатити албо и по ввязанью в ыменье, в люди, грунты хотел то, во што увязано, выкупити,

тогда первой маеть сторону свою противную листом
отворонным вряду земского або гродского через возного и двух
шляхтичов обнести. Не трафит ли ся очевисте копею с того
листу подати, ино ее на именью положить наближей перед
тым днем, которого бы хотел пенези отдать, за две недели, абы
бранья пенезей пилна была. А где бы хто сам або через кого
колвек иного, корыстячы в держанью именья албо людей
увязанных, не хотел на тот день ознайменный пенезей
присужонных брати, а если еще до увязанья не пришло, ино на
роки, от вряду назначонные, естли бы теж не хотел хто пенезей
присужонных принять, с которыми будеть найдован в ыменью
своем теж вядовне з возным и стороною, тогда такового тот,
хто пенези отдаеть, маеть позвати ку бранью пенезей до вряду
земского або гродского на рок завитый, на котором року оный
позванный, никоторыми причинами, хотя и правными, не
вымовляючися, вынявшы толко то, где бы хто был за
границою в чужих паньствах на послузе нашой и земской,
винен будеть стати и пенези свои присужонные принять.

А то, во што был увязан, пустити. А естли еще до увязанья
не пришло было, тогда его з отданья пенезей квитовати.
Пакли ж бы тот позванный сам, ани через кого иного перед
урядом ку бранью пенезей не стал, тогда вряд, перед который
будет позвано, маеть пенези при собе зоставити и за печатми
всих трох врядников судовых при книгах мають быти хованы,
а стороне з ыменья, з людей вывезанье дати. А тые пенези
винен будеть вряд тому, кому были присужоны, заразом, скоро
се их поменеть, без жадного затрудненья надалей за тыйдень
от упомненья отдать под заплаатою другое, так же великое
сумы. Где бы се о то з урядом до розсудку правного за
неотданье пенезей прыточило, также хто бы за позычонные
пенези увезавшысе в чые именье, а не хотел на рок, в записе
помененый, пенезей принять и именья поступити, о то

жалобной стороне вольно будеть такового до которого похочеть уряду гродского або земского на такой жо, яко вышей описано, рок завитый позвати, а отдавати таковые пенези нигде иньде, одно на врядах наших судовых.

Артыкул 100

О отнятыю именья або людей, грунтов по увязанью врядовом.

Еще теж и то опатруем, иж где бы хто, поступившы увязанья в ыменье, в люди и який колвек грунт, будь возному, от вряду которого посланому, або самому уряду, и вжо бы то стороне поводовой в держанье врядовне подано, а потом бы он сам або через врядника, слуг, бояр, подданных своих и через кого кольвек иного то, во што было сторону жалобную увязано, гвалтовне и безправне отнял, тогды стороне, в том укривжоной, хотя ж будеть увязанье дошло от вряду земского, але похочет ли для прудшое справедливости до городу о то такового противного позвати ало теж всхочет ли до суду земского позвати, то. обое волно ей будеть учинити. А в речи такой, где было увязанья от городу, то засе до городу маеть позвати. А за которим колвек позваньем так до земства або до городу маеть быти рок завитый. И там, на вряде, доведет ли сторона жалобная увязанья своего врядовного, в которое будеть через возного або через самый уряд вошла, и отнятыя гвалтовного через сторону ее противную тое речы, во што было увязано, тогды таковый спротивник еще совито так великую суму и заклады, за якую жалобник был увязан, той то стороне своей жалобной и к тому гвалту двадцать коп грошей ему ж заплатити будеть повинен. И за то все увязанье и отправа на именью такого спротивного заразом по суде без

складанья жадных роков учинена быти мает водлуг того ж порядку и науки сего статуту, около увязанья вышей описаное.

Артыкул 101

О бранью вин через вяды нашы, в сем статуте и на записех добровольных на вяды описаных.

Гды бы хто попал у вину якую, слушне правом переконаную которому вяду нашему земскому або гродскому, так в сем статуте, яко и в записех добровольных описаную, тогды такие вины мають належати у суду земского всим трем урядником земским — судьи, подсудко и писару — на ровные части. А в гродского суду, где бы ся то не перед самыми воеводами або старостами судовыми точыло, по тому ж всим трем врядником — наместнику або подстаростему, судьи и теж писару. Ведь же кождый вряд наш водля доброго уваженья и хрестияньского поступку прихильнейшым маеть быти до отпущенья таких вин, нижли до бранья их, звлаща сиротам, убогим, а не свовольным фольга в том чынена быти мает.

Артыкул 102

О позыванью через самых панов о крывды их слуг, бояр и подданных.

Гды ся чьему слuze, боярыну, подданому и якого кольвек стану челяднику станеть якая крывда от кого кольвек, будь от самое особы стану шляхетского и иное якое албо от чьих слуг, врядник, бояр и подданных, и естли бы се то суседским обычаем, не допущаючы того до нашего господарского вяду, росправити и успокоити не могло, а прышло бы до листов упоминальных албо и до позвов, тогды так листы

упоминальные, яко и позвы мають быти браны не именем слуг, бояр албо людей чьих укрывжонных, але именем и на жалобу самых панов, доводечы им справедливости. Вед же часу права можуть то панове отправовати через умоцованных своих, и не сам пан, звлаща где не о его реч властную або шкоду идеть, але тые укрывжонные слуги, бояре и подданные его гвалтов, кривд и шкод своих водлуг права доводити можуть. Вед же на гвалтех толко людям народу шляхетского присега всказована быти маеть.

Артыкул 103

Яко писар в писанью справ судовых заховатися маеть.

В писанью писари и подписки писанья так широкого не мають чинити, вписуючы позвы и справки, которые ся перед тым точили в той справе, але реч достаточне выписати с таковых его листов, даты позвов и листов поменяючи, то, што ся будеть стегати до тое справки, которая ся перед суд приточила. И так мають сторонам выдавати, абы продолженьем писанья отправки людские не затруднялися. Вед же винен всего доложить, яко сторона потребовати будеть, чого себе сама сторона або прокуратор его ж маеть припилновати, даючи мовенье свое з obu сторон на писме до писара надалей до третего дня для памяти врядуви, абы згажал вряд с памятью своею, што ся перед ним точило. А не дал ли бы до третего дня, тогды вряд вжо не повинен приймовати. А где бы сторона потребовала якого листу, абы был вписован до книг для старости и для чого ж кольвек, албо естли бы хто кому, даючи на вечность якую и на што колвек записы свои властные водлуг давного звычайу, и сознавал бы их перед врядом, тогды писар, не чинечы широкое предмовы, але толко особ тых поменивши, хто кому што записуеть, а

потом лист албо запис тот слово от слова до книг вписати маеть.

Артыкул 104

О возном, которого по латине зовуть енерал.

Бачечы мы, господар, иж того ест потреба для многих потреб и справ людских, уставуем, иж в каждом воеводстве и повете в здешнем панстве нашем, великом князстве литовском, над иншые один возный установлен быти маеть, таковой, которого латиньским языком зовуть енерал. А таковой вряд в том воеводстве и повете оселому родичу великого князства, писмо руское умеючому, за прычиною и ознайменьем о нем нам, господару, от воевод, старост судовых и шляхты, обывателев тых поветов, откуль тот будеть. А мы, господар, листы с канцляреи наше на таковые врьды им давати маем, которые после данины наше, господарское, на врьде том, в котором повете таковая особа оселяя будеть, на первшых роках судовых земских перед урядом при бытности шляхты прысегу на вряд свой ротою иншых возных учинити маеть. А по таковой присязе вжо урядом своим справовати будеть таковым способом, то ест таковой возный в каждое воеводство и повет по всей земли того паньства нашего, великого князьства литовского, где кому одно потреба будеть, позвы носити и врьдом своим возновским владати и шафовати моц мети будеть. А при каждой справе сторону шляхту пры себе мети маеть, яко о возных ест в том статуте описано. А сознанье того кожного возного в каждом повете и на каждом уряде за мощное и важное прыймовано быти маеть. А в земли Жомойтской и два таковые енералы быти могуть.

Артыкул 105

О потварцох.

Забігаючы тому, абы людзі злыя ад потварей на людзей невінных повсягнены былі, уставуем: естлі бы хто, пробачившы боязні бозьскае і встыду людскаго, речы якіе змышленныя потварныя да суду донес і справы тое на кого попірал, а то бы се на яго першы раз явнымі довады і слухнымі знакі показало, тогды за тую сторону той, якую спотварыў, віны повинен будзе заплаціць шэсць коп грошай. А покажэ лі ся тую другі і трэці раз, тогды за кожным разам па тую ж сторону процівной платіць повинен будзе. А естлі бы і чэцвёрты раз тое ж ся на таго ж ад кого колвек показало, тогды вжо таковому ноздра розрэзана быці маець, і вжо таковы і потым абы ніколі да жаднаго вяду і да справы прыпушон не быў. Вед же ся тую разумі маець толка о явным потварцох, а не о тых людэх, якія або для убозства, або для якога прастоты і неумеетности своее, албо теж для якога прыпадку права своего сабе не даведзець, тыя за потварцы разумі і караны быці не могуць.

Роздел пятый. О оправе посагу и о вене

Артыкул 1

Которым обычаем отец, выдаючи дочку свою замуж, маеть обваровати и упевнити записанье вена от зятя.

Теж уставуем, иж кождый обывател того паньства, которого ж колве будучы стану, выдаючи дочку свою замуж и дучы за нею посаг або выправу водлуг доброе воли своее, напервей, нижли дочку выдать, маеть от зятя взяти запис под печатью и с подписью руки его, хто писати умеет, и под печатми людей добрых, которым он на третей части имения своего лежачого оный посаг, то ест гроши готовые, золото, серебро, перла, каменье дорогое, совито шацуючы, а иншую выправу — шаты и всякие уберы, и хусты белые, кони, колыбки и вси иншыя речы рухомые — одним шацунком, без совитости кладучы, описати маеть по тому, яко нижей описано. А потом оный запис тот же зять на первшых роках земских, судовне отправуючых, перед судом земским оного повету, в котором тая оселость, на чом вено записано, лежати будеть, сам очевисто сознати и в гниги земские записати дати маеть, и на тое сознанье свое, же его маеть на вряде учинити, повинен будеть зят отцу лист свой особный под заруками дати. А згодят ли ся на то обе стороне, жебы такой лист веновный на вряде гродском, не ждучы земских роков, был сознан, то теж волно будеть. А потом тот запис отец, matka або близкие жоны его перенести мають до книг земских, и вжо таковая оправа маеть быти у каждого права держано. По тому ж ся matka, братья, стрыеве и иные близьские около выданья в стан малженский девки народу шляхетского заховати и первой

выданья ее замуж оправу от зятя одержати мають. Если ж бы хто листу своего веновного, будь перед земским або городским врядом, водлуг постановенья, с прыятелы жоны своее на то вчиненого, не сознавши первой року, на тое сознание замероного, з сего света зшол, тогды жона его або ее прыатели мають того ж часу, яко наборздеи быти можеть, тот запис его веновный на вряде земском або городском оповедати и оказати и до книг его записати дати. А потом, гды тая реч до права прыйдеть, а дети, близские мужа ее не давали бы веры тому листу, тогды она, поставивши печатники, которых печати у того листу веновного будуть, а то если бы были печатники живи, маеть пры их сведецьстве еще прысегу учинити, же то ест лист правдивый, ей от мужа ее даный, а не будет ли живых печатников, то предся она ж присегою своею того листу подперети маеть. А по таком доводе тот запис пры моцы зостанеть. А пакли бы отець, матка, брат и хто з близьских, выдаючи девку замуж, таковое оправы и вена, яко вышей описано, от зятя не одержал, таковая девка по смерти мужа своего внесенье тратить, хотя бы великую суму за собою внесла. А ведь же предся яко шляхтянце дети або близские повинни будуть за венець дати трыдцат коп грошей, а то естли бы замуж пошла. А где бы замуж пойти не хотела, тогды межы детми и межы близьскими в ыменью мужнем будеть ровную часть именья держати аж до смерти своее.

А естли бы оного шляхтича именье тридцати коп грошей не стаяло, тогды теж водлуг того з оного именья маеть ей выделена быти четвертая часть, которую будеть держати толко до живота своего, хотя и за другого мужа пойдет. А похочут ли потомкове и с тое четвертое части ее скупити, тогды таковая часть вся водлуг сего статуту через вряд шацована быти маеть, а тое ошацованое суммы толко половица, а не болшей дано ей будеть. А где бы которая жона, не маючи от мужа вена

описаного, первей мужа з сего света зышла албо и по смерти мужней седела до смерти своее на части имения его водлуг навуки, вышей в сем артыкуле описаное, тогды по смерти ее дети, близские ее венца ее пойскивати не мають.

Артыкул 2

Яко маеть муж жоне записати вено.

Теж уставуем: хто бы хотел записати вено жоне своей, тогды маеть ошачовати вси имения свои и на третей части всих именей своих, будь в каждом имению албо одно которое, албо колко именей в третюю часть вынявшы и вылучившы, маеть противко внесенья жоны своее, яко верху першом артыкуле описано, вена ей записати. И коли будеть тая жона его на третей части именей мужних вено описаное от него мети, а он бы потом умер и дети по себе зоставил, а тая жона пойдеть за другого мужа, а естли дети або близские усхочуть ее с тое третее части за живота ее вывеновати, тогды мають всю суму пенезей, яко будеть в листе описано, заплатити, тож тое имение к рукам своим взяти. А естли ж будуть дети або близские ждати смерти ее, а того имения за живота ее з рук не всхочуть выкупити, тогды повинни будуть оное внесенье ее, што в тот в дом их унесла, по смерти ее заплатити тому, кому она отпишет. А привенку, што будет записал отец их напротивку внесенья совито, того не повинни платити. А она теж не маеть никому того привенку отписывати, кром толко волно будеть отписати внесенье свое. А естли бы никому не отписала, а детей не мела, або бы и мела, але бы тые дети еще за ее живота або и по смерти ее, лет не доросши, або и доросшы лет, а права бы своего ни на кого не влившы, померли, тогды маеть тое внесенье ее вернено быти в дом тот, с которого вышла. Вольно теж каждому жоне своей отписати

речи свои рухомые так, яко и кождому обчому, то ест золото, серебро, шаты, кони ездные и иные речи, кром зброй, стада и челеди дворное, и быдла дворного. А вед же и того всего, то ест зброй, стада, челяди дворное и быдла дворного, и теж збожя вшелякого так, яко и именья лежачого, третнюю часть жоне отписати волно, абы, сидячи на именью, мела чым службу нашу господарскую и земскую с третее части именья заступовати. А дети або близкие, гды будутъ ее с тое третее части скуповати, тогды, прынявшы она от них вено свое, винна будетъ им тую часть третнюю только з двором, з будованьем дворным, з бояры, з людьми тяглыми и с челедью дворною подати. А иные речи, ей записанные, яко зброя, стадо сверепе, быдло дворное и збожье, не всхочет ли она чого с тых речей по доброй воли своей детям або близким при именью зоставити, то все при ней зостати мает. А так подле тое уставы наше мають се заховати вси подданные нашы и на потомные часы. А хто бы назвыш тое уставы наше учынил, а што неслушне жоне своей за внесенье ее обычаем веновным записал, таковых записов не хочем метъ моцных мы сами и потомки наши, великие князи литовские. Прото отец, матка, братья або иные близкие, еще не выдавшы девки замуж, мають первой того смотрети, естли бы того зятя его третяя часть именья совито стояти могла противко внесенья тое девки, на чом бы ей против того веновати мел. А где бы третяя часть не стояла против внесенья, тогды отец або тот, хто ее выдавати будетъ, маеть за тую суму пенезей, што бы по ней мел, дати купити именье и по той девце зятю дати, а зять предсе жоне своей за то, што бы особно взял суму якую, маеть оправу вчинити на третей части именья своего властивого. А того именья, которого отец, брат або близкий, купившы, по той девце дать, мають сполу уживати аж до живота мужнего. А по животе мужнем она яко свое властное маеть держати весполок з венком своим, будучы тым волна шафовати яко

властностью своею. А где бы жона первой мужа своего, не записавшы мужу и никому иному такого имения и детей по собе не зоставившы, з сего света зышла, тогды тое именье маеть прыйти в тот дом, с которого она вышла. А естли бы дети по собе зоставила, тогды тое именье на дети ее спадеть.

Артыкул 3

По смерти отцовской девки як мають з имения отчизного выправованы быти.

Уставуем: естли бы отец за живота своего выдал одну девку свою замуж, а в том умер, а по собе зоставившы еще колко девок, тогды и тые девки водле опису албо тестаменту его мають быти выправованы, яко будеть им описано, з готовизны зоставленное. А где бы суммы описаное, ани назначоное з готовизны не было, а не мог бы брат так великое суммы по них дати, яко за первшою дано, тогды, ошачовавши четвертую часть имения своего отчизного, ничего с того имения не утрачаючи, и тым сестрам своим выправу ровную всим маеть дати, иле их будеть, окром естли бы брат их розумел, иж четвертая часть имения отчизного болш важности, нижли бы им на ровные части так много, яко первшой сестре, выправы пришло, выносила, то будеть на воли его. А четвертую часть при собе зоставити, а сестрам выправы так много дати, яко отец первшой дал. А шацунок тое четвертое части имения водлуг важности грунтов и пожитков его, а не водлуг статуту, естли бы ся стороны сами з собою не згодили, узнаван быти маеть через подкоморого, который з собою маеть мети для уваженья принамней двох шляхтичов.

А пакли бы брат або стрыеве суму або выправу речми рухомыми от оца их або матки, з ее властности поставленую и описаную, утратили, тогды водле опису будеть повинен яко властный долг им отдати и заплатити, а отдавши або заплативши то, што будеть им от родичов записано, або водлуг сего статуту выправу з ыменья лежачого учинивши, вжо инших скарбов, маетности рухомое, по отцу их зосталое, сестрам своим давати не повинни, и они того пойскивати на братьи своей не будуть мочи. А где бы брат ыменья отчизные стратил, предся четвертая их часть, сестрам належачая, маеть приходитьи, и волно им будеть у держачого своих частей доходитьи.

Артыкул 4

О давности промолчанья посагу.

Уставуем, иж который отец за живота своего выдасть в стан малженьский дочку свою або колко их, а по смерти отцовской тая бы дочка або колко их, менечи, яко бы отец не мел им посагу дати, и хотели бы посагу на брате своем або на детех, потомкох его, пойскивати, тогды таковым девкам, за живота отцовского выданым, ани их детям, потомству, братья и иные близкие некоторого посагу и выправы давати не повинни, гды ж отец ведал, якую милость и опатрность о добром детей своих мел чинити. Одно ж, естли по смерти отцовской братья сестры замуж выдавати будуть, а посагу пристойного, будь сумы, от оца записаное и зоставленое, або с четвертое части ыменья, што на часть ее водлуг права ее прирожоного и науки сего статуту, вышей описаное, належати будет, не отдали, тогды о таковый посаг девкам от пошстыя их замуж давность маеть быти до десети лет. А которая бы до десети годов о тот посаг не упоминалася, тая вжо о то вечно

молчати маеть. А где бы которая, не промолчавшы давности, а сама посагу от брата не дошедши, змерла, по такое смерти детям, потомком ее, волное мовенье о посаг бабки або матки свое зостанеть, толко б и дети по дошстью своих лет давности, верху описаное, не омешкали.

Артыкул 5

О вдове такой, которая, шедши замуж панною, а по смерти мужа своего вдовою з детми дорослыми зостанеть.

Вдова, которая сидеть на вдовием столцу, а будет ли веновая от мужа своего, а сынове мають зуполные лета, тогда маеть осести толко на вене своем, а сынове мають припуццоны быти ко всим именьям и скарбом отцовским. А естли бы была веновая, тогда маеть быти захована, яко вышей ест описано в артыкуле первом сего розделу.

Артыкул 6

О вдове такой, которая, шедши замуж панною, а по смерти мужа своего вдовою бесплодною зостанеть.

Уставуем: которая вдова, зоставшисе по мужы своем бесплодною, а будет ли венована от мужа своего, тогда маеть толко на вене осести, а именья вси мають на ближних спасти. А естли бы не была венована от мужа своего, тогда маеть на третей части именья седети, поки замуж пойдет. И естли замуж пойдет, тогда близкие мають ей и венець заплатити, яко ест вышей описано.

Артыкул 7

Который бы кольвек оселый и неоселый оженился в Литве.

Теж уставуем, иж который бы кольвек оселый и неоселый оженилсе в Литве, побрал по жене именья, тогды часу войны и кождое потребы великого князьства и против кождому неприятелю того паньства з ыменей жоны своее и з якого ж кольвек набытья достал бы именья в том паньстве, повинен будеть сам особою своею службу земскую военную служить и заступовати, и тым ся не вымовляючи, же ему жона не записала. А хто бы с таковых, яким кольвек обычаем набывшы и маючи именье у великом князьстве литовском и в землях, ему належачих, а войны земское не служил, яко вышей описано, тогды он и жона его тые именья тратить вечно на реч посполитую.

Артыкул 8

О девках, которая бы без воли родичов замж пошла.

Где бы которая девка без воли отцовское и матчиное шла замуж, таковая отпадываеть от посагу и от именья отчизного и матерыстого, также и спадков. А естли бы одна у отца была, тогды отчизна и материзна на близких спадывается мимо такую девку самую и теж мимо детей, потомков ее. А где бы се то трафило, жебы отец дочки своее для именей ее матерыстых албо matka для именей дочки своее отчизных, в опеце своей маючих, выдати не хотели, тогды таковая дочка водлуг артыкулу девятого сего розделу заховатисе можеть.

Артыкул 9

О девках, которые по смерти родичов своих без воли братья або стрьев замуж пойдуть.

Уставуем: естли бы девка зостала без отца и матки, а по смерти родичов своих, не доросшы лет своих або теж и даросши лет, пошла замуж безь воли братья або стрьев, а не будет ли мети братья рожное або стрьев, ино близких своих або опекунов, правне описал любо уставленных, таковая отпадываеть от посагу и имения своего отчизного и материстого и спадкового, што бы и напотом на нее спасти мело. А естли бы она мела лета свои, а братья або стрьеве, ее задерживаючы, а не хотели бы ее замуж выдати, тогды однако ж своволне не маеть ни за кого ити, леч маеть дати знати до вряду через кривных або теж и через суседов, або и через кого колвек. А вряд, взявши о том певную ведомость, же оные близьские, в которых опеце ест, замуж ее выдати не хочуть, маеть ей дозволити замуж пойти, але за шляхтича, а не за простого стану человека. А она, естли з волею вряду або близьских замуж пойдеть за шляхтича, тогды таковая имения не маеть тратити. А вед же лета девка маеть мети зуполные — тринадцать лет. А тот, хто ее пойметь, волно будеть ему восполк з нею доходити маетности жоны своее. Братья теж або стрьеве и которые колвек близьские, маючи сестры в опеце своей, покуль их замуж выдадуть, мають их учстиве на всем ховати, держечи при них невесту старую статечную. А естли бы учстиве ховати не хотели, тогды таковые девки могут на части своей, с которое им выправа быти маеть, сами седети и под справою опекуна, от вряду им приданого, до того часу, поки замуж пойдуть. А идучи замуж, выправа им с того дана быти мает водле статуту, вышей описаного.

Артыкул 10

Хто бы з двема або с трема жонами дети мел.

Уставуем: естли бы которая вдова замуж пошла и дети в мужа первое жоны нашла, а с тым мужем другим детей набыла, тогды по смерти мужа ее з обеими детьми того мужа своего в именью мужнем лежачом ровную часть маеть мети. А естли бы детей с тым мужем не мела, тогды такеж з детми мужа своего первое жоны ровную часть только в именьях лежачых будеть мети до живота своего, где бы замуж не шла. А где бы замуж пошла, тогды тую ровную часть именья маеть детем зоставити. А тые дети венца ей не повинни будуть дати, одно ж естли бы што таковая вдова скарбу и якой колвек маетности своее рухомое, идучи замуж, принесеть, то ей и по смерти ее детям або близским ее належати будеть. Пакли бы теж муж што такой жоне своей, вдовою понятой, з доброе воли своее записал, при том она зоставшы, вжо над то части ровное, о которой вышей описано, межи детми мужа своего домагитисе не мает.

Артыкул 11

О вдове, которая зостанеть з детми, лет не дорослыми, и о детех без опекунов отумерлых.

Уставуем: которая бы вдова зостала по мужу своем з детьми малыми, лет не дорослыми, а муж бы опеку детей и именей ей, жоне своей, записал, тогды она водлуг тестаменту и опису мужа своего будеть тою опекою владнути, на всем се слушне и пристойне радечи и справуючы, яко бы было без шкоды детиное и утраты а знищенья именей их. Вед же где бы такая белая голова в той опеце, ей от мужа ее звероной,

нерадне се заховала и детям именье и скарбы утрачала, тогды стрыеве, а не будет ли стрьев, и иные близские тых детей мають ее о то позвы притягнути на рок певный завитый перед уряд судовый земский. И доведуть ли того, же утрачають, мають опеку, именье и дети спустити кривным, а сама зостати на оправе своей. А не будет ли оправы, тогды мають ей выделить ровную часть межи детьми, которую будеть держати и ее уживати водлуг того, яко около таких невенowanych жон вышей в сем розделе ест описано.

А вед же утрата от нее на йменьях иная не может се показати, одно естли бы непобожными податками, винами, серебщицами людей в оных именьях обтяжала, гумна и иные статки домовые нерадне ропрошала, а ничего в дом детям не прибавляла. А где бы стрьев и иных кривных не было, тогды суд земский оного повету за донесеньем ведомости до них мають такую утратную вдову позвати перед себе на роки судовые именем детей роком завитым. А там, где се тая утрата такая окажеть, мають опеку тую от нее взяти. А на тое местце вряд судовый земский мають опекуна, в том повете добре оселого, там же на тых роках установити и в декрет свой меновите вписати, а дети, именья и вси скарбы ему, врядовне все списавши и до книг уведши, подати, который опекун мають вси в целости до лет детинных держати и так ся заховати, яко в артыкуле четвертом розделу шостого описано ест. А в том часе, ним тую утрату по ней обачать, она бы што детем утратила, тогды будеть тую всю шкоду детем своим платити з вена або з властного именья своего. А где бы отец з сего света зшол, детей своих и именьей, им належачих, никому в опеку не злетившы и не описавши, тогды опека детей таких, лет не дорослых, и именьей их належати будеть стрием або и иным близьским. Нижли для лепшого и пилнейшего выхованья дети малые от матки своее до опекунов браны быти не мають, але

мають зостати при матці: девка — до поїшстья ее замуж, а мущизна — до лет таких, в яких вжо на науку до школы давати годно, то ест до семи лет. А опекунове таким дѣтем, поки при матці будуть, опатрѣньє и вихованьє слушное водлуг можности именья дѣтиного и узнанья врядового на одежу и выживеньє на кождый год повинни будуть давати до рук маткы их. Але матка девок своих без рады и ведомости опекунов их в стан малжѣньскый змовляти и отдавати не маєть.

Артыкул 12

О вдовах, которая бы за простого человека, не шляхтича, замуж пошла.

Уставуем: которая вдова, будучи стану шляхетского, маючи именья отчизные або матерыстые, пошла замуж без ведомости, рады и позволенья приятел своих крѣвных за простого стану человека, не шляхтича, таковая от всих именей своих яко отчизных, так и матерыстых и спадковых вечности отпадываеть. Але тые именья мають прийти на дѣти першого мужа албо, где бы дѣтей не было, тогды на близьских, которые дѣти або близьские предсе будуть повинни таковой вдове за тые именья ее отложити суму пенезей не подле шацунку статutowого, але по половицы, то ест за каждую службу людей — десеть коп грошей, а за землю пустовскую — пять коп грошей, а инший грунт — по половицы суммы, яко в том статуте о том шырей написано. А вено описаное все тратить, и не повинни будуть дѣти и близьские таковой вѣна откладати.

Артыкул 13

О вдове , которая бы хотела по смерти мужа своего за другого мужа пойти.

Хочем мети, абы малженство светое в почстивости было заховано, и для ведомости плоду абы каждая вдова шляхтянка по смерти мужа своего шесть месяцев за другого мужа не смела пойти. А которая ближей пойдеть, тогды вено свое, от мужа своего записаное, тратит. А пакли бы вена описаного не мела, тогды детем первшого мужа своего, а не будет ли детей, ино крвным, близьским его повинна будет, гды на ней того за позвом у суду земского доведуть, вины заплатити дванадцать рублей грошей.

Артыкул 14

О спадки, которые заровно на сына и на дочки приходять, и о внесеню матчином, естли бы никому не записала.

Теж уставуем, иж всякая маетность матерыстая, безъ росправы и опису слушного отумерлая, так именовей лежачих, яко и рухомых речей тых, то ест грошы готовые, золото, серебро, перла, каменье дорогое, шаты и уберы всякие, цын, медь, кони, возы, коберцы, опоны и иншие всякие статки и спраты домовые, также и внесенье матчино, которое бы никому не было записано, то все маеть ити в ровный дел межи всих детей, яко сынов, так и дочок. Нижли спадки отчизные именовей лежачих, скарбов и маетности рухомое толко на сынов и на близьских по мечу приходить будутъ так, яко и на иншом местцу шырей о том написано, звлаща где бы через отца записом або тестаментом росправено и росписано не было.

Артыкул 15

О поровнане внесенья розных жон перед розделом детинного имения.

Теж уставуем: гды бы один шляхтич мел колко жон, а оные жоны мели бы ровные внесенья свои в сумах пенежных, а, не записавши мужу внесенья своего, померли, тогды сынове, колко их будеть з оных жон, вси имения отчизные мають межы себе на ровные части поделити. А естли бы которое жоны внесенье большое было, нижли иных жон, тогды будуть повинни дети иных жон напервей перед розделом именей своих выровнати оное большое внесенье матки братьи своее; и што больш сумы того внесенья которое жоны над внесенье иных жон выносить будеть, тот злишок сынове иных жон той братьи своей, которых матки внесенье большое было, ровным рахунком с частей своих винни будуть заплатити, пуцаючи теж и рахуючы тот злишок заровно и на часть тых братьи своее, которым то по матце их прыходить, тогды ж имения отчизные на ровные части межы себе поделити.

Артыкул 16

Естли бы которая вдова замуж пошла.

Уставуем теж: естли бы которая вдова замуж пошла, а напервей, будучы за первшым мужем своим, вено, оправленное от мужа своего, мела, тогды вжо от другого мужа не маеть вена записаного мети. Нижли естли бы тот другой муж ее умер, а дети по собе зоставил, тогды она межы детми своими ровную часть в имению взяти маеть, а на том до живота мешкати. А естли бы одно дитя зостало, тогды от того дитяти албо от ближних маеть на вдовьем столцу толко на третей

части зостати, а по животе и тая третяя часть маеть спасти на близких. А вед же, седечы на вдовем столцу, не маеть того имения утратити, але се во всем заховати водле того, яко вышей о том написано. Однако ж тую волность мужу заховуем, иж волно ему будеть и такой жоне своей, вдовою понятой, што всхочеть маетности своее лежачое и рухомое записати. А которой жоне што от мужа лежачого имения записано будеть, таковая вжо от детей, ани от близких части, вышей споминаное, в имению мужнем домагатися не мають.

Артыкул 17

О имению, на котором муж жоне оправу учинить.

Теж уставуем, иж хто кольвек, описавши оправу жоне своей на котором имению своем, тот того имения своего никому иншому некоторым правом заводити не может, хотя бы и призоление от жоны на писме мел и показывал, без очевистого перед врядом сознанья ее. А и вряд теж кождый на таковом венованом имению никому отправки некоторое за выступ и вину мужа ее чинити не маеть, окром добровольного и очевистого перед врядом самое панее венованное призоления. И к тому, где бы за выступ який женний, з имения ее веновного вчиненый, што на ней самой за невчиненьем з нее через мужа справедливости с права сказано, тогды то на том же имению ее веновном отправовано быти маеть.

Артыкул 18

О кривдах, которые ся деють от мужа з ыменья, веновного жоне.

Естли бы муж, записавши которое именье жоне своей у вене за внесенье ее аж по животе своем, а сам бы с того именья кому якие кривды чинил, тогды в таких речах предсе позвы мають быти покладаны на том же именью, с которого се кривды деють. И муж таковый винен будеть за тыми позвы до суду становитисе. А жона хотя бы позов с такого именья зносила и право свое веновное слушное оказывала, вряд предсе за тым позвом на мужа ее водлуг права сказанье чинити будеть. А отправка за то на иной оселости его, естли которую в том же або хотя в ыншом повете мети будеть, чинена быти маеть водлуг науки сего статуту, вышей около отправа описаное. А не будет ли болшей именьей мети над тое, жоне венованное, тогды и на маетности его рухомой, естли которую вряду окажеть, а в недостатку маетности и на самой особе отправа чынена будеть.

Артыкул 19

О бесплодной жоне.

Гды бы которая жона, будучи замужом, бесплодне умерла або хотя бы и плод мела, а тот бы плод первой ее смерти або и по животе ее, лет зуполных не дошедши, з сего света зшол, а она бы, маючи певное внесенье за выправою от родичов своих, а того бы внесенья никому не записала, таковое внесенье само без привенку засе в тот же дом, с которого вышла, вернутисе маеть родичом ее, которые ее замуж выправовали. А не будет ли родичов, ино братьи рожоной. А

которая бы жона, бесплодне змершы або и плод мевшы, але живого его по собе не зоставившы, або бы теж тот ее плод по ее смерти, лет не доросши, змер, а она бы мела внесенье и выправу певную от братьи з четвертое части, а никому бы того не записала, а еще бы сестра ее была не выпосажона и замуж не выдана, тогды такое внесенье ее не на братью, але на сестру, замуж не выданую, приходити будет. Одно ж естли бы оное внесенье сестры своее братья собе взяти хотели, тогды вместо того сестре невыданой зо всее четвертое части, чого стояти будеть посаг, выправу дати повинни. Гды ж четвертая часть водлуг давных прав особливе на выправу девок замуж отложона без всякое розньности, хотя бы их было и наболеи або теж и одна. А естли бы отец колко дочок за своего живота выдал, а еще бы одна або колько их невыданных зостало, тогды той албо тым позostalым не зо всее четвертое части, але водлуг их права и личбы с части тое четвертое выправа дана быти маеть. Пакли ж бы сестры, не выданое замуж, не было, тогды тое внесенье по бесплодной сестре маеть прийти на братью и на их дети, потомки. А где бы братьи и их потомков не было, тогды тот спадок внесенья сестры бесплодное змерлое на сестры иные, хотя и выправеные, и на их дети, потомки прыйдеть.

Артыкул 20

О розводех малженьских перед судом духовным.

Теж уставуем, иж розвод малженьский, кому бы до того спору и розницы приходило, маеть быти водлуг права хрестияньского кождым особам нигде инде, одно перед судом духовным их набоженьства. И естли муж зостанеть винен з розсудку права духовного, тогды жона зостанеть на оправе, от него описаной, яко вышей о том ест постановлено. А пакли бы

жона винна найдена, тогды внесенье и оправу свою тратить. А вед же естли бы был розвод за слушным доводом для кривности, иж се малженство в неведомости кривности стало, албо для иных причин, которые бы ся перед правом духовным показали, ижбы слушный розвод мел быти, тогды пры розводе привенок при мужу, а внесенье при жоне зостати маеть. Але на росправу судовную межы такими розведенными около вена маеть суд духовный, выписавшы правдиве и верне причину розводу, отослати их до суду належного светского в том повете, где тое именье веновное лежати будеть. А вряд светский розсудок свой о том промежку них водлуг науки сего статуту вделати, а потом и отправу водлуг права учинити будеть повинен.

Артыкул 21

О понятью в стан малженский людей убогих.

Естли бы ся трафило, жебы убогий чоловік якого ж кольвек стану, не маючи жадное маетности своее, понял бы жону, по которой бы теж ничего не взял, а потом бы се обадва посполу за помочью Божою доробили албо дослужили маетности доброе, а муж бы умеро , не росправившы маетности записом або тестаментом, тогды жоне его зо всее маетности, по нем зосталое, маеть быти выделена третяя часть, а детем властным, которые бы з мужем мела, две части. А естли бы детей не было, тогды пры всей маетности жона остати мает. А естли бы жона тая потом без потомства змерла, а никому того не записала, тогды по ее смерти тая маетность маеть спадати половица на кривных оного мужа первшого, а половица на кривных ее. То се теж маеть розумети и о такой жоне, естли бы первой мужа умерла, иж по ее смерти

маетность на мужа и детей ее приходити будеть и потом далей на близких водлуг сего артыкулу.

Артыкул 22

Абы нихто повинное себе ве крови не поймовал .

Уставуем, хочечи то мети, абы подданные наши водле прав Божих и хрестияньских жили в малженстве светом, прото абы жаден не смел повинное себе ве крови поймовати, ажбы минуло чворо поколение по себе идучое так з отца, яко и з матки, а роженных в тую личбу не личечы. Также абы не поймовали жон братьи своее не толко роженое, але и стрыечное, также жон стрьев, вувев своих, ажбы минуло трое поколене по себе, на дол идучое, не кладучи в тую личбу роженных. А где бы хто понял ведоме, умысльне жону, ве крови себе повинную так по отцы, яко по матце, албо невестку, дядиную над замеренье и уставу, вышей описаную, таковый кождый, будучы о то позван до вряду нашего земского, за слушным доводом маетности своее лежачое, а где бы лежачое не было, ино рухомое половицу на реч посполитую и на нас, господара, тратить, до столу нашего того панства, великого князства литовского. Также и жона тая, где бы, ведаючы о кривности, замуж шла, внесенье свое тратит. А мела ль бы свои властные именья, тогды и она половицу своих именей также на реч посполитую до столу нашего тратить. А такое мальженство предсе маеть быти розлучоно. А на другой половицы именей своих мають зостати толко до животов своих, а по смерти их тые дети, которые бы в таком малженстве, ве крови повинности злучоном, спложоны были, не толко до именей тых ничого мети не будуть, але и сами за бенкарты розумени быти мають. Одно ж тые именья по смерти таких особ спадуть на близких кожного з них водлуг

линии рожаю. А над то такой мужчизна до жадных урядов припущон быти не маеть. А где бы се трафило, хто бы мел с першою жоною дети, не противку тому праву понятую, або унуки, а понял бы другую жону, ве крви себе повинную, такой заразом за припозваньем до уряду земского и показаньем того слушне жону тою маеть опустити и тратить рассказованье свое над именьями и маетностью своею. А сынове або унуки, або кому бы се то по смерти его мело достати, заразом при его жывоте мають в моц оные добра взяти. А жоны такое именье такеж мають до рук своих взяти албо дети ее, естли бы мела с першым мужем набытые, албо где бы детей не было, ино близьские кривные. А самых мають ховати до смерти их, даючы им одежду и живность пристойную водлуг стану и можности именья. А естли бы тот дети сплодил с таковою повинною, не за добрые мають быти розумени, але за бенкарты. Пакли ж бы тые особы, в кривности такой до стану малженского злучоные, давали о себе справу, же бы се то мело стати в неведомости их о той кривности, тогды таковые винни будуть кождый з них самовтор с прыятелми, себе повинными, прысегнути на том, иж в тое малженство вступили, не ведаючы о кривности межи собою. А по такой присязе яко именей и маетности свое тратити не будуть, так и дети, в том малженстве спложоные, за дети учстивого ложа розумени будуть и от именей по смерти таких родичов отдалены не мають быти. Але сами тые малжонкове предсе розлучоны будуть, а то, естли им по той такой розлуце волно будеть в ыншое малженство отдаватисе, розсудок права духовного промежку их узнати маеть. Также естли бы се показало за припозванем до суду гродского, ижбы хто, жону свою венчальную живую маючи, другую понял, тот ничым иным, одно горлом маеть быти каран. А также и жона таковая, естли бы, ведаючы о другой жоне его живой, замуж за него пошла, таковому ж каранью подлежат.

Роздел шостый. О опеках

Артыкул 1

О лета детей недорослых.

Уставуем, абы по смерти родичов детем, лет не дорослым, шкоды и роспрошенья маетности их яко лежачых, так и рухомых не было, с тое причыны таковые дети, лет не дорослые, мають быти под справою и опатрностью опекунов, от родичов назначонных албо прирожонных, албо теж приданных до лет зуполных. А лета мущизна маеть мети зуполные осмнадцать лет, а девка тринадцать лет.

Артыкул 2

О опеце отцовской именьями и маетностью рухомою детей всих, им по матце их належачою, и о властном набытью сыннем.

Теж уставуем: естли бы отец по смерти жоны своее мел дети, лет не дорослые, которые бы мели именья матерыстые або им записанные, тогды отец яко детми самыми, так и таковым именьем их материстым и яким кольвек их властным, также маетностью рухомою, по матце их зосталою, по тому ж и такими именьями и маетностью рухомою, которое бы отец по смерти жоны своее правом детей своих доискался, всим тым опекатися маеть до лет их дорослых. А гды доростуть, маеть им тые именья з опеки своее в целости поступити и маетность рухомою в целости отдати, а личбы некоторое з опеки своее чынити им не повинен. Одно ж часу опеки своее

не маеть мети моцы ничого оных именей в руки чужие ани вечным, ани заставным обычаем упущати. А хотя бы впустил, тогда то детем шкодити не маеть, але могут того на держачом доходити, толко бы давности земское, вышедшы з опеки, не омешкали. А гды бы сын который, набывшы яким колвек обычаем себе именье або якое колвек оселости, а тое именье, оселость дал бы и злетил дерьжати отцу своему, тогда и такого именья отец никому некоторым правом вечностью, ани в суме заводити не может, и братья его иньшая в дел себе того привлащати не будут мочы. А хотя бы кому отец такое именье завел, то предсе тому сыну або его детям и потомком волно будеть свое властности на держачом доходити. А тот, кому бы такие именья матерыстые и яко кольвек детям належачые або через которого самого сына набытые от отца были пуццоны, пенезей своих маеть смотрети на отцу таковом, а по смерти его — на властном именью такового отца. А около такового именья, через самого сына набытого и матце в держанье даного, тое ж се право, верху описаное, и против матки, яко и против отца розумети маеть. Пакли бы теж которого сына его властного набытье готовых пенезей або яких кольвек речей, отцу до схованья данных и звероных, отец зо живота своего на свои потребности выдал, а потом сам умер, а колько бы сынов зоставил, тогда напервей, нижли дел ровный в ыменью отчызном межы сынми будеть, мають оный долг отца своего вси сынове и с тем посполу братом своим, чые речы будуть, межы себе на ровные части розняти и так кождый, с части свое оный долг брату своему отложывшы, тож мають именья отчызные в ровный дел поделити. По тому ж и о речах, от сына матце звероных, при разделе внесенья ее або именей матерыстых розуметися мает. А гды бы отец албо matka колько детей в опеце своей мели, а одно бы с тых детей лет доросло, тогда он только его часть ему до ровного делу

пустити, а иных недорослых детей з их частями в опеце своей мети мает до лет кожного з них.

Артыкул 3

Которые опекунами быти мають.

Напервей тые опекуны могут быти, кого бы отец на тестаменте детем своим описал. А естли бы не описал, тогды брат старший, лет дорослый, маеть молодшою братьею и сестрами опекатисе. А не будет ли брата дорослого старшого, ино стрыеве по мечу, также один з них старший, мають опекунами быти. А естли бы стрыево рожонх не было, ино близские также по мечу, который один з них старший, ку опеце мають быти припущоны. А где бы опекунов по мечу прирожонх не было никого, ино по матце вuwe, также и иные крeвные мають быти опекунами. А не станет ли и по кудели кровных, звлаща мужского рожаю, тогды могут быти опекунами и белые головы по мечу, также старшие, тым детям наблизшие. А естли по мечу и белых голов близских не станет, тогды и по кудели кровные белые головы , теж старшие, опекатисе могут. Вед же таковыe, которые бы были за мужами и к тому оселость свою добрую мели, а мужов бы теж мели людей добрых, цнотливых, побожных и оселых, которые мужове, естли бы се теж восполок з жоною своею хотели за тую опеку взяти и в недостатку оселости женнее себе и именья свои властные в то описом и сознаньем своим на вряде поддали и обовезали, иж где бы се якая шкода детем в опеце их стала, тогды дети, доросшы лет, не толко на именьях женных, але и на его властных смотрети того правне мають. Пакли бы теж таковых белых голов крeвных не стало, тогды водле артыкулу одиннадцатого в розделе пятом заховано быти маеть. Вед же не чужоземцы, але родичы того паньства,

великого князства литовского, люди добрые, побожные, неутратные и добре оселые в том же повете, где опекатисе будутъ. И кождый опекун, хотя бы и кривной, также добре оселый, маеть быти окром тых опекунов, которых отец тестаментом назначить. А вед же естли бы и тот опекун, от отца назначоный або от суду земского приданый, неслушне се на той опеце справовал, з шкодою оных детей, тогды суд земский за припозваньем того опекуна водлуг сего статуту и артыкулу, вышей помененого, на рок завитый и за слушным доводом и оказаньем таковое утраты оного опекуна, маеть тую опеку, от такового опекуна отсудившы, кому иному водле права, толко цнотливому и добре оселому, тую опеку злетити, и што бы ся шкод от оного первшого опекуна в оном именью детем стало, то все на оном опекуне с права сказано и отправлено быти маеть. А естли бы детинные именья в розных поветех были, тогды тот вряд судовый, в которого повете головнейшее именье тых детей будетъ, маеть опекуна прыдати, а тот опекун сам один при головнейшом именью и иные вси именья, хотя по розных поветех будутъ, с одного держати и ими се опекати маеть. Теж опекун маеть быти не вельми зошлых лет, тот, который бы собою добре владнул и дом свой ростропне, опатрне справовал. Вед же особы духовные опекунами быти не мають, окром тые, которые бы именья свои в том повете мели, отчизные, матерыстые и яко кольвек набытые, а не костелные.

Артыкул 4

Наука опекуном, як мають опеки на себе брати.

Уставуем, иж кождый опекун, приймуючи на себе опеку, напервей маеть перед возным, от вряду на то приданым, в котором повете которое именье лежати будетъ, и перед двема

шляхтичи тых детей повинными кривными, а не будет ли кривных або бы их опекун звести до того не мог, тогды хотя и не с повинными, только людьми добрыми, веры годными, в том повете оселыми, суседми близскими списати достаточне именья, люди и всю маетность детинную, так лежачую, яко и рухомую, и тот рейстр под печатью возного и шляхты, которые при том были, и при бытности того возного и шляхты, маеть увести до книг земских и собе того выпис с книг взяти. А потом опекун, взявши дети, маеть их в добром, почстивом выхованью и науках мети и в достатку водле можности именья и водле наболшого старанья своего, яко ему самому почстивость мила, ховати, и маетность их, яко лежачую, так и рухомую, в целости мети, и щого бы за долгим хованьем детем шкода быти мела, тые речы на пенези маеть оборочати и все ку пожитку детинному справовати. А гды старший сын ку розумным и дорослым летам прийдеть, опекунове повинни будуть оные вси маетности детинные, яко лежачые, так и рухомые, и всякие доходы з именей и дани пенежные, и медовые, и иные всякие, которые ж кольвек через увесь час опеки свое зберуть, ему отдати мають, и личбу достаточную перед врядом земским або гродским, где тот, который з опеки выходить, похочеть, вчинивши, зо всего усправедливитися. А за працу свою опекунове зо всих платов, доходов, дани медовое и с пашни дворное, и всяких иных пожитков, якие кольвек бы были, мають собе брать десятую часть, с чого личбы чинити не будуть повинни. А с тых девети частей пожитков, яко на выхованье и на науку детем, на права, на службу земскую военную, на слуги дворные и челедь домовую накладати и личбу достаточную чинити маеть, и правне именей от крывд боронити. А с которым житом и всяким збожем зложоным и засеяным в опеку озмутъ, с тым зо всим опеку здати мають. Теж серебщин, ани вин на себе

опекун брати, ани ставов спущати не маеть, только рыб з ставу ку потребе и живности своей может ловить.

А который бы опекун так тестаментом зоставленный, яко и приржоный або теж з уряду приданый, не заховываючисе водлуг тое науки, неврядовне без возного, на то приданого, и без стороны, не списавшы наперод всих маетностей детинных, так лежачых, яко и рухомых, в опеку вшол и што шкоды детем опекою своею почынил, против таковому дети, лет доросшы, близшые будутъ ку доводу, што потом оным детям, дорослым лет, с права на опекуне сказано и отправлено быти маеть. А естли бы такий опекун, што опекою своею вшкодившы, умер, тогды предся тая шкода на именью его сказана и отправлена быти маеть. А естли бы опекун, держачы именья, детем, лет дорослым або кому тое именье належить, за упомненьем урядовым именьей пустити и опеки здати зо всим и личбы учынити так, яко в том артыкуле вышей описано ест, не хотел, а дал бы се о то до вряду позвать, тогды при всказанью опеки и вси шкоды и утраты, што бы кольвек правуючысе, наложил, за доводом на опекуне таковом всказано быти маеть. А брат старшый таковым же способом опеку на себе брать и ее здавать маеть, яко вышей в сем артыкуле о опекунех ест описано.

Артыкул 5

Естли бы опекун што несправою або недбалостью своею детям утратил.

Гды бы теж опекун, так прыржоный, яко и уставленный от отца або теж из уряду прыданный, яким омешканьем або недбалостью своею детем у молодости лет их што именья лежачого упустил, тогды дети, доросшы лет своих зуполных,

могут своего правом доискиватися на том, хто бы тое именье або люди и грунты их держал, абы одно доросшы лет своих зуполных, давности земское не омешкали.

Артыкул 6

Опекун может детиное кривды у права доходити, але не моцон ничего утратити.

Гды бы хто сиротам або детям, лет не маючым, якую кольвек кривду в ыменью лежачом або в яких иных поточных речах учинил, тогды опекун их моцон того правом их доискиватися. Вед же што бы опекун в летех их недорослых што упустил, в чом бы ся детем кривда видела, тогды они, доросшы лет своих, могут о тых кривдах своих мовити и правом того доходити, толко бы давности земское не омешкали. Але боев, грабежов поделаных и иных кривд в речах поточных, што ся правом за опекуна скончить, того вжо дети взновляти и взрушати не будут мочы. По тому ж и опекун в речах таких поточных, где о грунт не пойдеть винен будеть кождому укrywжоному з бояр и подданных тых именьей, што в опеце маеть, справедливост и отправу чинити, бы и на горле винного карати, так же и сам усправедливятися. Вед же за выступ властный отправа маеть быти чынена на властном именью его, а не на детинном.

Артыкул 7

Хто бы дети недорослые до права позвал.

Уставуем теж, иж о именья, так отчизные, яко и матерыстые, купленые и выслужоные, дети, ани опекун, не будуть повинни у права отповедати, але мають тую справу до

лет дѣтинныхъ зуполныхъ отложити. А они, гды лета зуполные мети будуть, тогды на он час сторона жалобливая маеть их припозвати, а они вжо будуть винни на жалобу отповедати, не вымовляючися давностью земскою. Толко бы теж и сторона жалобливая от зуполныхъ лет их давности земское не промешкала.

Артыкул 8

Дети недорослые не мають у права отповедати, одно в шести речах.

Теж дети, не маючие лет, а будучи до права позваны, одно в шести речахъ повинни отповедати. Первей: гды бы отецъ ихъ або matka за доброго здорова которое именье лежащее в пенезяхъ заставнымъ обычаемъ держали або якую кольвекъ суму на томъ именью было имъ описано, а близкие бы тое именье отъ тыхъ дѣтей выкупити хотели, и для того бы были позвани ку бранью пенезей, тогды будуть повинни пенези взяти через опекуна або черезъ приятелей крѣвныхъ, а именье поступити. А опекунъ, приемшы пенези, урядовне з нихъ сторону, которая пенези откладати будетъ, квитовати маеть, а потомъ дѣтемъ дорослымъ пенези и всю тую справу вернути будетъ повиненъ. А где бы дети, будучы позвани о заставу, а опекунъ ихъ показалъ бы на то вѣчность на писмѣ або инымъ якимъ доводомъ правнымъ, же то естъ именье, тымъ дѣтямъ вѣчне належное, тогды такая справа маеть быть отложена до летъ дѣтинныхъ. Другое: гды бы отецъ ихъ ручилъ якую кольвекъ речъ, а о тую паруку еще отецъ ихъ за живота своего былъ позванъ до права, тогды по смерти отцовской дѣти, будуть ли позвани, отповедати повинни и с права найдутъ ли се в той парукѣ винни, тогды мають также черезъ опекуна своего з маетности своеѣ тому досыть чинити, чого се отецъ ихъ поднялъ або обовезалъ. Третее: гды бы отецъ ихъ за

живота своего о якое дедичство мел право, не доконавши, умер, тогды дети через опекуна повинни будуть отказывати. А естли бы одно позван был, а перед роком, за первшыми позвы припалым, умер, тогды тая реч маеть отложона быти до лет детинных. Четвертое: долг отца своего повинни дети через опекуна платити, не вымовляючися молодостью лет. Пятое: где бы отец, выбившы кого з именья, людей и грунтов з спокойного держанья, а потом врыхле умер. Шостое: о збеги и люди отчизные, будь за держанья родичов их албо за самых опекунов до именья детинного зашли, тогды дети недорослые, будучи о то позвани, также через опекуна своего повинни будуть усправедливитися. А о збеги и о люди отчизные, будь у городу або у земства одно бы сторона жалобливая давности, в сем статуте вышей о том описаное, не омешкала.

Артыкул 9

О братьи неделной, дорослой и недорослой.

Уставуем, гды бы братья неделные, маючи лета дорослые, одного в ыменью zostавили и оному именье свое в справу его до звернення своего отколь колвек поручили, а он, яко старший и на местцу zostавленный, был бы ку праву позван, а сполную реч свою и братьи своее утратил, тогды иншая братья его рожоная не мають моцы такового судовного выроку в праве отменити, ани поправити, але што через брата своего утратили, о то навеки молчати мають. А гды бы одному брату, лета зуполные маючому, именье его и братьи его молодшое опекою в руки пришло, а был бы позван так о именье, яко теж и о которую колвек реч сполную, тогды повинен будет в праве отповедати, не ждучи лет братьи своее молодшое. Так теж брат старший, дошедшы лет своих зуполных, не вымовляючисе братьею своею недорослою, о роздел именей

межы кровными и повиноватыми своими винен будеть
усправедливитися и дел ровный, с права сказаный, поступити.
И где бы што с права албо делом брат старший упустил, тогды
братья молодшая, доросшы лет, на брате старшом таковом
пойскивати того не могут, але на том, до кого тое именье,
люди албо грунты упустил, доросшы лет и не омешкавши
давности земское, доходити им волно будеть. Вед же тот брат
дорослый, который сам утратил, своее части доходити не
может. По тому ж волно будеть брату старшому, лет
дорослому, не ждучи от братьи своее недорослое кривды
сполное, так именья, яко и каждое речи, на винном правом
доходити. А чого колвек правом дойдетъ, то з братьею, гды лет
доростуть, ровно делити повинен будеть.

Артыкул 10

**Опекунове не мають именья детинного продати и
утратити, ани граничыти.**

Уставуем, иж опекунове не могут именья детинного,
которым се опекають, продати або яким же кольвек обычаем
утратити и теж граничити. А естли бы опекун иначе учинил,
тогда дети, дошедши лет зуполных, будутъ моц мети именья
свои от того, хто их ужываетъ, правом доходити; одно бы,
дошедшы лет зуполных, давности земское не омешкали.

Артыкул 11

Старший сын дорослый не может брати недорослых именья отдаляти або заставляти, окром части своее, леч бы для долгов родичов своих.

Уставуем, иж старший брат, держечи спольное именье, з братьею своею нерозделеное, не будеть мети моцы яким же кольвек обычаем того спольного именья заставляти, продавати, отдаляти або утрачати, одно естли бы того долги родичов их записаные або правом належачые потребовали, в которой же потребе тот старший брат з ведомостью а порадою старших прыятелей дому своего будеть мочы именье спольное брати своее заставити. А такие долги отцовские албо матчиные зо всих частей тыми пенезми заплатити, а вед же так, яко бы пенези, на именья брати своее взятые, не превышали суммы долгов отцовских. А естли бы долги або заплата якая, судовне сказаная, при меньшим была, тогды старший брат, первой огледевшы живности и иные потребности домовые, маеть з цыншов, доходов именьей сполных долги оные малые платити, а остаток, што бы збывало, маеть верне брати заховати.

А естли бы иначе чынил, тогды таковое записованье або заставованье имен братских у права прыймовано быти не мает, а братья, которых именья яким иным неслушным способом будуть заведены, гды лет своих доростуть, а давности не замолчать, будуть его мочы правом доходити. А тот, который бы противко тое уставы наше пенези на именью братское без их зупольного дозволенья так неопатрно дал, своих пенезей на оном старшем брате доходити и искати будеть. А гды бы который дорослый был на службах в чужих краинах або на науце, або теж у везенью неприятельском,

тому давность не шкодить, естли ее от прыеханья своего не замолчить. А вед же на свою часть будет ли хотел брат старший якую суму пенезей взяти албо и на вечность продати, тогды то ему вольно учынити. А кды братья молодые, доросшы лет, похочуть дел вечыстый в ыйменью мети, тогды, хотя бы оный старший брат своее части не освободил, предсе ж заставник албо тот, хто купить, винен будеть тую часть брата их старшого в дел вечный межы молодшое братьи пустити, и которая бы част на брата их старшого з делу их пришла, тую оный заставник албо хто купил держати будеть.

Артыкул 12

Старшая братья не могут именья недельного утратити, ани заставляти, только то, што на часть их прислухати будеть.

Уставуем: естли бы колько братьи рожное лет дорослых и теж недорослых зостало по отцы або по матце, маючы именье спольное отчызное або матерыстое, и хотели бы старшая братья, маючы вжо лета зуполные, на том именью осести, а не могучы еще межы собою делу вечыстого мети, хотели бы тые именья свои только так на части розняти до лет зуполных молодшое братьи и до делу вечного, тогды то им вольно будеть. А вед же если бы который з них, держачы такую часть, будь свою огулом або теж што такового з нее выделивши, кому зоставил або продал, тогды потом, гды меньшая братья, доросшы лет зуполных, похочуть ся вжо вечным делом тым именем поделити, мають того, который будеть купил албо закупил, прыпозвати перед суд земский на рок завитый, абы тое именье в ровный дел с ними поделил. А суд дел ровный всказати им повинен будеть. А тот, хто таковую часть купил албо закупил, повинен будеть всю тую куплю свою с тою

братьею, яко отчычами того именья, в ровный и вечный дел поделити, прыймуючи во всей той суме своей тую часть, которая бы толко на того брата водле права его з делу прирожоного пришла. А хотя бы теж и болш пенезей на то дал, нижли чого то стояло, вжо на том переставати будеть повинен. К тому теж, естли бы который таковый з братьи, рознявшы именье до делу, яко се вышей поменило, хотя бы его не продал або не заставил, толко якое спустошенье учинил, то ест подданных розогнал або лесы пожыточные на попел, ванчос, клепки и иные роботы лесные потребные, албо гаи и боры, на будоване годные, вырубал, выпродал и выпустошил або роздал, тогды тые другие братья в своих частях на том шкодовати не повинни, але при вечном делу маеть быти тая вся шкода з его части брати его нагорожона и заплачона. А колко будеть подданных за держанья своего розогнал, так много вжо братья на делу людей додати ему не мають и не повинни будуть. Вед же дров и на будованье дерева на свою потребу волно будеть до того ж именья брати.

Артыкул 13

О братьи лет дорослой, иле их колвек будеть, яко се именьем делити и им шафовати мають.

Теж уставуем: естли бы колко братьи было лет дорослых, а мели бы именья нерозделенные, а один бы з них, будучи потребен пенезей, хотел часть свою того именья кому колвек, будь теж обчому, заставити або продати, а тая бы братья его не хотели з ним того именья делити, тогды тот брат маеть их о то позвать до суду земского на рок завитый, за которым припозваньем вряд маеть им рок зложити ку розделенью того именья надалей за две недели або яко на то час погодный знесеть. А ку тому розделу маеть вряд им возного и двух

шляхтичов придать, положившы на упорных заруки толко, колко тая часть стоить. А если бы тая братья предсе делу с тым братом и на оном року принять не хотели, тогды будуть повинни оному брату заруки заплатити. Вряд вжо будеть повинен то через лист свой отослати до подкоморого, а подкоморый, за позвы своими зехавшы, мает и моцон будеть, тому брату часть, во всем ему належащую, справедливе выделившы, подати и заруки сказати, а о отправу зарук до вряду земского ведле артыкулов, около владзы вряду подкоморского описанных, отослати. Который дел так моцон будеть, яко теж и в иных речах отправа, з уряду учиненая, и вечне межы собою тот дел вжо держати мають. А тому брату волно будеть тоєю частью своею як хотя шафовати водле сего статуту и артыкулов, в нем описанных.

Артыкул 14

Опекун, держачи именье ув опеце, не маеть ничего за свою вину того именья утрачать.

Коли бы хто чужое именье в опеце держал, а был бы о якие кривды суседские або долги, або о якие иные права свои у суду поконан, таковый кождый, естли бы был на своей властности оселый, за таковый выступок свой, с права сказанный, з власного именья и маетности своее платити маеть. А в недостатку именья и маетности, рухомых речей и на самом истцу маеть быти отправа учинена, а именье, которое бы ув опеце держал, от того волно будеть.

Артыкул 15

Гды бы опекунове, почавши кривды детинное у права доходити, сами померли.

Уставуем: гды бы опекунове, уставленные або прирощенные, почавшы водлуг тестаменту в чом кольвек якое кривды детинное правом доходити, и не доконавши того права, один который з них умер, тогды позосталый моцион будеть таковое кривды детинное у права доводити. А где бы вси опекунове, не доконавши которое кривды детинное, померли, тогды кровные близшии оных детей мають быти припущены ку опеце. А естли бы близских (яко се вышей на местцу своем назначило) не было, тогды вряд опекунов, хотя обчых, до тое опеки придати маеть, которые водле оног ж тестаменту и под того ж моцю будуть се справовати и кривды детинное доходити, яко и тые опекуны першыи, в тестаменте имены описаныи.

Роздел семей. О записех и продажах

Артыкул 1

О записех именей отчизных, матерыстых и всяким обычаем набытых.

Уставуем, иж волно кождому имения свои отчизные, матерыстые, выслужонные, купленные и яким колвек обычаем набытые и названные, не смотречи третее и двух частей, але вси вздоймом, хто их што маеть, буд теж половицу або которую их часть, або поособну одну, або люди, земли, што хотя от них водле воли и мысли своее отдати, продати, даровати, записати, заставити, от детей и близких отдалити, подле баченья своего тым шафовати. И хотя бы перво которую часть або половицу имения своего албо што колвек людей и землю кому продал або записал, тогды остатком тых именей всих по тому ж волен будеть шафовати вечностью заставою, яко воля его будеть, также отдаляючи от детей и близких своих. А вед же кождый таковой продажу або дар свой тот, хто продаеть або даруеть, справившы первей на то запис под печатью своею и с подписом руки, хто писати умеет, и под печатми людей добрых трех албо чотырех особ народу шляхетского, веры годных, в великом князьстве литовском оселых, очевисте от того, хто продаеть, на то упрошонных. А где бы тот, хто продаеть албо записуеть, сам писати не умел, тогды печатников таковых до запису своего упросити маеть, которые бы пры печатех своих и руками властными тот лист подписали. А потом сам очевисте перед нами, господарем, або перед врядом нашим земским, где в котором повете тое имение лежить або до которого суду прислухаеть, сознати

маеть. А пакли бы до того повету было далеко, в котором тое именье лежить або до которого суду прислухаеть, тогды будеть волно ему на иншом вряде судовом, где наближей будеть, таковый запис свой оповедати и до книг записати. А тот, кому то продано або яким же кольвек обычаем записано, с тым листом, записом своим и теж з выписом врядовым маеть ехати або слати до того вряду земского поветового, где а в котором повете тое именье лежати будеть. А то оповедавши и оказавшы, маеть до книг земских тот запис свой увести, а вряд вряду в том верыти маеть. А што перед нами, господарем, албо судом головным будеть сознано, тое без переносенья до инших книг поветовых важно быти маеть.

Артыкул 2

Естли бы кому потреба запис учинити, кром роков земских.

Теж уставуем: хто бы хотел оселость свою вечностью пустити межи роки судовыми, без которых суд земский не звывкл заседати, тогды маеть прийти перед вряд гродский, где суд от нас, господара, засажоный, и там запис справлений перед воеводою, старостою, где суды гродские суть, показати, вызнати и дати его до книг замковых слово от слова вписати и выпис взяти с печатью и с подписом руки его властное. Который запис и выпис такий будеть трвати до роков двоих земских, судовне отправуючых, а надалей на которых с тых рокох земских оный запис маеть быти перенесен до книг земских и в книги вписан, и выпис с книг под печатями их врядовыми взяти. А где бы таковый запис до вряду земского на тые роки перенесен не был, тогды таковый запис жадное моцы мети, а за ним тое речы, што кому записано, одержати не маеть. А в небытности воевод, старост судовых на таких

врядех и местцах такие записы, за листы вызнаными, предсе очевисто особы, будучы сами (хто што записуеть) вызнавшы такие записы, сами ж оказавши вряду тому, мають быти перед врядом их гродским зуполным, подстаростим, судьею и писаром оповеданы и сознаваны и выписы даваны под их печатми с подписаньем рук их, а принамней двух, естли бы третий писати не умел. А естли бы который запис, на вечность кому даный, не водлуг сего статуту был справлений, таковый запис маеть быти никчемный. и речы, в нем описаное, ни хто одержати не может, толко бы давности земское ку збуренью того запису жалобник не омешкал.

Артыкул 3

Варунок на перенесенье з гроду до земства.

Где бы хто купли, даровизны и иных записов своих водлуг сего статуту с книг замковых до книг земских водлуг артыкулу второго, вышей в сем же розделе описаного, на рокох земских перенести не мог за войною або поветреем моровым, тогды то варуем, же таковые неперенесенья куплей и иных записов з гроду до земства за службою земскою военною и поветреем моровым ничого праву того, хто купил або яким иным правом держал, шкодити не маеть. Вед же по зеханью з службы наше земское военное або по ускроменью поветрея на першых рокох земских, судовне отправуючих, маеть быть таковый запис и выпис вряду гродского перенесен и до книг записан.

Артыкул 4

Не маеть нихто никому жадного спадку записовати, чого в руках не маеть.

Теж естли бы хто хотел кому записати який спадок, который бы мел на него прийти по блискости яким кольвек правом, а тот бы еще был жив, по котором бы се мело ему што достать, тогды такового спадку нихто не можеть никому записати, ани продати и сумы никоторое на том взносити, олиж бы по змерлой руке право се ему отворыло. А естли бы хто кому таковой спадок за живота того, по ком се его сподеваеть, записал або продал, албо теж на том которую суму пенезей взнес, таковой запис перед правом не маеть держан быти. А вед же естли бы який спадок на кого по змерлой руке правом приржоным припал, а оный кому бы ся до такого спадку право прыржоное отворыло, а тое именье, хотя бы было волное або в суме от продков его заведеное, а он бы про недостаток або недовстип свой сам того доходити не могучы, албо теж з доброе воли своее на кого иного право свое влил и то кому урядовне записал або злетил, то ему волно будеть учинити. А тот, кому то записано, моцон будеть того, яко бы тот сам истец, на кого то спало правом, оногo на держачом доходити, а дошедши, водле права своего того уживати маеть. Также и такое именье, котory бы сам заставил або доживотьем кому пустил, волно ему мимо того, хто в заставе або доживотным правом держати будеть, иншому кому вечностью пустити и право свое вечное на кого хотел взнести и влити.

Артыкул 5

Хто бы кому записал именье або землю по своем животе, а тот, кому записано, того смерти не дождал и первой умер.

Теж уставуем: естли бы кому хто записал урядовне именье або люди по своем животе, а тот, которому тая реч будет записана, того смерти не дождал, который то ему будеть записал, и сам наперед умер, тогды тот может туую реч иншому записати, кому воля его будеть. Нижли естли бы тот жив был, а он, ему записавшы, и потом иншому другим записом тое ж записал, тогды тот першый запис маеть пры моцы зостати, а последний маеть ни в во што обернен быти. Так теж хто бы кому именье, або люди, або земли продал, а потом бы тот же и тое ж кому иншому продал, тогды тот, хто первой купил, маеть то одержати, а тот, который опосле купил, маеть пенезей своих на истцу смотрети.

Артыкул 6

Хто бы на которую реч дал запис, перед урядом зезнаний, тот запис маеть пры моцы зостати у кожного права.

Теж уставуем: хто бы хотел запис справовати на которую реч рухомую, тогды маеть кождый на себе давати лист записный под печатью своею и под печатми людей народу шляхетского, веры годных, принамней трех албо двух особ, и с подписью руки своее, естли хто писать умееть. А печати до листов не на заочную прозбу, ани теж за писаньем листовным прыкладаны быти мають, але за очевистою устною прозбою. Вед же записы таковы кождые, а то ест меновите, коли бы хто кому именье, люди або грунты заставою пустил або позычившы суммы на рок, оную суму на именью, людех або

грунтех записал, позволившы за неотданьем на рок суммы ув
именье, люди або грунты добровольного увезанья, таковая
застава и записы кождый на себе даючи маеть, ставшы
очевисто перед нами, господарем, або перед врядом земским
або гродским судовым где наближшом, сознати и то до книг
вписати дати. А тот, хто закупуеть, теж мает лист свой,
противный тому, у кого закупует, дати под печатью своею и с
подписью руки своее, и теж под трема або двема печатми
людей сторонных, сознаючи то, у кого што в чом закупил. А
хто писати не умееть, ино тот лист свой и на вряде сознати
маеть. А потом, гды хто засе заставу свою у кого выкуповати
будеть, маеть и повинен будеть тот, хто пенези свои беретъ,
того квитовати и оный лист его записный вернути и также на
том вряде и то до книг уписати, иж ему досыть на тот опис
учинено. А естли бы хто, беручи пенези свои, того листом
своим квитовати и до книг так же, яко ему то вперед было
учинено, досыть учиненья его сознати не хотел, тогды за
припозванным на рок завитый повинен будеть, лист его
записный вернувшы, с того его квитовати и на вряде сознати,
и над то ещо стороне своей поведовой повинен будеть за
доводом его шкоды и наклады, што бы, позываючи о тое,
наложил, заплатити. А тот теж, хто свою властность выкупить,
оный противный лист ему вернути. А будет ли до книг
записан, и в книгах то скасовати маеть таковым способом, то
ест гды тот, который будет закупил, сознаеть перед врядом, иж
се ему во всем том водлуг запису досыть стало, а писар у
книгах подле тое sprawy на стороне рукою своею власною тое
сознанье и уморенье того запису коли напишет, тогды вжо тот
запис, хотя и в книгах зостанет, жадное моцы мети не будет.

Артыкул 7

О записох, которые мають быт у права прыймованы кром зезнанья урядового, и о позычках купецких.

Уставуем, иж таковыя листы записные под печатью и с подписом руки и под печатми людей, веры годных, яко се вышей поменило, а хто писати не умеет, тогды под печатью его и под печатми намней трех шляхтичов, на суму пенезей або якую реч рухомую, позычоную на рок певный, кром позволенья за ним увезанья в ыменья або люди и без зезнанья урядового данье у права, за мощные прыймованы быти мають. Вед же естли бы был тот, хто се запишетъ, позван о невыполненье запису, а хотел ли бы што против запису своему мовити або его не признавати, тогды тот не через прокуратора у права усправедливятися маеть, але сам повинен будеть перед судом стати и о то усправедливити. И где бы сторона жалобливая слушне того на него довела и то показала, иж то ест запис его властный и от него даный, тогды суд все водлуг того запису и обовязков его на нем сказати и отправу уделати маеть. А за то, иж се запису своего власного запрел, винен будет тот вместо вины на том же уряде в замку або дворе нашем судовом зараз по выроку урадовом сести и шесть недель выседети. А естли бы се то трафило, ижбы противко запису своему мовил, звлаща признавшись ку печати або подписи руки, менуючи, ижбы мембрам ему не на тую, але на иншую реч дал, а в праве бы был лист написанный, а не мембрам показал, тогды то ему ку помочы ити не маеть и тым оног запису бурити не может. Теж купцы, мещане и жыдове на шляхте рейстрами долгов некоторых доходити не мають, ани будуть мочы, кром за записами певными, яко о том наука вышей поменена.

Артыкул 8

О записех людей простых волных похожих и на аренды данных.

Уставуем, иж естли бы который человек волный, похожий задался за которого пана, а тот бы пан маетностью своею запоможенье какое ему учинил, а оный бы человек на тую маетность, от пана взятую, лист, запис свой добровольный з обовязки, в нем описаными, под печатми трех шляхтичов, веры годных, дал, таковый запис у права за мощный и слушный прыймован быти маеть. Вед же люди отчизные, отшедши от панов своих и за иных панов задавшия, хотя бы таковыми описы, вышей меноваными, обовезалися, тогды такие записы у права прыймованы быти не мають, и за ними тот, кому се опишуть, одержати ничего не может. По тому ж и на оренды мыт, корчом, млынов, робот лесных и иных пожитков записы данные, яко се у верху того артыкулу описало, у права за слушные прыймованы быти мають.

Артыкул 9

Хто бы под ким искал близькости, а тот бы держал именье за записом слушным.

Коли бы хто под ким искал именья, близькости своее и позвал бы его до права, а тот, под ким ищеть, держал бы тое именье за записом слушным, а поведил, иж не одному мне тое именье належить, але иным участником моим тым же записом тое именье записано, и показал бы то у права речю самою на оном же записе, тогды тот, хто именья ищеть, маеть оных всих участников припозвати, которым запис служить.

Артыкул 10

О именье должное и о давность земскую.

Теж уставуем: коли бы хто купил якое дедицтво и держал спокойне, заплатившы, а на том же бы именью хто инший долг мел, первой врьдовне записанный, поки ещо было не продано, а молчал бы по продажи о тот долг три лета и правом его не доходил, таковой хотя бы и листы упоминальные мел, тот не маеть на том именью того долгу смотрети, але маеть истцо в своих пенезях искати. А естли бы тот истец не мел чым платити, тогды в том долгу маеть суд его самого выдати. Нижли естли бы о тот долг, также врьдовне записанный, до права позвал того, который именье тое держыть, давности таковой не омешкавшы, тому подлуг запису его першого тот долг на том же именью маеть быти прысужон. А тот, который в держаньи будеть того дедицтва, оный долг маеть заплатити тому, хто перший запис маеть, а сам маеть тых пенезей и кожного иного накладу дойскиватися на истцу. А естли бы тот истец, не заплатившы, умер, тогды на маетности его лежахой и рухомой, естли которую заставить, того смотрети маеть. По тому ж и о презысках, з уряду сказаных, на том именьи маеть ся розумети, яко и о долгах, естли бы хто давность таковую от сказанья урядового омешкал.

Артыкул 11

О долги двух албо колько на одном именью.

Коли бы хто именье закупное в которой суме держал, а другой бы ся з долгом своим ку тому ж именью приповедал, менуючы, иж теж ему на том же именью сума ест описана або

с права была бы сказана, а он бы от року, в записе описаного, або от сказанья врядового давности земское десет лет не замолчал, а тое бы именье обое суммы стояло, тогда тот, который маеть болшую сумму, так держачый, яко и зыскующый, будеть повинен другому меньшую сумму заплатить. А пакли бы платити не хотел, тогда тот, хто меньшую сумму маеть, тому болшую сумму повинен заплатить, або обадва тое именье иньшому в обоей суме заставить и тые пенези межы себе водле записов розделити. А пакли бы колько должников з розными долги до одного именья збеглися, а именье бы вже за тые долги не стояло, тогда хто будет мети первшый слушный и правный запис и в держанью того именья за тым першым записом был, а тое бы именье болшое суммы не стояло, тогда тот за першым записом своим при таковом именью зостати маеть, а тые з остатними записы мають пенезей своих на истцу доходить. А где бы истец умер, тогда на иньшой маетности его.

Артыкул 12

Каждая застава и долг позычный давности мети не мають.

Хочем теж мети и уставуем, абы каждая застава и долг позычный давности земское не мели. И вольно будеть всякому дедичу, отложывшы сумму пенезей, перед правом за заставу дедичства своего дойти, так за правом своим прироженным и яко кольвек набытым. Тым же способом всякому стану долгов своих позычных за описами водле сего статуту справеными на истцу и потомкох его доходити вольно будеть, хотя бы и через давность земскую не упоминался.

Артыкул 13

О способе доводу заставы именья лежачого, гды бы хто кого ку бранью пенезей позвал.

Теж уставуем: если бы хто позвал кого о именье албо о люди и о грунты, менуючы, ижбы от продка его албо и от него самого было заставлено, а позванный бы до заставы не знался, ино если жалоба будеть о таковую заставу, которая бы се стала по выданью к утверженью сее теперешнее поправки статutowое, тогды вряд промежку сторон в той речы узнанье и розсудок свой учинити маеть водлуг сего статуту, яко о том вышей доложено. Леч иж многие люди звыкли о речы давные застаралые, менуючы заставу, один другого ку праву потегати и тым затрудненье сторонам и вряду непотребное задавати, прото и о таких давных а прошлых заставах так обясняем и уставуем: иж гды бы хто кого о заставу именья лежачого, людей и грунтов ку бранью пенезей позвал, которую бы заставу менил быти вчиненою по выданью тому паньству, великому князьству литовскому статуту од продка нашего славное памети короля его милости Жигимонта Першого, а позванный бы до тое заставы не знался, а естли бы то менил быть своею властностью отчызною, матерыстою албо спадком и яким правом набытым и пры том щытился и брал себе на помоч давность земскую, тогды первой тот, хто в таковой речы жалуеть, маеть то явне и значне писмом слушным водле права показати. Естли то, о што жалуеть, коли в дому и в продков его было, тогды за тым и ку дальшому доводу правному, иж то з дому его або от него самого заставою вышло, прыпущон будеть водле права и артыкулов, о правах земельных описанных, звлаща где бы сторона позванная оборон правных на писме не показала, а то се маеть розуметь о именье, люди и грунты заставные по выданью першого старого статуту. Пакли ж бы

жалобная сторона напрод того же тое именье, люди або
грунты, о што позываеть, было коли в дому его, на писме
значне водлуг статutow перших не показала, але за жалобою
згола до присеги бралася, тогды без того и ку доводу на
заставу не маеть быти припущона, але тот позванный а
держачий того именья, людей и грунтов, при своем давном
держанью, и над давность земскую естли бы якого права на
писме не показал, маеть сам один при давности, же то ест его
властность, а о заставе жадной не ведаеть, присягнуть. А где
бы при давности земской сторона позванная який колвек довод
листовный показала, тогды и без присеги от обжалованья пры
держанью своем давном волна будет. Вед же и то варуем, если
бы хто в такой речи мел до кого право, тогды ачколвек вже
порядком сего статуту нового вси речи отправованы будуть.
Нижли речи застаралые, предсе старым статутом, за которого
ся што стало, сужоны и сказованы быти мають. А для того,
абы се нихто неведомостью не вымовлял, кождый таковый,
хто бы до кого мел какое дело, от выданья и уживанья сего
статуту будет винен правом своим того доходити. А где бы до
десети лет от выданья того статуту о таковую заставу давную
молчал и правне з ним не поступовал, тот о таковую заставу
вечне молчати мает, вынемши толко дети лет не дорослые, с
которых, дошедши лет своих, брат старший або опекун также
до десети лет о таковую заставу винен будет правом чинити,
яко вышей описано. А который бы, дошедшы лет своих, до
десети лет в молчанью был, таковый также вечне о то молчати
мает. По тому ж хто бы от уфалы статуту старого, от короля
его милости Жыгимонта Першого в року тисеча пятсот
двадцать девятом выданого, в такой речи аж до выданья сего
теперешнего статуту в молчанью был, упоминанья не чинил и
до права не притегал, таковый за так далекою давностью
также о такую реч до права потегати и того упоминати не мает
вечными часы.

Артыкул 14

О откладанье суммы за заставу.

Коли бы хто кому именье албо иншую реч которую колвек в пенезях заставил на рок, в листех помененый, а потом на оном року припалом хотел бы ему пенези его отдати, а заставу свою от него к себе взять, а он бы не хотел пенезей своих от него принять, ани тое заставы ему вернути и поступити, а был бы о тое ку праву позван ку бранью пенезей своих, а он бы у права, яко на року завитом, не стал, тогды жалобник покажет ли то, же тую реч заставил, маеть оную суму пенезей на вряде положить. А вряд наш маеть ему у тое именье его заразом увезанье дати и всякую заставу свою кождый з уряду нашего тым обычаем одержати маеть водлуг опису своего. А вряд наш потом маеть и повинен будеть тые пенези вси спольна тому отдати, хто будеть на заставу дал, кром всякого затрудненья, ничого на себе з оное суммы не вытручаючи. А где бы хто, будучы до суду позван о заставную реч, а на року прыпалом за позвы стал, тогды, за доводом заставы взявшы тые пенези свои, оную заставу, именье лежащее жалобнику, ниякою давностью не вымовляючыся, того ж часу поступити и с того се врядовне выречы маеть, окром вынемшы то, где бы што хто кому заставил на рок, в листе помененый, а на тот рок, в листе назначоный, у него не окупил. Тогды он тую заставу маеть держати аж до другого року водлуг запису его, на то даного. А вед же естли бы тот, хто што кому заставил, а не выкупившы тое заставы свое, умер, тогды дети, албо братья, або близкие, кому бы то правом слущным выкупити приналежало, такового року, в листе описаного, не мають смотрети, але скоро бы о тое был позван, тогды тот и без року маеть пенези свои взять, а заставную реч заразом поступити.

Артикул 15

О долгох; естли бы хто, позычившы што кому другому, сам умер, а оный, который позычыл, жив зостал.

Уставуем: естли бы хто, позычившы кому сумы пенезей або яких речей рухомых, сам умер, а тот должник, который винен, жив зостал, тогды потомком позосталым оного змерлого водле листу, опису своего тот долг продка их платити и всим обовязком своим досыть чынити повинен будеть. А где бы опису своему досыть чынити не хотел и в чом з него выступил або не выполнил, тогды во все водлуг запису своего упадывается.

Артикул 16

О посеганью спадков родичом по детех их.

Уставуем, иж естли бы хто, маючи якую свою властную маетность набытую, лежачую и рухомую, а никому ее не записавшы и потомства по себе, на дол походячого, также братьи и сестр рожоных не зоставившы, умер, а отец або matka обое або один з них жив зостал, тогды по змерлом сыне отец або matka оного змерлого таковые спадки мають посегати. Так же и по змерлой дочце без потомства тое ж се розумети будеть, которая бы свою властную маетность або от мужа записаную по себе зоставила, никому не записавшы.

Артыкул 17

О привиллях и иных вшеляких записех, яко их жоны, зоставшыся по мужох, уживати мають.

Уставуем, иж естли бы хто який прывилей або запис на дар, на продажу або теж на якую ж кольвек реч одержал з докладом того, яко посполите в листех пишуть, даруючы або продаючы самому, жоне, детям и потомком его, за чым таковых жоны, зоставившыся по мужох, половицы оное речы, в привилею або записе описаное, позыскуючы ку шкоде дитинной або близских, посегати хочуть, тогды таковая жона, естли бы особливим записом того от мужа записаного не мела, хотя бы и имя ее поменено было, ничого одержати водле такого запису не может, але то на потомки спасти маеть, окромя где бы в том записе доложено было, же ему, жоне его за сполные их або за ее властные пенези оное именье проданое або обема сполне дарованое было, тогды то водле запису заховано быти маеть.

Артыкул 18

Где бы хто, кому давшы на себе запис, а в том не уистившыся, змер.

Уставуем: естли бы хто кому листом своим добровольне ся описал будь продажи вечыстое на именье албо на рухомую реч, также и на заставу, позычку и паруку, а тот бы запис был слушный, подлуг сего статуту был справлен, и в том бы записе его были обовязки доброволные на заплату суммы пенезей истизны, совитости, шкод, накладов, вин и теж очыщанье и заступованье у суду албо и о паруку якую и о иные розные речы и припадки о што ж кольвек, а тому бы запису своему

тот досыть не учинившы и всих обовязков своих добровольных, в нем описанных, не выполнившы, с того света вжо по року, в записе его менованом, зшол, а дети бы его по нем зостали, на которых бы по смерти его маетность рухомая и лежакая спала.

А тот, хто бы запис на то собе данный мел, по смерти оногo жону, дети або близких его, хто бы по смерти маетность его мел подлуг запису того, яко о самую реч, в том листе описаную, также и обо всякие обовязки, доброволне в нем описанные, о невыполнение того всего до которого вряду позвал, тогды если бы тая особа, хто на которую колвек реч дол запис, еще за живота своего был позван о неучинение досыть тому запису и с права бы то на нем вжо сказано, а он бы в том часе змер, того всего не заплатившы, тогды вряд наш, который тое присудить, маеть и по смерти его подлуг суду своего и доброволного обовязку его стороне поведовой отправу на имению его учинити. А где бы именья не было, тогды на маетности его рухомой уделати маеть, пры ком бы колвек на он час зостала. А вед же естли бы тая особа змерлая о неучинение досыт запису своего хотя бы был до которого вряду позван и, не стоявши у права, перед роком за позвы припалыми змер, тогды тые, на кого бы по нем маетность его лежакая або рухомая правом прирожоным спала, повинни будутъ, естли о суму пенезей позычоную позовуть, истизну из совитостью заплатити; естли о очищение позвани будутъ, тогды так же потомки его подле запису продка своего з маетности его, на них спалое, очыщати мають, а шкод, накладов, зарук, вин и иных обовязков, в том листе описанных, ничего за тое платити вжо не будутъ повиньни, гды ж нихто ни за кого терпети не маеть, так же и на другого тежару своего вскладати не можетъ, одно сам тот, хто се кому в чом опишетъ, повинен за тое досыть учинити. А где бы о тое

не будучи еще до права позванный або перед роком, в листе его описаным, змер, тогды больш не маеть платити, одно истизну, ему позычоную, а совитости, вин и накладов — ничего не маеть платити, окром естли бы жона або дети дорослые того змерлого были бы заровно в том листе описаны, тогды, не вымовляючисе смертью оногo, повинни будут позосталые особы такому запису своему досыть чинити и вси доброволные обовязки свои выполняти. Вед же естли бы муж от жоны змер або отец от детей, а записом своим еще за живота своего остал бы кому што винен, хотя бы вжо и презыски правные на нем были сказаны, а именья бы своего властивого, также некоторое маетности рухомое по собе им не зоставил, а жона бы его мела свое властивое именье отчизное, материстое, купное, спадковое, веновное и всяким правом своим набытое, так же и дети мели бы свое властивое именье выслужоное, купленое, матерыстое и всяким способом набытое, а не отчызное, тогды тым способом за вину и за описом отца албо и матки своее як дети и близкие, так же и жона того змерлого за то на маетности своей властивой шкодовати не мають и за то ничего платити повиньни не будут. Одно естли бы отец або matka отумерли права на який спадок, который бы им по яком близком прыналежал, тогды дети, дошедшы того спадку правом, по ним спалом, повинни з него долги отцовские або матчины платити, бо хто осегаеть добра, повинен носити и беремена.

А естли бы дети албо потомки того спадку доходити не хотели, тогды тот, кому бы што было винно от отца албо матки их, маеть их позвати до вряду того, до которого ему права его укажет на рок завитый, а вряд маеть всказати вжо тому самому жалобнику того спадку доходити, которого гды дойдеть, маеть в том долгу своем держати до отданья суммы

пенезей, ему винное, и тых накладов, што бы, доходечы того спадку, утратил за узнаем врядовым.

Артыкул 19

Рок праву о заставную реч маеть быти положон завитый.

Хочем мети и уставуем, иж каждый рок, за позвы зложоный о кождую реч заставную, мает быти завитый под страченьем права. А от которого часу будеть позван заставник о то, же на року, в записе помененом, пенезей брати не хотел, тогды тот, который заставу держать, от того часу не маеть болш именьей казити и жадных доходов и пожитков брати. А што бы кольвек после положенья позвов з оного именья взял, о то дедич, вшедши в держанье именья, маеть того заставника позвати до права на рок завитый и тое шкоды своее доходити. А вряд повинен будеть оную шкоду за доводом слушным на власной маетности его сказати и отправу поступком правным учинити. А где бы тот зоставник не был оселым в том повете, в котором оное именье у заставе держал, тогды при откладанью пенезей сторона поводовая волна будеть оную суму, на уряде положоную, арештовати. А вряд не будеть волень тое сумы отдавати, аж се о скаженье такового именья заставного стороне поводовой усправедливить и з выналязку урядового судовного досыть учинит.

Артыкул 20

Естли бы хто именье або якую реч рухомую заставную другому в большой суме заставил.

Уставуем: естли бы хто, маючи от кого в заставе именье або которую реч рухомою, в большой суме тую заставу кому

иньшому завел, а держачий тое речи был бы о то припозван ку бранью сумы пенезей, которую он або продок его будет на тую реч взял и перед правом тую суму положил, и того слушне записом довел, иж не в большой суме, толко в той, которую на праве положил, тая реч заставлена, таковый, пенези отдавши, реч свою маеть взяти, а тот, который на чужую реч болшую суму дать, на истцы нехай собе того смотрит, што будет назвыш первое сумы дал. А где бы се трафило о заставу речи рухомое, на которую бы записов жадных не было, а спор бы межи обудву сторон по тому, яко вышей описано, о суму пенезей стал, тогды держачый тое заставы близый будеть присегою того довести, же таковою суму, якую меновати будеть, на тую заставу дал, за которим доводом, пенези свои одержавшы, заставу вернути маеть.

Артыкул 21

О именье заставное на рок под страчением.

Естли бы хто кому заставил именье на рок под страчением и на упад, тогды, естли бы рок пришол, а тот, хто заставил именье, а на тот рок не мог выкупить, тогды тот, хто закупил, по оном року при том именью водле права своего зостати маеть вечне. Вед же естли бы тот истец, который именье заставил, перед роком, на выкупенье оног именья записанным, умер, тогды потом, хотя бы и оный рок записный минул, волно будет потомком або близким его, отложившы суму пенезей, тую заставу одержати.

Артыкул 22

О отнятыи имения заставного.

Теж уставуем: естли бы хто кому заставил имение або люди, або грунты в якой колвек суме пенезей на певный рок, в листе описанный, а потом на року припалом, не заплативши и не отдавши ему тое суммы, тое бы имение, люди або грунты и, што бы колвек заставил у него, упорне и свовольне отнял, а того бы на него слушне сторона довела, тогды маеть тому гвалту заплатити дванадцать рублей грошей и вси заруки, в листе своем описанные. А колко бы людей заставных ему за отнатыем его не робило, тогды за кождый тыдень неслужоный маеть заплатити от кождое службы людей зуполное по шести грошей литовских. А которая бы служба пешая на тыден на роботу не ходила, ино по три гроши платити маеть. А иные всякие добра и пожытки оногo имения отнятые водлуг слушного а правного доводу и важности пожытков мает вряд наш тую шкоду совито всказати и против такого маеть сторону жалобливую заховати, яко о том вышей, в разделе четвертом артыкуле деветдесят втором, о выбитье з покойного держанья, наука описана есть. А естли бы хто кому што заставил — имение, люди або грунты, а з стороны хто третий за яким бы колвек правом албо и з упору с тое заставы што отнял, тогды тот, кому будет то отнято, похочет ли позвати того, хто ему заставил, тот маеть ему очыщати водлуг запису своего, а не очыщит ли, ино так много можными людьми из землями мает ему тое нагородити. А похочет ли, опустившы того, который ему заставил, с тем, хто у него отойметь, у права мовити, тогды то ему волно учинити и на оном тое заставы своее доходити. А вряд наш и против тому заховатисе так маеть, яко в том артыкуле вышей наука описана ест.

Артыкул 23

Хто бы кого позвал о именье, а позванный заводцу у права ставил.

Уставуем, иж естли бы хто позвал кого о именье, менечы до него быть право прырожное або набытое, а тот, кого позовуть, ставил бы на праве заводцу, который ему тое именье продал або яким колвек правом завел, а гды бы тот заводца его заступил, а позванный, поставившы заводцу, хотел бы с права проч пойти, тогды в таковой речы яко тот заводца, так и позванный о тое именье с права отходити не мають потоль, аж се тот заводца его з жалобною стороною расправит. И гды бы се то показало с права, же тот заводца неслушне чужое именье пустил, тогды тое именье тому, хто ищеть за правом его, слушне показаным, прысужоно быти маеть, а он своих пенезей и шкод на заводцы смотрети будеть. И если оселый заводца в том повете албо и в иных поветех сего паньства, великого князства литовского будеть, тогды такого позвы позвати з оселости его о суму и о шкоды свои волен будеть. А естли бы был неоселый, тогды там жо заразом тот суд, не спускаючы его з уряду, справедливость з него чинити будеть повинен тым способом, яко о неоселых в ыншом артыкуле ест описано.

Артыкул 24

О листы на долги, на именья и на заставы згинулые.

Теж уставуем: кому бы листы на долги, на заставы речей рухомых, вед же не на важнейшую реч, толко до двухсот коп грошей, згинули на дорозе где ж колвек, от огню або от воды и яким колвек обычаем страчоны, а тот, кому тые листы

належали, скоро того ж часу по оной згубе перед нами, господарем, або перед врядом оповедал и записати дал, а потом прышло бы ку праву, а тых бы листов за очевистым зезнаньем у котором уряде записаных не было, тогды тот, хто листы стратил, або кому тые листы прислушають и належать, маеть довести людми добрыми, веры годными, намней двема, которые листы видели и их сведоми были або печати свои до них прикладали. А потом сам с тыми светками своими на том прысегнути мает, светки на том, же тот лист або тые листы видели, а сам на том, же такие листы згинули прыгодне. И гды того доведеть людми добрыми и прысегою их и своею, маеть оную реч, на што листы згинули, одержати. А где бы печатники або тые люди, которые тые листы видели, померли, тогды, пры оповеданью врядовом сам прысегнувшы, реч свою одержати маеть.

Артыкул 25

Естли бы колько парсун одним листом кому кольвек описалися.

Уставуем теж: естли бы колко персон одним листом кому колвек описалися, а потом бы которые з них тот запис свой нарушили, а другие бы его предсе водлуг обовязку своего выполняли, тогды сторона укрвжоная , которой тот запис служить, может толко таковых позывати, от которых се над тот опис ему кривда дееть, до вряду того, где будеть належати або где се будуть описали, становити, и не докладаючы тых на позве, от кого кривды не мають, а сторона тым ся вымовляти не будеть мочы, иж других не позвано, которые се сполом з ним описали, гды ж от тых сторона жалобливая некоторое кривды мети будеть . Але кождый сам за свой учинок и выступ у кожного права отповедати и водле опису своего або продков

своих, естли бы што на него прыходити мело, досыть от себе и щастя своее стороне укривжоной чинити маеть и повинен будеть.

Артыкул 26

Як много без листу вызнаного маеть позычити.

Уставуем, иж кождый шляхтич, мещанин и нихто инший не маеть без листу вызнаного позычати большей десети коп грошей. А хто бы большую суму пенезей без листу вызнаного позычыл и на то листу не мел, тогды тот, хто большей без листу дал, пенези тратить, а тот, который позычыл, не повинен большей платити, только десеть коп грошей, и то за присегою оного, хто на нем тых пенезей доходить правом.

Артыкул 27

Хто бы якую реч рухомую запродад на рок.

Естли бы хто кому зоставил рухомую реч на рок на впад тое речы, а коли бы рок прышол, а тот, хто заставил, не выкупил тогды тот, хто закупил, оповедавшыся вряду, может тые речы обернути куды хочеть ку своей потребе на вечность.

Артыкул 28

О реч рухомую в заставе до часу певного, а не на упад.

Уставуем: гды бы хто кому якую реч рухомую заставил до часу певного, а не на упад, а на тот бы час назначоный не окупил, а тот бы, маючы заставу, и позвал бы того, абы заставу

свою выкупил, а он бы тое заставы окупити не хотел, тогды вряд маеть ему допустити тые речы рухомые продати, и што бы звыш над оную суму свою за тую заставу взял, тогды, вытрутившы с того себе за наклад свой, што будеть позываючы его наложыл, остаток тому, чые были речы, отдати маеть. А тот, не приводячы стороны своее до прысеги на том, што ему дасть, повинен будеть порестати и болшей ся за тые речы свои не упоминаючы. А где бы без року тая заставка была заставлена, тогды вряд маеть рок зложыти чотыри недели, на который маеть заставу свою выкупити. А не выкупит ли на тот рок, тогды по оном року тым жо способом, яко вышей описано, мають о тую заставу расправитися.

Артыкул 29

Хто бы кому коня або вола заставил без року.

Теж естли бы хто кому заставил коня або вола без року и на рок, а в том часе, поколь оное заставы не окупить, тот конь або вол здохнеть без прычины ображенья, ижбы, робечы им, не порвал и не забил або голодом его не уморил, тогды такового коня або вола платити не повинен, толко скуру указати и отдати ему маеть. А тот, взявшы скуру, повинен будеть только половицу тых пенезей позычных стороне своей отдати.

Артыкул 30

О речах заставных, згинулых в чием схованью.

Уставуем теж: хто бы кому хотел речы рухомые заставити або в захованье дати, тогды на таковые речы на обе стороне для упевненья листы межы себе под печатми своими и

печатми людей добрых мають давати. А где бы тые речи, в заставе або в захованью будучые, посполу в одном гмаху з речми домового господара пригодне огнем погорели або покрадены, а он бы то вряду, под которым сedit, тогда ж оповедал, и к тому будет ли еще при тых речах и властивое маетности его што украдено або згорело, тогда маеть сам на том присягнути, иж оных речей не скорыстил и ку пожитку своему ничего не обернул. За таким отприсеженьем ма быть волен. А пакли бы поведил, же толко того речи, хто дал сховати, згорели або покрадены, а оного господара самого целы, таковый тые речи вси повинен оному вернути або заплатити. А естли в суме пенезей заставлено, ино пенези взяти, а тые речи предсе вернути, на што слухный довод учинит. Так теж естли хто у кого зложил в клети або в яком схованью речи свои и замкнул, а домовый господар тые речи в небытности его рушал або на иншее место перенес, а в том бы се шкода стала, тогда тот, хто рушал, мает тую всю шкоду платити теж за слухным доводом або присегою оного шкодного. А где бы се то трафило, жебы без листов хто кому речи якие в заставу, в захованье або быдла на перехованье дал, а тот, в кого бы што заставлено, або в захованье, або теж на перехованье дано, до того се не знал, тогда не згола маеть быти волен, але повинен будет на том присягнути, яко того от него не мел. А пакли бы в чьем схованью таковые речи взаты были от кого гвалтом, тогда на обжалованом тот, у чьем охованью было, доходити их мает. А навезка таковых речей тому, чья была властность, з самого истизного от того, у кого взято, зыскавши, вернена быти мает.

Артыкул 31

О заповеданью речей рухомых, в захованью чьем будучих.

Уставуем: где бы хто неоселый речы свои рухомые дал кому в захованье, а инший, з стороны доведавшысе о тых речах в захованью, приповедался ку тым речам, менуючи, иж тот истый, хто тые речы зложил, ему должон, тогды тот господар мает тые речы за заповеданьем врядовым учыненым у себе мети, а их не выдавати до росправы до певного часу, надалей от часу арештованья за две недели, в котором часе тот, хто оные речи заповедал, мает ся з ним перед врадом тым, под которым тые речы заповедал, росправити. Вед же естли бы се то на праве показало, ижбы без жадное слушное причины невинне приводечы ку шкоде сторону противную, тые речы его арештовал, тогды уряд, перед который ся тая справа приточыт, мает тому тые речы заарештованные водле уваженья своего и подле часу, особы и далекости дороги шкоды на том, который речы невинне арештовал, сказати и отправу вделати. А вед же оселого маетность нигде арештована быти не мает, а где бы, заарештовавши, в тых дву неделях росправы не приемшы, сам проч отехал, ино тые речы, которие заповедал, мають оному выданы быти, чые суть. А тот господар домовый некоторое трудности и шкоды поносити не мает.

Роздел осмый. О тестаментох

Артыкул 1

Хто может и не может о речах своих рухомых тестамент чинити.

Уставуем, иж кождый маеть мети моц о речах своих рухомых тестамент чинити, окром тых парсон, нижей описаных, которые парсоны, иж подле права не мають ничего волного, для того тестаментом никому ничего отдати не могут. Напервей, дети, лет зуполных не маючие; законники, будучы в законе упривильеваном, приемши и подтвердившисе в законе; сынове, от отца не выделенные, окром речей набытья своего власного або выслуги, так теж в чужую моц с права выданные, то ест тот, кого бы кому выдано з его статки и маетностью; полоненики и челядь дворная; по тому ж люди шаленные, которые от розуму отходили. А вед же и тые, коли ку доброму и досконалому розуму прийдуть, моцни тэстаменты свои чинити. Так же выволанцы и чсти отсужонные не могут тестаментов чинити.

Артыкул 2

О тэстамент на речы рухомые и на именья набытые, яко мають быти справованы.

Уставуем: коли бы хто на речы свои, маетность рухомую и теж на именья, всяким способом набытые, хотел тестамент чинити, тогды кождый таковый, будучы здоровый албо и хорый, толко бы при добрей памети и здоровый на розуме

был, волно ему будет речы свои, маетность рухомую, также и именья, через него самого набытые, однак же не отчизные, ани материстые именья, кому хочечы подлуг доброе воли свое, так духовным особам, яко теж и светским, записати. Вед же при справованью тестаменту мает мети врад наш земский албо гродский оного повету, где ся тот тестамент справовати будет. А где бы вряду так земского, яко и гродского зуполного к собе взяти не мог, тогды хотя одна особа урядовая прибудет, маючы при враднику двух шляхтичов. А не может ли быти и один который урядник, тогды перед трема шляхтичами, в том панстве нашем, великом князстве литовском, оселыми людми, веры годными, может тестамент справити. А гды сама тая особа, хто тестаментом кому што записал, потом умер и тым вжо остаточную волю свою подтвердит, приложившы до того тестаменту печать свою. А если бы хто умел и мог еще писати, тогды руку свою подписати мает. Также и печатники, хто з них писать умети будет, мають руки свои у тестаменту подписать. Вед же подпис рук не мает быть на кустодеи, одно на самом тестаменте або на листех всяких записных, и тых особ, звыш предречоных, повинен будет о приложенье печати их до того тестаменту своего просити. Тогды тот тэстамент, тым обычаем справлений, вечными часы на всяком враде при зуполной моцы держан и ни в чом нарушон не мает быти. А тот, хто тестаментом своим што кому записовати будет, мает каждую реч меновите докладати, и тые печатники, которые пры справованью тэстаментов бывають, мають то, што слышали от того, хто тэстамент чынит, правдиве под сумненьем своим достаточне до тестаменту уси слова уписати и выразити без кожного охилення значне. Вед же скоро по смерти его заразом неомешкане тот тестамент первой на враде гродском, а потом перед нами, господарем, або перед судом нашим земским на перших роках мает быти оповедан и до книг вписан. А где бы

хто по написанью того тестаменту жив зостал, волно ему будет завжды тестамент свой одменити колко кроть похочет. А остаточный всих першых тестаментов, смертию его потвержоный и тым обычаем, яко вышей описано, справлений, у кожного права маєт при моцы зостати.

Артыкул 3

О вольность записать на костел именей набытых.

Хочем так мети вечными часы и уставуем: хто бы кольвек с подданных наших хотел именьє свое набытое на костел хрестиянский записати, тогды волно будеть то ему учинити поступком, вышей в артыкуле втором сего розделу описаным. Вед же предсе с такого именья, на костел записаного, духовные мають и повинни будуть службу нашу земскую военную конно, збройно водлуг уставы и уфалы земское по тому ж заровно из ыншою шляхтою служити, выправуечи на местце свое слугу своего народу шляхетского с так много почту, колко повинен будеть з оного именья ставить. И тот почет маєть быти под справою хоружого оного повету, где тое именьє лежати будеть.

Артыкул 4

Естли бы ся кому прыдало на войне, албо где в дорозе, або теж в чужой земли тестамент чинити.

Уставуем теж: если бы ся пригодило кому тестамент чинити на войне або где в дорозе, а не мог бы трех светков мети, тогды предсе колко их мети можеть, принамней двух особ, только б людей добрых, шляхтичов, веры годных, при таковых можеть тестамент чинити. А по вчиненью маєть тот

тестамент объявлен быти перед нами, господарем, або перед судом земским на перших роках судовых, або перед гродским на перших рочках, а на войне перед гетманом або хоружим поветовым, пры котором оповеданьи такового тестаменту тые светки мають прысегою своею подтвердить. А где бы се трафило кому, будучы в чужой земли, тестамент чинити, тогды тот тестамент маеть быти объявлен перед тым врядом, где ся то прыгодить. А потом, прыехавшы зась до того паньства и повету, где прыслухати будеть, указавшы выпис оного уряду, пры котором тот тестамент чинен, предсе маеть перед урядом земским того повету своего то оповедати, яко о том ест вышей описано. А предсе ж тот, кому што за таким тестаментом, в чужой земли справленным, посегнути належить, на том присегнути маеть, иж справедливе, за волею и ведомостью, за доброе и здоровое памети самое особы тое тот тестамент справлен.

Артыкул 5

Которые печатниками и светками пры чиненью тестаменту быти не могут.

Теж уставуем, иж при справованью тестаменту печатниками и светками быти не могут тые особы, нижей назначоны, то ест напервей которые своих тэстаментов чинити не годни; второе, невесты; третее, ексекуторове або опекунове того тестаменту; четвертое, теж и тые быти не могут, которым в том тестаменте што будеть описано.

Артыкул 6

С которых причин тестамент за мощный у права приимован быти не маеть.

Коли бы в котором тестаменте на дате або на местцу яком значном поправовано и скробано ку шкоде которой стороне, таковой артыкул в том тестаменте за мощный у права не маеть быти приимован. А вшак же где бы на местцу мало потребном, не в дате ани стороне ку шкоде был скробаный або поправованый, што бы се стало з омылки того, хто писал, тым того артыкулу в том тестаменте касовать не может. А хто бы хотел бурыти тестамент, и если бы в одном албо в колку артыкулах, над право описаных, был нарушон, а вси иные водлуг права справлены, тогды одним албо колькома артыкулов всего тестаменту касовати не может. Так же и о записех всяких на каждую реч розумено и сужоно быти мает.

Артыкул 7

Причины, для которых отец сынов або дочок выречысе может.

Уставуем, иж отец и матка выречысе сына и девки может с прычин тых, нижей описаных. Першая: если бы сын або девка, не помнечы на пана бога и на родичы свои, торгнулся рукою, ударыл або пхнул з гневу, такового не только выречысе может, але горлом от ураду за жалобою и доводом родичов каран быти мает. Другая: коли бы сын або девка значную кривду родичом чинили в забирањю маетности без воли и ведомости их. Третья: естли бы сын або девка зе злости своее а не для пожитку речы посполитое, фолдровали на родичов своих на горло кому гволи. Четвертая: если бы ся трафило где

у права ойца або матки ручыть не хотели ку постановенью, а звлаща, где бы того врад допустил. Пятая: если бы девка, нестатечне чыстость свою на вшетеченьство оборочаючы, мешкала. Шостая: если бы родичов опустили в зошлых и старых летех их, а не давали живности и иных потреб родичом. Семая: гды бы родичов з рук неприятельских окупить або вызволить не хотели, а маетности отцовское або матчыное ужывали. Што усе если бы ся явне и правне перед урадом показало, с таких причин родичы могут детей своих выречися.

Артыкул 8

Нихто не может челедину домовому ани полоненику своему ничого записати, волным его не вчынившы.

Уставуем, иж кождый якого колвек стану челедину домовому ани полоненику своему, не вчынившы его наперед волным, ничого тестаментом записати не может, ажбы его первой волным учынил. А вед же тестаментом и каждым листом явным может такового челядника своего волным вчинити, а учынившы, тым же тестаментом может ему што водле воли своее записать.

Артыкул 9

Кождый слуга путный и мещанин мест неупривильеванных и теж человек простой як тестамент чынити маеть.

Уставуем, иж кождый с таковых людей волен тестамент о речы свое рухомые чынити и отписати третью часть всее маетности своее кому похочеть. А две части тых же рухомых

речей маеть зоставити в дому своем детем для службы тое земли, на которой седит. А не будет ли мети детей, ино предсетые две части маетности его мает зостати в дому его ку службе оногo пана, на чьей земли седел. А если бы дети, будучы волни, а хотели проч пойти, тогда, и тые две части маетности вземшы, мають пойти проч, толко землю пану своему подати з жытом засеяным, и с хоромами, и с тым зовсим, с чым хто будет тую землю пана своего на службе взял.

Роздел девятый. О подкоморых в поветех и о правах земельных; о границах и о межах

Артыкул 1

О уставленовенью подкоморых в поветех и о присяге их.

Уставуем, иж в каждом повете маеть быти подкоморый присяглый и оселый в повете том, также и в земли Жомоитской. Вед же того вряду подкоморства иначе давати не маем, одно за обраньем на то певных особ чотырех через обывателей кождое земли и повету тым порядком, яко обиранья иных врядников судовых земских: суди, подсудка и писара — ест в сем статуте описано. А с тых особ обранных и нам от станов поданных кого се нам напрыстойней видети будеть, того мы, господа, зверхности наше господское на тот вряд преложим и привильем нашим его подтвердим до живота его або до подвышенья на иньшый який большой вряд або достоеństwo. А первой, нижли тым урядом подкоморским справовати будеть, маеть присягу на тот вряд свой на першых роках судовых земских перед врядом судовым земским и перед всеми иными станы, так на роки прыбылыми, вчинити тыми словы: "Я, найме, присегаю пану богу всемогущему, в тройцы единому, иж на вряде том земском подкоморском, который з ласки и з рук его королевское милости беру, его королевской милости господа, своему милостивому и обывателем того повету верен буду, справуючы тот вряд верне а справедливе так на суде моем подкоморском, яко теж при чиненью границ и пры сыпанью

копцов, и поправеню меж, ничего болшей на том уряде не постерегаючи, одно справедливости светое, и не даючысе ни в чом уводити, ани приязни, ани звазни, ани даром, и погрозок ничиих не дбаючи, и сторонам не радечы, ани боячисе никого, толко самого пана бога а справедливость его светую перед очима маючи. Также sprawy мое подкоморские на всем верне справуючи, споры обудву сторон з сказаньем, через мене учыненым, пилне до книг своих судовых уписуючи и с книг выдаючи, так ми, боже, поможи".

Артыкул 2

О повинности и владзы уряду подкоморского.

Во всех розницах земляных и граничных за отосланем от суду земского або гродского мають подкоморые моцю зверхности наше и владзы уряду своего давати позвы по стороны под именем и печатью своею и с подписю руки свое и за тыми позвы своими от поданья их, так очывистого, яко заочного, рок завитый на выезд на грунт складати за шесть недель о всякие розницы земельные и иные входы, пожытки. Которые ж позвы подкоморого мають трвати от взятья их до поданья албо положенья стороне толко через год. А хто, позвы взявши, до году ими не позовет, тот потом иные позвы отновити и взяти маеть. А за позвы выехавшы подкоморый на грунт пенный и огледавшы довод права листов и знаков граничных, и светков, чые листы лепшы, и знаки граничные певнейшы, и светки слушнейшы, тую сторону мает ку доводу прыпустити и, выслухавшы доводу, водле статуту маеть грунт пенный и границы сказати, копцы и знаки граничные учинеть. А хто в грунте винен зостанеть, тот гвалт платити повинен, а навезки всякого стану и головщызны людей простых, так же шкоды вси за доводом слушным

правным заразом там же на грунте, не откладаючи того на инший час и до иншого суду, сказати и на то все лист свой судовой под печатью своею и с подписом руки своее дати. И колко гвалту, навезок, головщын, шкод подкоморый скажетъ, то через лист свой отвороный винен будетъ вряду тому судовому земскому або гродскому, от которого первой отосланье к нему тое sprawy было, ознаймити. А вряд тот судовой за отосланьем и ознайменьем подкоморого маеть стороне поводовой отправу на именью стороны противное водлуг артыкулов, в сем статуте вышей о отправе речей сужоных постановеных, учинити. А где бы з обоух сторон выводу правного на писме або теж и знаков граничных явных слушных не было, толко бы светки ставили, тогды поводовая сторона пры жалобе своей маеть быти ку доводу прыпущона, то ест ку светкам, веры годным, и ку прысязе их и самого жалобника. Вед же где бы поводовая сторона пушала на прысегу стороне позванной самой албо з светками ее, а она бы се за прысегу доброволне узела, тогды за прысегою реч одержыть и гвалту, боев, шкод волен будетъ. А хто бы, взявшисе за прысегу, не учинил бы ее, тогды реч тратить.

Артыкул 3

Около обосланья суседов граничных и сумежных ку выеханью на грунт пенный.

А ижбы хто, ведучы право о грунт пенный або розницы граничные з одним, не мел от кого иного з стороны переказы в том праве, яко се то прыдавати звыкло от околичных суседов, границами и межами прилеглых ку тому грунту, о который право идет, для того сторона поводовая або жалобная мает и тых околичных суседов на тот же выезд листом подкоморого обнести перед роком выезду подкоморого зложоным

принамней за чотыри недели, даючы с того листу копею под печатью возного кождому таковому суседу албо на именью их кладучы и им то ознаймуючы, абы на рок, в том листе ознайменный, ку пригледанью выводу и становенья границ прыбывали або сами, або через врадников своих, постерегали границ своих. А где бы которые суседы околичные, граничные за обосланьем и упомненьем через лист подкоморого на тот рок выезду подкоморого зложоный у оных грунтов и границ пенных, о што право идет, не становилися и своих границ, меж и грунтов не заступовали, тогды межи тыми двема сторонами предсе подкоморый мает розсужати и граничыти. А што грунту таковых неприбылых, тым межи двема особами граниченьем который з них стороне занято, о то той особе неприбылой волно будет позвать перед врад належный правом держачого спирати. А хто станет сам на своей границы або через кого ж колвек боронити будет граниченья, тогды подкоморый, покуль розница идет вземшы ведомость от одного, хто боронит границ, заховать мает право у належного суду с тых, хто переказу учынил границам. А далее предся едучы, где бы переказа не была, мает границы кончыти, а жалобник о тую переказу до права позвати маеть одного, хто переказил, до суду належного о шкоды и о грунт оный, где се спор стал. А суд отошлет на выезд подкоморого с тою особою, которая то переказала, тому, хто границы вел. И гды бы з розсудку подкоморого узнано, же, не маючы справедливости до одного грунту, але з направы або з вазни переказал праву его, таковый шкоду, прынятую от выезду первшого, повинен будет заплатити оному укривжоному и грунт грунтом навезати так много, яко отнимал або тою переказою себе прывлащал. А то мает быти через подкоморого ж отправлено, вымерившы грунт.

А о шкоды порядком статутowym отправа будет учынена. Вед же где бы, розумеючы уближенья, до апеляцыи бралсе, то ему не мает быти заборонено, яко статут учыт, от подкоморого суду. Але если бы у вышшого права узнан был за упорного, таковый шкоду всю, от подкоморого сказаную, совито стороне заплатити маеть, а грунт грунтом навезати, и через подкоморого врад мает то быть вымероно тым же поступком, яко о речах сужоных около отправы описует.

Пакли бы теж опекун або заставник и кождый, дочасным правом держачый именья, то учынил, а граничыть не допустил, тогды дедичове не повинни на том шкодовати, але сам таковый, хто з упору, з васни албо заздности переказу граниченью учынит, на своей маетности мает то терпети, гды до права притягнен будет тым порядком, яко вышей описано, вед же о вечность грунту право заховуючы и волное мовенье детем недорослым, гды лет зуполных дойдуть. А где бы пры грунтех наших, господарских, таковое граниченье кому с ким придалося, тогды державца тых грунтов наших таковым же способом, яко вышей описано, через сторону поводовую листом подкоморого маеть быти обослан. А так же и державцы добр наших в том заховатися повинни будуть.

Артыкул 4

О таких грунтех наших, господарских, которые бы часу граниченья межы грунты пенными шляхетскими были прылеглыми ку границы грунтов шляхетских.

К тому и то варуем, иж где бы пры таком праве и граниченью межы шляхтою примешалисе и прилегли грунты наши, господарские, а сторона бы которая, выведчы границу свою, займовала нашего грунту, чого бы староста, державца

наш або подданные наши, менечы быти властностью нашою, боронити хотели и не допускали по нашим грунтом граннцы вести, тогды подкоморый маеть то на инший час отложыти, поки стороны албо одна з них, которой того потреба укажетъ, до нас в той речы утечетьсе, а мы комисаров наших на то вышлем и виньни будем в такой речы заховатисе водлуг сего ж статуту, яко около розниц межы грунтов наших и шляхетских вышей в сем статуте, в розделе первом артыкуле двадцатом и в розделе четвертом артыкуле осмдесят третем ест описано. А ку тому ж року, на выезд комисаров наших зложоному, сторона поводовая або тая, которая нас о комисары просити будетъ, винна будетъ сторону свою противную знову позвом подкоморого припозвати также на рок завитый.

Артыкул 5

О року завитом на выезд подкоморого, и хто бы на нем за причинами правными не стал.

Уставуем, иж кождый рок выезду подкоморого на грунт маеть быти завжды завитый. Ведь же где бы сторона, позванная на тот рок, за позвы подкоморого зложоный, за правдивою обложною хоробою або за послугою нашою, господарскою и речы посполитое, в сем статуте выражоною, стати не могла, с тых прычин маеть быти вольна от того першого року, але о хоробе своей, если се перед роком прыдасть, также и о послузе, маеть в час, яко наборздей быти можетъ, подкоморому и стороне перед роком запозванным ознанити таким обычаем, яко около таких обмов наука в розделе четвертом ест постановена, абы вжо того року не пильновали, а подкоморый повинен будетъ рок на иный час за тыми ж першими позвы от року, за ними припадающого, такеж за недель шесть преложыти и то стороне позванной через того ж

ее посланца, которого к нему с тою обмовою пришлеть, листом своим ознанити. А сторона позваная стороне жалобной через лист подкоморого винна будеть о том преложенью року ведати дати того ж часу скоро по обмове своей, надалей за тыдень албо, яко на час и далекод местца знесеть, покладаючи через возного копею з листу подкоморого на том именью, с которого спор о землю идеть.

А если хороба припадеть близко перед роком выезду подкоморого, тогды и на самом року. можеть такое отроченье ити, а подкоморый рок на инший час, яко вышей описано, преложити маеть, за которым преложеньем на другом року сторона, которая на першом року не стала, повинна будеть первой водлуг статуту прысегою правдивое обложное хоробы свое довести. И если обмова хоробою будеть чынена на самом року, тогды в присязе и то доложено быти маеть, иж его в так близком часе хороба зашла, же не мог перед роком о хоробе подкоморому и стороне дати знати, а о послузе нашей земской свидетельство слушное на листех наших оказати, а потом з стороною противною росправу судовную наконец прыняти. По тому ж и стороне поводовой такие обмовы ити, и она се в таких прыпадках водлуг того, яко о позваном вышей ест описано, заховати маеть. А где бы которая сторона на хоробе прысегнути не хотела або о послузе свидетельства водлуг сего статуту не оказала, таковая реч свою тратить, а подкоморый то, о што межи ними идеть, стороне, року пилнуючой, без доводу сказати мает. Пакли бы хто и на другом року за позвы подкоморого хор был, таковый, если не сам, тогды через умоцованого своего, предсе права пилен быти и перед подкоморым на грунте становитисе и росправу водлуг права прыймавати винен будеть. А если с права присега тому, хто хор, сказана будет, тогды светки его там на местцу перед подкоморым заразом прысегу учинити винни

будуть, а ку пригледанью присеги самого хорого маеть подкоморый возного з двема шляхтичами, кого собе тая сторона, которая, хоробою будучы, присегати будеть, упросить и в дом оного послати, а сторона противная и своих посланцов при той присязе может мети, и возного, а оный хоры повинен будет яко на хоробе своей, же был и ест хор, так и на речы самой, если ее всхочеть одержати, присегу перед тым возным и шляхтою учинити. А не прысягнет ли, таковый речь свою тратить. Если бы теж хто хотел се на першом року за позвы подкоморого вымовляти позваньем до иншого повету и суду, тогды таковая обмова, яко на року завитом, не маеть быти приймована, вынявшы толко тые причины, где бы хто на тот же один рок был позван в ыншом повете также о грунт землений. Позвы подкоморого на завитый рок о реч болшую важнейшую або теж до суду гродского, будь и в ыншом повете або и в том одном, в такой речы, где о горло идеть, и рок бы ему на тот же один час у гроду, яко и перед подкоморым припадал, тогды в таком припадку сторона такова захована будеть водлуг артыкулу двадцать семого в разделе четвертом. Может теж обмова против року за позвы подкоморого ити и так сторонам, в праве стоячим, яко и сумежником тым, гды хто с панов рад наших водлуг повинности своее, або хто иный для потреб и справ своих судовых, на сем припадающих, албо теж, с которого повету в поселстве будучы отправеным, на сем поедеть. Вед же тое бытности своее на сойме маеть сведецство на писме слушное, за печатью нашою, на другом року за позвы подкоморого показати, а не покажет ли, тот реч свою тратить. Еще теж суды подкоморские ити не мають часу поветрея морового и под войною, которая бы была з уфалы соймовое посполитым всих рушеньем отправована.

Артыкул 6

Абы подкоморый повинности вряду своего досыть чынил.

Уставуем, иж подкоморый от року, сторонам за позвы его прыпадаючого, никоторыми иными причинами вымовлятисе и проволоки справедливости людской чынити не маеть под тою ж прысегою своею, на вряд его вчыненою, окром где бы его зашла хороба обложная, тогды он через листы свои винен будеть сторонам обудвум о том знати дати.

А по выздоровенью подкоморого сторона жалобная знову о то сторону свою противную позвати мает. А подкоморый на другом року винен будет то перед сторонам под тою ж прысягою своею, на врад его учыненою поведити, же правдиве якою хоробою хор был, же для нее на оный рок прибыти не мог. А где бы подкоморый, не будучы хор и обмовы хоробою не чыначы, вряду своего пилен не был и ку зволоце справедливости на рок запозванный не прибыл, таковый повинен будет стороне поводовой за кождый омешкаый рок шесть рублей грошей заплатити, а о тую вину волно будет стороне жалобной позвати его до суду земского на рок завитый. Вед же сторона жалобная по заложенью позвом подкоморого стороны свое противное мает подкоморому о том надалей за две недели через возного и сторону и через лист отвороный вряду земского або гродского дати знати. А который бы подкоморый без причины хоробы свое до трех разов роков, за позвы его зложонных, омешкал, таковый врад свой тратит.

Артыкул 7

О отозвех от суду подкоморого.

Еще теж и то уставуем: где бы се кому суд подкоморого не водле права видел, тогды по головной сказни речы самое волно каждой стороне отозватисе с тым до суду головного, за которым отозвом мает быти выслани от суду головного комисары, в оном же повете оселые, а звлаща кашталян оного повету, а где бы кашталяна не было, тогды маршалок наш того повету, и при них по две особе шляхетские людей добрых, цнотливых, веры годных и у праве умеетных. А в котором повете кашталяна ани маршалка не будет, в том таковая комисея отсылана быти быти мает до старосты судового того ж повету, а при старосте такеж два шляхтичы прыданы на то будуть, а кашталянове, маршалкове або старостове под тою ж присягою, на достоинство их вчыненою, винни будуть справедливе такие речы, до них отосланные, розсужовати. А рок тому выезду комисарскому от суду головного будеть покладан водлуг баченья их, перед которыми комисарми будеть повинен подкоморый sprawy суда своего оказати, а они моцни будуть суд подкоморого и границь, если бы в чом выкročыл, поправити або теж, если добре судил, пры моцы зоставити. А хто бы теж без прычины слушное от суду подкоморого отзов учинил, тот повинен за высланьем комисаров, в том дознаный, заплатити вины подкоморому шесть рублей грошей, а стороне противной тры рубли грошей. И гды апелация в которой речы от подкоморого уростеть, тогды до выеханья с розсудку комисарского присега стороне маеть быти задержана. Однак же для памети знаки того заграниченья мають быти почынены и от того подкоморому толко половица доходу его, нижей описаного, плачона будет, а тые грунты до росправы комисарское мають зоставати в

держанью тоє стороны, которой подкоморый присудит. Вед же и тот до розсудку комисарского того грунту, звлаща пущ, дерева, пустошыти не мает, а при росправе комисарской и прысеги водлуг вынайденья их слуханы и вжо наконец границы значные починены и копцы водле потребы закопаны быти мають заразом через тых же комисаров. А за працу комисаром так же, яко и подкоморому нижей описано, плачно быти маеть. Также присега на презыски и отосланье презысков, на отправу владовую маеть ся задержати в тот час, гды апеляция уростеть аж до росправы комисарское. А по росправе комисарской зостанеть ли при моцы суд подкоморого, тогды отосланье презысков на отправу до владу судового маеть быти через лист подкоморого. А естли суду подкоморого комисари поправлять, то вжо и отосланье презысковъ на отправу до владу комисары ж через лист свой учинити мають. А таковыє sprawy судовые, которые се скончатъ за выеханьем комисаров, мають быти вписованы в тые ж книги подкоморого. А похочет ли сторона вырок судовый до книг земских або гродских вписать, то ей волно будетъ.

Артыкул 8

О розницы в таких грунтех, которые бы были на границы спольной двух поветов.

Где бы теж розницы в грунтех придалися на гранцы спольной двух поветов, тогды не один который подкоморый, але обадва з обоєх поветов на такий грунт пенный выехати мають. А подкоморый одного повету маеть и винен будетъ на такую справу выехати за обосланьем через лист отвороный другого подкоморого того повету, в котором се повете будутъ о то стороны до вряду земского або гродского запозвали и до

которого от врьдов тая справа будет отослана, который лист от подкоморого до подкоморого сторона жалобная маеть носити або посылати. А тые подкоморые обадва, укажет ли потреба за злученьем грунту пенного и в кольку поветех за обосланьем их обычаем вышей мененым через одного подкоморого, зехавшысе на рок, за позвы прыпалый на рок пенный под тою ж виною, яко вышей в артыкуле о повинности подкоморого ест описано, мають вси згодне межы сторонами спорными справедливость водле права посполитого учинити и суд свой границами и копцами, и листы своими судовыми умоцнити.

А от покладанья границы и сыпанья копцов доход свой подкоморский, нижей описаный, кождый з них маеть брати от того, што будеть в грунте которого повету границы учинено и копцов укопано. И для того кождый подкоморый повинен границы повету своего с канцлереи наше на писме за печатью нашою у себе мети, и канцлерея наша маеть им то выдавати. А где бы подкоморые в которой справе розсудком своим не згодилися и за тым конца в границы межы сторон учинити не могли, тогды каждый з них всю справу, яко се точити будеть, и пры том здане свое, достаточне выписавшы, мають с тым сторон отослати до суду головного. А суд головный, угленувшы в тые листы sprawy их, мають то на сконченье до комисаров, порядком вышей описаным отослати, однак же комисаром мають зданье свое ознаймити — которого подкоморого суд албо вынайденьем и правнейшее видетисе будеть. А хотя ж бы подкоморые розсудком своим згодилися, а сторона бы которая, не переставаяючи на их сказанью, хотела апелевати, то ей волно будеть.

Артыкул 9

О доходех подкоморого и о книгах его.

Уставуем, иж доход подкоморому такой маеть быти, яко тут нижей описано: от позвов его — по грошу; от листу, который будеть писан до участников албо других подкоморых, — по два гроши; от листу, который будеть писан рок прекладаючи, — два грошы; от записанья sprawy до книг — грош; от выписов судовых по тому, яко писар земскому албо городскому в розделе четвертом постановено за лист отсыланья презысков на отправу до вряду — шесть грошей. А за працу и проезд подкоморого мает ему заплата быти таковым обычаем: от копца кожного нарожного — по двадцати чотыри грошы литовских, а от посредних копцов от кожного — по грошей дванадцати. А вед же копцы один од другого не мають быти чынены ближей, одно через пять шнуров волочных, окром того, где бы ся граница закривеная прыдала и частейшых копцов потребовано. А где бы теж копцов потреба не была, одно прегоненье межи было, тогды от таковое межи от каждых пети шнуров волочных — дванадцать грошей. А пересуду от сумы сказаное подкоморый по тому ж, яко и иные судьи земские и городские, брати маеть, а вси sprawy, позвы и листы, и выписы всякие подкоморый рукою своею подписовати маеть. А книги подкоморого по смерти его мають быти отдаваны до вряду земского судового того повету ку захованью их пры книгах земских. А кому з них выписов яких потреба будеть, тому мають быти выдаваны с подписью писара земского и с печатью судьи и подсудка.

Артыкул 10

О установенью через подкоморого коморников.

А ижбы отправа всяких справ, вряду подкоморого належачых, омешканья и затрудненья некоторого не прыймуючы, але тым снадней, окром всякое проволоки и продлуженья, скуток и конец свой справедливость прыймовала, прото в каждом повете подкоморый ку помочы своей маеть обрати одного або теж и двух коморников шляхтичов, у повете оселых, людей годных, статочных, в праве умеетных и писати умеючых, которые на роках судовых перед кашталяном або маршалком поветовым и перед урядом земским, а в небытности кашталянов, маршалков — перед урядом судовым земским и иными станы, на роки прыбылыми, мають прысегу таковую ж, яко сам подкоморый на вряд свой подкоморский, учынити. Ведь же тые коморники мають быти от подкоморого за недоспехом его самого посылани ку розсудку и граниченью и иным справам, вряду подкоморскому належачыми, за позвы самого подкоморого, толко в речах малых, не важных, где бы шло о волоку грунту аоо меньш, маючы на то моц и владность такую, яко и сам подкоморый. И доход коморником от границ, копцов и меж маеть быть такий, яко подкоморому. А на большие, важнейшие речы сам подкоморый ездити и росправовати то повинен. А где бы кому суд коморника которого не подобалсе, о то отзов ити мает, яко и од подкоморого до суду головного. Одно ж если бы се што в справе, в писанью и в поступку инышом яком через коморника поблудило, нижли бы прышло до розсудку skutecznego о границы, о такие речы росправа з ними маеть быти перед подкоморым. А подкоморый винен з них справедливость чинити от прынесенья к нему жалобы надалей за две недели и моцон будеть облуженья их

поправити. А где бы в том чыненню справедливости с коморником або в яком самого подкоморого облуженью, звлаща под часом заочного его сказанья, где апеляцыя быти не могла, кривда се стороне видела, тогды о то подкоморого волно позвати до суду головного на рок завитый и там, где под оным часом суд головный будеть.

Артыкул 11

О том, где бы в грунте земленом от самого подкоморого кривда кому деяласе або ему от кого.

Пакли ж бы кому от самого подкоморого албо подкоморому от кого иного кривда в грунте деяласе, таковый укривжоный мает сторону свою противную водлуг науки и описанья сего статуту до враду належного позвати. А там, на враде, справа прыйдет ли до того, же выезду на землю не потреба будеть, тогды в таковой речы мають з уряду судового земского две особы, судья с подсудком, а если бы тые оба два быти не могли, тогды з одним з них которым писар земский на тот грунт пенный выехати и то промежку сторон водлуг права розсудком своим скончыти. А рок такому выезду, если се такая справа у суду земского точыти будеть, маеть быти очывисте сторонам зложон завитый, по доконанью роков земских в чотырох неделях. А если такая реч с подкоморым отослана будет на грунт от суду гродского, тогды сторона поводовая маеть свою противную сторону позвом тых двух врьдников судовых, земских, которые там поспети выехати будуть, такеж яко и подкоморого позвом на шесть недель и на рок завитый позвати. А если бы зима зашла, жебы перед снегом граничитисе не могло, тогды рок за позвы и очывисте маеть быти складан по збеженью снегу водлуг уваженья часу слушный и прыстойный. А апеляцыя и от тых двух врьдников,

где бы се кому суд их не подобал, маєт ити до суду головного, яко и от подкоморого. А за выеханьем комисарским тые врядники такеж, яко и о подкомором написано, винни будуть на оную границу выехати и суда своего комисаром справу дати, а комисары водлуг права то кончыти будуть. А за проезд и працу тым врядником земским не иньшый доход в такой справе маєт быти, як подкоморому, а межы собою то на пол делити будуть. А справы такие такеж до книг подкоморских уписовать и до книг земских або гродских сторона себе перенести маєт.

Артыкул 12

О отнятье имения в границах.

Уставуем: если бы которые от найвышшого аж до нижшого стану особы, так духовные, яко и светские, мели имения, люди и земли, ловы и лесы, озера и бобровые гоны в границах або в межах, а хотел бы один другого, перешедшы границу або межу, в землю вступоватисе або в люди, земли, ловы и лесы, озера и сеножати, и бобровые гоны отнимати, хочечы его с того имения або грунту входов, пожытков яких вытиснути, тогды укrywжоная сторона маєт о то противную свою сторону до суду належного, водлуг замерыня и порадку сего статуту, позвати, а там за позвы перед судом належным, если бы се тая речь промежку них не скончыла, але бы на суд подкоморого отослана была, ино гды вжо в таких речах до розсудку подкоморого придет, маєт з обудву сторон по девети светков перед правом поставити на том грунте пенном. И кого з них найдет подкоморый ближшого ку доводу, а то с тых прычин, яко вышей в другом артыкуле сего розделу ест поменено, того припустившы ку доводу и оных светков, от него поставленных,

выслухавши, присегу ему с трема светкома, которых сторона противная с тых девети оберет, сказати мает.

А гды тым обычаем присегу самчетверт учинит, тогды тот грунт, о который спор шол, одержати мает. А где бы у права то показалосе, ижбы хто, отнявшы або отнимаючы кому грунт або входы, пожытки якие, а о то до права был позван и на оный грунт у суду жадного права яко листовного, так ани знаков слушных и явных граничных не показал и светков ку доводу водлуг сего статуту ни одного не ставил, только так голыми словы тот грунт своил, а сторона бы поводовая, як право листовные або знаки слушные и явные граничные показала, также светки водлуг сее науки статутовое стали, тогды таковая сторона за показаньем права листовного або знаков слушных и кром присеги одно за сведецством девети светков при грунте зоставлена маеть быти. Одно ж если бы тая сторона отпорная, которая светков не мает, бралася сама до присеги, а жалобная сторона ей допустити того не хотела, але сама за присегу брала, тогды вжо жалобник такеж толко сам один, без светков может и близший будет присегнути. А то ж се маеть розумети и о поводовой жалобной стороне, гды бы кого о грунт позвавшы, а за собою сведецства на писме, также знаков граничных, ани светков не мела, тогды позванный при держанью своем близший будет сам один присегнути.

Артыкул 13

О таком, хто бы без причин слушных правных на року за позвы подкоморого не стал.

Теж уставуем: если бы которая сторона так отпорная позванная, яко и жалобная, на року, за позвы подкоморого припалом, без причин слушных правных, вышей, в сем же

розделе выобразонных, не стала, тогда подкоморый стороне другой, которая року пилновати будеть, тую реч, о што промежку них право идеть и што на позве описано, вжо без присеги жадное, одно яко тот, хто року пилнуеть водлуг описаня в позве з светками своими границу або межу заведеть, сказати и на вечность присудити маеть. Однак же, забегаючи хитрости людской, и то варуем, иж где бы тая сторона, против которое таковое заочное сказанье выйдеть, менила собе в том переводе права кривду за утвореньем через сторону ее року неправдивого, тогда в такой речи волно будеть ей о злый перевод права перед тот же суд подкоморский противную сторону свою позвати, около чого они мають быти сужоны прикладом артыкулу того, который ест постановен о злый перевод права в розделе четвертом.

Артыкул 14

О светкох, якие мають быти припущоны до свидетельства.

Еще уставуем, иж светки о реч земленую и о довод держанья земли, также и о кождую реч не мають ку свидетельству припущаны быти жыдове, одно люди веры хрестиянское всякого стану и тые, которые привильем нашим ку свидетельству прыпущоны, толко бы были люди добрые, цнотливые, богобойные и ни в чом не подозренные. Тогда таковые ку свидетельству мають быти припущоны. А татарове, где бы се им трафило о грунт межи собою и з людьми хрестиянскими право вести, а скажут ли им довод албо отвод, тогда они водлуг привильев своих и закону своего присегу чынити мають. А в таковой справе их хотя и татарове, толко б люди добрые, цнотливые и веры годные, светками быти могуть.

Артыкул 15

Хто бы кому светки ганил.

Коли бы хто своволне и без слушное причыны стороне поводовой светки ганил, а он если бы водле права поставил деветь светков, а тот бы межи тыми деветма светки не обрал трех веры годных, а отставлял их, хочечы им тым права скончєня переказити, а тот, яко поводовая сторона, другими се светки не опатрыл, а мел бы тым на оном року завитом реч свою упусти, тогды таковый, хто ганить светком, мает там же заразом перед подкоморым того слушным доводом на писме доводити. А если бы того на них, в чом им ганил, не довел и не показал, а подкоморый узнал бы то, же им прожно ганил и отставлял, тогды таковый отставуючый тых светков кожного зособна зганєного светка водле стану повинен будет навезати водлуг роду их: шляхтича яко шляхтича, а хлопа яко хлопа, так, яко бы его ранил. А подкоморый або комисары навезку тую светком таким заразом там же мает сказати, а светков тых ку сведєцству припустити. А если бы на которого светка або на колко их того, в чом им приганит, и речю самою довел, тогды тая сторона, чые светки будуть, мает на местце того або тых зганєных иных светков поставити — не может ли быть того дня, тогды назавтрее, а надалей третєго дня. Пакли ж бы се то трафило, жебы себе светком з obu сторон наганили и один на другого светков того приганєнья довел, тогды тые светки зганєные на обе стороне мають быти отставлены, а знову иных светков, людей веры годных, неподозренных з obu сторон мають ставити и с тых ку присязе обирать будуть.

Артыкул 16

О землю обрубную и теж о суместные земли, яко мають довод чынить.

Теж уставуем: естли бы которой стороне о землю обрубную ограниченую повод с права был сказан, тот светков своих маеть подле обычаю права девети перед правом поставити, и як тот пан або земенин, поколе с тыми светками своими границу заведшы, прысегу самчетверт с трема светками учинить, потоло маеть граница уделана быти. Нижли если бы право мели о землю сумежную, а не в одном местцу, але порозну нивами або обрубамы лежачую, а была бы тая земля ку одному двору або именью шляхетскому, будь правом прырожоным або яким набытым прыслушаючая, тогды тые ж одны светки могут о кождую ниву, сеножать або обруб светчыти. И обведшы вси такие розные пенные земли, потом сам тот пан, который ку доводу припушон будет с трема светками, одним разом на вси тые земли присягу учинити мает. А подкоморый маеть им роту прысязе достаточную на вси тые земли одним разом, меновите их списавшы, казати им выдати.

Артыкул 17

Хто бы мел вести право з воеводою, з старостою и державцою о землю свою, а тот бы мел именье в том же повете, где ест врядником.

Тым теж обычаем, если бы который врядник наш, маючы именье свое властное в том повете з староства або державы свое, с которым шляхтичом о землю свою копу вести мел, тогды мает справоватисе, яко вышей описано о грунт

землений, має поставити девять светков, шляхту и иных людей добрых, веры годных, а не подданных того вряду прысуду своего, але иных сторонних. И так теж подкоморый має смотрети листов, границ, знаков, и чые листы будут або границы лепшые, тая сторона має быти прыпущона ку доводу. Вед же если староста, державца не мел ближшими граничниками тое земли пенное людей иных обчых над людей староства своего, тогды вжо пры иных обчых людях и такими подданными нашими доводити будет мочы.

Артыкул 18

Хто бы кому границу або межу сказал.

Коли бы шляхтич шляхтичу границу сказал або огнем выжог, або вырубал гвалтовне, або яко колвек инак выказил, або копцы роскопал, або межу сказал, або бы привлащаючы хто собе болш грунту, а границы и знаки новые по чужой земли гвалтовне а безправне почынил, а было бы то на него правом переведено, тогды таковый маєть заплатити ображеному дванадцать рублей грошей, а подкоморому копу грошей, а за каждый копец скажоный три копы грошей. А если бы шляхтич шляхтичу межу переорал, тогды за переоранье межи три рубли грошей, а подкоморому полкопы грошей, а границу або межу, через него скажоную, маєт засе перед подкоморым направити по-старому. А если бы простого стану человек шляхтичу границу порубал, выжог, сказал або межу переорал и значне зопсовал, тогды такой винен будет тому шляхтичу вины три рубли грошей заплатити, а границу и межу по-первому направити. А где бы человек простого стану другому теж простого стану человеку межу переорал и сказал, тогды за скаженье тое межи будет винен заплатити рубль грошей, а межу направити, бо если бы кому ся кривда в

границы або межы видела, ино о то мають се правом спирати, а не гвалтом. Вед же свою старую границу або стену зарослую, где бы потреба указовала, поновити и поправить, то будет' волно учинити каждому на своем властном грунте и по старых знаках и границах, вед же от подкоморого коморника взявши и сторону через возного обвестившы, с ким границу тую маеть. А если бы сторона не выехала або не выслала, то предсе перед коморником волно поновити, однак жо старых знаков не псуючы. А коморник, бывшы при такой справе, мает то до книг подкоморого сознать и знаки поновленные вписать.

Артыкул 19

О лес сумесный и о проробки.

Уставуем: если бы хто мел лес суместный неделный, а который участник всхочет такой лес на пашню або на сеножать проробливати, тогды тому волно будеть такой лес теребити и проробливати. Вед же так, ижбы другого або других участников своих проробком своим от их грунтов не заходил, а ку тому больш не займовал, одно яко часть на его того лесу приходити будеть. А другим участником своим, жебы так много того лесу заставовал, яко им на части их приходить, и также ровно доброго грунту, який он займет. А если бы хто болш своее части и лепшого грунту проробил, а был бы о то до права позван, тогды з розсудку врядового винен будет то, што болш над част свою занял, вчастником своим пустити на том же местцы и также доброго, погожого и пожыточного местца, яко бы всим вчастником ровно было. А против дерева порубаного болш над его часть теж дерева вчастником где на иншом местцу з своее властное части споруч им так много и так доброго завести. А не будет ли по тому лесу мети, тогды пенезми за доводом заплатити, вед же

половицю цены статутное, ниже описаное. А где бы который участник потребовал делу мети в селе або пущи суместной, а иные бы вчастники не хотели з ним делити, тогда ему о тот роздел волно будет вчастников своих до суду земского на рок завитый позвати. А там с права маеть быти им дел сказан на ровный части водле права кожного з них. А тот дел маеть быт чынен тем порядком, яко в розделе шостом около розделу промежку братьи постановено.

Артыкул 20

О реку, где граничить.

Теж где бы река граничила именья або бы чый грунт, поля, сеножати, лесы к реце прилегли, тогда каждый з берега своего мает ее до половицы уживати. Вед же в которых местцах и краех сего панства нашего и на таких сполных реках здавна досихмест был який обычай забиванья езов, затоков або сеж, таковой и вперед захован быти маеть. А где бы которая река граничная на чи берег, песок незначне сыплючи, прибавок чинила, тот прибавок маеть быти того пана, чый берег ест. А если бы река гвалтом инуды пошла, тогда старое речыщо маеть быти предсе границю, а того речища, будет ли в ней який пожиток, также каждый з берега своего по половицы уживати мають. А у тое реки граничное, которая се инуды обернула, обадва береги того быти мають, чым грунтом поидеть. А если бы хто реку перекопал умыслне ку шкоде суседа своего, а о то бы его ку праву позвал и того бы на него довел водле права, тогда маеть оному право сказати, абы засе реку по-старому загамовал, а за то будет повинен стороне жалобливой гвалту дванадцат рублев грошей заплатить, яко бы границу сказил и вси шкоды, што в пожиток тое реки шкодовал, з розсудку оправити.

Артыкул 21

Коли бы хто своим ставом инший став або сеножати затопил або греблю к чужому берегу присыпал.

Теж уставуем: коли бы хто у своей дедизне всю суполную реку мел, то ест обадва бы береги его были, а на ней ставы и млыны поставил, а суседние вышние млыны своим ставом затопил, так ижбы ув ынших вышших млынех за подвышеньем воды в нижнем ставе мливо быти не могло, албо если бы сеножати затопил без воли того пана, чые сеножати суть, а он бы за то отмены взяти не хотел, к тому, если бы теж хто половицу реки, то есть один берег маючы, а присыпал греблю к берегу другому чужому або што грунту, сеножати чужое водою занял и затопил, албо шкодливе подмочыл, так ижбы хто пожытку звыклого слушного, який перед тым мевал с того грунту своего, мети не мог. А то бы учынил своволне без дозволенья того, чый другой берег тое рекл або чый грунт затопил, або шкодливе подмочыл, тогды таковый укривжоный, обведшы и оказавшы то возному и стороне, маеть того суседа своего первой в том листом упоминальным через возного напоменут, абы воды знижыл и греблю новоприсыпаную от чужого берега откопал. А если бы того за упомненьем таким не вделал, ино укривжоный о то до суду земского маеть позвати. А вряд земский на осуженье и на сконьченье таковую справу на суд подкоморого отослати маеть. А перед подкоморым покажет ли се то явне с права, же в которой с тых речей кривда се ему дееть, тогды подкоморый маеть на той противной стороне ему дванадцать рублей грошей гвалту и к тому шкоды, што бы их затым у замешканье млива або в неужыванью грунту своего затопленного поднял, за доводом слушным сказати. А такового ставу, где хто оба береги свои маючы, воду ку шкоде млива суседнего подвышил

або чужого грунту залил або подмочыл, воду спустити и
знижыти так, яко бы и мливу верхнего ставу ничего не
шкодило, и грунтов, сеножателей чужых не заливало и шкодливе
не подмочывало. А тую греблю, которая бы присыпана была к
чужому берегу, жебы роскопал и воду выпустил так, яко бы
чужого грунту греблею не дотыкался и водою его не заливал.
Вед же хто бы через давность земскую десеть лет о
подтопленье млына своего, о присыпанье к своему берегу
гребли и о заливье грунтов молчал и правом о то с противною
стороною не поступовал, тогды вжо таковый о то вечно
молчати мает.

Артыкул 22

**Хто на чьей земли посее збожье, як маеть заповедати
возным, абы не звозил до права.**

Уставуем: хто бы на чьей земли збоже какое кольвек без
ведомости оногo, чый грунт, посеял, тогды тот, хто своею
землею быти менуеть, маеть взяти лист заповедный от вряду
земского або гродского того повету, в котором тот грунт
лежыть, и тым листом врядовым через возного и двух
чоловеков сторонны якогo колвек стану маеть заповедати тое
збоже самому тому пану або его вряднику, хто будеть сам або
его подданный посеял. А если бы самого пана або врядника
возный в дому не застал, або се указати не хотел, тогды
покладаючы копею с того листу заповедного на именью тым
обычаем, яко о покладанью листов упоминальных ест
доложено. А в том листе заповедном, написавшы тую землю,
где збоже засеяно меновите и достаточне, яко где лежыть,
маеть быти доложено под закладом на вряд и сторону
дванадцатма рублями грошей, абы тот, хто сеял, того збожья с
того грунту не звозил, але пожавши его перед возным и людьми

сторонними, на то от стороны жалобное посланными, и за ведомостью а поличеньем того возного и стороны поставил на той же земли до права и опатрил то добрым зложеньем и огороженьем, яко бы в нем до росправы шкода не сталася. И по той заповеди сторона жалобная мает сторону свою противную надалей за шесть недель позвы подкоморого ку росправе о тую землю позвати. А где бы з яких припалых слушных правных причин в шести неделях по заповеди позвати не мог, тогды еще ему час позыванья заставить маеть и через другую шесть недель. И если бы тот, хто заповедал перед подкоморым албо коморником, довел того правом, што ж оный противник его тое збоже будеть посеял на его властной земли, тогды маеть ему быти яко земля, так и тое збожье и к тому гвалту дванадцать рублей грошей сказано. А где бы тое збожье заповедное погнило або потравлено, тогды то ему противная сторона водлуг статуту заплатити повинна будеть. Если ж бы хто через заповедь права не дождавши, оное збоже пожалшы, с тое земли проч звез, тогды маеть того закладу половицу стороне противной шесть рублей, а другое половицы три рубли грошей подкоморому, а другие три рубли грошей вряду тому, от которого лист заповедный выйдеть, заплатити, которую заруку за отосланьем подкоморого вряд стороне, подкоморому и собе справити на именью того винного маеть, а збоже стороне з навезкою оддати або водлуг статуту заплатити винен будеть. А будет ли хто на своей власной земли сеяти, а другой ему то заповедавши, а того бы правом не довел, ижбы его земля была, таковый сам маеть тот заклад вряду и стороне платити, а грунт и збоже пры том, хто сеял, маеть зостати. А хотя бы збоже погнило або стравлено было, того вжо он на противной стороне пойскивати не маеть, гды ж, яко вышей доложено, он то мел опатрити, яко бы с тое меры шкода збожю не была. Если бы се теж то трафило, жебы такое збоже пенное, на поли зложеное, до росправы судовное

с поля покрадено, ино застанет ли при грунте тот, хто сеял, тогды ему тое жыто оный, хто прожно заповедал, винен заплатити, а собе в той шкоде винного искати. Зостанет ли пак с права при грунте тот, хто заповедал, тогды он, хто сеял, маеть ему тое збожье заплатити, а собе винного в том искати. Такая ж се заповедь и росправа маеть точыть и о сеножатах пенных. Пакли ж бы хто через дванадцать недель по заповеди стороны своее противное в такой речы перед подкоморого не позвал, тогды тому, хто сеял, волно будеть збоже або сено свое побрати. А будет ли в том часе покрадено, тогды тое шкоды на стороне противной искати. А тому, хто заповедал, вжо толко о грунт волно будеть и по оных дванадцати неделях правом чынити перед судом належным водлуг порядку, в артыкулах иных сего ж розделу, вышей описаных. А на пенной земли ни хто гвалтовне не маеть збожья топтати и псовати, але се в том правне обыходити мають, яко вышей описано под зарукою вряду и стороне, вышей в сем артыкуле помененою.

Артыкул 23

Хто бы земли в держанью был, а другой, правом не перепершы, жыто пожало або жатое побрал, або бой учынил, або соху зрубал.

Теж уставуем, иж коли бы хто которую землю держал у спокойном держанью, а с покоем сеял або орал, а другой, пришедши на тое поле, жито пожал або жатое побрал, або побил, потоптал, а вдарил самого або человека его або которого колвек стану, або соху, колеса, борону зрубал и сошники взял, таковый мает платити гвалт дванадцат рублев грошей. А если возмет без бою, тот мает школу заплатити з навезкою: коня — конем, а вола — волом навезати, а за соху десет грошей, а за нароги дванадцат грошей, за колеса

дванадцат грошей, за борону шесть грошей заплатити. А потом, коли похочет, держачого о тую землю мает правом водле права спирати. А если бы хто в кого грунт отнимал, а другой того боронил и в держанье не дал, тому мает быти право у суду належного. И хто в земли будет винен, тот мает шкоды и гвалт оправити, яко коло того вышей описано.

Артыкул 24

О увязанье в ыменье за долг або за иншую причину, яко се мають справовать.

Уставуем: если бы от нас, господара, был послан дворанин нашъ увязыватисе в чые ыменье за суму пенезей, которая бы прислушала до скарбу нашего, тогды тот посланец мает приехати до того ыменья и, взявши з уряду земского або замкового возного и людей добрых, шляхту, оного ыменья люди вси и их маетности списати и один реестр дати до скарбу нашего, а другой до замку або до суду земского, а третий мает у себе зоставити для того, абы в час помовки мел чым се выправити. Также и для того, жебы потом с тым же тое ыменье, с чым взято, по заплате пенезей тому, чые будет, привернено было. Нижли где быхмо мы, господарь, часу росправы перед нами сторон в якой справе, суду нашему водлуг сего статуту належачой, што на ком сказали, тогды в такой речы маем отсылати через листы нашы на отправу до вряду земского або гродского в том повете, где виноватого оселость лежить и которому суду тая отправа належати будеть. А вряд, до которого отошлем, винен будеть отправу чынити водлуг того, яко о отправах речей сужоных в разделе четвертом ест доложено, без жадное проволоки, але от принесенья до враду листу нашего отосланого надалей за чотыри недели, звлаща, где бы роки заплате пенезей, водлуг

статуту зложоны, не зашли. А будут ли роки положоны, ино по выстью роков тому досыт учынити, теж надалей до чотырох недель.

Артыкул 25

О именье, которое, зволившыся, дадут до рук наших, господарских.

Теж уставуем, иж коли бы обеде стороне зволившыся и дали именье в руки наши, господарские, до росправы, а мы быхмо которому врьднику нашему або через листы наши, або через увязчого оное именье до воли и науки наше в держанье дали, тогды врьдник наш волен будет в том именью слушную живность собе мети, а з двора ничего не маеть возити, але будет повинен оное именье со всеми речми рухомыми, так теж и з доходы, часу держанья своего собранными, оной стороне, которо прислушаеть, верне а зуполне за листом нашим, господарским, отдати и дозрети того, жебы в оном именью за держанья его жадная шкода и спустошенье не сталосе. А если бы тот врьдник иначе вчинил, повинен будет оной стороне шкодной всю шкоду и згубу платити, а мы и потомки наши винни будем с ним той стороне справедливость за позвы вчинити на першом року яко на завитом.

Артыкул 26

О именье нероздельное межы братьею або близкими.

Теж уставуем, иж коли бы которая братья рожоная або и далшы в роде, нижли братья рожоная, зуполные лета маючи, мели которое именье суместное нерозделное, а потом бы добровольне зволившысе тое именье собе на части зровнали и

рописавшы промежку себе поделили и на то листы и рейстра делчыє под печатми своими, а хто умеетъ писати — и с подписью руки и теж под печатми людей добрых подавали, и тот дел на вrade сознали, таковый дел вечно трвати маєт. Также и тот дел вечно при моцы зоставати маєть, который межы незгодными с права сказан и вradeвне постановен будетъ. А если бы толко листы, реєстра делчыє промежку себе дали, а на вrade не сознали, а давность бы земскую через десеть лет по том деле задержали, таковый дел предсе вечно держан будетъ. Одно ж где бы хто такий на вrade несознанный дел, давности тое не промолчавшы, хотел знову рушыти и о то бы братью свою або близких до права позвал, тогды такому предсе дел знову маєть быти сказан.

Вед же будут ли на листех делчых положоны якие обовязки, заруки о невзрушанью того делу, тогды такие заруки кождый водлуг своего обовязку з розсудку правного заплатити винен будетъ, теж до делу приступити. А при кождом разделе вчыстом листы, привилья при том зоставати мають, при ком и именьє тое зостанеть, на которое привилья служить. А если бы было одно именьє на ровные части поделено або бы одны привилья на колко имен, розно поделеных, служыли, тогды такие листы, привилья, для ведомости списавшы на рейстра, тые рейстра промежку себе под печатми своими и под печатми людей добрых подавати, а самые листы до одного брата, до которого ся сполне згодять, ку захованью дати мають. А тот, часу потребы ку праву братьи своей, таких листов узычати маєть, але один сам без другое братьи таких листов рушати не маєть. А всхочут ли такие листы, сполне належачые, до книг вradeвых земских увести и с книг видимусы себе брати, то им волно будетъ. Пакли ж бы братья близкие, поделившысе, листы, рейстра делчыє подававшы, а один который або колко их не хотели того делу на вrade сознати, тогды иным о тое

сознанье волно будеть до вряду на рок завитый позвати. А где бы братья або близкие ани листов делчих межы себе не давши, ани на вряде делу не сознавшы, толко промежку себе которое именье, люди або земли ку ужыванью до часу розобрали, таковый дел за вечный держан быти не маеть и некоторая давность тому шкодити не может, а то для того, ижбы один над другого большое части себе не привлащал.

Артыкул 27

В чужого человека не маеть ниhto земли закуповати без воли пана его.

Уставуем, иж в бояр и в людей простых князских, паньских и земянских ниhto земли закуповати, ани на лето ку паханью наймовати не маеть без воли пана его. А если ж бы хто в чужого человека землю без воли пана его закупил або нанял и што на ней посеял, тогды тое сеянье и пенези тратит. А тот человек, чья земля, маеть без откладанья пенезей свою землю ку своим рукам взяти, а он на том человеце его, в которого будет землю закупил або нанял, и на паручнику, через чые руки будеть пенези давал, искати не маеть для того, иж он то учынил над тую уставу нашу. Также и самого чужого человека, жоны и детей его не маеть ниhto закуповати и наймовати без воли пана его або врядника под утраченьем найму.

Артыкул 28

О парухах людей простых.

Уставуем, иж бояре панцерные, путные и люди простого стану не мають без ведомости и дозволеня листовного панов

своих никому по речах великих ручити, одно ж волно им
будеть, хотя ж без ведомости панов своих, ручити в речах
ровных, то ест надалей до чотырох коп грошей. И хотя бы
один чоловік и по розных людех ручити хотел, предсе так
маеть ручити, яко бы чотырох коп грошей не перевышало.

Артыкул 29

**Которые люди прыходять на волю и, заседевшы волю,
втечь проч.**

Уставуем: коли бы чоловік волный пришел за которого
князя або пана и за земенина и сел на воли, а выседевшы волю
або и не выседевшы до конца, хотел засе проч пойти, тогды
первей маеть заслужыти тому пану своему толко, колко на
воли седел, тож пойти проч. А если бы не хотел заслужыти,
толко ж тогды маеть пенезми заплатити за каждую неделю по
шести грошей. А если бы он, заседевшы волю, утек за кого
колвек, ино тот, за кого втечь, маеть ему выдати не мней яко
отчыча. А если бы еще такой чоловік, отходечы проч, и шкоду
якую кому учинил, тогды и то на нем за доводом сказати
маеть. Пакли ж бы на обсылане того человека выдати не
хотел, а тот чоловік потом от него втек проч, а то бы на него
позвавшы о то до суду належного на рок завитый правом
переведено, тогды сам за него маеть платити за каждую
неделю колко на воли седел, а не робил, по шести грошей,
также и шкоду, через оногo человека вчыненую, за доводом
оправити.

Артыкул 30

О найденнью скарбу, захованого в земли або в яком поклажею .

Уставуем: коли бы се трафило кому знайти в земли який скарб: гроши, серебро, золото або што иншое, яко се притрафляет находити, тогды если на своем грунте найдет, мает скарб быти, чий грунт, а если бы на чьем иншом знашол, тогды половицу мает тому дати, на чией земли знашол, а половицу себе взяти. Так теж и на заставной земли наполю розделити мають. Вед же хто бы ся ку такому найденнью кладу знати не хотел, а тот, хто бы того искал, бралсе до присеги, тогды тая противная сторона, на ком ищуть, ближшая будет от того отприсягнутися, же не нашол.

Артыкул 31

О портех водных и о товарах, стонулых на водах.

Гды бы ся трафило, воденым путем везучи якие товары и иные речи, с пригоды судно ся розбило або стонуло при чьем колвек берегу, тогды оный товар стонулый купец або хто ж колвек мает доброволне з воды выбирати и на берег вынести, а врядники наши, князи, панове и их врадники, земяне и люди простые, чий колвек берег ест, не мають от того ничего брати. А хто бы хотел в том оному стонулому трудность задавати, тогды будет повинен всю шкоду, што будеть на том шкодовати, совито оправити.

Артыкул 32

О дорогах старовечных.

Уставуем, иж дороги, великие гостинцы мають быти водле стародавнего обычаю так широкие, абы на полтора прута быти могли. А воз порожний мает уступовати возу наложоному, пеший — езному, езный — возу. А то если бы тесная дорога была, яко на мостех и в ынших злых разех, а часу зимнего, гды снег бывает великий, мають, поткавшись, дорогу по половицы делити, а один другого спихати не маеть.

Роздел десятый. О пуцу, о ловы, о дерево бортное, о озера и сеножати

Артыкул 1

О ловы.

Уставуем: хто бы чые ловы гвалтом половил, тогды тому, в чыей пуцы будеть половил, маеть гвалту заплатити дванадцать рублей грошей, а зверу, колько будеть уловил, ценою, як нижей описано, маеть платити. А если бы хто стрельцов послал у чужую пуцу або сам таемне звер побил, тогды, если будеть то на него слушным доводом переведено, колко зверу убито, таковый маеть за кождое зверя платити по тому, яко нижей описано. А естли бы стрельца поймано над звером убитым в пуцы, таковый веден быти маеть до вряду нашого, до замку албо до двора судового того повету, в котором то ся станеть, и через лист урядовый пана того стрельца або его врядника обослати, кладучы с того листу через возного копею на именью том пана оного, с которого тот стрелец в пуцу чужую ходил, и рок праву складаючы водлуг далекости дороги надалей до двух недель, абы ку прыслуханью того права до вряду нашого прыбыл. А гды с права за доводом слушным тот стрелец в том винным найден будеть, тогды за тое зверя совито заплатити повинен будеть. А за вину, же у чужую пуцу стреляти ходил, маеть седети у везенью в замку або в дворе нашем шесть недель и не маеть быти выпущон з везенья, аж за звер заплату учинить. А где бы пан того стрельца або урядник на рок, от вряду зложоный, не прыбыл, тогды вжо вряд сам маеть того стрельца так, яко вышей описано, судити.

А естли бы хто застрелил албо ранил звера у своей земли, а тот звер ушел бы у чужую землю, тогда, хотя за ранним звером, через границу у чужую землю никто ходити не маеть, а хто бы за границу зашедшы, звера того добил, тогда таковой жо вине, яко вышей в сем артыкуле ест описано, подлегаеть. Вед же за волком и лисицою зо псы и на чужый грунт в полях и в зарослях волно ехати, толко бы шкоды якое в подоптанью збожя не вчынил.

Артыкул 2

Цена звером диким.

Уставуем цену звером диким, которое бы через кого было убито у чужой пущы: за зубра — дванадцать рублей грошей, за лося — шесть рублей грошей; за оленя або за ланю — шесть рублей грошей; за медведя — тры рубли грошей; за коня або за кобылу дикую — тры рубли грошей; за вепра або за свинью — рубль грошей; за сарну — копу грошей; за рыся — три рубли грошей; за соболя — два рубли грошей; за куну — полкопы грошей.

Артыкул 3

О борти, о озера и сеножати, хто маеть в чьей пущы.

Теж уставуем: которые мають борти свои в пущы нашей, господарской, або теж князской, паньской и земяньской которым обычаем мають бортей своих ужывати, а то тым обычаем: хто маеть борти свои або озера, або сеножати, або при сеножатех лазни у чьей пущы, тогда к озеру з неводом ехати волно, а собаки ему не брати, ани рогатины, ани жадное стрелбы, чым бы мел в зверу шкоду учинити. А хто маеть

сеножати в чьей пущи, тот маеть сеножателей своих старых ужывати, а новых не маеть прибавляти. А если бы старые сеножати заросли, тот может их засе себе ростеребити. Хто теж мает борти у чьей пущи, бортники, которые мають ходити ку их бортям, не мають из собою псов брати, ани рогатин, ани жадное стрелбы, чым бы мел зверу шкоду вчинити, але бортники толко мають мети сокеру а пешню, чым бы борть робити. А к сеножатам ити толко з секерами, чым заросли ростеребити, а с косою, чым ее косити. А вед же тым, которые озера мають в чьей пущи, гды приедуть зиме озер своих волочити, волно им дров с тое пущи к лазням своим взяти и корыта на рыбу вделати. А тым, которые сеножати мають, вольно на стырьту албо на стог або одрыну учинити, албо огородити. А бортником волно на лезиво лык албо лубья на лазбень и на иные потребности, што бортником на потребности их бортницкие прислухаеть, тыле, иле им потреба будет, взяти што может на себе занести, а не возом вывезти.

А гды дерево, в котором борть их будеть, обалится со пчолами або и без пчол, волно им улей з бортью выпустити и вывести, а верхове и коренье оставити в пущи тому пану, чья пуща будет. А дерева на будованье и дров за тыми их входы ни хто с чужое пущи брати не мает, ни жли хто маеть здавна озера, сеножати и борти в чьей пущи, тогды озер, сеножатми а бортьми чужое пущи взяти не может.

А тот, в чьей пущи озера, сеножати и борти будут, также тых чужых входов в своей пущи отняти не может. А гды пущу свою ростеребливати всхочеть, не маеть бортям и дереву бортному жадное шкоды чинити. А если бы хто, ниву розробливаючи, чье дерево бортное або на борть вделаное кремленое або со пчолами, або и без пчол, очер або пожаром опалил и шкоду якую тому дереву учинил, с чого бы тое

дерево мело схнути, тот тому, чьему дереву шкоду учинил, за то повинен будет платити подле уставы наше, ниже описаное. А гды на чьем поли чужое дерево бортное будет, тот, оручы тое поле свое, не маеть чужого дерева бортного близко подорывати так, яко бы от сохи осном дерева досегнути не мог. А если близко тое дерево подореть, а тое дерево для того усхнуть, тогды тот повинен будет за тое дерево платити подле уставы, ниже описаное. А хто бы таковую пуцу розробил, предсе давних уходников от бортей, озер, сеножателей отбивати не маеть, а они теж, ходечы до тых уходов, збожю некоторое шкоды чинити не мають.

Артыкул 4

Хто бы чужые озера у своей пуцы поволочыл.

Уставуем: хто бы чужие озера у своей пуцы поволочил, тогды мает тому, чие озеро будет, гвалт платити и за рыбу, на чом тот пан смети будет присягу вчинити, што ему в рыбе шкоды станет, досыть уделати. Также если хто чужые сеножати у своей пуцы гвалтом покосити и, вытискаючи того от его сеножати, бой учинил, тогды будет повинен гвалту платити дванадцат рублей грошей и битых навезати. А если не будет бою, а хотя сеножати чужые покосит або кошоное поберет, тогды повинен будет сено з навезкою платити водлуг уставы, в сем статуте ниже описаное.

Артыкул 5

Хто бы застал чиего человека в своей пуцы и пограбил.

Коли бы хто у своей пуцы и в яком колвек лесе, в бору, гаи, дубровах и иных зарослях застал чиего человека рубаячи

або везучи дерево, або, следом за ним идучы, на дорозе погонил и пограбил, тогды с тым грабежом тот, хто пограбит, волен будет того человека або тых людей, колько их с таким деревом поймает, вести до своего дому, а тому пану земенину, чие люди будут, або его вряднику мает з одним человеком сторонным то ознамити надалей третего дня, абы на паруку грабеж и тых людей взял и на пень выехал. А тот пан або врядник маеть с тым, што пограбил, на паруку тот грабеж и люди взявшы в таком обовязку, иж што на пню осужоно будет, то стороне укривжоной заплачоно быти маеть, и на пень по паруце назавтрее выехати и заразом справедливость о тую шкоду в порубанью дерева учинити. И тот, хто пограбил, маеть шкоды свое водлуг права доводити сам, звлаща в речы великой, а в меньшей шкоде до десети коп грошей через сторожов своих лесных, и если тое шкоды свое доведеть, тогды то ему плачоно быть маеть шацунком, в сем статуте описаным. А где бы хто, взявшы грабеж, на паруку на пень не выехал або и выехавшы, а справедливости не учинил водле права, тогды возный з двема шляхтичы мають тую шкоду ошачовати, а укривжоной того на паручнику, а паручник на том, по ком ручил, правне доходить маеть. А будет ли ся кому в пущы або в лесе шкода не стала, а он безвинне пограбил, тот маеть человека пограбеного и грабеж навезати и самый тот грабеж вернути. А хто бы за обосланьем грабежу на паруку взяти и на пень выехати и росправы о то принять не хотел, але бы еще против того грабеж противной стороне учинил, тогды такой свой грабеж тратить, а то, што так упорне пограбил, з навезкою винен будет вернути и вины тры рубли грошей заплатити. А если се сопруть о грунт, тогды о том мають з собою правне чинити перед судом належным.

Артыкул 6

Хто бы мел спор о борти або о входы в пуцу.

Теж уставуем: хто бы мел спор о борти або о входы у пуцы, а хотел хто кого от бортей и от входов вытискати, а яко бы колвек чые борти або входы хто завел в чужые руки, яко того много ся дееть межы мужыков, иж пчолы для недостатку дани продаеть або по дочце дасть зятю дерево зо пчолами у чужое село, а тым забирањем свары и неупокой межы суседы деются, а оный, на тые пчолы знамена свои положывшы, за тыми знамены новыми входы в тую пуцу мети будет, и зася того первшого, хто бы первой был тых входов в держаньи, з них вытискал, а спор о том был, тогды маеть суд знамен в дереве казати заколоти, и чые старшее и врослейшее знаме будеть, тому борти и входы сказати маеть. А тые, хто будеть ново знамена свои у чужый остров внесли, не мають ся в то вступовати, а шкоду дерева колотого маеть заплатити водлуг уставы, нижей описаное. И вжо от того часу хто бы с подданных наших, так теж подданных князских, паньских и земляньских дерево бортное за границу панов своих отдавши даровал и яким кольвек обычаем у чужые руки заводил, такового маеть пан его карати водлуг важности выступу, а тое дерево зася тому пану маеть быти привернено, чые первой было.

Артыкул 7

Хто бы кому озеро албо став, або сажовку зволочил, або млын зжог.

Теж уставуем: если бы хто кому озеро або став, або сажовку зволочил, або ез, сеж, будь теж гат який порубал або

розметал, таковый оному маеть заплатити гвалт дванадцать рублей грошей, а шкоду предся оправити. А пакли бы млын сказал або греблю перекопал, або млын зжог, а в том бы оный шкодовал, иж млын стоял, а пожитку ему з млива не было, або теж став выпустил, на што слушный довод учинить або присегою телесною потвердить, таковый маеть платити гвалт дванадцат рублей грошей и шкоды або замешканье млива за слушным доводом оправити. А млын будет ли скажон, тот же, хто будеть сказал, знову своим накладом збудовати, а если бы не хотел будовати, а был бы о то знову позван, тогды маеть на нем заплата пенежная сказана быти водлуг важности оного будованья и пожытку, на што довод учинен будеть. А вряд заразом, без складанья року, маеть за то отправу на виноватом учинити.

Артыкул 8

О гнездо соколье або лебединое.

Уставуем: хто бы кому соколье гнездо сказал або подрубал, або умыслъне соколы под гнездом помкнул, або з гнезда соколы молодые побрал, а то будеть на него водле права слушне переведено, тогды тому, в чией пущы тое гнездо скажено, маеть заплатити шесть рублей грошей. Тым же обычаем, гды бы хто з лебединого гнезда яйца побрал або гнездо розметал, тогды за лебединое гнездо, хто сказал, маеть заплатити три рубли грошей. А хто бы перевес кому другому порубал або сеть перевесную скрал, маеть заплатити шесть рублей грошей, а за сеть копу грошей заплатити.

Артыкул 9

О бобровые гоны.

Теж уставуем: если бы князкие , панские або змянские были гоны бобровые давные звечные у иншого суседа дедизне, ино оный пан, в чыей дедизне будуть гоны, не маеть сам ани людем своим допустить старого поля доорати так далеко, яко бы от зеремени мог кием докинути. Также далеко и сеножати подкосити не маеть и лозы теребити. А если бы под зеремена подорал або сеножати подкосил, або лозу подрубал, а тым бобры выгонил, таковый маеть платити дванацат рублей грошей, а тому зеремени предсе маеть упокой дать так далеко, яко бы мог кием докинути. Пакли бы хто гвалтом бобры побил або злодейским обычаем выкрал, таковый маеть гвалт платити, а колко бы бобров убил, тогды маеть платити за чорного бобра чотыри копы грошей, а за карого — две копе грошей. Пакли бы бобр с того старого зеремени вышел, а пришол ново в ыншое зеремя на грунт и берег иншого пана, тогды в чьем грунте зеремя будеть, тому теж и ловенье бобров належати маеть.

Артыкул 10

О хмелищах.

Хто бы кому хмелища подрал або порубал у чыей дедизне, а то на него слушным доводом переведено будеть, таковый мает гвалту платити дванадцать рублей грошей. А если бы деревья не посек, толко хмель подрал, то маеть тры рубли грошей заплатити.

Артыкул 11

О принадах пташых.

Хто бы учынил принады на птахи на своем грунте власном а другий бы тые принады гвалтовне порубал и попсовал або птахи принажонные отогнал, або на готовых чужых принадах помкнул, половил, а то бы на него слушне в праве переведено, тот маеть тому заплатити, чые прынады, шесть рублей грошей и птахи половленные заплатити ценою, в сем статуте описаною.

Артыкул 12

Хто бы прынады злодейским обычаем показил.

Теж хто бы чые прынады злодейским обычаем показил, дегтем або чосноком подмазал або чым кольвек попсовал, а переведено бы то на него правом, тогды маеть заплатити тому, чые принады, тры рубли грошей. Тым же обычаем хто бы кому шатер тетеричый або сеть куропатьною на прынадах украл, тот маеть заплатити вины три рубли грошей, а за шатер тетеричый заплатити три рубли грошей, а за куропатьвюю сеть рубль грошей.

Артыкул 13

Устава дереву бортному.

Хто бы чужое дерево бортное со пчолами, сосну або дуб або иное дерево бортное сказал, корень у земли урубал або пожаром ожог, або яко кольвек неумысьне с пригоды

попсовал, тот за кождое дерево со пчолами будет винен платити по две копе грошей, а за выробленое без пчол — копу грошей, за крем — полкопы грошей. А хто бы гвалтовне, умыслне вытискаючи кого з грунту або з уходов звечных альбо теж злодейским обычаем дерево бортное очер або зжог, або знамена вырубал, або огнем выжог, а то бы на него переведено, тогды маеть тому пану, чые дерево, так платить: за бортъ со пчолами неподбиранными — три рубли грошей; за дерево бортное, где первой пчолы были, хотя без пчол, зопсованое, — по две копе грошей; за дерево, на бортъ выробленое, где еще пчолы не были — копу грошей, а за крем без борти, иле их сказал — за кождый по полкопы грошей.

Артыкул 14

Цена пчолам.

Хто бы кому пчолы выдрал неподлажонные, а дерева не сказал, тогды повинен будетъ за каждые таковыя пчолы заплатити две копе грошей. Хто бы кому в дому альбо в пасеце, албо в лесе на дереве з улья або с кореника поставеного пчолы выдрал альбо з ульем взял, а дошли бы его копою альбо якою просокою, тогды маеть заплатити три рубли грошей. Окром если бы кого з лицом поймано, такового мають сказати, яко злодея, на горло. А хто бы свепет в чьем лесе умыслне порубал и мед выбрал, тот маеть за то шесть рублей грошей заплатити.

Артыкул 15

О порубанье гаю.

Теж хто бы кому у гаех, борех, пущах, лесех которую шкоду в порубанью дерева гвалтовне учинил, если шляхтичь шляхтичу, тогды за то маеть заплатити гвалту дванадцать рублей грошей, а дерево порубаное ценою, нижей описаною, заплатить. А если мужик шляхтичу гвалтом дерево порубает, тот вины шесть рублей грошей, а дерево ценою винен будет заплатити. Пакли бы мужик мужику дерево гвалтовне порубал, тогды гвалту три рубли грошей заплатити, а шкоду оправити повинен будет. А где бы хто кому злодейским обычаем дерево на чьем грунте порубал, а его бы з лицом з деревом поймано, тот маеть окупити горло свое водлуг стану своего. А если ж бы з лицом не поймано, а лице б было у него найдено, тогды за то вину злодейскую три рубли грошей и к тому дерево порубаное маеть заплатити. А цена або заплата за дерево, так гвалтом, яко и злодейством порубаное, маеть быти таковая за кождое дерево, а наперед меновите: за дуб на ванчос и клепки годный — копу грошей; за берест, вяз и ясень на попел годное, за кождое таковое — по осми грошей; за сосну, которая бы ся годила на цамр — полкопы грошей; за иншое дерево якого кольвек рожаю на будованье, на избу, на клеть годное — по шести грошей; за протес великий — дванадцать грошей; за такое, што ся зыйдет на жердь озередную, на колье и на оглоблю — по тры грошы. А которое дерево толко на дрыва або на хворост будеть годно, ино теж за воз по два грошы.

Артыкул 16

О покраденъе саду.

Теж хто бы шляхтичу сад овощовой, пры дворе стоячий, гвалтовне потрес, пощыпал, а на него бы тот гвалт слушне был переведен, тот маеть заплатити дванадцат рублей грошей. А покрадет ли, тогды ускожоному за доводом маеть быти заплачоно шесть коп грошей. А того мають доводить врядники або тивунове, звлаща в небытности пан своих. А если бы хто в саду дерево прищепеное гвалтовне або таемным обычаем порубал, або щеп выкопавшы в саду взял, тот маеть гвалт заплатити дванадцать рублей грошей. А за дерево порубаное або выкопаное — тры рубли грошей. А хто бы на чьем грунте у поли овоц який в загороде пощыпал або потрес, тогды за то вины маеть заплатити тры рубли грошей.

Артыкул 17

О пожарах у пущах и лесех.

Теж обачывшы есмо в том шкоду земскую, иж которые, яко ся одны з другими у суседстве маючы васнь межы собою, так теж люди перееждчы у пущах на станех своих и пастухи, пасучы кони и быдло в пущах, пожар от станов своих пущають, а тым дереву бортному, пчолам, зверу и птахом шкоду великую чынять, уставуем: на таковых, хто бы умыслъне з вазни один против другому у пущы, у борех, гаех, лесех, дубровах огнем пожар пустил и шкоду в попаленью дерева почынил, тогды таковой, за доводом слушным правным шкоду, огнем в дереве учыненую, з маетности своее платити будеть повинен. А если бы хто неумыслъне, праучы новину або сеножати, або до дерева бортного, озер, сеножателей

ходечы, або пастухи, пасучы быдло, або роботы лесныя справуючы, або в ловех будучы, неопатрностью своею або з якое иное пригоды пожар пустил, таковый, отпрысегнувшысе, же то неумысльне уделал, от того волен быти маеть. А если бы присегнути не хотел, тогды шкоду, огнем учиненую, платити винен будеть.

Артыкул 18

О том, абы нихто на чужих грунтах полевати не смел.

Гды жь мысливцы людям звыкли великие шкоды чинити, топчучи збожья, для того уставуем, абы, почавшы от свята семое суботы аж до зебранья с поль всякого збожья на чужых грунтах нихто полевати не смел. А хто бы, в том часе полюючы, кому шкоду учынил, тогды таковый ушкожоному вины тры копы грошей заплатити и шкоду нагородити повинен будеть.

Роздел одинадцатый. О гвалтех, о боех, о головщизнах шляхетских

Артыкул 1

**Хто бы на чый дом або на госпуду умысльне наехал,
хотечы его забити.**

Уставуем: хто бы на чый дом шляхетский не только на самый двор, але и на гумно або на дворец, где быдло и иное господарство домовое бывает ховано, гвалтом умысльне наехавшы або нашедшы, а в том дому кого кольвек забил и тым покой посполитый взрушил, а то бы на него было слушным доводом водлуг сего статуту переведено, тот горло тратить, а не толко сам, але и помочники такового, хто з ним на том гвалте будеть, также горлом карани будуть, звлаща, если бы тые помочники от того отпрысегнутися не хотели, яко о том нижей в сем же розделе, артыкуле втором описано ест. А головщизна водлуг стану совито з имения того гвалтовника и теж шкоды если бы которые на том гвалте вчинены детям або близским забитого, з навезкою плачоны быти мають. А если бы никого не забил, толко ранил, таковый за доводом слушным сам толко горло тратить, а помочники его у вежы на дне, на головники постановленной, рок и шесть недель седети повинни будуть, а навезка водлуг стану и шкоды, которые бы ся пры том гвалте стали, з имения того самого гвалтовника з навезкою плачоны быти мають. А естли бы гвалтом наехал або нашол, а никого не ранил, ани забил, а знаки предсе гвалту або шкоду якую учинил, тогды толко за гвалт повинен будеть платити дванадцать рублей грошей и шкоду з навезкою

оправити за слушным доводом, а горла для нахоженья гвалту не тратить. Вед же предсе за тую вину гвалтовную, гды то на него от стороны жалобное доведено будеть, маеть в замку або в дворе нашем судовом того ж повету дванадцать недель также и с помочниками своими седети заразом скоро по сказанью врядовым. Вед же слуги панов своих за помочники розумены быти не могут. По тому ж естли бы хто кому в месте, або в дорогу едучы, на госпуду гвалтовне нашол а кого забил або ранил, або шкоду якую учынил, маеть быти сужон и сказыван тым же обычаем, яко вышей в сем артыкуле о гвалте дому шляхетского ест описано. И гды до росправы судовное в такой речы прыйдеть, а на тот один рок помочники его не могли бы ку праву прытягнены быти, тогды обвиненый в головах гвалтовник, не вымовляючысе небытностью помочников своих, винен будеть усправедливитисе, а жалобной стороне волно будеть и потом с помочниками его правне о то чынити.

Артыкул 2

О довод гвалту, як жалобник мает осветчати, ожаловати.

Гды бы се кому таковый гвалт, яко вышей описано, от кого стал и на гвалте том забитый был, тогды сторона, в том ображоная, скоро по оном гвалте и того ж часу гвалт и того забитого маеть оповедати и оказати околичным суседом своим, а в небытности их, ино врядником их, шляхте, людем добрым, а в недостатку шляхты, ино также околичным суседом, хотя и не шляхте, толко людем добрым, веры годным, маеть оказати, а потом жаловати на враде нашем гродском судовом того повету, в котором се што станеть, и возного взяти и также ему оказати гвалт и забитого. А тот гвалт и жалобу в книги врядовые гродские записати и к тому, труп тот на вряд

привезши, тому вряду, кого з них на местцу судовом
зостанеть, оказати. А по оказанью вряду вжо тот труп, не
ждучы конченья права, яко то перед тым чынено, может быти
похован. А то горячому учинку и каранью, о нем описаному,
шкодити не маеть, и у права, если бы ся ку оному гвалту и
забитому обжалованый не знал, тогды вжо тот жалобник
близший будеть суседы околичными, ставечи их очевисте у
права, и теж выписом сознания возного на него доводити и
при том доводе самотреть з шляхтичами, собе ровными, на
том гвалте присегнути. Если ж бы не мог мети на тот час
шляхтичов з собою ку присязе, тогды сам, и з жоною своею, и
з детми дорослыми, а не будет ли мети детей дорослых, ино и
з жоною своею, и з слугами, и челедью своею домовою сампят
маеть того гвалтовника поприсегнути. А если бы господар
домовый забит был, тогды жона его и дети, а не будет ли жоны
або детей, тогды близкие таким же порядком и доводом того
гвалту зыскивати и доводити будуть. А по таком доводе тот
гвалтовник и помочники его караны будуть водлуг артыкулу
первшого, в сем же розделе о том постановеного. А пакли бы
помочники на горячом учинку не были пойманы, але,
обвинеными в том будучы, до того не зналися, тогды не згола,
але присегою отведшыся, волни быти мають. А если бы не
прысегнули, тогды горлом карани будуть, яко и сам
гвалтовник. А естли бы гвалтом на дом наехал, а не забил,
только ранил, тогды также маеть тот гвалт оповедати и раны
оказати околичным суседом и на вряде гродском оповедати и
записати, яко вышей описано. И при таком доводе оного
гвалту и ранного маеть такового гвалтовника самсем, з
людьми добрыми, шляхтою поприсягнути. А гды прысягнуть,
таковый гвалтовник и помочники его мають быти карани, яко
ест у вышшом артыкуле описано, а навезка водлуг стану и
шкоды за доводом з навезкою з имения его, а в недостатку
имения лежачого з маетности его рухомое плачоны будут.

Нижли естли бы шести светков сполна не мел, тогды з двема шляхтичами, людьми сторонними, або в недостатку шляхты з домовыми, яко вышей доложено, одно ж вжо самотреть присегнути маеть, а гвалтовник за таковым незуполным доводом горла не тратить, одно гвалту дванадцать рублей грошей, а навезку водле стану и шкоду за доводом з навезкою маеть платити. А за вину двадцать чотыри недели у вежы на дне у везеньи седети. Пакли бы и на том доводе своем устал, тогды толко сам ранний на ранах своих маеть присегнути, которому по прысязе его навезка будеть сказана, а гвалт и шкоды не мають быти сказываны. А где бы на оном гвалте в дому никого не забито, ани ранено, толко одно шкода вчинена, таковый гвалт также маеть быти осветчон, яко вышей описано, а при том доводе у права на гвалтовника маеть тым обычаем на гвалте и на шкодах самотреть поприсегнути. Не будет ли мети шляхты з собою ку прысязе, тогды з домовыми своими, яко вышей в сем артыкуле описано, самчетверт можеть присегнути, хотя и з нешляхтою. А гды прысягнуть, маеть быти гвалт плачон дванадцать рублей грошей и шкоды за доводом з навезкою оправити, а горла не тратить, одно ж предсе за вину того гвалту у везеньи дванадцать недель седети маеть.

Артыкул 3

О гвалт костелов божих вшелякого набоженства хрестиянского.

Теж если бы хто, пришедши гвалтовне на костел божий якого колвек набоженства хрестиянского, або теж на цвинтару, в школе або в капляньском, поповском, казнодейском дому кого забил або ранил, а тые бы раны значные и шкодливые были, тогды под таковым же способом и доводом маеть быти

каран, яко вышей о гвалтовниках домов шляхетских написано. А если бы толко ударил, а раны не было, тогды совито гвалт маеть платити, то есть двадцать и чотыри рубли грошей, и оного удареного навезати и то все заплативши еще дванадцать недель маеть у вязенью седети в том повете, где ся станет.

Артыкул 4

О гвалтовнику и мужобойцы, который, забившы, з земли утечеть.

Тежь если бы таковой гвалтовник, забивши кого в дому, в господе и на улицы, на дорозе и где ж кольвек, а будь заразом по том учынку не будучи позван або и после позваня, так заочного, яко и очевистого, не становечисе на рок, за позвы припалый ку росправе, прочь с того панства нашего, великого князства, утек або хотя бы с паньства нашего не утек, але бы се без причин слушных правных ку праву за позвы не становил, тогды таковой сам от вряду нашего маеть быти отослан на выволанье до нас, господаря, а за головщицну навезки, шкоды, в позве описанные, вряд, не откладаючи того на далшый час, але заразом стороне жалобной за доводом позву и року и за показаньем толко оповеданья суседом околичным, и на вряде учыненого, не слухаючи иных далшых доводов, одно для того нестанья обвиненого до сконченья права skutecznego маеть дати увязанье в ыменье такого обвиненого. А где бы ыменье за головщину и за шкоду не стояло, однако ж тое ыменье мает быти в той головщицне и в шкодах подано детем того забитого або кривным. А тот обвиненый и выволаный всхочет ли се потом в том обжалованью за глейтом нашим справовати, тогды маеть се в том заховати водлуг артыкулу трыдцатого в розделе четвертом. И на праве естли бы се с того обвиненья выправил,

тогда жалобник винен будеть ему именье его, в которое был от вряду за нестаньем его увязан, поступити, а шкоды тые, которые бы за таковым увезаньем обвиненному в ыменью его сталися, и за омешканье работы с права за слушным доводом тот, хто обжаловал был, платити повинен будеть. Вед же такой обвиненый або выволаный маеть се в том чути и того се справовати надалей от выволанья до году и шести недель. А так вжо коли очывисте стороны стануть, которой стороне довод або отвод вряд чинити вскажеть грунтовне водлуг права наконец, всякими поступками правными довод албо отвод чинен быти маеть. А естли бы се в том часе до году и шести недель до sprawy не мел и глейту нашего не брал, тогда дети або близские забитого вжо тое именье стороны противное держати и вживати мають дотыхмест, поки выволаного дети або кривные тую суму пенезей, от вряду им водлуг позву сказаную, заплатятъ. А он сам вжо вечным выволанцом зостати маеть, нижли таковые дети або кривные мають тую суму пенезей откладати, которые того мужобойства не помагали. Естли ж бы по выволанью тот гвалтовник або забойца налезен был в том паньстве нашем, тогда на том враде, где будеть постигнен, маеть быти каран яко гвалтовник. А не будет ли хто постигал або фолдровал, тогда вряд наш, маючы певную ведомость о таком выволаном мужобойцы або гвалтовнику, маеть там же на том вrade своем, поймавши, скарати, яко о том вышей описано. А в том часе, ним пойман и на вrade каран будеть, трафит ли ся кому колвек его забити, за такого выволанца забитье нихто головщижны платити не будеть повинен.

Артыкул 5

О способе выволанья, якими словы маеть быти чынено, и о хованью ката на вряде гродском.

Гды бы хто с подданных наших народу шляхетского якого кольвек стану, от найвышшого до нанижшого, за выступок и непослушеньство свое впал в такую вину водлуг сего права посполитого, за которую выволан быти маеть, тогды выволанье маеть быти на листех наших выволаных ознаймено и через возных на местцах, тому водлуг науки сего статуту пристойных, чинено и оголошано тыми словы: "Гды ж тот, именем найме., учинившы такой и такой учынок противко пану богу, зверхности господарской и праву посполитому, а будучы позванный, не становился, зверхности его королевское милости, вряду и права послушон быти не хотел, ани се становил на року усправедливенью поведовой стороне, в чом его обвинила, с тых причин его королевская милость того найме., яко непослушного выволывает с панств своих, з сполку общованья подданных своих, зо всих земель своих так, иж нихто з ним общованья мети, ани его в дому своем переховывати не маеть, и с права того, с которого ся вси подданные его королевское милости веселят, он веселитисе не маеть, ани его уживати до того часу, аж водле права посполитого, з ласки его королевское милости а за усправедливеньем се стороне его противной, засе до сполку и товариства подданных его королевское милости и до права посполитого привернен будеть. А в том часе, покуль выволанцом ест, жона его маеть быти розумена яко вдова, дети его — сиротами, а дом его пустой". В том теж повинность кожного вряду судового гродского обовезуем, звлаща где права майдебурского нет, иж мають и повинни будуть на врядах своих мистра, то ест ката, ку каранью злых своволных людей,

которые бы правом посполитым на смерть поконаны або на муку выдани были, жебы сторона поводовая, не ищучы и не набываючи ката з иных мест, могла его зараз, на том же вряде, ку выконанью сказанья врядового мети. И естли бы который вряд гродский в том недбалый был а ката пры своем вряде не мел, тогды часу потребы не сторона, але вряд своим накладом будеть винен его, откуль можеть, набывати без жадное проволоки, а сторона толко то, яко давный обычай ест, на местцу кату платити винна будеть.

Артыкул 6

О замордованье мужа або жоны на смерть промежку них самих.

Теж гды бы з ненависти и немилости на обеде стороне так муж, яко и жона, будучи в ростырку, з яких колвек причин один другого приправил о горло, замордовал або струл, таковое окрутенство и замордованье дети або кривные того замордованого мають суседом околичным того ж часу, а потом и вряду оповедати и ожаловати, и инстыговати або фолдровати на каждого такового мордера. И при выведанью достаточном у суседов околичных о злом яком мешканью и незгоде их и при оказанью причин а знаков яких слушных того мордерства або трутизны тые дети або близские, которые будут инстыговать, близшые будуть самотрети з суседы околичными, шляхтою, а в недостатку шляхты — з слугами, с челядью домовою самопятий присегнути. И по таковом доводе обвиненый горлом будеть каран. А хотя бы сынове або кривные не хотели фолдровати, тогды вряд наш з местца своего маеть того особливе перестерегати и с пилностью около того выведатисе, и в околичных суседов близских о того замордованого опыт чинити и, обравши семи шляхтичов, ку присязе привести,

которые под присегою о том справедливе мають перед врадом поведити . И гды тая сем шляхтичов о того замордованого на кого присягнуть, таковый мордер без литости маеть быти каран горлом тым способом, яко бы отца або матку забил. А где бы се в такой справе трафило, ижбы сторона жалобная на доводе, верху менованом, устала, або за выведаньем врядовым шляхта околичная присегнути не хотела, а предсе бы была ведомость и подозренье злого их мешканья в малженстве, и то бы суседи околичные посветчали, тогды однак тая особа обвиненая не згола маеть быти волна, але повинна будет с так же много особами, яко и жалобной стороне вышей описано, от того учинку отприсягнутися.

Артыкул 7

О забойцах отца або матки, также о забитье дитяти через родича.

Уставуем: гды бы сын або дочка отца або матку свою умыслне, з якое запаметалости забил и яким колвек обычаем родича своего о горло приправил, тогды таковый сын або девка, которая причиною своею о горло родича своего приправить, не толко горлом маеть быти каран, але и почтивость, и вси именья, и маетность тратить на иншую братью, сестры або близких своих, звлаща того учинку невинных. А такою карностью, смертию ганебною маеть каран быти: по рынку возечи, клещами тело торгати, а потом в мех скуреный всадивши, до него пса, кура, ужа, котку и тое все посполу в мех всадивши, и зашить и где наглубей до воды утопити. Тым же теж обычаем и помочники его, которых он поволаеть або на них правом переведено будет, мають быти карани. А если бы се трафило родичом дитя свое забити не с пригоды, ани за вину, але умыслне, тогды таковый отец и

матка мають быти карани за тое год и шесть недель на замку нашом седети у вежы. А выседевши год и шесть недель, маеть еще до году чотыри кротъ при церкви, при костеле якого набоженства християньского будетъ покутовати и визнавати явный грех свой перед всими людми собранья християнского. А в такой речи вряд гродский винен инстыговать и за выведаньем певным винных так карати.

Артыкул 8

Если бы хто брата або сестру забил.

Уставуем: хто бы брата або сестру забил в надею имения або маетности рухомое, або якою кольвек направою о горло приправил, а то бы на него доводом слушным переведено было, тогды таковой маеть быти каран горлом. А тое именье, которое бы на него и на дети его прийти мело, спадывается на иншую братью або на сестры, або тэж на стрьев и близких в том дому тым же тэж обычаем. Естли бы зять забил шурина своего, тогды жона его, сестра того забитого, дети ее до именей по брате своем не маеть мети ничего. А тот, хто забил, маеть горлом каран быти. Тое ж право и на тых, хто бы кровного своего забил, хотя и далекого в роду.

Артыкул 9

Который бы слуга забил або ранил пана своего.

Теж уставуем: естли бы который слуга, взявши перед себе злый умысл, пана своего забил або ранил, таковой маеть срого горлом каран быти яко здрадца четвертованьем. А естли бы не забил, ани ранил, одно брони против пану своему добыл, таковой руку тратить.

Артыкул 10

О звадах.

Теж коли бы ся хто с ким звадил, а в оной зваде обадва се ранили, а один бы с тых позвал до права, а светков бы межи собою не мели, хто бы мел межи ними розознать, а один бы другому не допустил на присегу, а обадва бы се брали ку присязе, тогды судьи мають им сказати жеребей кинути. А чый се жеребей наперед выйметь, тот маеть присегнути на ранах своих и на початку звады и бою. А коли оный присягнеть, тогды тот тому, хто присягнеть, маеть за раны платити якого стану будеть. А естли шляхтича будеть навязывати, тогды еще в замку або в дворе нашем шесть недель седети. А где бы се ув оной зваде обадва забили, а не было бы светков на обе стороне, ино потомки або близкие забитых вжо головщицны на себе искати не мають. А естли ув одное стороны раны будуть, а з другое стороны забитый, тогды при оном забитом тот, хто права доходить, близший будеть довод чинити, нижли при ранном, и гды будеть правом поконан, то ест пры оповеданью врядовом саматреть з детми або близкими забитого або теж з людми обчими, шляхтою, а не будет ли меть обчых людей, ино и з слугами забитого або з своими, теж шляхтою; а в недостатку шляхты слуг, ино и с простого стану слугами поприсягнеть, такий забойца горлом каран, а головщицна з ыменья его маеть быти плачона.

Артыкул 11

О зваде вечерней.

Теж коли бы при якой вечерней зваде хто кольвек свечу загасил, а за тым бы албо межы тых, которые се звадили, або з

стороны иной хто, при той зваде будучий, по згашенью свечы употемку был ранен, а не ведаючи, от кого ранен, позвал бы до суду того, хто свечу загасил, менуючи, жем я в той зваде ранен, а не ведаю, от кого, за прычыною твоею, жесь свечу згасил, и на то бы довод учинил, же свечу згасил, а естли бы доводу не мел, а смел бы прысегнути, тогды тот, который свечу загасил, повинен ему раны платить. Так теж и о головщицну в таковой прыгоде хочем мети, абы сужоно, яко вышей в сем артыкуле о ранах описано, вед же доводечы хто головщицны шляхетское не самодин, але самтретей, яко вышей о доводе головщин шляхетских ест описано, маеть присягнути, а тот, заплатившы раны або головщину а заседавши за голову шляхетскую год и шесть недель на дне в турме, маеть собе винного искати.

Артыкул 12

О гвалтованье девки и невесты.

Теж уставуем: естли бы хто девку албо учтивую невесту якого кольвек стану усильством згвалтовал, а оная девка або невеста за оным учынком волала гвалту, за которым воланьем люди бы прибегли на оный гвалт, а она бы перед ними знаки гвалту указала, а потом бы оного ку праву притягнула и двема албо трема светками знаки гвалту пресветчила, а к тому пры оных светках на том гвалте своем на того сама присегнула, тогды таковый маеть быти каран горлом, а навезка маеть быти з ыменья водле стану якого будеть. Пакли бы оная девка або невеста гвалту волала, а люди оные слышели, нижли на гвалт не прибегли, а вед же по оном гвалте скоро бы была волно пуцона, а оповедаласе бы тым людям, а засе оного ку праву притягнула и тыми людми осветчила и знаки гвалту оказавшы, прысягу теж на том гвалте учынила, тым же обычаем маеть

каран быти, яко вышей описано. А естли бы она хотела его собе за мужа мети, то будеть на ее воли. А естли бы на таком местцу гвалт такой сталсе, где бы люди воланье могли слышать, а девка албо невеста гвалту бы не волала, а потом бы то людем оповедала, тогды тое оповеданье за гвалт розумено быти не может, и тот помовеный от гвалту волен быти маеть.

Артыкул 13

О гвалтовное взятъе в малженьство девки, вдовы и кождое невесты.

Уставуем: хто бы без воли отца, матки и стрьев або иных близких, будь теж опекунов, на яком колвек местцу взял кого с тых персон, вышей мененых, гвалтом, менуючы, ижбы ему в малженство пошлюбила, а то бы пришло перед нас, господаря, або перед который врьд наш, тогды таковая персона маеть первой взята быти до секвестру того врьду, перед который се то приточыт, и маеть быти дана до росправы на хованье на таковое местцо, где бы водлуг стану своего при белых головах учтиве хована была. И гды се то покажетъ с права, же яко приятелей кривных або опекунов, так теж и ее самое на то позволения не было, тогды тот, хто се того важыл, маеть горлом каран быти. А за навезку третья часть всего имения его маеть спасти на тую персону, гвалтом взятую, а шкоды, которые се будутъ при том гвалте стали, за доводом на двух частях того ж имения его маеть быти сказано, а хто бы имения лежакого не мел, ино на маетности его рухомой. Нижли естли бы девка, уквившы то перед родичами або приятели своими, на тое малженьство и на взятъе позволила и на праве то сознала, тогды таковая девка отпадываетъ от выправы и от всих именей своих отчизных и материстых, яко о том вышей

написано в розделе пятом. А тот, хто с позволеньем самое девки в малженьство ее взял, вжо горла не тратить. Вед же, естли бы такая девка, отходечи так своволне от родичов або близких, будь теж опекунов своих, што маетности их забрала, тогды о такую шкоду укривжоному волно будеть с тым, хто тую девку и з нею тую маетность взял, там же заразом у права мовити.

Артыкул 14

О забитье за повабеньем або вызваньем на руку.

Иж теж шкодливый всчалсе был межы поддаными нашими, звлаща стану рыцерского, которые за леда причиною, терпливости пристойное в собе не заховываючи и правом посполитым не обходячисе и овшем им яко бы взгаржаючи, своволне и быстрее один на другого торгнувшисе, а затым на руку повабивши и обовезавшы слова такими, которые се почстивости и доброе славы дотычуть, потом спольне бючыся и раны собе задаючи, о раны шкодливые и зайстя межы собою приходять, а некоторые броней шкодливых яко бы противко посторонньому nepřятелю и дивных поступков до того уживаючи, насмерть один другого забияють и сполне се мордуют не иначе, яко бы звирхности и справедливости над собою не мели. И хотя ж подчас то собе обваровывают, естли бы один другого ранил або забил, же того на собе сами и потомкове их позыскивати не мають, однак же то в речы посполитой жадного помноженья и пожытку не чинить и овшем, гды се кров людская, часом и невинная выливаеть, пан бог тым бывает обрушон, также и покой посполитый ображон. А прото мы тому яко шкодливому звывчаеви в панстве нашем, великом князстве литовском, не хотели допустить большей шыритися, а покой посполитый

добре обваровываючи, за радою и позволеньем панов рад наших и всих станов, до того статуту належачых, уставуем, абы вже от сего часу своволне, без призволенья нашего, господарского, которое толко за великими а знаменитыми причынами походити маеть, и на особливом уваженью и узнанью нашом, господарском, с паны радами нашими, а у войске — за позволеньем и узнаньем пана гетмана того панства, великого князства, належати будет, на руку повабяти и вызывати нихто никого не смел и словы, которые бы се дотыкали почстивости и доброе славы шляхетское, в том его не обовезывал, и один другому ран не задавал, и нихто никого не забиял, але о всякие кривды свои, бы теж и о набольшые и наголовнейшые, правом посполитым водле сего статуту каждый один з другим се роспирал. А естли бы хто над сее право и уставу нашу, вызвавши кого на руку, раны якие ему задал, або хотя бы и тот повабленный оного, хто его вызывал, зранил, тогды за раны не маеть быти чынена нагорода, гды ж не мел на таковое своволное и непристойное повабленье мимо заказ права посполитого призваляти, одно тот, хто другого зранивши, сам нераненый зостанеть, маеть у везеню на замку нашом столечном виленьском вышнем полгода седети, гды то на него за позвом у суду земского ранний доведеть.

А естли бы се обадва зранили, тогды вжо себе ран один другому платити и нагорожати не мають. А тым же обычаем мает быти разумено, естли бы, на руку вызвавшися, насмерть один другого забил, тогды тот, хто жив зостанеть, будь вызванный або хто вызвал, сам за оного забитого с права от вряду гродского того повету, в котором оселость свою маеть, не инак, одно на горле маеть быти каран насмерть и кров его своею кровью заплатити маеть за жалобою и попираньем права от детей або близких того забитого. Лечь головщина вжо по таковом скаранью плачона быти не маеть, гды ж о том

ведал и сам на то зезволял. А если бы заразом по таком забитью тот мужебойца пойман не был або, позванный будучи, ку праву не стал, тогды против нему далее такой поступок правный маеть быти чинен, яко вышей о мужебойцах ест описано. А для того ж одному с тых, который бы спокойным будучи, на такое непристойное вызыванье не позволял, такую оборону и обварунок постановляем: бы теж и наболей тот противник его слов яких, доткливых славе и учтивости его, домовляючи и дотыкаючи, на руку его поваблял, а он гды не пойдеть, а покой посполитый заховываючи, з сее уставы и права не выступит, тогды вси тые таковые слова ничего ему и доброму мниманью его шкодити не могут. але и овшем тому противнику его самому яко выступнику мають шкодити, и может таковый спокойный, утекшися до нас, господаря, або до вряду нашего належного, заразом такого противника своего до права о небеспечность здоровья своего и о вину за слова доткливые водлуг артыкулу двадцать семого розделу третего позвати и там далее противко нему поступовати, яко о отповедниках ест описано.

Артыкул 15

Где бы хто беременную невесту шляхтянку збил або конем потрутил и забил.

Уставуем: естли бы хто, не будучы примушоный жадною пригодною, то ест сорваньем узды, унесеньем твардоустого коня и иншою якою пригодною причиною, одно з зуфалства, або опильства своего, або умыслне то учынил, невесту беременную, шляхтянку, будь теж и иного стану, бегаючи на кони, потрутил або ее чым колвек збил и образил так, ижбы плод мертвый поронила, а сама жива зостала, тогды за доводом слушным маеть ее водлуг стану навезати и за тую

вину у везенью в замку або у дворе нашом того повіту чверть году седети. А з стороны того збытку его в ображенью плоду пороненого маеть такий з жалем явным, упокоряючыся перед паном богом, на себе отнести через год один чотыри кротъ на свята урочыстыя, то ест раз на день нароженья пана христового, другой раз на день громниц, третий кротъ на день з мартвых встанья пана христового, а четвертый кротъ в день свята сосланья духа светого, у дверей костелных вевнутр на местцу поднеслом, на то наготованом, на локоть от земли стояти и грех свой перед людьми входячими и выходячими с костела явне визнавати, а потом того обещовати с пилностью стеречыся и не допускати. Леч естли бы обое, то ест и плод и матка, с причыны его змерли, тогды он теж сам за то на горле маеть быти каран за слушным доводом, яко около забойств стану шляхетского и теж простых людей на своих местцах доводы суть описаны. А головщица предсе з ыменья и з маетности его близким ее толко за самую матку маеть быти плачона водле стану ее. Пакли ж бы тое потрученье и ображенье невесты беременное сталосе неумыслне, пригодне, о том маеть быти сужоно, яко о иных мужобойствах неумыслных.

Артыкул 16

О том, хто бы ножом або яким иным до бою незвыклым начиньем кого забил або ранил.

Гды бы хто кого умыслне з гневу а запаметалости сердца злого ножом, пуйналом, гинчалом забил, таковый, естли будет шляхтичъ, а то теж шляхтичу учинить, за доводом слушным четвертован быти маеть. А естли простого стану человек шляхтичу учинить, тот будетъ каран четвертованьем. А где бы шляхтичъ простого человека тем способом забил, тот руку

тратить, окром пойманья на горячем учынку, о чом есть в сем статуте описано. А головщизна по каждом таком з маетности плачона быти маеть. А естли хто не забет, толко ранить, тот, будет ли шляхтич, за шляхтичово ображенье утятъем руки, а за чоловека простого заплатою пенежною так, яко за головщизну каран будет. Естли ж пак то чоловек простого стану учынить, тот за ображенье шляхтичово — горло, а за простого чоловека — руку тратить.

Артыкул 17

О забитью або раненью здрадливым потаемным обычаем.

Хто бы кого неведоме без звады, але молчком, здрадливе а потаемне в ночи або и в день забил, то ест або в дорозе крыянкою с куста, з заплотья, або в месте, в селе, на улицы заседшы, або в дому, через дверы, через окно албо в коморце таемной потребной якою стрелбою пострелил, або зручною бронью якою забил, будь теж спячого яко колвек о смерть приправил, албо теж в беседе, або в ыншом яком згромаженья людей, але молчком потаемне пуйналом и якою кольвек бронью забил, а на том бы учынку был пойман, або то на него слушным доводом было переведено, таковый, если то шляхтич шляхтичу учынить, срогою смертью, четвертованьем або на паль битьем каран и почстивости отсужон будеть. А головщизна з имения або маетности его рухомое совито плачона быти маеть. А естли не забеть, толко ранить шляхтича, тот предсе горлом каран будеть, и навезка з имения плачона быти маеть. А естли то шляхтичу чоловек простой учинит, тогды за забитье, по сказанью на горло, розными срогими муками з сего света зглажон будеть, а за рану стят быти маеть. Пакли ж бы то хто над ким з направи чыее учынил, и, то бы поведаячы, смертью такую повесть свою

запечатовал, тогда при иных слушных явных знаках, которые бы се в той речи оказати могли за доводом слушным правным, и сам тот, хто бы направил, так, яко и тот, хто то учинил, каран быти маеть. А не будет ли знаков, доводов явных слушных, толко поволанье, смертью запечатаное, от того обвиненый тым поволаньем отприсягнутисе винен будеть.

Артыкул 18

О запалячих мест и домов.

Естли бы хто так злого а шкодливого учинку важился, а смел умыслне запалити замок, место або двор наш, господарский, альбо теж замок, дом князкий, панский, шляхетский, а в том бы тому запалячу меновите от ушкожоного вина была дана або бы его заразом на том учынку поймано, тогда за доводом слушным правным, так, яко о иных речах кривавых, звлаца яко о доводех наезду гвалтовного на дом шляхетский, а меновите около присеги з шестма шляхтичы ест вышей описано, зостанеть ли в том винен, маеть быти сам огнем спален. А маетность, ушкожоная огнем, з маетности теж его, естли которая будеть, плачона быти маеть.

Артыкул 19

Хто бы забил гвалтовника в дому своем и помочников его.

Теж уставуем: хто бы на чый дом або на госпуду гвалтом наехал або нашол, а тот господарь домовый, так теж и гость, который в том дому або в госпуде стоить, оного гвалтовника самого або помочников его, боронячы дому або госпуды своее,

забил, тогда скоро по оном гвалте маеть суседов околичных обослати, обуолати и оповедати. И того ж часу до вряду нашего судового того повету, в котором се то станеть, ехати або послати и, взявши возного и сторону людей добрых, шляхту або иных суседов вери годных, оный гвалт и забитого гвалтовника в дому своем оказати. А потом, гды будет о тое забитье обвинен, тогда за оказаньем слушных знаков гвалту мает з жоною и з детьми, лет дорослыми, и с трема шляхтичами, собе ровными, а не будет ли мети жоны або детей, ино с тыми трема шляхтичы, а не будет ли трех шляхтичов до отприсеженья з собою мети, ино з слугами и с челедью домовою самопять предсе маеть присегою се отвести на том, иж тот забитый гвалтом наехал або нашол, а сталосе за початком того забитого. А естли бы толко ранил, а не забил, тогда сам один пан домовый або гость, в господа стоячий, маеть присегнути, иж яко гвалтовника в дому своем ранил. Таковый головщины, ран и шкод некоторых платити не будет повинен.

Артыкул 20

Хто бы наехал або нашол на чужое именье або на село гвалтом, а тот, боронечи грунту своего, забил.

Теж уставуем: которому бы шляхтичу шляхтичь або хто кольвек иной умысльне на чие именье, на село, на люди и на грунты гвалтом нашол або наехал и гвалт або значную якую шкоду чинил, яко забраньем людей, быдла, статку, жатьем або браньем збожья, сена, рубаньем лесов, гаев або каженьем границ, меж, копцов, ловеньем озер, а тот шляхтич, боронечи именья своего, оного гвалтовника своего забил або ранил, тогда маеть тым же способом, яко вышей о гвалтовнику домовом ест описано, присегою своею отвестися. А гды

присегою се отведеть, иж его яко гвалтовника на таковом учинку забил або ранил, за такового головщизны, навезки ани шкод также платити не будеть повинен. А о свою кривду и шкodu, которая се будеть в он час стала, предсе тому, на чие именье было наехано, волно будеть на оном гвалтовнику або на именью и маетности его всякой правом доходити.

Артыкул 21

Хто бы на кого на дорозе засел, а в том сам забит был.

Уставуем: гды бы шляхтич другому шляхтичу доброволную дорогу засел, хотечи его умысльне забити або ранили, а тот, боронечи горла своего, того, хто засел, забил, тогды скоро по оном забитью маеть ехати и оповедати то вряду судовому наблизшому и, до вряду едучи, суседом околичным и кого в дорозе поткает, оповедати. А потом, гды се то до права приточит, а жона, дети або близкие забитого менили бы то, же тот забойца сам тому забитому был засел або пак на дорозе, угонивши, або поткавши, невинне, без причины и початку его забил, а тая бы жона, дети або близкие при том забитью сами были и в такой бы речи з obu сторон за собою доводы мели и у права ставили, тогды вряд для лепшее певности и дознанья справедливости светое маеть на шкрутыним, то ест на выведанье тое речи там до того местца и до тое околицы, где се то станеть, водлуг порядку о шкрутынии, нижей постановленого, сам выехати або выслати. И за ким болш слушнейших и значнейших доводов так на выведанью, яко и на праве у суду ку сведецству и ку присязе будеть, тому вряд на довод альбо отвод присягою самотретему, будь з людьми сторонними або в недостатку обеих людей — жоне або мужу з детми, а где бы детей дорослых не было, ино з слугами, с челядью припустити маеть. А хотя бы жалобная

сторона, приятели забитого сами при том забийстве не были, але бы вжды слуга або колько их при нем было, тогды таковыя слуги мають быти до секвесту врядового взяты, и у них о том пилное выведанье маеть быти чинено, порозну их о том пытаючи. Которые слуги, если бы то ж, што и повинные забитого, твердили и присегою своею того подперети хотели, тогды и в такой речи маеть се вряд так же заховати, яко вышей описано. А естли бы слуги забитого, в секветре будучи, з жалобою приятел его не згожалисе, ино тот обвиненый близший будеть, яко вышей описано, самотреть отприсегнутися и так от горла и головщизны и шкод волен будеть. Одно ж, где бы се тое забийство стало без бытности иных людей, так приятел, яко и слуг, толко межы двух особ, а приятели забитого брали бы се ку доводу, тогды, такеж за слушным выведаньем через вряд и за высветченьем людей веры годных, вжо тот обжалованный близший будеть при оповеданью своем, хотя и сам один отприсегнутисе. А по отприсяженью от горла, головщизны, везенья и от шкод волен будеть. Пакли ж бы человек стану простого, не шляхтичь, шляхтичу дорогу засел, хочечы его забить або бити, а шляхтич бы, боронечы здоровья своего, того самого, хто ему засел, забил, тогды при оповеданью таковом, яко вышей описано, шляхтич и один сам может отприсегнутисе, же то не умыслне, але за початком оног забитого в обороне учынил. А не всхочет ли се отприсегнутисе, тот головщизну без доводу, а шкоды за доводом заплатити маеть.

Артыкул 22

О том, хто бы кого в якой зваде не умыслне, але в обороне забил.

Гды бы хто умыслне, з зүфалства, опилства и якого иного злого умыслу, будь где в дому, в господе, на улицы и на дорозе, и где колвек зваду с ким почал, а тот другой, против кому звада почата, боронечы здоровья своего, оного забил, и таковой припадок заразом бы людем сторонним, а потом и на вряде нашем судовом наблизшом оповедал, а гды до права о тое забийство притягнен будеть, тогды он маеть высветчытисе людми добрыми, веры годными, которые при том были и то видели, иж се то не умыслне, але в обороне стало. И при таковом высветченью еще сам тот маеть самотреть присегу на том учынити, иж тое забийство не умыслне, але за початком оного забитого и в обороне учынил. А по присязе от горла и везенья волен будеть, толко предсе головщизну повинен будет заплатить. Леч естли бы тот же, хто зваду почнеть, кого забил, против тому при забитом довод стороне жалобной маеть быти допущон, то есть при оповеданью людем сторонним и вряду и при иных поступках правных самотретему на присегу.

Артыкул 23

О неумыслном а пригодном мужобойстве.

Уставуем: естли бы хто с прыгоды, а не с хути, не з вазни, але з неведомости, стреляючы на звер або на птаху, кого забил. Другое: если бы ремесник, будуючы дом або муруючы, а дерево або цеглу, камень необачне упустил и кого тым забил. Третее: естли бы, секучы дерево, секера, с топорища спадшы, кого ранила, и от тое бы раны умер. Четвертое: где бы

посечоное дерево, валечисе, з неведомости того, который сек, кого забило. Пятое: если бы кому, стреляючи з луку або з ручницы до шапки и якого иного целю, стрела або куля, взявши похват вбок або через гору, кого зранила, а от тое бы раны умер. А не мели бы тые особы промежку себе первой некоторое вазни и зайстя, ино для такового пригодного мужобойства, гды се людьми добрыми, веры годными, которые того будуть ведоми, высветчыть, и з ними, а в недостатку обчых, хотя ж з слугами своими принамней, гды самотреть прысягнуть, таковой на горле и везеньем каран не будеть. Вед же головщизну водле стану забитого детем або близким его заплатити будеть повинен.

Артыкул 24

О ране, в обороне заданой або неумыслной.

Коли бы теж хто кого о зраненье свое до суду позвал, а оный позванный, знаючисе до ран, меновал бы, же то учинил в обороне за початком того ранного, тогды тот при оповеданью своем на вряде и пры сведецстве людей сторонних, которые при том были и то видели, близшый будеть на том присегнути, же то вчинил примушоный в обороне и за початком оногo ранного. А по такой прысязе от навезки волен будеть, а особливе, где бы се то трафило, жебы хто кого пригодне ранил, а не в обороне, и бралсе на отвод, таковому то ити не маеть, гды ж нихто ни от кого в невинности своей ран терпеть не повинен, але тот, хто ранил, винен будеть его водлуг стану навезати.

Артыкул 25

Слуга, который бы, пана своего боронечы, кого забил або ранил.

Теж уставуем, иж коли бы в якой зваде слуга, пана своего боронечы, кого забил або ранил, таковый от кожного права мает быти волен. Але сторона жалобливая будеть тых ран и головщины доходити на его пану. Нижли естли бы чый слуга свовольне, без росказанья и без звады пана своего перед очыма кого забил або ранил, тогды пан его того слугу своего маеть поймати и, до везенья всадившы, кровным забитого дати ведомость. А естли бы, фольгуючы служебнику своему, поймати его не хотел або не мог, а он за тым утек, тогды тот пан повинен будеть сам головщизну платити, а ранному за раны, якого стану будеть, за раны заплатити. А по заплате головщизны маеть на том присягнути, иж без росказанья и порады его тое забойство або раны сталисе и оного слуги з яких причин не мог поймати. А естли бы се отприсегнути не хотел, тогды за поприсеженьем стороны жалобное за голову маеть горлом каран быти, а за раны навезати.

Артыкул 26

О забитье человека перееждчого и безплеменного.

Уставуем теж, естли бы ся то трафило где ж кольвек забитого человека перееждчого або безплеменного, которого головщины искать не будеть кому, тогды, скоро такого человека труп будеть найден, того ж часу вряд замку або двора нашего маеть обослати всих мещан, людей сельских, так того подданных наших, яко и подданных шляхетских, и опыт вчинити раз и два. А где бы се на тых двух копах о тым

забитью доведати не могли, тогда третью копу присяжную маеть вряд собрати, на которой повинни будут стати вси тые, которые на той копе повинни ставати. А вряд маеть з местечок и з сел околичных по три чоловіки старших, яко войтов, лавников и иных мужов добрых, веры годных, до присяги обрати. А тые обранные винни будут прысягнути на том, иж сами не суть причиною того забитого и о таком забойцы не ведають. А естли бы которые с тых копников на присяжной копе не стали або, хотя и ставши, присягою отвестисе не хотели, тогда таковые будут повинни головщину сами платити, а собе винного искати. А тая головщина маеть зостати при том вряде, в котором тот труп найден. А потом, гды бы кривные одного забитого вынашлисе и свидетельство врядовое на повинность кривную за собою мели, тогда маеть тая головщина оным кривным отдана быти. А тая копа маеть быти чинена вокол по две мили, люди на нее взымаючи через возного оголошаньем на торгах, при костелех и везде о том даючи знать, кому ся трафить. А естли бы через три годы никто с повинных до тое головщины не приповедался, тогда вряд тое головщины половицу маеть при собе зоставити, а половицу на шпиталь оддати.

Артыкул 27

О головщинах, охроменью членков и о навезках шляхетских.

Хто бы шляхтича насмерть забил або яким колвек обычаем о смерть прыправил, а в том бы с права водлуг сего статуту винен зостал, тогда за того забитого при иншом каранью, в сем статуте водлуг учинку описаном, маеть быти головщины плачно сто коп грошей. А хто бы засе, обычаем окрутенства, згордивши зверхностью нашою господарскою и правом

посполитым, а сам своволенства и срогости уживаючы и паствечисе над ким, а гвалтовне по воли его собе маючы, которому шляхтичу або шляхтянце руку, ногу, нос, ухо, губы утял або урезал так, жебы праве проч который с тых члонков отпал, або бы око, зубы вытял албо выбил, албо на око ослепил, а в том бы с права винен зостал, тогды, наследуючы в том права божого, уставуем, иж за таковый кождый члонок утятый або урезанный, або выбитый тому, хто в том винен зостанеть, маеть теж таковый члонок утят и урезан або выбит быти. А за вину такого окрутенства и своволенства и за наклад правный стороны жалобное, предсе будеть винен за такий кождый члонок стороне жалобной по петидесят коп грошей платити. А естли бы обеде руки, ноги и обадва уха утял або обеде ока вытял або выбил, тогды теж противная сторона, правом переконаная, такое ж каранье и на таких же члонках з нагородою сумы пенежное, яко вышей описано, маеть с права от вряду отнести. А естли бы палец або колко их у руки або ноги утял, тогды и за то такое ж ровное каранье винному чынено будеть. А заплата пенежная за кождый палец утятый маеть быти по двадцати коп грошей.

Пакли ж бы который с тых менованных члонков не был утят так, жебы прочь отпал, але бы с того зраненья был так вельми охромен, жебы им до году владнути не мог, тогды за таковое охроменье, за кождый члонок, руку, ногу, ухо, губы по пятьдесят коп грошей заплатити, а за палец охроменный такеж двадцать коп грошей заплатити маеть. А естли бы хто кого в голову ранил, с которое бы раны речь замкнул, хотя бы ся и выгоил и жив зостал, але бы вжо потом мовити не мог, тогды тому маеть сто коп грошей, яко головщизну, виноватый заплатити. А за вину у везенью в замку або дворе нашом судовом, где ся што станеть, на дне у вежи шесть сажон в

земли полгода седети. За рану кровавую в голове, с которое бы кости выбирано, тридцать коп грошей.

За рану обличную сорок коп грошей. А хто бы теж кого умыслне на зелживость стану шляхетского кием, кестенем, булавою альбо пугами, дубцы и иными якими приправами бил альбо бити казал, за таковой кождый бой и зелживость мает быти навезки плачоно сорок коп грошей. А еще для такое раны в голове до выбиранья костей и через тварь даное, также для битья кием, пугами, дубцы и иными приправами, за вину такого зуфалства и своволенства в замку албо в дворе нашем судовом того ж повету, где о то право будет, дванадцать недель на дне у вежы седети. А за иные раны, якою колвек бронью железною, звычайною ку бою, заданые, навезки двадцать коп грошей платити. А к тому шесть недель у везенью в замку албо дворе нашем судовом седети. А хто бы поличок кому дал або бороду, або волосы рвал, таковой за то дванадцать рублей грошей платити и у везенью три недели седети маеть. А белым головам, шляхтянкам яко головщина, так и навезка совито маеть быти сказывана, также и везеньем совитым карано. Тым же обычаем духовным особам всякого набоженьства хрестиянского и их жонам и детям их, которые з венчалных жон походять, маеть быти головщизна, навезка и нагорода за охроменье на члонках так, яко и людем народу шляхетского. А тое везенье, в сем артыкуле на винных описаное, маеть быти выконывано заразом, скоро по сказанью врядовом. Пакли ж бы што с тых речей, верху менованных, один другому учинил неумыслне, не обычаем окрутеньства, але в зваде с припадку, и в том бы с права винным был найден, тогды таковой и за втятье або выбитье члонку каранья на теле своем относити не будет, але толко виною пенежною и везеньем таким, яко вышей описано, каран быти мает.

Артыкул 28

Хто бы шляхтича взял до везенья своего свовольне, и над ним се паствил албо его у везенью уморыл.

Уставуем: естли бы ся то коли межы станы народу шляхетского, звлаща убожшым от можнейших и кому ж кольвек от кого трафило, жебы явне змоцнившись албо таемне сам через себе або через слуги подданные свои кого другого взял до везенья своего, чоловека невинного и правом непереконаного, будь в дому, з господы и в дорозе албо на яком колвек местцу его потрафившы и водечы его от местца до местца, албо и на одном местцу таемне, будь теж и явне ховаючы, везеньем, битьем, мореньем голоду и чым кольвек окрутенство и зельжывости якие над ним водлуг мысли своее выконывал, а дети, близкие албо жона оного посажоного и хто колвек с повинных утекли бы ся о том до нас, господара, або до вряду нашего гродского, тогды водле обычаев добрых давних, которые и перед тым в том панстве нашем были заховываны, оный, таковое безправье терпячий, моцю звирхности наше, господарское, через посланца нашего, або через воеводу албо старосту того повету, где ся то деяти будет, за листом и посланцом его, маеть быти напервей з везенья вынят и выпущон, потом ему справедливость без проволоки маеть быти учынена через тот же вряд гродский на року первшом, яко на завитом, будь заочне або очевисте кладучы позвы на том же именью, где у везенью найден будеть албо где инде в наблизшом именью на чотыри недели. А где бы тот, хто кого у везенью маеть, посланцу нашему або врядовому сам або через врядника, слуг и подданных своих в замку албо где кольвек у везенью своем осажоного искати або найденного з везенья выняти не допустил, такового приятели оного вязня мають також до нас, господара, або до вряду

гродского позвати, жебы сам стал и того вязня поставил. А таковый противник за переводом правным нам, господару, до скарбу нашого повинен будеть заплатить вины сорок коп грошей, што на нем по праве вряд гродский справити и до скарбу нашого отдати винен будеть. А над то часу права вжо такому противнику в той речы на вывод не маеть быти допущоно, але жалобная сторона близшая будеть того безправя на него доводити. А хотя ж бы тот вязень и окром такового через вряд наш выпущенья с того везенья утек албо через паруку вышел и себе высвободил, а такое безправе и кривду свою заразом скоро по высвобоженью своем людем веры годным, которых бы напервей потрафил, и потом наблизшому вряду нашому судовому оповедал и до книг записати дал, также припозвавши о то до права, а того якими слушными знаки попершы на том самотреть з жоною и з детми, а в недостатку жоны и детей своих dorosлых, ино с приятельми албо слугами своими, толко людьми неподойзренными, веры годными, присягнул, тогды за таким доводом его тот, который его у везенью безправне держал, повинен будеть ему напервей гвалту дванадцать коп грошей заплатить, и при том совито албо водвое, яко бы его двакрыть кием бил, навезати и всю шкоду его, которую бы в том везенью омешкиваючи поднял, за слушными правными доводы его повинен будеть ему оправити и нагородити. А за своволенство такое и легкое поваженье права и покою посполитого еще повинен будет таковый выступный везенье чверть году сам утерпети у вежы на дне, на головники постановленной, на том же вrade гродском, на котором о то будеть правом переконан.

А естли бы хто, упорным будучи, албо за позвы стати, альбо сам ставши, вязня того поставити албо теж по сказанью оногo вязня з везенья выпустити, будь бы теж сам везенья подняти

не хотел, такового, за ознайменьем нам о том от вряду, маем
росказати с панств наших выволати. А того вязня мы,
господарь, моцю звирхности нашею через посланца нашего
або вряд наш гродский сам ехавши маеть моцно з везенья
выняти и навезку и теж шкоды за доводом на именью
противного отправить. Пакли ж бы ся еще и в том посланцу
нашому альбо вряду гродскому хто спротивил, такой будучи
перед нас, господаря, мандатом нашим на рок завитый альбо
перед суд головный, где сторона поводовая похочеть позвать,
горло тратить. Естли ж бы хто кого, в таковом своволном и
безправном везенью маючи, уморил або ослепил, охромил и
на чом кольвек уломным учинил, тогды то все, чим ближнему
своему с так легким и зуфалым поваженьем и згарженьем
права посполитого ушкодил и его образил, за слушным
доводом сам маеть утерпети и тым каран быти з росудку
нашого, господарьского, альбо суду головного або теж вряду
нашого гродского. А естли бы до смерти заморил везеньем, а
то бы значне и правне на него было переведено, тогды сам
таковой на горле маеть быти каран яко мужобойца. А
головщица и шкоды, утраты вси з ыменей и маетности его
потомком оногo, везеньем замордованогo, за слушным
оказаньем, и доводы их мають быти заплачоны так, яко бы теж
живому ему, гды бы з везенья вышел, плачоны быти мели. А
то ж ся маеть розумети о шляхтянках, паннах, вдовах або и
мужатках. Лечь што ся тычеть злодеев явных або
розбойников, звлаща неоселых, тех где кольвек себе
виноватых, хто потрафить, может поймати. Вед же и таковых
водле воли и мысли своею сам не караючи, мает до вряду
належного заразом провадити и там их правом переконавши
водле выступку их, дать уряд с права покарати. Также
которые бы шляхта, слугами рукоданными будучими, а з
часом зашкодивши и панов своих зрадивши або не
пожегнавши их, от них проч утекали, тех могут панове их,

погонивши або и потом где потрафивши, поймати и так далее з ними поступовати, яко о том ниже в артыкуле двадцать втором дванадцатого розделу есть описано.

Артыкул 29

Естли бы колько парсон шляхетских о забитье одного шляхтича обвинено было.

Уставуем: естли бы колько парсон шляхетских о одного шляхича забитье обвинено было, а тое бы забийство сталосе не при гвалтовном наеханью або найтью на дом шляхетский або на господу, также ани при розбою, а сторона жалобливая, не вызволяючи ни одного с них, але всих, колько их будеть, при оповеданью своем людем сторонним и теж на вряде нашем при оказыванью возному и стороне ран значных на забитом самотретя, будь з людьми обчими неподозренными або з детми, близкими, або, где детей, близких не будеть, — з слугами и челедью домовою поприсягнула, тогды один с них, которого на смерть обереть и поприсягнуть, маеть горлом каран быти. А тые помочники его, на которых теж заровно сторона поприсягнула, иле их будеть, мають головщизну сто коп грошей платити и у везенью рок и шесть недель седети в замку нашем того воеводства, где ся што такового станеть, у вежи в земли шесть сажон.

А панове воеводове, старостове на замках наших, а в земли Жомойтской — через врьд гродский, на том местцу, где суды отправують, мають тые турмы добре оправенные и выкопаные мети глубоко шесть сажон в земли за певною сторожою. И не мають таковым вязнем фолги никоторое допущати чинити и с того везенья до року и шести недель выпускати. А будеть ли забито двух альбо трох и колко их особ шляхетских, за

кождого шляхтича особа шляхетская маеть горлом карана быти. Также и о шляхтянках розумено быти маеть.

Артыкул 30

Естли бы шляхтичь шляхтича на дорозе розбил.

Уставуем теж, естли бы шляхтичь шляхтича на дорозе розбил и луп учинил, а оный розбитый у парсуну его познал и перед врьдом раны свои оказал и того ж часу, оказавши того в парсуну, меновал, альбо наймя именем менуючи, до книг записал, а потом притягнувши ку праву водлуг оказанья ран своих сам з шестьма шляхтичи брал бы се ку присязе и хотел того присягою довести, а позванный бы, маючы о добром захованью своем, же се тым николи не обходил, певное свидетельство, и давал бы справу, же в том обвиненью не ест винен, а просил бы на оказанье невинности своее на шкрутыниум, тогды через шкрутиниум маеть о том достаточное выведанье вделано быти. И покажет ли ся то з выведанья певного, же ся не розбой, але звада подорожная стала, тогды позванный от розбойное вины самодин маеть отприсегнутисе. А по отприсеженью обжалованный от того всего обвиненья волен будеть, а учтивости и доброму мниманью его то шкодити не маеть и с книг тое обжалованье через сторону жалобную вынято и сказовано будеть. А в таких речах маеть быти на обе стороне сужоно, яко о том нижей ест описано.

Артыкул 31

Естли бы шляхтич купцов албо иных людей простого стану на дорозе розбил.

Гды бы шлятич обвинен был о розбой купцов яких тубылцов, а не приездчых людей, або иных людей стану простого на дорозе, а был бы заразом на том розбою з лицом пойман, а тот бы шляхтич до розбою того не знался, тогды в той речы маеть быти на выведанье послано, и за которою стороною болш свидетельства на выведанью будеть, тая ку доводу або отводу припущона быти маеть.

Вед же чоловек простого стану, естли ему в такой речы довод будеть сказан, маеть самсем, то ест з двема шляхтичы а з чотырма чоловеков простого стану, людми сторонными, добрыми, неподойзренными, присягнути. А по присязе тот розбойник горлом каран быти маеть, а шкода, розбоем вделана, з имения плачона будеть. А не будет ли мети жалобник так много с ким присегнути, ино шляхтич самтреть з шляхтою повинен будеть от того розбою отприсягнутися. А где бы шляхтич на розбою не был пойман и лица пры нем не было, а был бы так згола о розбой позван, а то бы на него первшое обвиненье было и знаков бы а подобенств некоторых слушных не было, на такового довод от людей простого стану ити не маеть, и он ся отводити не повинен, але еще жалобник будеть винен его навезати, яко бы его ранил. А где бы тот же шляхтич повторе в такой речи теж без лица был обвинен, такой самодин маеть отприсягнути, а жалобник вжо навязывати его не будеть винен. Естли ж бы и по третий раз тот же шляхтич о розбой а без лица ж был обвинен, в такой речы вжо маеть шкрутыниум быти чынено, и за которою стороною болш свидетельства на шкрутыниум будеть, той довод

або отвод маеть быти сказан так, яко вышей в сем же артыкуле о пойманом з лицом ест описано. А прыйдет ли шляхтич отприсягнутися, тогды сторона жалобная такеж маеть его навязывати. Пакли ж бы четвертый раз о такой же розбой без лица шляхтич был обвинен, против тому вже жалобная сторона самчетверт з одним шляхтичом а з двема чоловіеки простого стану прысягу маеть чынити. А не будет ли жалобник так много людей до прысяги мети, ино тот шляхтич еще самсем винен будеть з людьми добрыми, правом непреконаными, отприсягнутьсе . А после того, гды бы еще такая ж жалоба на него пришла, вжо жалобник гды самтретей его попрысягнеть, он горлом каран быти маеть и шкода за доводом з ыменья плачона будеть. Вед же купцам, людем приездчим здалека, з ынших чужих панств, которые жадного захованья и знаемости в том панстве нашем не мають, если бы се стал розбой в сем панстве нашем, будь от шляхтича або от кого кольвек иного, тогды вряд наш, маючи взгляд на артыкул двадцать осмый в разделе четвертом, который учить гостю справедливость прудкую чинити, а без омешканья учинивши шкрутыниум, то есть выведанье достаточное о таковом злочинстве и о захованью а поступках тое особы, на кого жалоба идеть, и при таковом выведанью, припатруючися и уважаючи пилне и бачне час, местце, знаки подобенства и всякие иные причины, ку правде в той речи склонные, мает до того прихиятисе, яко бы гость без проволоки справедливость слушную отнес. Для чого вжо при сведецстве на выведанью и при знаках яких слушных або подозренью значном чоловіек приезжий, хотя против шляхтича з меншим доводом, нижли вышей написано, то есть самотреть, может быти до прысяги припушон. Альбо теж шляхтичь, маючи о себе и о почстивом захованью а поступках своих доброе сведецство на шкрутыниум, мает такеж самотреть от того обвиненья отприсягнутися.

Артыкул 32

О розбои таком, который бы се стал от подданных наших або чиих слуг, бояр и подданных.

Где бы подданные наши, господарьские, мещане албо люди волостные, албо слуги, бояре и подданные князские, панские, землянские шляхтича и кого ж кольвек иного на дорозе розбили, а были бы заразом на том розбои з лицом поймани, тогды такие мають быти ведены до вряду нашего судового гродского найблизшого от того местца, где се розбой станеть. А тот вряд наш гродский, обославши через возного листом своим отвороним так наших врьдников, естли бы о наших подданных шло, яко кожного иного пана або врьдника его, чьи люде будуть, и зложивши рок тому праву так, яко бы тот пан або его врьдник зехати мог, а приедет ли, тогды при бытности того пана або врьдника, а не приедет ли на рок, тогды сам вряд наш будет тых або того обвиненого судити и сказывати водлуг сего статуту. А естли бы такие люди, в розбою обжалованные, заразом на том учынку з лицом поймани не были, тогды вжо на таковых укривжоный права просити и справедливости з ними собе доводити маеть у пана его за листом упоминальным водлуг артыкулу сорок осмого в разделе четвертом, также и в урядников наших за листом теж упоминальным. А люди простого стану сужоны быти мають о розбой такий, где ся забойство насмерть станеть, так и за таким доводом, яко о злодейство простых людей, о чом есть в разделе чотырнадцатом, артыкулах, о том постановеных, достаточне описано. А где бы ся при розбою забойство стало, там вжо жалобная сторона близшая будеть доводити водлуг права так о голову и розбой, и шкоды, а меновите при оповеданью врьдовом и теж людем сторонним шляхтич — самодин, а человек простой — самтретей, с ким можеть присегнути, а по

таковом доводе винные горлом карани будуть. А за голову головщизна и шкоды, на чом довод присягою вделан будеть, з маетности таковых поконаных маеть быти плачоно.

Артыкул 33

О розбои, который бы ся стал от татаров.

Гды бы который татарин народу зацного, яко то суть князи, мурзы, уланы, обвинен был на вряде нашом о розбой, а не будет ли пойман з лицом, тогды вряд наш, сам зехавши або двух шляхтичов добрых, веры годных, пославши, маеть о том, яко напильней быти можеть, шкрутыниум, то есть выведанье, так около того местца, где ся што станеть, яко и в околичных суседов мешканья оного татарина, достаточное учынити не толко о том учынку, але теж и о захованью, поступках и обыйстью того татарина. И за таким выведаньем при яких слушных знаках и подобенствах або подозренью вряд так судити маеть, яко вышей о розбою, шляхтичу от шляхтича учыненом, в сем же разделе, артыкуле тридцатом есть описано. А з иншими татары, которые привильями, им надаными, не суть припущоны до волности шляхетское, розсудок чынен быти маеть водлуг налепшого баченья своего: прихилиючыся чым ближей ку справедливости, маеть жалобную сторону, людей народу хрестиянского, близших ку доводу и присязе найдовати, водлуг досегненья ведомости и уваженья особ и учынку в том поступуючи, а надалей самотретого жалобника ку доводу присягою припущаючы.

Артыкул 34

О невесте беременной, на смерть сказаной.

Невеста, которая бы была с права на горло всказана за який выступок, а была бы беременная, тогды до пороженья мает быти волна от смерти. Вед же предсе маеть быти задержана у везенью, а потом, гды породить, маеть быти горлом карана.

Артыкул 35

Которые мають быти волни от каранья за мужобойство и о шаленых.

Уставуем, иж слуги врядовые, оправцы або цекляры, которые бы были посланы по якого неоселого мужобойцу албо гвалтовника, альбо хотя и по оселого, а на горячем учинку, в сем статуте вышей замероным, его имаючи, а тот бы злочинца, згордивши урадом и не хотечи до вряду ити, и поймати не даючися, посланца або слуги урядовые бил, а в том часе сам был забит або ранен, тогды тые слуги врядовые за слушным доводом и за присягою своею властною при высвятченью особы, з уряду над ними посланое, от каранья за то волни быти мають. А люди шаленые, которые, за допущеньем божим от розуму отшедши, звыкли людем раны задавати, а часом и забойства чинити, тогды таковые, если будуть мети маетность, от приятел и слуг своих в замкненью моцном и за сторожою доброю, звлаща гды в том явне через вряд узнаны будуть, хованы быти мають. А убогих шаленых людей вряд наш местский, где ся то трафит, а на именьях князских, панских — сами панове албо их врядники в везенью задерживати повинни. А пакли бы шаленый з везенья

вырвавшись кого забил альбо ранил, тогды за забитого у вежи на дне рок и шесть недель, а за раны у лъжейшом везенью полрока седети мает. А где бы хто такому шаленому брони додал альбо его ку збытку словы побудил, тогды тот сам водлуг важности выступку за то утерпети повинен будеть. Пакли бы теж хто инший здоровый был обвинен, иж з направи его тот шаленый бой або забойство учинил, тогды обвиненый, в том присягою отведшись, волен быти маеть. А где бы присегнути не хотел, тогды водлуг выступку каранье утерпети повинен будеть. Также где бы хто шалевши, а зася ку здоровью и розуму зуполному пришол, а потом бы ся то ему отновило, жебы зася почал шалети, и в том шаленстве кого забил, тогды такой вжо горлом и заплаатою головщизны каран будеть, бо тот, ведаючи до себе такой припадок, повинен около себе опатрность и сторожу мети и мерне ся ховати.

Артыкул 36

Хто бы злочинцов, розбойников, злодеев явных, людей выволаных в себе в дому переховывал.

Теж уставуем, хто бы с подданных наших людей, правом на горло переконаных: злочинцов, розбойников явных, выволанцов яких кольвек або чти отсужоных, ведаючи о таком переводе права и по обволанью такого сказанья або выволанья в том повете, где оный переконаный або выволаный оселость свою маеть, в дому або в ыменью своем переховывал або за слугу его у себе ховал, або з ними обцовал и им которую раду або помоч ку шкоде речи посполитое албо зособна которое кольвек особы с подданных наших, давал и чинил, або теж речей злодейских ведомо поживал, а то бы на него переведено было слухным правом, тогды таковый маеть быти каран так, яко и оный злочинца або выволанец, або чти отсужоный,

которого он в дому переховывал. А ведже жалобливая сторона за оным злочинцю або выволанцою, где похочеть, хотя и до инших поветов того панства нашего, взявши выпис з уряду, маеть ехати и на оном вряде, так теж в местех, на торгох, в костелех ознаймити и, карты написавши о его выволанью, маеть поприбивати и о нем ознзймити. А через такое оповеданье оного злочынцы або выволанца хто бы, ведаючи и знаючи, ховал, так же маеть каран быти, яко вышей описано, и шкода, через такого злочынцу вчиненая, з ыменья его плачона за слухным доводом. А довод на такового не инакший быти маеть, одно яко на самого злочынцу. А позван о то такий, хто их переховывает, маеть быти до суду головного на завитый рок и там, в права, где бы ся вымовлял неведомостью о декрете нашем або сказанью врядовом, або тым, жебы того человека не знаючи переховывал, тогды не згола, але присегою отведшыся, будеть от того волен. А естли бы присегнути не хотел, тогды так, як оный злочынца што будеть заслужыл, сам каран быти мает. А где бы который пан в таком выступку был обвинен, а тот бы пан в том именью своем на тот час не был, тогды за позвом врядник того пана самтретей с поддаными пана своего отприсегнутися и тым именье пана своего очыстити повинен будеть. А не присягнет ли, тогды сам врядник за то горло тратить.

Артыкул 37

О кривдах от слуг и без службы мешкающих, также от бояр и подданных.

Гды бы чый слуга або врядник, або хто ж кольвек лезный, без службы пры ком мешкаючи, вчинившы кому гвалт домовый або головщызну, и утек, а в его пана чарез сторону был застат и прыповедан, а он, справедливости з него не

учинившы албо выдати его не хотечы, через тую заповедь его упустил, тогды тот пан, чый слуга то учынил, сам гвалт и головщицну и шкоду маеть платити, а собе искати на слуге. И заплатившы, маеть на том присягнути, иж тот слуга кром ведомости и позволения его то вчынил и не ест через него умыслне с прыруки выпущон. А где бы присыгнути не хотел, тогды маеть тот пан сам каран быти тым, чым тот выступца мел быти каран. А естли бы тот слуга не был приповедан, тогды пан не повинен за него платити, одно ся маеть отпрысягнути, иж тот учынок без его позволения и ведомости ся стал.

Артыкул 38

Абы до злого ниhto никому не помагал.

Естли бы хто умыслне отправуючы кого на мужобойство або яки иной злый учынок, за што горлом карають, подпомог конми, зброєю, людьми албо пенезми, а был бы о то до суду позван, а знаков и подобенства слушного не оказано, тогды позванный близший будеть о то отпрысягнуться, же ани радою, ани помочю прычины до такого злого учынку оному не давал, а за тым волен будеть от того обжалованья. А тот , который до тое прысеги кого приправить, на замку або дворе нашом, где ся то станеть, шесть недель седети маеть. А были ль бы оказаны якие знаки, подобенства значные слушные, тогды повинен будеть того обвиненого на первших, а надалей на других рочках перед тым же врядом ку справе ставити. А не поставит ли, тогды вжо против такового стороне поведовой довод ити маеть, и оный позванный сам вси шкоды тые, о што идеть, за доводом платити, а над то, яко помочник, водлуг артыкулу первого сего розделу, сиденьем за гвалт и за

зраненье описаного, каран быти маеть. А предсе мужобойцу стороне жалобной волно будеть постигати.

Артыкул 39

О скаранью людей стану простого за забитье шляхтича.

К тому уставуем: естли бы люди простого стану, будь наши, господарские, або князские, панские, землянские, бояре панцырные, путные, мещане або люди тяглые, забили шляхтича або шляхтянку, тогды, колко их будеть через сторону жалобную перед правом обвинено и поступком правным, водлуг артыкулу вышшого десятого, того на них доведено, мають вси горлом карани быти. А вед же и таких людей простых вышей трех человек за одну голову шляхетскую карано быти не маеть. А то ся маеть розумети о забийстве, в зваде учиненом. А где бы люди простого стану, умыслне гвалтом на дом альбо на господу шляхетскую нашодши або на дорозе умыслне заступивши, шляхтича забили, таковые, за доводом слушным, тые вси, на которых сторона поприсягнуть, горлом караны быти мають. А где бы хто с тых станов простых, верху менованых, шляхтича або шляхтянку збил, зранил, таковый утятъем руки каран быти маеть. А естли бы руку, ногу утял або на яком ином члонку охромил, за то маеть горлом каран быти.

Артыкул 40

О похвалку на здорове и пожогою.

Уставуем: естли бы ся хто шляхты якого колвек стану и зацности на кого другого, теж шляхтича, похвалил, хочечы огнем шкоду учинити, тогды тот, на кого се похвалено, маеть

заразом, скоро по той похвалце, на вряде нашом судовом то оповедати и записати дати, а потом того отповедника без мешканья до права о тую похвалку позвати до городу десети недел, а до земства — первых роков, с тым позваньем не омешкиваючы. И естли бы ся тот отповедник до похвалки перед врядом признал або, хотя бы и не знал, а было бы то на него слушне водле права переведено, яко о доводех, особливе вышей есть описано, тогды таковый маеть быти дан за паруку людем добрым, шляхте, в том повете оселым, где и тот оселость маеть, который о похвалку жалуеь, же ся оному жалобнику шкода от того обжалованого не станеть. А естли бы потом оной стороне жалобливой сталася шкода: спалено дом, двор, гумно або збожье зложоное, або теж што колвек огнем ушкожоно, а тот бы, на оного хто ся похвалил, позвавши его ку праву, поприсегнул с таким доводом, яко вышей в сем же розделе о гвалтах таковых есть описано, таковый будеть повинен стороне жалобливой оную шкоду оправити и заплатити, а собе винного искати, хто тую шкоду учынил. Тым же обычаем и нешляхта против нешляхте, также нешляхтич против шляхтича и шляхтич против нешляхтича у права захованы быти мають. А хто бы теж на кого учынил похвалку, отповедаючы на горло, а сторона жалобливая тым же способом маеть тую похвалку перед врядом оповедати и дати записати и, притягнувши ку праву, естли ся похвалка станеть под часом роков земских або рочков гродских, тогды за заказом через возного, а естли будеть вчынена где на стороне, не перед врядом, тогды оселый — за позвы, а неоселый — за постановеньем ку праву, и тую бы похвалку водлуг права слушне довел, тогды так оселый, яко и неоселый, для лепшее безпечности покою посполитого, мает быти дан за доброе рукоемство людем добрым, шляхте, в том повете оселым, где и жалуючий о похвалку оселости маеть, двум або и одному, толко добре оселому. А тые албо тот паручник маеть

потом ручыти, же оный жалобник от того, хто отповедал, здоровья своего беспечен будеть. А где бы хто по доводе похвалки паруки по собе дати не хотел, ино вряд такового маеть дати до везенья замкового або двору нашего судового и до того часу у везенью маеть седети, аж по собе о тую похвалку рукоемство дасть. И гды бы за таковою похвалкою забито того, на кого ся пофалка стала, тогды паручники, будучы о то до права позваны, мають того, по ком ручыли, перед врьдом ку праву поставити. А сторона жалобливая естли водле сего статуту доведеть и поприсягнуть, иж от него тое забойство сталося, тот горлом маеть быти каран, а головщизна з ыменья маеть быти плачона.

Пакли бы поручник того, по ком ручил, перед врьдом не поставил, тогды на поставление того, по ком ручил, маеть быти ему рок зложон дванадцать недель. А если бы и на тот рок того не поставил, тогды вжо всим тым винам поручьник один альбо колько их будеть подлежатуть, которые тот, по ком ручено, терпети и платити был повинен. Если бы теж хто, будучи о похвалку, на здорове або на пожогу вчиненую, позван, а ку праву без причин правных не стал, або ставши перед врьдом и по доводе на него тое похвалки а поруки по собе не даючи, и до везенья ити не хотел и в том ся врьду спротивил и послушон не был, а был бы так возможным, жебы его вряд до везенья примусити не мог, тогды за то сам маеть быти од нас, господаря, через лист отвороный оного врьду, на выволанье отослан. А к тому за наклады и шкоды стороне жалобной маеть тот врьд на именью такого противного пятьдесят коп грошей отправить, водлуг науки сего статуту о отправах речей сужоных, в розделе четвертом описаное ж.

Артыкул 41

Естли бы шкода кому албо гвалт стался в чием дому, яко и на дорозе, з ведомостью господаря домового.

Уставуем: гды бы кому колвек в чием дому шляхетском або на дорозе с причины и направи господаря домового бой, раны або який шкоды сталися, а оный господар был бы до суду позван, и было бы то на него слушным доводом або якими знаки правне переведено, таковый повинен будеть оные раны и шкоду своими власнымн пенезьми платити и оправовати, а тых гвалтовников або шкодников, хто бы то учинил, себе искати.

Артыкул 42

О гостю так званом в дом, яко и не званом.

Хто бы теж в дом свой позвал до себе на учту и был бы так небачный, а того гостя своего узваного в дому своем зелжил, збил або зранил, а тот бы гость, позвавши его до права, то на него слушным доводом перевел, таковый ображоную сторону с права маеть навезати водле стану его и шкоду платити, на чом присягнуть, и за таковый выступ маеть седети на вряде нашом гродском в повете тамошнем, где оселость мает, дванадцат недель. А естли бы тот гост званный доводу слушного не мел, тогды маеть того ж часу, скоро по зраненью, оказати раны и шкоды свои людем сторонним, околичным суседом и обжаловати и оповедати также вряду раны, шкоды и в книги то записати. И пры том оповеданьи на ранах альбо на бою и на шкодах своих сам маеть поприсягнути. А тот господар будеть винен его навезати и седенье принять, и шкоды платити водле того, яко вышей в том артыкуле

описано. Нижли естли бы теж гость званый, уехавшы в чый дом, так вшетечный был, господаря домового, так теж и господиню або сына, або дочку, слугу, подданого господарского, альбо теж гостя другого збил альбо зранил, тогды и на такового гостя также слушным доводом у права то мает довести. А гды бы доводу не мел, тогды также оповедати людем сторонным и ожаловати . А при оном оповеданью так сторонным людем, яко и вряду маеть кождый з них з особы своее, кого в дому ранить, поприсягнути так на ранах, яко и на шкодах. А гды присягнеть таковой гость домовому господару або жоне и сыну, и кождому иному, хто з них ранен будеть, ображоной стороне маеть за раны навезати и шкоды, на чом присягнеть, платити и на замку также седети дванадцать недель. А где бы се в зваде обадва ранили, так господар, яко гость, а доводу бы но то з обу сторон не мели, а торгнули бы ся обадва ку присязе, тогды жеребей кинути: чый се жеребей напервей выйметь, тот мает на початку звады, на ранах и на шкодах своих присягнути. А гды бы гость в дом чый приехал не званый, а тот бы домовый пан принял его в дом свой за гостя и што бы ся под тым же обычаем притрафило на обе стороне, так гостю, яко и домовому пану, тогды тое ж право на обе стороне, яко вышей в том артыкуле описано, маеть быти заховано. А где бы неоселый гость господаря домового ранил, збил албо шкоду якую учинил, тогды укривжоный, где колвек его постигнувшы, маеть себе с ним перед врядом гродским справедливости доводити. А естли бы господар або жона, дитя, слуга, шляхтич от гостя такого забит был або ранен, а гость не был ранен, тогды мает быть там, в том дому, загамован и задержан, а жалобник маеть о том знати дати до вряду гродского. А вряд гродский, пославшы возного и трех шляхтичов там, маеть о том забийстве, яко ся стало, выведанье достаточное козати учинити и того мужобойцу при трупе перед собою поставити и справедливость з ним укривжоной

стороне учинити, яко с тым, который на горячем учинку ест пойман.

Артыкул 43

Хто бы на чие именье, на село, на люди наславши або сам наехавши гвалтом, побил, пограбил.

Уставуем: хто бы на чие именье, на село, на люди сам гвалтом наехал або наслав и там раны, грабежи, шкоды гвалтовне починил, таковый стороне ображоной, на чом довод слушный учинит, маеть гвалт и раны платити, а грабежи з навезкою поворочати и всю шкоду добре оправити. А хотя бы и не ранил ани бил, толко наехал а грабил, по тому ж гвалт маеть заплатити, а грабежи з навезкою поворочати.

Артыкул 44

Которой братьи рожоной будеть отца забито або з них самых которого колвек, альбо матку, сестру, албо отцу, матце дитя.

Уставуем, иж гды бы было колко братьи рожоной, лета зуполные маючи албо и недорослые, делные або неделные, а одного бы с них брата, будь теж отца або матку их або теж сестру, замуж не выданую, або вдову безпотомную забито, а иншая братья были бы по службах або в чужой земли, и который будеть дома, тот братью свою маеть обослати врядовне через лист упоминальный, абы з ним посполу так о карание за голову забитого отца або брата, або матки, або сестры, яко и о головщизну правом чинили и доходили. Естли ж бы братья его, будучи в здешнем панстве нашем, с ним весполк того права попирати и доходить не хотели, тогды тот,

который дома мешкает, мает сам о то правом чынити, а дошедшы головщизны, с тою братьею своею не будет повинен ее делити, окром который бы з них, братьи, был в чужой земли, а прыехавшы оттоль, ку той головщизне припытавалсе. Таковый, гды наклад его, звлаща если бы не з ыменя, але з своее властности накладал, што он, доходечы тое головщизны, будеть наложил, ему часть его, которая бы межи братьею на него прийти мела, отложить, тогды маеть теж межи братьею своею ку части ровной тое головщизны припущон быти. А где бы при животе отцовском сына безпотомного або дочку, замуж не выдану , або вдову бесплодную забито, тогды о то отец маеть правом чынити, и головщизна ему ж належати будеть.

Пакли ж бы по смерти отцовской а за живота матчиного сына або дочку таких, яко вышей описано, забито, тогды матка з дорослыми сынами своими, а не будет ли сынов, ино з дочками, о тое забойство права доводити и головщизну межы себе на ровные части поделити мають. А естли бы дети ее были лет недорослых, ино одна матка может о то правом чынити.

Артыкул 45

Хто з близких маеть каранья за голову и головщизны доходити.

Коли бы колко братьи было и сестр роженных, выпосажоных и невыпосажоных, отец або матка их албо теж который з них брат, сестра были от кого забиты, тогды братья сами, мимо сестр, мають о голову и головщизну правом чинити и головщизну собе брати. А то ся маеть розумети, гды забитый брат або сестра детей, потомства по собе не

зоставлять, зважа сестра будет ли забита, будучи еще замуж не выданою, або вдовою безпотомною. Вед же хотя и детей по брате албо по сестре, вдовою забитой, зостануть, а будутъ лет недорослых, тогда в недорослости лет таких детей предсе братья албо сестры кривные албо теж опекуны тых детей недорослых права того поспирати и доводити мають. Але гды потом дети лет доростуть, головщизна тая им належати маеть по вытрученью накладу, што бы близкие, доходечи того права, наложили. А где бы кривные албо опекуны того не доходили, тогда сами дети, доросши лет, правом о голову родичов своих чинити могутъ, а давность им в том ничего шкодити не можетъ. А естли бы братья змерли, тогда и дочки мають такого права о голову поспирати. Пакли ж бы сынове, дочки змерли, тогда близкие того доходити мають, напрод наблизшие по мечу, а где бы близких по мечу не стало, тогда и по кудели.

Артыкул 46

О мужатце забитой хто правом чинити маеть.

Естли бы хто шляхтянку мужатку забил, будь при гвалтовном наезде на дом або где кольвек, а она бы детей по собе не зоставила, тогда муж волен будетъ о голову ее правом чинити и гды правом забийцу переконаеть, то и головщизна ему плачона будетъ. А где бы муж з яких причин не хотел того права доводить, тогда родичы, будутъ ли живи, а по смерти родичов братья, а не было бы братьи, ино сестри альбо иные близкие, яко о том вышей доложено, мають того доходити и собе головщизну взяти. А естли такая забитая шляхтянка дети по собе зоставить лет дорослые, а похочут ли мимо мужа матки свое а своего будь отца або отчима о голову матки свое мовити, то им волно будетъ. Пакли ж бы дети зостали лет не

дорослые, то вжо муж будеть мочы о голову жоны своее правом чынити. А хотя бы права довел и головщизну взял, дети тое головщизны матки своее на отцу своем пойскивати не мають, вынявши то, естли бы им отчим был, тогды тое головщизны мужу для накладу его правного ровная часть межы детми належати маеть. А естли бы муж и о такое жоны, што по собе дети зоставить, забийство права доводити не хотел, тогды в недорослости лет детиных таке ж, яко верху описано, родичы албо братья, сестры, близские доходити того будут.

Артыкул 47

О бой и раны шляхтича, лет не дорослого.

Естли бы хто шляхтича або шляхтянку, лет не дорослых, збил, зранил, а отец, matka, брат и хто ж колвек з близких позвал бы о то оного, хто збил, до права, а он бы ся ку тому бою не знал, а был бы бой або раны значные, возному водле права оказанные, ино, естли се тот такий бой стал будеть при бытности того повинного, который о то жалуеть, тот отец, matka або брат, близкий, повинный место оного битого, можеть бою его присегою своею доводити и за присягою навезка маеть быти сказана водлуг стану битого и отдана тому, хто присегнул. А станет ли ся тот бой заочне, в небытности жалобное стороны, ино противная сторона близшая будеть от такого бою и от шкод, которые бы ся при том бои стали, отприсягнутися. Также ся и о пану або паней розуметисе маеть, гды бы жалоба шла о збитье хлопца або девки, лет не дорослых.

А гды такий битый лет доростеть, тогды ему от повинного або от пана, панее тое навезки половица дана быти маеть, а

отец и matka не повинны будуть дитяти своему ничего за то платити.

Артыкул 48

О таком, хто бы, кому гвалт, забийство, бой або шкоду учынивши, первой розсудку правного умер.

Уставуем: гды бы хто, учынивши кому гвалт який, забийство альбо бой, раны, якие кольвек кривды, шкоды поделавшы, а не росправившыся з стороною жалобною, умер, а именье або маетность рухомую по собе зоставил, а тая бы кривда еще за живота того, на кого жалоба идетъ, была на враде и суседом водлуг сего права оповедана и записана, ино уквивжоный альбо теж дети, потомки, близкие его, не промолчавшы давности водлуг учынку, в сем статуте описаное, будуть мочы тых кривд, шкод на детях, потомках и близких оног змерлого, на кого по нем маетность его лежащая або рухомая падеть, правом пойскивати. А если бы жалобная сторона тое речы водлуг права сего статуту довела, тогды дети, близкие оног гвалтовника або шкодника от горла и везенья волни зостануть, але гвалт, головщизну, навезьку и шкоды, на чом жалобная сторона довод и присегу водлуг сего статуту учынить, з ыменья и маетности оног змерлого, поки ее станеть, платити винни будуть.

Артыкул 49

О мещанине и о ином чловеку простого стану, который бы шляхтича ранил.

Если бы который мещанин места Виленского, будучы в бурмистровстве, шляхтича збил або ранил, тогды маеть

навезати так, яко вышей написано. Нижли естли бы бурмистровством на тот час не справовал, а шляхтича бы ранил, маеть руку тратити. Так теж и хлоп простой, в месте мешкаючы естли бы збил або ранил шляхтича, маеть руку тратити, а естли руку або ногу шляхтичу утнеть або на члонку котором охромить, маеть горлом каран быти.

Артыкул 50

О оказанью шляхетства за сказаньем навезки.

Естли бы по сказаньи навезки шляхетское сторона противная поведила, иж "я водлуг сказанья судовного навезку ему дати готов, нижли не естем ведом, естли он ест шляхтичь або ни; рад бых о том ведал", — тогды тот, хто ся менит быти шляхтичом, маеть ехати до оное земли або повету, отколя родом ест, и там же, собравши братью, стрьев або кривных своих перед врьдом тамошним гродским або земским, до которого ся ему борздей трафить, маеть вывести, иж ест шляхтичь. А врьд з оное земли або повету маеть писати лист отвороный до суду, где се тое право точило, даючи о нем свидетельство, иж ест шляхтичь. И гды таковую ведомость о собе принесть, тогды сторону свою противную мает до суду на другие роки припозвати ку прыслууханью того выводу его. А тот позванный мает ся за першими позвы, яко на року завитом, становити, и того выводу шляхетства прислуухати, и по оказанью шляхетства вместо нагороды шкод навезку шляхетскую совито заплатити будеть повинен. Вед же если бы неоселый чоловек доведывался оного шляхетства, маеть до того часу, поки он зездит, за паруку дан быти. А естли бы паруки не дал, мает быти у везенью на врьде гродском задержан.

Артыкул 51

За гвалт посполитый суседский.

Уставуем, иж за кождый гвалт посполитый суседский, правне переведеный, маеть быти сказано стороне ображоной дванадцать рублей грошей.

Артыкул 52

О премолчанью гвалту, злодейства, пожоги и иных шкод.

Гды бы хто кому гвалт посполитый суседский або злодейство, пожогу, бой, грабеж и якую шкоду учинил, а тот бы молчал от оного часу, як ся то стало, три годы, тогды вжо о то будет вечне молчати. А естли бы и позвавши о то, а права не доведши, а потом зася знову три годы промолчал, о то такеж не будеть мочи правом чинити, вынемши если бы опекуны замолчали, тогды детем, гды дойдуть лет, право не гинеть такеж до трох год.

Артыкул 53

Хто бы после ран, по пиром и по корчьям бываючи, пил.

Уставуем: гды бы который шляхтичь и якого бы кольвек стану человек битый або раненый после ран ездил або ходил по колацыям, по торгох и по корчьях пил, на беседах седал от бою або зраненья до двадцати чотырох дней, а потом хотя бы от тых ран умер, тогды тот, от кого тые раны або бой ему ся стал, доведет ли того слушным доводом, головщизны платити

не будет повинен, толко за раны его крвным досыть чинити за доводом подле статуту.

Артыкул 54

О рукоемство на поставенье.

Естли бы хто кого ручил на постановенье, и час бы тому поставенью был зложон, а тот бы, по ком ручил, перед роком, поставенью замереном, умер, тогды поручник маеть сознаньем врядовым, где тот истец умер, вывестися и тым будет волен от паруки. А естли бы поручник сам такеж перед роком, поставенью истца зложоним, умер, тогды жалобная сторона вжо истца смотрети маеть, а дети поручниковы не будут в том винны. Нижли естли бы поручник на рок, поставеню истца зложоный, не поставил и паруки з себе не здал, а после того року оный истец албо сам поручник умер, тогды парuka таковая яко на самом паручнику, поки жив, так по смерти его и на дети, и маетность его спадываеть, на чом жалобник довод слушный шкод своих учынить.

Артыкул 55

Якого вязня вряд наш не может на рукоемство дати, а якого мает давати.

Кды бы хто кого, обвинивши в учынку яком кравом, за што горлом карають, дасть перед правом до везенья вряду нашего осадити, такого вязня вряд наш не маеть на рукоемство без позволенья стороны тое, которая его осадить, давати и з везенья выпускать. А поступок в той речы маеть вряд на обе стороне такой учынити, яко о том вышей в сем же статуте есть описано. Леч хто бы кого, обвинивши в речах

меньших, где о горло не йдетъ албо о долг який, будь оселого албо неоселого дал до везенья, тогды вряд такового вязня и без дозволенья стороны поводовое можетъ ку постановенью на певный рок на паруку дати, а сторона в том не поручника, але вряду смотрети мает.

Артыкул 56

Который злочынца будетъ на смерть сказан, а от того бы ся откупил або отпрошон был.

Теж естли бы хто о злодейство або о которое злочынство на каранье горлом через вряд права посполитого всказан был, а в том караньи горло свое пенезми откупил або се от того каранья або от страченья горла через приятелей своих або гостей, послов, панов знакомитых выпрохан был, а за таковой свой злый учынок у ката у руках был, таковой кождый промежи добрыми людьми рыцерскими не мает болшей того привилья шляхетского ужывати, а детем его то шкодити не мает.

Артыкул 57

О том, который бы шляхтичь неоселый, забивши кого под которым врядом нашим або где кольвек, а не справившись, прочь уехал.

Гды бы хто, будучи неоселым в том панстве нашем, великом князстве литовском, и никому не служащи, будь чоловек приезджий албо уроженец тутошний, забийство албо який иной збыток, за што горлом каранье описано, под которым урядом нашим албо и где кольвек инде учинил, а не мог бы быть пойман и перед врядом ку росправе ставен, але

бы прочь уехал, а сторона жалобная не хотела бы на том, у кого бы се такой человек неоселый переховывал, того позыскивать, тогда маеть по такого сторона болячая позвы от вряду гродского того повету, в котором ся то станеть, взяти и тые позвы через возного дати поприбивати у ворот замку або двору нашего судового и в месте на бронах, и теж при костелех, и казати возным тые позвы голосне обволывать, абы се ку справе в том обвиненью становил. За которыми позвы не станет ли обвиненый ку справе на двои рочки гродские, таковый на выволанье до нас, господаря, обычаем, в сем статуте около того постановленным, маеть быти отослан. И мы его маем казати выволати со всих панств наших. А по выволанью яко сторона, так и вряды наши мають и могут ся против него заховати, яко и против иных выволанцов, яко о том в сем же статуте ест описано.

Артыкул 58

О присязе на гвалте и шкодах, при нем починеных, также на шкодах при слуге або посланцу, на дорозе вделаных.

Уставуем, иж на гвалте кождом за наездом або найstem на дом або господу шляхетскую, яко о том ширей на своих местцах ест доложено, гды присега стороне поводовой сказана будеть, а тот гвалт стался будеть при бытности самого господаря домового, тогда на том гвалте ниxто иный, одно сам тот, xто о тот гвалт позываеть, которого колвек стану будеть, маеть водлуг статуту присягнути.

А если в небытности самого того, кому тот гвалт станеться, тогда на том, иж справедливe о том ведомость взял, же ся то так, а не иначей стало, и за тою ведомостью тебе, яко гвалтовника дому своего, поприсегаю. А врядник теж маеть

присегнути, же так ест, яко он в том справу пану дал. А на шкодах своих власных также сам маеть господар домовый присегнути. Нижли естли бы се гвалт домовый и при том забранье маетности стало в небытности господара домового, тогды он винен будеть толко на том присегнути, же так много, о што жалуеть, в том дому и схованью своем отехал. А врядник, або тивун, або теж межи убожших станов жона, сын дорослый, або тот, хто на он час в дому его с порученья его старшим будеть, маеть на том присегнути, же то ест при том гвалте побрано. А если при яком гвалте самому пану шкоды не станутся, толко слугам або подданым его, то предсе пан на гвалте, а слуги, подданные кождый на шкодах своих присягнути мають. А не всхочеть ли поведовая сторона, сам пан, на гвалте присегнути, того ему волно отступити, але на шкодах похочуть ли, так он на своих власных, яко слуги и подданные — на своих, присегнути, то теж им волно будеть. По тому ж, где бы хто с князей, панов шляхты менил собе шкоду от кого в чом кольвек быти, вчиненую на дорозе и где кольвек, при слугах або яких колвек посланцох своих, тогды пан сам на том, иж то, о што жалуеть, послал был через того слугу або посланца, а слуга, посланец тот — на том, же то в него отнято, або вкрадено, або при бою згинуло, мають при иных поступках правных присегнути. А слуга, посланец и на бои своем, если ся ему станеть, заразом может присегнути. А по таком доводе сказанье маеть быти чинено водлуг права. А што ся дотычеть поточных посполитых гвалтов не о речи кровавые, где ся в небытности самого господаря домового стануть, того могут врядники, шляхта присегою доводити. А хто бы не мел врядника шляхтича, тот, похочет ли, сам маеть таких речей присягою доводити, яко о том вышей в сем артыкуле описано.

Артыкул 59

О писанью шкод в позве або менованью при устной жалобе.

Иж некоторые люди звыкли были в позвех жалобы свое при гвальтах и при иных розницах писати много речей, шкод албо и при устной жалобе словне их много менити, а часу dokonанья права, гды приидеть ку присязе, тогды тых шкод, в позве або устне на жалобе помененых, великую часть отступовали, чым яко врьд в непотребную трудность приводили, так и себе они якое мниманье противное приправовали, а так мы, господар, хотячы то в людях таковое мысли вперед завстегнути, уставуем, иж хто бы в позвех або в устной жалобе своей шкоды якие описавшы и поменившы, а потом на праве або часу присеги которое части их отступовал и на всих, яко ожаловал, присягнути не хотел, тот вжо и вси иные шкоды, в жалобе его помененые, тратить и присягати на них не может, а обжалованая сторона от них волна будеть. Однако ж и в том постерегаючи мы уближенья стороны уквивжоное жалобное, так то варуем, иж гды бы ся кому стал який гвалт, наезд домовый и при том забранье маетьности або отнятье имения со всею маетьностью, албо теж шкода пожогою, злодейством, будь теж на дорозе розбоем и иным яким обычаем, чого бы сторона ображона про великий жаль, або зраненье свое, або, естли бы сам пан был забит, по нем жона, дети, близкие перед таким фрасунком, жалем и утиском своим не могла заразом всих шкод забраня маетьности своее або листов на память собе привести або ведомости о всем том достаточное досегнути, тогды толко гвалт, наезд, пожогу, злодейство або розбой, раны маеть без омешканья, яко наборзде водлуг далекости дороги может быти, маеть суседом околичным и на враде водлуг науки сего статуту

оповедати и до гних записати дати, докладаючи и того, же ся и шкоды, если так будеть при том стали, которых она не могла так борздо списати и до книг послати, а потом розмыслившись и выведавшись достаточне о шкодах, собе поделанных, может тые шкоды, на рейстр меновите списавшы, до вряду ку записованью в гниги послати, а вряд маеть до гниг прыняти. Не может ли быть ближей, тогды надалей в трех неделях, и то стороне жалобной у права ити маеть, вынявшы то, где бы самого пана в том именью не было, где ся тая шкода станет, а был бы где индей в колкудесят милях, а врядник, тивун або жона не ведали бы, яко о тых шкодах вряду справу дати, таковому час на оповеданье шкод маеть быти и до шести недель. А стало ль бы ся то будучому на службе нашей, господарской, и земской за границю панств наших або на войне, таковому на оповеданье шкод часу узычаем по зверненью послуги наше и земское до шести ж недель.

Артыкул 60

О каранью таких невест збыточных, которые бы дети свои або иных губили.

Ради то видечы, абы в панстве нашем хрестияньском всякая учтивость и поважность, поволянью хрестиянскому належачая, была захована, а противные тому жебы каранье слушное на собе относили, откуль бы и иные нерадного предсявзяття своего повстегатися могли, уставуем, иж гды бы которая белая голова, не живучы в стане малженьском, але вшеточне ся и нерядне справуючы и так плоду набывши, а потом для встыду або боязни каранья тот плод сама або через кого иного тратила и о смерть приправовала, а на таком учынку была бы сама албо тот, хто от нее справовати то будеть, поймана, албо бы то яким слушным, певным, значным

и явным доводом переведено было, таковые, яко тот, хто ся того чынити а плод такой губити подвезал, яко тая, которая плод свой на страту дала, сами мають горлом карани быти . А в таковой речы вряды наши гродские и местские мають выведанье чынити и того постерегати, а дознанных и правом в том переконанных карати.

Артыкул 61

В чом и коли шкрутыниум мает быти допущоно.

Шкрутыниум маеть быти чынено в таких речах, где идетъ о почстивость и о горло, в чом стороны межи собою мели бы доводы або отводы вонтпливые. А брали бы себе обеде або одна которая сторона на шкрутыниум, тогды вряд, выслухавши доводов и отводов их, того ей допустити маеть обычаем, нижей описаным, то есть на шкрутыниум маеть быти давано в тот час, гды стороны, або за пойманьем на горячом учынку, або за позвы на року, праву припалом, росправу з собою мети будутъ. А то для того, гды ся таковые sprawy о почстивость за отосланьем врядовым на сем перед нас, господара, а о горло — за апеляцыею до суду головного приточать, тогды абы обеде стороны з справами своими готовы были. А над тые речи, верху описаные и на шкрутыниум вынятые, а где бы не шло о почстивость, або о горло, албо и о иншыя речи, о што на шкрутыниум иншыя артыкулы в сем статуте меновите указують, мы, господар, ани суд головной, ани который вряд на шкрутынию позваляти не маеть, але без отволоки кождому укривжоному за доводом правным справедливост заразом на року, слушне припалом, делана быти маеть.

Артыкул 62

Хто на шкрутыниум маеть выезджати, и о назначенью часу ку выезду на нее.

Гды вжо врьяд гродский с причин, верху описаных, шкрутыниум которой стороне або обудвум допустить, тогды на тое шкрутыниум, то есть на выведанье, маеть староста судовый того повету, в котором ся такая справа приточить, а в небытности самого старосты тогды две особы врьядовые, наместник або подстаростий з судьею гродским, а естли бы оба два тые не могли з яких слушных причин ехати, тогды з одним з них которым писар гродский маеть ехати. А не могло ль бы то быти, жебы два врьядники ехали, тогды один который з них маеть ехати. И хотя один або и два поедуть, предся мають при собе мети возного и колку шляхтичов, людей добрых, веры годных, принамней трох особ, ни одной стороне, в праве том стоячей, неповинных. А час выезду на тое выведанье маеть врьяд сторонам очевисте на рочкох ознаймити без продлуженья, але яко наборздеи быти может скоро по отсуженью рочков водлуг далекости местца, на которое мають выехати.

Артыкул 63

Яким обычаем шкрутыниум маеть быти чинено.

Тые вышей мененые шкрутаторове мають на тое местце, где се тот учинок, о што право идеть, стал, выехати и там выведанье пилное и достаточное учинити у наблизших суседов, у шляхты, у панов самых и их врьядников, слуг и подданных и у кого ж колвек иного, хотя и в перееждного человека, которому бы ся притрафило на он час, гды се што

стало, то видети, толко бы в людей годных веры, не выймуучы с того жадное особы, так духовного, яко и светского стану человека, которые повинни будут, маючи перед очима своими боязнь божью и сумнение доброе, прирекши и шлюбивши словом своим добрым и почтивым, сознати то, чого будут в оной речи сведоми правдиве. Але тых особ, у которых маеть быти опыт и выведанье чинено, стороны, в праве з собою стоячие, не мають ку тому свидетельству способляти и часу того выезду и выведанья перед шкрутаторми становити, одно тые шкрутаторове сами у тых людей, у кого бы розумели водлуг месца, часу и учинку налелей и нащирей правды ся выводывати, мають опыт чинити не толко о самом том учинку и о причинах его, але и о захованью а поступках и обыстью тых обудвух особ, право з собою ведучих. А стороны часу такого опыту и выведанья при вряде быти и того ся прислухивати не мають. И чого ся тые шкрутаторове в той речи выведають, то все достаточне списати мають, докладаючи правдиве, под сумнением своим, каждого повести, также час, местце и вси иные знаки и подобенства, и будучи вряд сам на выведанью, тое писмо мають при себе до skutecноe росправы сторон под печатями шляхты и возного, при них будучих, на листе зашитом заховати. Вед же вряд наш гродский повинен будет на шкрутыниум выезджати без отволоки под тою ж присегою, которую на вряд свой учинил.

Артыкул 64

Яко стороны и вряд по шкрутыниум заховатися мають.

Гды ся вжо тое выведанье тым порядком, яко вышей описано, отправить, тогды стороны, так жалобная, яко отпорная, кром позванья ку доконанью того права и

прислуханью выроку врядового, на том же вряде становитися и росправу принять на первших роках, по шкрутыниум припалых. А вряд, за пилным уваженьем и розмышленьем взявши порозуменье и обачивши а розезнавши о той справе з оного выведанья, и за которою стороною будут на выведанью слушнейшие и певнейшие свидетельства и знаки, тую сторону ку доводу або отводу водлуг науки сего статуту припустити и, прочитавши шкрутыниум обеюм сторонам, то промежку них розсудком своим без проволоки кончити маеть, то ест прийдет ли до того, с права винного, на горло, также головщизну, шкоды на именью або маетности рухомой сказати маеть. А если которая сторона по шкрутынии на первших рочках ку росправе перед врядом не станеть, тая речь свою тратить.

Артыкул 65

О высыланью через нас, господаря, на шкрутыниум.

Теж гды ся от власного суду нашего, господарьского, припадает на шкрутыниум выслати в речах, вышей описаных, тогды мы маем на то выслати особ двух албо трех, врядников оного повету, где се тот учинок стал, а по выведанью их по тому ж се розсудком нашим ку сторонам заховати маем около припущанья их ку доводу албо отводу, яко о том вышей о врядах наших описано.

Артыкул 66

О высыланью через суд головный на шкрутыниум.

Гды бы теж суду головному указала потреба водлуг сего статуту на шкрутыниум выслати, тогды мають выслати,

промежку себе на то обравши, двух особ, которые высланные от них особы по выведанью в розсудку самое речи, сами судьи головные мають ся заховати и поступовати так, яко вышей о вряде гродском шырей есть описано. Але стороны вжо без позву по шкрутинии, одно на рок, от шкрутаторов зложоный, ку сконьченью права и прислуханью выроку там, где и в котором колвек воеводстве в том году суды головные судити будуть, становитисе перед тым же судом головным будуть винни.

Артыкул 67

О апеляциях в речах кровавых от вряду которого судового до судей головных и о даванью на паруку сказанных на горло.

Хто бы оселый у великом князстве литовском в справе такой, которая идет о горло, по сказанью суду гродского, и будучы на горло сказаным, хотел апелевати до суду головного, а где бы о почстивость шло — до нас, господаря, таковому каждому апеляция маеть быти допуцона. Вед же под тым обычаем, иж тот, кого бы вряд на горло сказал, маеть по собе певное рукоемство дати людьми оселыми, шляхтою, трема або двема особами, же се ку росправе перед судом головным становити будеть. А сторона жалобная до сконьченья права абы была от стороны противное здоровья своего беспечна. А где бы таковой, паручников выдавшы, перед судом головным або перед нами, господарем, не стал, тогды суд головный такового, сказавшы на горло, мает через лист свой его до нас, господаря, на выволанье отослати.

А мы, господар, будем повинни заразом его казати выволати вечным выволаньем, иж вжо таковому и глейт наш

на поднесенье выволанья даван быти не маеть. Которого
такового выволаньца кождый врьд гродский, где колвек
пристигнувшы, за жалобою и помочью стороны укривжоное
поймати и горлом его карати розказати, а головщизну и
иные шкоды и презыски суд головный на самых паручниках
всказавшы, ку отправе того на их именьях до того врьду
гродского, под которым они оселости свои мети будутъ,
отослати маеть, што врьд тот поступком, нижей описаным,
выконати будетъ повинен. А поручники тых всих своих шкод
на именью и на маетности того, по ком ручыли, поискивати
мають. А пакли бы тот истый, на горло сказаный, за парую
будучы, сторону свою поводовую о смерть приправил, тогды
паручники, будучы о то от повинных забитого припозваны
перед суд головный, за доводом правным сами горлом мають
быти караны. А естли бы ранил, ино раны и шкоды всякие,
што бы ся при забитью або ранах стало, совито навязывати и
нагрожати будутъ повинни. А того всего поручники и их
потомки смотрети собе будутъ на оном истцу, по ком ручыли,
и на маетности его лежащей и рухомой. А где бы таковой,
кому идетъ о горло, рукоемства по собе не дал, тогды через
врьд маеть быти у везенью задержан до росправы або поки
паруку по собе дать. А суд головный по оказаню от стороны
поводовое декрету суду гродского, будет ли тот декрет водлуг
права учынен, вжо на выконанье тое справы до конца до того
ж суду гродского отослати ее маеть. А где бы тот суд врьду
гродского судьям головным здалсе не водле права, такого суду
они поправивши, мають врьду гродскому науку дати, яко в том
далее поступовати маеть. А пакли бы правом поконаный, не
даючыся врьду загамовать, проч упорне з замку албо з двора
нашого зшол, тогды врьд против такового водлуг розделу
четвертого артыкулу тридцать второго поступовати маеть. А
за презыски заразом жалобнику отправу на маетности его,
якую мети будетъ, учынити будетъ повинен. По тому ж и

стороне поводовой, естли бы ся декрет суду гродского не водле права видел, до головного ж суду апелевати волно. А позванный вжо без рукоемства, яко вышей описано, перед судом головным ку росправе становитися маеть. Где бы теж вряду земскому в такой речы и збытку, што ся под роками земскими станеть, трафило кого на горло сказати, тогды около допущенья апеляцый и давань на паруку таке ж ся маеть заховати, яко о том вышей в сем артыкуле доложено, и суд головный на выконанье сказанья до того ж земского вряду отсылати маеть.

Артыкул 68

О непереховыванью выволаньцов во всех паньствах наших.

Абы люди свовольные часу выволанья фолги и обцованья в панствах наших не мели, уставуем, же выволаньцы великого князства литовского, также и чсти отсужоные во всех паньствах наших, не толко у великом князстве литовском, але и во всех панствах наших не мають быти ни через кого переховываны.

Роздел дванадцатый. О головщинах и о навезках людей простых, и о таких людех и челяди, которая от панов своих отходить; также и о слугах приказных

Артыкул 1

О забитью человека простого стану от шляхтича.

Повстегаючи мы, господарь, своволенства и зуфалства людские, которые што от часу в людех неповстегливых без всякое боязни божие оказывают, с чого и кровь невинную людскую невстыдливе и невинне, в надею заплаты за нее пенежное, розливают и тым не менш пана бога ку гневу на речь посполитую побужают, уставуем: если бы который шляхтич з зуфалства, з опилства и без данья причины своволне, умыслне, легце поважаючи право посполитое а паствечися над створеньем божим, человека простого стану, не шляхтича, забил, а был бы пойман заразом за горячем учинку в часе, вышей в сем статуте на горячий учинок замероном, таковой шляхтич за слушным доводом маеть быти горлом каран, кром головщизны. Вед же довод на шляхтича в такой речи не инакий быти маеть, толко если его сторона жалобная при забитом з шестьма светками, з людьми добрыми, веры годными и неподойзренными, самсемый поприсягнуть. Межи которыми шестьма светки мають быти два шляхтичи, веры годные и неподойзренные; тогды за таковым доводом тот шляхтич маеть быти горлом каран. А если бы шляхтичов ку доводу такому не мел, тогды, гды и с

простого стану с трема светками жалобник присягнуть, шляхтичъ вжо толко головщизну платити винен будеть. Нижли если бы тот шляхтич поведил, ижбы с причины и за початком того забитого, в обороне будучи, до того примушон то учинил, и брал бы се в том ку отводу, тогды то ему маеть быти допущено. А вед же тым обычаем отвод маеть быти, гды самотреть присягнуть з двема шляхтичами, а хотя бы и не шляхтою, толко бы людьми веры годными и неподозренными, таковый маеть быти волен от горла и от головщизны. А где бы се то показало, же тот шляхтичъ, будучи и перед тым неспокойным, своволне то учинивши, толко самодин бралсе ку присязе, без таковых светков, тогды то ему ити не маеть, але предсе за доводом зуполным стороны жалобное, яко ест вышей описано, маеть быти каран горлом. Пакли ж бы жалобная сторона, не маючи зуполного доводу такого, яко ся вышей поменило, але толко самовтора або самотретя того шляхтича поприсягнути хотела, менуючи быти, иж се то на безлюди стало, тогды вжо предсе тот шляхтичъ близший будеть з своим доводом отприсягнутися, иж то не умысльне, але примушоный ув обороне учинил. А если бы теж и шляхтичъ светков к присязе не мел, а толко сам присягнути хотел, то вжо сторона жалуючая близшая будеть самотреть з собе ровными, толко людьми добрыми и неподозренными, при забитом, иж не за початком его, одно безвинне забит, присегнути, а тот шляхтичъ, обвиненый за таковым не зуполным доводом, горла не тратит, толко головщизну водле стану его заплатити будет повинен. А где бы теж шляхтичъ таковый не был на горячем учинку пойман, тогды предсе, будучи потом до права водле сего статуту притягнен, маеть за доводом слушным за забитого головщизну платити и шкоды, которые бы ся в тот час стали, также за слушным доводом оправити.

Артыкул 2

О мужобойстве межи людьми простого стану.

Теж уставуем: естли бы чоловек простого стану другого чоловека теж простого стану, не шляхтича, насмерть забил, тогды за доводом стороны жалующое при поступках правных, в сем статуте описанных, и за присегою стороны поводовое самотретего, сторона обвиненая горлом карана, а головщина з маетности его рухомое водле стану его заплачона быти мает тому, кому водле права належати будеть.

Артыкул 3

О головщинах и навезках людей простого стану.

Панцерному слуге — шестьдесят коп грошей, путному слуге — пятьдесят коп грошей, бортнику — сорок коп грошей, тяглому человеку — двадцать пять коп грошей, челяднику домовому отчизному або полоненику — двадцать коп грошей. А жонам их совито головщина.

А навезка им:

Панцерному слуге — шесть рублей грошей. Путному слуге — три рубли грошей. Бортнику — два рубли грошей. Тяглому человеку — две копе грошей. Челяднику домовому отчизному и полоненику — копу грошей. А жонам их совито.

А жонце, которая мужа не мела и не маеть, навезки полтина грошей, а головщицны двадцать коп грошей.

Артыкул 4

Головщины, навезки тивуном, ключником, войтом, старцем, лавником сельским.

Тивуну, ключнику, войту, старцу головщины сорок коп грошей, а естли бы челядник отчыный або полоненик в котором тых врядов был, тогды ему во вряде головщины двадцат коп грошей, а навезки две копы грошей. А пакли бы в ключах або у войтовстве который шляхтич был, таковому предся головщина маеть быти водлуг стану шляхетского. А навезки тивуну, ключнику, войту, старцу по три рубли грошей.

Артыкул 5

О головщинах реместных людей.

Золотару, органисте, пушкару, гафтару, малерови, соколнику, машталеру, кравцу, гафтарце, ковернику, ткачу, слесару, столмаху, дойлиде, ковалю, столяру, псарцу, возници, муляру, шевцу, гончару — тым всим головщины по тридцати коп грошей, а навезки по три рубли грошей, а жонам их совито. По тому ж и иным ремесником, которых тут не написано, маеть быти плачоно, яко и тым, вышей менованым, а жонам их совито.

Артыкул 6

О головщинах и навезках мешанских мест упривильеванных и менших.

В местех упривильеванных наших, господарьских, и князских, панских, в которых ся судять правом майдеборским, а не мають привильев на навезку шляхетского права, войту, бурмистру, лавнику, писару головщиzny по пятьдесят коп грошей, навезки войту, бурмистру, лавнику, писару десеть коп грошей, а жонам их так головщина, яко и навезка совито, вед же тым жонам, которые ся сами шинком не бавять, а которые шинкують сами, тым яко и иного простого мещанина жоне. Мещанину таких мест, што под майдеборским правом, головщины тридцать коп грошей, навезки пять коп грошей, а жонам их совито.

А естли бы в котором месте таком войт, бурмистр, лавник або писарь был шляхтич з роду або за упривильеваньем нашим, господарьским, а не бавил бы ся шинком и ремеслом, яко о том в розделе третем ширей описано, таковому головщиzna и навезка маеть быти шляхетская и жонам их совито. В местечках менших, где права майдеборского нет, войту, лавнику головщины тридцать коп грошей, а навезки пять коп грошей, а жонам их совито. Мещаном таких мест менших головщины двадцать чотыри копы грошей, а навезки три копы грошей, а жонам их совито. Шинкарце навезки пятьдесят грошей, а головщины двадцат коп грошей.

Артыкул 7

О головщинах и навезках жидовских.

Гды бы жид жида насмерть забил, ранил або избил, тогды о том суд и сказанье промежку них маеть быти чинено водлуг прав и привильев их. А естли бы шляхтичь забил жида, а был бы пойман на горячем учинку, тогды маеть горлом быти каран, але вжо головщина плачона не будеть.

А так же се маеть разумети и о розбою, а шкоды, при забитью албо розбойи вделанные, з маетности того забойцы або розбойника за доводом плачоны быти мають, гды бы шляхтичь водлуг артыкулов вышших, в сем статуте описанных, поконан в том был. Так же и о неоселой шляхте, которые никому не служащи, а толко костырством а пянством бавятся, а таковой бы учинок пополнили, иж таковой же вине, яко и тые, которые на горячем учинку будуть поймани, подлежат. А если бы который шляхтичь, неумыслне с пригоды таковой учинок пополнивши, утек, тот, будучи з оселости своее до суду належного позван, за переводом правным того такого учинку горла не тратить, але гды на том присягнуть, иж неумыслне забил, толко головщину, а за раны навезку за доводом правным, яко шляхтичу, платити маеть. А где бы се тое забойство жиду от христианина стану простого человека стало, тот, хотя бы на горячем учинку не был пойман, але до права своего, под которым седети будет, притягнен будучи, за переводом правным горлом каран быти маеть. А естли бы ранил так, ижбы раны значные и шкодливые битые або кровавые были, тогды за то навезку маеть платити, яко шляхтичу, водле статуту. А если бы тот был так убогий, ижбы не мел чим навезки платити, тогды за то везеньем каран быти маеть водле их привилья, а барверу предсе за лекарство

заплатити. А за менший бой также сяденьем через колко дней водле узнанья врядового каран быти маеть. А естли бы на члонку котором охромен был, тогды то водле сего статуту сужоно маеть, яко о навезках описано ест, а в ынших речах они водлуг привилъев своих сужоны и захованы быти мають. А сами жидове, гды в чом от кого обвинены будутъ — от воевод, старост и державец наших и от иных станов, которые з них под чиею владзою будетъ, без позву, яко иные подданные наши, тые, которые волности шляхетское не вживають, сужоны и сказованы быти мають водлуг прав и привилъев, им наданных. А естли бы котрый жид або жидовка до веры християнское приступили, тогды кожда такая особа и потомство их за шляхтича почитаны быти мають.

Артыкул 8

О ношенью жидовском.

Жидове з ланцухами и с клейноты золотыми ходити, так теж серебра на пасех, на кордех, на шаблях носить не мають. Вед же однак сыгнет на палцу один и перстень один кождому з них мети и жидовкам перстени, поес и уберы водлуг преможенья своего носить волно.

Артыкул 9

Жид, татарин, кождый бесурмянин на вряд преложон быти и християн в неволи мети не маеть.

Уставуем и от того часу мети хочем, абы жид и татарин, и кождый бесурмянин на достоинство, ани на котрый вряд от нас, господаря, ани от панов рад наших преложон не был и християн в неволи не мел. А естли бы котрый з них

християнина купил у вечную неволю, таковый пенязи тратить, а тот християнин мает быти волный. А пакли бы хлопа або жонку закупил, тогды маеть прийти перед врьд и в чом закупить або теж з суда в заплате якой будеть выдан, до книг записати, и будеть ли сума великая, тогды тот закуп и закупка за сем лет с тых пенезей выробитися маеть. А где бы сума невеликая, ино с тых пенезей на кождый год выпуску маеть быти: хлоп у рубль грошей, а жонце копу грошей, окром одежи и корму, што обое он же давати маеть. Тое ж ся и о полоненикох християнох розумети будеть; албо таковую челядь и полонеников на землях своих осажати и пашню им давати могут, а таковые вжо за отчичи розумены быти мають.

Нижли маючы таковых закупов албо полонеников, детей их у жыдовство, ани у бесурмянство намовляти, ани обрезавати не мають. А который бы смел иначе учинити, а было бы то на него переведено, тогды без жадного милосердя таковый на горле огнем маеть быти каран, чого врьд наш с пилностью стеречи и о том ся выведывати маеть. А мамками хрестиянки детей жыдовских и теж у каждых детей бесурмянских быти не мають. А хто бы хрестиянку ку тому приневолил або наймовал, а то бы слушне водле права на него было переведено, тогды таковый, от кого колвек будучы позван, тому, хто позоветь, вины двадцать коп грошей заплатити повинен будеть. А если бысмо которому татарину або жыду, або которому бесурмянину двор наш або именье з людьми дали, мають се таковые жыдове и бесурмяне на выслугах своих против хрестиянских людей, яко путных, так и тяглых, заховати, абы их ку подачкам и службам незвыклым не приневоляли. Вед же тые подданные татарские, которые здавна на именах седять, тые за отчичи и у них яко у инших обывателей великого князства розумены быти мають.

Артыкул 10

О головщинах и навезках татаром.

Уставуем: которые мурзы, князи татарове закону бесурмянского мають оселость, именье земские з наданья предков наших и нас самих, и естли тые бывають на службах наших, господарских, и земских, в ротах або при гетманех наших и в рейстрах военных суть написаны, таковым навезка маеть быти яко шляхтичу, а жонам их совито, а головщины сто коп грошей и к тому у вежы седети рок и шесть недель, кром горла, вынявши того, хто бы на горячем учынку был пойман, таковый горлом каран быти маеть. А которые татарове фурлюном се живять и огородные речы справують, быдлом торгують, кожи дубять и якими колвек ремесли живность себе заробливають, таковым навезка рубль грошей, а жонам их совито, а головщины двадцать коп грошей.

Артыкул 11

Чоловек волный за кождый выступ в неволю выдан быти не маеть.

Теж уставуем, иж чоловек волный за жаден выступ в неволю вечную выдан быти не маеть. А естли бы в суме великой был выдан, маеть с тое суммы виробливатися, а выпуску на кождый год мужику рубль грошей, а жонце копу грошей. Вед же одежда и корм от того маеть быти давана, кому хто выдан. И если ж бы с тое суммы выслужитися до смерти не мог, а будет ли мети дети подростые, до послуги и роботы годные, тогды дети его мають с тое суммы вироблятися, вед же не далее, одно через сем лет, а выпуску детем по тому ж маеть быти, яко о том вышей описано. А закупным людем тым же

обычаем з сумы пенежное выпуск быти маеть, то ест тым волным, которые бы ся сами в чом запродали.

Артыкул 12

О человеку отчызном.

Гды бы который человек отчызный, будь боярин панцерный, путный або тяглый человек, очыч прироженный або купленный, выслужоный и яко колвек набытый, отшодшы от пана своего, а заложившысе за кого недалеко в пети або в шести милях, домом, а не по наймом ходечи, мешкал, а тот бы пан его, ведаючи о нем, не искал его и давность земскую десеть лет промолчал, тогды вже о того человека маеть вечно молчати.

Пакли ж бы тот человек отчызный, отшедши от пана своего и мешкал далеко в десети або в колкодесят миль, а пан его, о нем ведаючи, а через двадцать годов не пойскивал его, тот вжо вечно о того человека молчати маеть. А где бы тот пан о том человеку, где далеко домом мешкаючом, не ведал, а тот человек, мешкавши далеко и хотя давность тую двадцат годов там заседевши або и не заседевши, ближей ку имению пана своего пришол и перемешкивал поблизу, такового волно будеть кождому шляхтичу за отчыча правом доходити, толко бы давности земское не омешкал от того часу, як ближей приидеть. Вед же челед дворная отчызная або полоненая, которая бы от панов своих утекла, против тое паном их ани далекость местца, ани давность помененая ку отисканью правом слушным вадити и перекажати не маеть против самых и детей их.

Артыкул 13

О заседанью давности человека прихожого волного.

К тому уставуем: естли бы который человек стану простого, боярин або тяглый, будучи волным, похожим, а не отчычом чым, зашедшы за кого с князей, панов, шляхты, будь запоможенье от того пана взявшы, або не взявши, а десет лет з тым паном заседел, таковый человек або дети его, похочут ли проч отыйти, повинни будуть откупитися з службы десетма копами грошей и то все, што будуть у пана того своего запоможенье взяли, заплатити. Вед же если бы такий человек або его дети хотя по заседенью десети лет от того пана без ведомости пана своего проч утекли, а тот пан их до десети лет по отыштью их за отчычов их не искал, то теж вжо такий человек зася волным зостанеть. А где бы ближей десети лет пан такого збега где постигнул, тот вжо маеть быти сказан и присужон тому пану за отчыча.

Артыкул 14

О подданных отчизных, челеди дворной отчизной купленной або полоненой, также и о слугах приказных и людях прихожих, которые от панов своих утекают.

Уставуем: естли бы который человек отчизный, материстый, спадковый, непохожий албо купленный, даровный, выслужоный и яко колвек набытый або челядин дворный, отчизный, купленный або полоненик мужского и женского рожаю, от пана своего утекши, за кого иного зашол, а оный пан, за кого такий збег зайдет, будучы от того пана, чый человек челедин дворный утек, врядовне напомним водле артыкулу сорок осмого розделу четвертого о выданье его або о

учыненье з ним справедливости, таких збегов не выдал и справедливости з ними водлуг сего права посполитого не учынил, ино позванный повинен будет сам або через умоцованого своего у права яко на року завитом стати и того або тых збегов, колко их будеть, у права поставити. А жалобник за станьем стороны пазванное ку праву самого або через прокуратора и за призываньем до тых збегов з очивистого мовенья правного доведет ли того, же тот человек або челядник, албо колко их будеть, суть его властные, тогды позванный будеть повинен ему оного человека або челядь з жонами, з детми и зо всею маетностью их вернути и за омешканье службы тых людей навезки за каждую неделю от кождое головы мужское и женское по шести грошей заплатити, а то навезку тую личачи и рахуючы от заложенья позву.

А естли бы позванный по сказанью врядовом таких збегов отдати со всим, яко суд скажеть, не хотел, тогды винен будет за них самих, жон и дети их головы, яко за головщизну, водлуг описанья сего статуту, а за маетность тых збегов и за властные шкоды того самого жалобника, если бы якие тые збеги учынили, на чом довод слушный учынить, з навезкою заплатити, также и за омешкане роботы навезку верху мененую дати. А естли бы позванная сторона, ставшы у права, до тых ся збегов не знала и тым вымовку чынила, иж о таком человеку або челяднику не ведала и тепер не ведаеть, и на тот час, гды о то позвом заложон был, на именью его не был и тепер не ест, таковой не згола от того волен быти маеть, але того пана урадник, тивун, войт албо лавник, кого с тых жалобник обереть, маеть присягнути на том, иж при положенью позву не был и тепер не ест тот збег на йменью пана его. А который шляхтич врядника, тивуна албо людей своих оселых мети не будеть, хто бы мел присегнути, тогды

такий шляхтич сам маєть на том присягнути, а предся кожды стан будеть винен позволить на именью своем тых збегов искати и взяти яко своих власных сам, ани через слуг, подданных своих, того не боронечы под совитою заплаатою того, о што жалоба в позве идеть. По тому ж и инде, где ся колвек можеть доведати, будеть волно жалобной стороне своих збегов отыскивати. А не всхочет ли позванный отприсегнутися, то вжо жалобнику волно будеть на том, иж тые збеги под часом прошенья справедливости на именью позванное стороны были, присягнути, также и того, же то суть его властные люди або челядь дворная водлуг сего статуту, какое на то право мети будеть, доводити. А по таком доводе винен будет позванный яко за самых головы, за жоны и дети их водлуг шацунку статутowego, так за маетность тых збегов и теж власные шкоды того пана, естли бы ся которые стали, и за омешканье роботы по тому, яко о том вышей описано, заплатити. А тому, хто за тые люди або челядь заплатил, волно будеть собе их яко своих властных пойскивати, а дошедшы правом, маєть их мети за свои подданные. Вед же естли бы тот пан, который их первой правом доходил и заплату за них взял, хотел зась назад тому пану пенези его вернути, то ему волно будеть надалей до чотырох год, а тот — назад у него пенези свои взяти и тые люди або челедь его з жонами и з детми и з маетностями их вернути. А где бы до чотырех годов не откупил, тогды вжо за властные отчыи его почитаны быти мають.

Тое ж ся право розумети маєть и о людях таких, хто бы кому именье свое продавши, збегов отчичов або челяди дворное того именья тому ж, кому именье спустил, постигати и отыскивати моц дал и право свое в той мере на него влил, иж ему так же, яко и самому отчичу, таких збегов отыскивати волно. А што ся дотычеть слуг приказных албо людей волных

похожих, которые бы от панов своих, шкоды починивши албо и не починивши, утекли, о тых маеть быти сужоно поступком сего ж артыкулу и теж водлуг артыкулу двадцат второго в сем же розделе дванадцатом, до чого ся водлуг учинку таких збегов и водлуг сего права посполитого речь стегати будеть. Вед же то варуючи, же за таковые люди волные приказные похожие, хотя бы их позванный не поставил, за головы ихничого сказывано быти не маеть, толко за шкоды, через нихвчиненные и правне доведенные, албо за суму пенезей, в которой бы на выслугу были выданы, вынявши то, естли бы хотя приказный слуга албо человек волный, будучи обвинен в крвавом учинку, за што горлом карають, утек, тогды позванный винен будеть отприсягнутися. А если бы таковой прибег на йменье чие в небытности пана самого, тогды не сам пан, але врядник або тивун винен будеть присегою от того отвестися, же в тот час, гды за позвом права прошоно, в него на именью его з ведомостью его не был. А по отприсяженью жалобной стороне волно будеть такового збега, где будеть мочи, постигати и правом поконывати. Пакли ж бы хто, заховуючи покой в суседстве и до вряду нашего не даючися позывати збегов с права, з дому або з ыменья своего выдал, от того ниякого пересуду и некоторым именем названого доходу брати и домагаться себе не мають так сами панове, яко и врядники их. А довод на збеги, люди отчизные и иные, вечному праву подлежные, такой мает быти: напервей листы або рейстрами дельчими або листы, рейстры купчими и иными врядовым або теж братьею рожоною албо стрыечною тых збегов шестьма за их присегою, а в недостатку такового доводу поддаными суседей околичных, также шестьма светками, а при них семый тивун або войт, або старец присегами своими того довести мають. А естли бы и такого доводу не мел, тогды жалобник при сведецстве трох светков сам присегнути маеть и тым речь свою одержить.

Артыкул 15

О человека отчизного и челядника неволного, хто бы его выкрал.

Уставуем: естли бы хто вывел або выкрал чиего отчизного человека або челядника дворного, яко вышей их названо, а по гонени пойман бы был на дорозе с тым человеком албо челядником, тогды маеть быти с тым лицом веден шляхтичь до вряду нашего гродского того ж повету, в котором се то станеть, а человека князского, панского, шляхетского — албо до его пана албо до вряду нашего гродского, подданого теж нашего господарьского простого стану — до того вряду, под чиим присудом будеть, и там собе справедливости доводити. И если ся он знати ку тому не будеть, абы мел тую челядь выкрасть, тогды тот, хто его с тым челядником поймаеть, маеть на него довод слушный водлуг права присегу учинити, иж он ее вывел, а он мае быти каран яко злодей, а челядь маеть быти вернена тому, чия была. А естли бы на дорозе погонити не мог, а в дому чиєм застал урядовне з возным и стороною, а он бы тое челяди выдати не хотел, тогды тот укривжоный маеть собе справедливости водлуг права доводити, и с права найдет ли се то, иж ее выдати не хотел, тогды он от того часу, як много тых людей або челяди у себе задержал, маеть их навезати, то ест за омешканье роботы их от кождое головы за кождую неделю по шести грошей заплатити, а от детей малых, которые еще робити не могут, по два гроши.

Артыкул 16

О иманью збега чловека або челядника властного в потрафенью на дорозе.

Гды бы хто збега своего чловека, вечным правом собе належачого, давностью не промолчаного, потрафил где на дорозе, а не почал будеть первой о того збега своего правом чынити, такового збега волно будеть каждому шляхтичу со всим тым, с чым его зостанеть, поймати и до вряду гродского або под роками до земского вряду вести, а з уряду пана оного, за ким в тот час мешкал, листом обнести, жебы ку праву на рок, водлуг далекости местца зложоный, сам або врядник его приехал. И зыщет ли с права жалобник того збега своего, тогды речы оного пана власные при вряде мають зостати для отданья ему, гды ся в том почуеть, а потом жоны, детей, маетности его, с чым будеть от него отышол, поыскивати ему волно будеть у того пана, за ким мешкал, и што речей власных у того збега будеть, тые при нем зостануть. А будеть ли што при таком збегу речей того пана, в кого часу пойманья служыл, такому пану водлуг повести того збега, яко перед врядом поведить, отдано быти маеть. А не приедет ли за обосланьем пан або врядник на рок ку праву, тогды тот збег або за признаньем своим, або за доводом тому, чый будеть, выдан быти маеть. Леч если бы хто почал збега своего на ком правом поыскивати, таковый, хотя бы того чловека або челядника своего и подкал где, не маеть его безправне брати, але до конца правом его поыскивати маеть. Естли ж бы хто збега своего потрафил на дорозе, который бы ему вечным правом не належал, толко бы шкоду якую учынил або винен што ему был, такого также маеть вести до вряду судового гродского або под роками до земского того повету або до того пана, кому в тот час служыти будеть, и там собе

справедливости з ним доводити такеж за обосланьем з уряду пана, в кого в тот час будеть служыти, порядком вышей описаным. А не будеть ли мети з собою заразом доводу, на то ему рок слушний водлуг далекости дороги маеть быти зложон, а тот обвиненый у везенью до росправы задержан быти маеть.

Артыкул 17

Яко челядь дворная або полоненая утеклая мает быти заповедана и выдавана.

Естли бы чия челядь дворная або полоненая утекла, а тот, в кого утечеть, заповедавши з якого перейму и женучи за нею в погоню, в кого бы ее нашол, тогды маеть тому, в кого челядь застанет, переем дати, с чого будеть первой заповедал, а челядь свою до себе взяти, над переем ничего болш не даючи тому, на чиём именью спостигнены будуть. А естли бы хто чию челядь в себе ховал, а тот по колко кроть заповедал и на торгу закликал, оповедаючыся, а потом бы тот, чья челядь, в колку неделях тую челядь свою в него нашол, тогды маеть, толко за страву от кожного челедина на неделю по два гроши ему давши, челядь свою доброволне взяти. Пакли ж бы хто такое челяди доброволне отдати не хотел, а до права о то был позван, тогды тот, хто ее своволне над сюю уфалу не отдал, за доводом маеть при отданью ее за омешканье работы за каждую неделю навезки от каждое головы по шести грошей заплатити. А так же ся маеть розумети и сужоно быти о наймитех и наймичках.

Артыкул 18

О челедь дворную и полоненую, которая втечет от пана своего.

Уставуем: гды бы хто чью челядь неволную вывел, або, ведаючи заказ, в себе переховывал, а то бы на него правом было переведено, тогды таковый будеть повинен тую челедь отыскивати, а отыскавши, отдати тому пану. А где бы отыскати ее не мог, тот, поведивши на вряде под сумненьем, же тое челяди правдиве отыскати не мог, ани о ней ведаеть, будеть повинен тую челядь сам ценою платити, яко выший описано, и шкоду оправити так тую, естли бы которую тая челядь, утекаючи, пану своему учинила, яко и за мешканье роботы от того часу, от которого ему тая челядь не робила, мужику а жонце за кождую неделю по шести грошей. Вед же если бы ся тая челядь потом о тое ж противное стороны оказала, а тот, чия челедь, хотел бы ее у себе мети, тогды пенези тые, што за головы их был взял, маеть вернути, а челядь свою ку собе взяти, абы кождый при своем зостал. А при ворочанью челяди противная сторона и шкоды, наклады правные, што первой оный, челяди свое на нем пойскуючи, наложил, винен будеть за доводом заплатить або с тых пенезей, за тую челядь первой ему даных, вытрутити.

Артыкул 19

О волных людех, которые ся в голод продають в неволю, и о продажи от иншое челяди неволное.

Хто бы в голод сам себе з жоною або сына, дочку в неволю продал и лист на то дал, таковый лист не маеть быти держан, але, яко голод минеть, а он пенези добудеть, маеть ему пенези

отдати. А не будет ли мети чим платити, такий маеть
выслуговатися водлуг того, яко о том вышей в сем же разделе
ест описано. Нижли если бы хто челяд свою неволную будь в
голод або з яких колвек причин продал, тая продажа маеть
вечне держана быти.

Артыкул 20

Хто бы в голод челядь свою выгнал.

Теж уставуем: естли бы хто в голод челядь свою неволную
выбил з дому прочь, не хотечи их кормити и переховывати, и
тая челядь сама себе у голод перекормила, таковые вжо не
мають быти неволные, але волными. А вед же тым обычаем,
иж коли тую челед выбеть, тогды они оповедати то мають
вряду гродскому того повету або врядником местким,
бурмистром або мещаном, иж их выбил, а пан тое челяди не
оповедает ли и не запишет на вряде утеченья их, то вжо тая
челядь волна маеть быти вечными часы.

Артыкул 21

Неволники якие быти мають.

Неволники вперед не мають быти з ынших причин, одно
полоненики, а иншая челядь неволная и теж дети, потомки
полонеников мають быти осаживаны на землях и розумены
быти за отчичов. А татарские неволники мають быти
осаживаны на их землях.

Артыкул 22

Естли бы хто до кого слугу приказал, а тот слуга, зашкодивши, утек от него.

Хто бы кому приказал слугу, а тот слуга, шкоду учынивши тому пану своему, утек от него прочь, тогды тот, который его приказал и за него прирек устне албо и через лист, же ему мает верне служити и шкоды не учинити, маеть его ку праву ставити, а судьи мають ему рок зложити до других роков судовых, и на тые другие роки маеть его дойскавшия ку праву поставити, а то если тот збег будеть в здешнем панстве, а если бы утек за границу, тогды на отысканье такого рок маеть быти узычон до третих роков судовых. И если ж бы он на роки тые положонные того не поставил, тогды он сам повинен будеть тую шкоду оправити, на чом слушный довод будеть учинен. А если бы потом оному пану, в кого слуга втече, пригодилося его видети на торгу або поткати в дорозе и где колвек, тогды вжо он сам не маеть его имати, нижли того приказцы своего искати и смотрети маеть. Если ж бы тот пан, от кого слуга утечеть, минувши и опустивши приказцу, хотел або почал сам того слугу постигати, то ему волно будет, а приказца вжо волен будеть. Также, где бы приказца умер, тогды пану самому волно такого слугу постигати. А где бы хто мел слугу неприказного, а он, ему шкоду вчинивши, втечеть проч, тогды, угонит ли его пан в дорозе, волен будеть, приведши его в дом свой и осадивши, о нем право при бытности трех або двух чоловеков сторонных шляхты и возного маеть его судити и водлуг права и учинку его карати. А не вгонит ли его в дорозе, але постигнеть где под которым врьдом, тогды вжо маеть того слугу до врьду того вести. И доведет ли того пан, же то ест его слуга, ино врьд маеть такого слугу отослати и выдати пану его ку росправе в той речи, в

чом будеть от пана обвинен, придавши ку тому праву возного и двух шляхтичов. А то естли в шкоде якої будеть обвинен и зостанет ли тот слуга с права в шкодах яких винен, тогды то будеть повинен пану своему платити, а до заплаты пан его в своем везенью мети або до врядового везенья отдати маеть. Пакли ж бы такой слуга в шкодах не был обвинен албо с права винен в них не зостанет, толко о то пойдеть, же отехал або отышол, пана своего не учтивши и не пожегнавши, за то маеть шляхтичь три дни в ланцуху седети у того пана, от кого утек, а простого стану особа три недели также в яком везенью седети, а потом будеть винен пана своего учтити и пожегнати. Вед же пан, маючы его у везенью, не мает се над ним збытним везеньем сrojити, ани каранья на теле чынити, ани на члонку охромити, также и голодом морити не маеть.

Артыкул 23

Если бы слуги за росказаньем панским злодея албо якого злочынцы пана своего гонити и имати не хотели.

Гды ж се то под час трафляеть, же слуги за росказаньем панов своих злодея и иных злочынцов паньских имати и гонити не хотятъ, даючы тую причину, иж сами панове не гонили, албо чынечы тым вымову, же ся ему не годить на ката гонити, в чом людем злым не толко фолгу, але и великую оборону тым чынили, абы рук уходили тых, которые их поймати могли, для того уставуем, иж который бы колвек слуга за росказаньем пана своего злодеев албо злочынцов которых колвек пана своего гонити албо имати не хотели, таковый сам, если шляхтич, седети винен на замку нашем шесть недель, а нешляхтича водлуг важности выступку пану карати волно. А естли бы хто тым слугам, которые гонили албо поймали злочынцу якого, уругаючи што ущыпливого

задавал, то им ничего шкодити не маеть, але тая примовка на оном самом, который примовлял, зоставати будеть.

Артыкул 24

О лезных и о тых, которые, будучы без службы и неоселыми до мест наших, господарских, князских и панских приходят.

Иж некоторые люди звыкли от панов своих, не оповедавшысе, ани отставшы и еще зашкодивши, проч отходити, прото уставуем, абы кождый слуга и челядник волный, служацы кому одно колвек, маеть, отходечы проч от пана своего, взяти лист пана своего отвороный под печатью и с подписом руки пана своего, хто бы писати умел, и под печатью другого шляхтича с таковым осветченьем и ознайменьем в оном листе всим вобец, иж тот слуга албо челядник, служывши ему, отстал от него учстиве, а за таковым листом тот слуга албо челядник увезде доброволне пропущан будеть. А где бы которы пан слуги албо челядника своего волного отпустить и листу ему такового дати не хотел, тогды тот слуга або челядник таковой маеть з возным и стороною о отпущенье пана своего просити. Пакли бы и за тым прошеньем упорне без слушных причин отпустить его не хотел, тогды тот слуга албо челядник на вряде нашем, где на наблизшом оповедати и до книг то себе записати дати маеть и, взявши того оповеданья и сознанья возного выпис с книг и оповедавшыся пану своему, маеть пойти проч, а тым вжо увезде щититися волен будеть. А для того кождый человек, будучи и без службы, коли где и до которого колвек места и местечка приидеть албо приедеть, мает ся оповедати врядови тому, будь нашему, господарскому, або князскому, паньскому и земляньскому, даючы о себе справу, хто и откуль ест, кому

служил и в которую сторону берется. И гды таковой приходень откуль колвек до которого места албо местечка придет и до дому чыего увойдет, тогды господар дому того заразом того ж дня, а надалей назавтрее врядови своему оповедати его и кожного гостя незнаемого повинен будеть под виною на вряд копою грошей. А за таковым поступком волно пропущон быти маеть. А где бы который с таковых особ, до якого ж колвек места албо местечка пришедши, хотя и маючы о себе сведецство пана своего, а не оповедавшыся врядови, там перемешкивал, тогды вряд тот, взявши о нем ведомость, маеть его, поймавши, в пута железные на две недели оковати и до роботы приставити, а на господару том, который его утаил, вины собе справити копу грошей. А который бы без сведецства пана своего албо врядового до которого места албо местечка пришел и не был бы того краю обывателем, тогды у везенью до трех недель от вряду задержан, а потом выведавшыся, откуль и куды ити хочеть, пушон быти маеть. А прото так вжо на вси потомные часы мети хочем, абы каждый господар домовый наймита, роботега и наймичку свою в местех наших, господарских, перед цехом, где есть право майдеборское, а где права майдеборского нет, ино в таковых местечках наших, князских, паньских и земянских — вряду тому, под которым тот господар перемешкиваеть, о них самых и о житью их ведомость чынити и до рейстру врядового вписати повинни будуть. Але з них таковых, которые без службы живучи и ниякою работою не бавятся, на костырстве и пьянстве час свой травять, нигде их жаден вряд терпети не маеть, але таковых кожного стану по упомненью первшом и втором, а за третим, дубцы бючы, вон з мест и местечок выганяти казати повинен будеть. А господар домовый, который бы в дому своем по заказе и напомнименью врадвом такового переховывал, винен будеть врядови своему вины две копе грошей заплатити.

Роздел третийнадцать. О грабежах и о навезках

Артыкул 1

О пограбенье стада свирепего и о цене его.

Уставуем: естли бы хто пограбил на яком колвек грунте стадо сверепе князское, паньское, земяньское, а держачи тое стадо, жеребца або сверепу и колко их уморил албо собе привлащил, таковый такую сверепу и жеребца з навезкою маеть платити. А цена стаду князскому, паньскому и земяньскому такая маеть быти: за жеребца осм коп грошей, за сверепу чотыри копы грошей. Нижли за каждого с тых жеребцов и свереп будет ли, торгуючи, што болш давано, тогды будеть повинен тую цену платити за слушным доводом теж з навезкою.

Артыкул 2

Яким обычаем мають се заховати о испаш и о грабежи на испашах.

Теж уставуем, иж нихто стада свирепего на дедизне чужой, так теж и на своей власной и на испаши займовати не маеть, ани в грабеж брати. А хто бы на чией албо на своей дедизне стадо занял або грабеж учынил, тогды таковый маеть ему вины три рубли грошей заплатити и шкоды оправити, што бы ся тому стаду стало подле уфалы, вышей описаное, бо не мает за испаш стада брати, бы и застал на испашы, маеть,

осветчивши суседом, отогнати до того пана, чые стадо есть, а испаш маеть обвести людми сторонними и окоповати с теми ж людми або может ли быти и з возным, тогды тот повинен испаш заплатити, чые стадо шкоду учынило. Вед же вызволяем толко стадо сверепее, абы на испашы не было займовано. А кони ездные и робочые и иншое всякое быдло рогатое и нерогатое и теж свиньи, гуси, утки на испаша мають быти займованы подле обычаю давного, и скоро занявшы, маеть обослати того пана, чые быдло, абы быдло свое на паруку взял, а на испаш пошол. И што копа на испашы присудят шкоды, тот пан, чые быдло занято, маеть платити.

А где бы и на обосланье того, кому ся испаш стала, быдла своего на паруку брати и на копу ити не хотел, тогды тот, хто займет, надалей третего дня маеть обвести тую испаш людми добрыми стороною, и што тая сторона або возный шкоды окопують водлуг урожаю збожя и уваженья шкоды, в нем учыненное, он маеть в той школе своей оставити быдла толко што бы за его школу стало, а остаток отогнати до того пана, чые быдло ест. Нижли стадо сверепе, кони и кождое быдло толко до светого Юрья без пастуха ходити волно маеть, вед же не по жыту и ни по збожью ином, а по светом Юрьи в тыдень кождый мает около добытку своего сторожа або пастуха мети через все лето аж до всих светых. А давность заплате за испаш не мает далшая быти, толко подле стародавного обычаю до божего нароженья збожем и сеном. И хто бы за испаш присужоную не хотел до божего нароженья заплатити подлуг копы, тогды укривжоный сторону свою противную маеть на рок завитый перед суд земский припозвати. А вряд за доводом, через тых, хто окоповал, учыненным, албо сознаньем возного стороне поведовой тую школу маеть совито сказати и отправу учынити.

Артыкул 3

Хто бы под шляхтичом або под шляхтянкою грабеж учынил.

Теж уставуем: хто бы под шляхтичом або под шляхтянкою грабеж учынил, кони побрал при костеле, на торгу або на поли, на дорозе и где колвек або под слугою, который бы при пану або пане своей в дорозе ехал або где на местце приехал, коня взял албо з воза выпрог, бы теж и бою жадного не вчынил, а на остаток хотя бы оная персона при том грабежу сама не была, а было ли бы то переведено слушным доводом, тогды оный, который грабил, маеть такового самого шляхтича або шляхтянку водлуг стану навезати, яко бы збил. А будеть ли хто з слуг при грабежу таком ранен або бит, то такеж и слуг навезати водлуг их стану, а коня также конем навезати и шкоду, естли будеть при том грабежу вчынено, за доводом оправити. А естли ж бы слуге чьему, едучы где за посланьем пана своего одному без пана на дорозе и где колвек, а коня пана его под ним пограблено, хотя бы бой был албо и не был, предся тот, хто такой грабеж шляхтичу учынить, повинен будеть за доводом правным, яко коня конем, так и слугу оного, под ким пограбит водлуг стану слуги того навезати, а иные шкоды, если бы ся при том грабежы стали, оправити и заплатити. Пакли ж бы хто так на поли ходячого коня шляхетского своволне пограбил, таковый за доводом толко коня конем навезати мает.

Артыкул 4

О грабеж чоловека князского, паньского и земяньского.

Теж уставуем: естли бы шляхтич чьих людей пограбил на торгу, при церкви и на доброволной дорозе, таковый маеть стороне ображоной вины заплатити шесть рублей грошей, а грабеж з навезкою отдати, то ест коня конем, вола волон навезати. А пакли бы шляхтич пограбил у чьих людей на поли албо где инде, а бою не вчинил, тогды мает заплатити три рубли грошей, а грабеж также навезати. А мужык мужыка естли при костеле або на торгу и на дорозе пограбит, маеть заплатити два рубли грошей, а на поли естли пограбить — рубль грошей. А где бы мужык шляхтича або шляхтянку пограбил, о том маеть быти сужоно водлуг артыкулу третего сего ж розделу, а грабеж всякий такеж з навезкою платити: коня конем, вола волон, корову короною. И кождое быдло, якое пограбил, таковым навезавши, маеть отдати або ценою заплатити, яко ниже описано ест.

Артыкул 5

Цена конем робочым доморослым.

За коня або за сверепу две копы грошей.

За третяка жеребца от робочых сверепа две копе грошей.

За третячку сверепку две копе грошей.

За лоньское жеребя копа грошей.

За сеголетнее жеребя сорок грошей.

Вед же где бы который человек менил такие кони робочые
быть купленные, тогды як дорого купил, на чом довод слушный
учынить, плачоно быти маеть.

Артыкул 6

Цена быдлу великому и малому доморослему.

За вола две копе грошей.

За быка стадника полторы копы грошей.

За корову сто грошей.

За яловицу семдесять грошей.

За быка неука копа грошей.

За телицу третячку сорок грошей.

За теля лоньское тридцать грошей.

За теля сеголетнее двадцать грошей.

За вепря кормного копу грошей.

За некормного полкопы грошей.

За кнороза сорок грошей.

За свинью двадцать грошей.

За подсвинка дванадцать грошей.

За порося сеголетнее пять грошей.

За овцу петнадцать грошей.

За барана дванадцать грошей.

За скопца барана лонцака петнадцать грошей.

За ягне шесть грошей.

За козла четвертака або петака сорок грошей.

За третяка полкопы грошей.

За лонцака двадцать грошей.

За козу двадцать грошей.

За козеня сеголетнее шесть грошей.

Артыкул 7

Цена птахом домовым.

Гусь три грошы. Каплун шесть грошей.

Курица три грошы. Петух два грошы.

Утка два грошы. Селезень два грошы.

Голуб грош. Утка круговая три рубли грошей.

За пава албо павицу тры копы грошей.

За лебеда домового тры копы грошей.

За кура албо за курыцу калакуцкую двадцать грошей.

Артыкул 8

Цена птахом, хованым на мысливство.

Кречок красный шесть рублей грошей.

За белого кречета пять рублей грошей.

Серый кречот тры рубли грошей.

Сокол тры рубли грошей.

Ястреб великий две копе грошей.

За рарога две копе грошей.

За рабца або крогульца пятьдесят грошей.

За дремлюга тридцать грошей.

Артыкул 9

Цена збожжю, сену и речам огородным.

Жыта копа двадцать грошей.

А бочка жыта двадцать чотыри грошы.

Пшеницы копа двадцать грошей.

Ярицы копа дванадцать грошей.

Ечменю копа десеть грошей.

Оркишу копа десеть грошей.

Овса копа осм грошей.

Гречыхи копа осм грошей.

Гороху копа десеть грошей.

Проса копа осм грошей.

Бобу копа осм грошей.

Сочивицы копа шесть грошей.

А за бочку тых верхменованых ярин совитою ценою болш,
нижли за копу положоно, маеть быти плачоно.

Лну копа двадцать чотыри грошы.

Конопель копа двадцать грошей.

За бочку семени льняного сорок грошей.

За бочку конопель тридцать грошей.

За бочку маку пятьдесят грошей.

Репы або редки бочка шесть грошей.

Капусты копа три грошы.

Моркви бочка шесть грошей.

Пастернаку бочка шесть грошей.

Свеклы бочка шесть грошей.

Огурков солоних бочка двадцать грошей.

А свежих шесть грошей.

Цыбули ядомое бочка двадцать грошей.

Чосноку бочка тридцать грошей.

Насенья цыбульного фунт дванадцать грошей.

Огуркового насенья фунт осм грошей.

За воз сена одним конем осм грошей.

Артыкул 10

Цена речам домовым стрawnым.

За полоть мяса двадцать грошей.

За сало петнадцать грошей.

За кумпъ два грошы.

За медницу масла копу грошей.

За сыр великий углястый два грошы.

За малый округлый сыр албо за малдрик осм пенезий .

За гомолку чотыри пенези.

За медницу меду копу грошей.

Артыкул 11

Цена речам, дома робленим, одежы належачим и иншим.

За кожух бараний музский одевалный копу грошей.

За кожух бараний жоноцкий торлоп семдесят грошей.

За китлик полкопы грошей.

За сермягу двадцать грошей.

За простицу синюю або черленую дванадцать грошей.

За простицу чорную осм грошей.

За локоть сукна простого сермяжного три грошы.

За локоть полотна тонкого ткацкого кужелного шесть грошей.

За локоть серпанков шесть грошей.

За локоть наметок два грошы.

За локоть полотна кужельного простого тканья два грошы.

За локоть пачесного полотна грош.

За локоть згребници полгроша.

За локоть скатертей водлуг важности пряжы и тканья так же, яко и за полотно.

За локоть ручников по половици цены скатертное.

За коверцы домовое роботы, за опоны, также за постелю и иные потребы и спряты домовые за доводом водлуг уваженья урядового.

За топор шесть грошей.

За серп два грошы.

За косу шесть грошей.

За хомут мужыцкий ременный шесть грошей.

За простой два грошы.

За дугу два пенези.

За вожы лычанные полгроша.

За конопные грош.

За сани мужыцкие дровни простые два грошы.

За колеса мужыцкие простые шест грошей.

За седла, узды, шлеи, лейца, узденицы, возы и иные рыштунки водлуг доводу и уваженья врядового.

За топор великий, сглют и инший топор дойлидский, беднарский, сталмаский, также за пилы, свердла, долота, гебли, спусты и иные начынья, дойлидскому, столярскому и сталмаскому, млынарскому, по тому ж ковалскому, слесарскому и иных всех ремесников розных ремеслу начынья належачие, мають быти сужоны и плачоны водлуг доводу и уваженья слушного врядового.

Артыкул 12

Цена собакам.

За пса домового брехуна три копы грошей, за наследника и за набрешника зверинного три рубли грошей, за бобрового пса три рубли грошей, за курча и за хорта три копы грошей, за выжла две копе грошей, за узлайника звериноного три копы грошей, за щаю полторы копы грошей, за подстрелчого пса три копы грошей, за пса обсочного три рубли грошей, за меделянского пса три рубли грошей, за хорта подсоколого три рубли грошей.

Артыкул 13

Естли бы пес непривязанный укусил або образил, и теж хто бы пса забил.

Теж уставуем: гды бы кого пес уел с чиего присчваньа, а он бы, ставши за позваньем перед судом, к тому посчванью ся не знал, таковому суд маеть всказати отприсегнутися, иж того не вчинил. А гды бы присегнути не хотел, тогды жалобная сторона, гды его в том поприсягнеть, повинен его будет навезати, яко бы его сам своею рукою ранил. Пакли бы хто кому пса умысльне, а не от руки забил або застрелил, таковый будет повинен оного пса платити водле цены, вышей описаное. Нижли, естли бы его забил от руки кием або якою бронею, себе боронечи, не пометом, ани стрелбою, таковый за оного пса ничого платити не будет повинен.

Артыкул 14

Хто бы в дому своем мел пса або быдля, которое бы в суседстве шкодило.

Уставуем: естли бы в кого пес домовый албо быдля якую шкоду у околицы чинило, а тот домовый господарь, о том ведаючи, оного быдляти стеречи, а пса на привези держати и мети не хотел, тогды таковый будеть повинен всю шкоду, в суседстве через такое быдля або пса вчиненую, платити и оправовати, на што слушный довод будеть вделан. Если ж бы быдля такое человека образило, тогды тое быдля тому, кого образил, выдано быти маеть. А также теж, хто бы мел коня васнивого, который бы бил, тогды повинен звонок на нем на похвах албо на нозе мети для того, абы, то видячи, на него не наезджали. А хто бы без звонка на таком кони ездил, а он бы кого образил, тогды тот конь за то ображоному выдан быти маеть.

Роздел четвертыйнадцать. О злодействе всякого стану

Артыкул 1

**О пойманом з лицом слуге и подданом чиём, где маеть
быти веден.**

Гды бы хто чиего слугу, боярина, человека тяглого або челядника неволного з яким лицом, речьми крадеными поймал обычаем и порядком, нижей в сем розделе описаным, так в дому его, яко и на поли албо на дорозе, толко бы на грунте пана того человека, тогды такового лицованого человека маеть вести до пана его, чий будет, до того двора, ку которому оный человек належит. А где бы трафилося кому чиего слугу человека поймати з лицом не на именью пана его, але где индей на дорозе албо на чужом грунте будучого, албо теж в местечку, в селе иншого пана, будь теж в месте нашем, где несудовый врьд и не торгового дня албо в селе нашем, такового стороне жалобной волно будеть вести где всхочеть, албо до врьду нашего, господарьского, гродского того повету, албо теж до пана его, и поведет ли до пана, ино подавши его с тым лицом оному пану самому, а в небытности самого пана — ино врьднику, тивуну его або рыкуни, а межи станов меньших убожших, где врьдника, тивуна не будеть, ино жоне або сыну дорослому, маеть з ним справедливости просити, а тот пан, або в небытности панской — врьдник, винен будеть ему справедливость неотволочную надалей до двух недель учинити водлуг сего статуту. И прийдет ли с права до зводу, тогды звод до остаточного стопня права там же на том местцу

мает быти чинен тым же обычаем, яко ниже в другом артыкуле сего розделу о зводе на врьдех наших ест ширей описано, и до розсудку правного того человека, з лицом поданого, тот, кому его подадут, мает в доброй опатрности и за своею сторожею, от жалобное стороны сторожи не потребуячы, ховати. А естли бы то пан або врьдник его справедливости ему о то учинити не хотел або ее не водлуг права сего посполитого с кривдою стороне жалобной чинил, таковый, будучи о то до врьду нашего суду належного позван, повинен будеть сам перед врьдом нашим стати и того в злодействе обвиненого поставити.

А врьд наш в той речы промежку них розсудити и винного водлуг права карати маеть. Естли ж бы тот злодей утек у того пана своего, або пан оное лицо стратил и перед судом нашим злодея бы не поставил и лица не положил, таковый сам албо его врьдник, кому тот злодей был подан, повинен будеть первой на том присегнути, иж тот злодей утек або лице згнуло без рады, ведомости, фолги и не за опатрностью або недбалостью его. А по таком отприсяженью предсе жалобной стороне шкodu заплатити, на чом присягнуть албо який иный слушный довод учинить, што ему при оном лица будет згнуло. А естли тот злодей в такой вине был обжалован, за што горлом карають, предсе и потом, где колвек можеть быти постигнен, горлом каран быти маеть. Пакли ж бы за приведеньем до двора которого пана або дому шляхетского чловека его лицованого оный пан або его врьдник, тивун и хто ж колвек, в дворе будучый, стороне поводовой, возному и людем сторонним оказатися албо, оказавшись, обвиненого в злодействе до себе взяти не хотел, такового чловека волно будет стороне укривжоной вести до врьду нашего судового гродского и там собе з ним на врьде нашем справедливости доводити.

Артыкул 2

О чыненью справедливости з села в обвиненью злодейском.

Коли бы теж што у кого украдено, а увидится ему шкода от которого села, а шкодника своего не ведаеть, тогда маеть просити права на тое село у пана его. А естли бы дал всему селу вину, тогда три мужы з оного села, которых он обереть, мають присегнути, як в том селе шкодника его не ведают и сами шкодниками не суть. А пакли бы о тое не присегнули, тогда оное село все тую шкоду всю тому шкоднику мають платити, а собе злодея искати. А где бы в том селе люди были розных панов, тогда укривжоный маеть всих тых панов одним листом упоминальным и на один рок о вчиненье такое справедливости обнести и с того листу копии одному которому человеку кожного пана в том селе через возного подавати. А который пан або его врядник за листом упоминальным справедливости не вчинить, тот пан сам, будучи о то припозван, за доводом стороны жалобное шкоду ему платити винен будеть. Такое ж ся право в той мере и о селах наших, господарьских, розумети маеть.

Артыкул 3

О поиманом з лицом в местех наших, господарьских, и о зводех злодейства, с чим колвек хто поиман будеть.

Уставуем: гды бы хто шляхетского народу человек яко и простого стану, будь наш, господарский, подданный албо князский, панский и земянский, также и человек лезный, без службы мешкающий, або и слуга чый без бытности пана своего, албо теж гость приездчий в котором месте нашем, где

суть вряды судовые гродские, был пойман на злодействе на самом учынку горячем, албо теж лице — речы краденые были в него познаны, такового не до пана его, чыим бы ся слугою албо подданым озывал, але до того ж вряду нашего судового гродского, под которым пойман будеть, а чоловек местский права майдеборского пойманный, в том же месте мешкающий, до своего вряду местского веден быти маеть. А вряд, взявши такового до везенья, и естли ся который чыим слугою або подданым менити будеть, маеть о том пану его знати дати, заховуючыся в том водлуг артыкулу двадцать девятого в розделе четвертом, и рок тому пану ку прислуханью того права ознаймити, и прибудет ли пан сам або кого на свое местце на рок ознайменый пошлеть, а вряд при бытности его такого обвиненого водле права судити и сказывати будеть. А естли сам пан не прибудеть и никого не пошлеть, то вжо вряд наш предся на тот рок зложоный судити и коньчити маеть водле права.

По тому ж ся вряд наш около даванья знати паном о их слугах и людях маеть заховати, и гды хто пойманный на дорозе або где индей, яко о том в артыкуле первом сего розделу есть описано, до вряду приведен и до везенья подан будеть, а часу права, гды бы обвиненый в злодействе поведил заводцу, от кого тое лицо маеть, тогды маеть на том же вряде нашем того заводцу поставити або сознаньем врядовым себе очыстити: где будет то купил и на котором вряде то оповедал и в книги записал. А естли бы тот заводца того обвиненого в злодействе перед врядом заступил, а тот бы заступца брался на инший звод, хочечы вести от суда вряду нашего на иншого заступцу и до иншого вряду, то ему не маеть быти дано, але кождый заступца до остаточного зводу маеть быти становен перед тым врядом нашим, где ся початок стал зводу. А лице во вряде будеть ку зводу тот выкупати, хто ся зводит. А вед же за

выкупованье лица болшей вряд не мает брати, толко по дванадцати грошей и за кождым зводом як от самого вязня, выпускаючи его, так от лица, которое будет ку праву ставено, и кождому таковому, хто ся выводит з маетности оного, на ком лице застанет, навезка водле стану сказована быти мает. А пакли бы ув оного злодея маетности так много не было, чим лице во вряде выкупити, тот вряд маеть лице жалобной стороне даром вернути. А злодей яко за злодейство, так и за вси навезки и шкоды маеть горлом приплатити. А естли бы заводцы перед врядом нашим до остаточного зводу не поставил, а сознаньем врядовым себе в том злодействе не очистил, тогды тот каран быти мает яко злодей, а шкода, на чом сторона жалобливая присягнет, то мает быти плачоно з дому оного злодея. А где бы остаточный заводца себе не очистил выписом врядовым, где оную речь купил, або, иж то его конь або вол доморослый, свидетельством слухным ся выправил, таковой яко навезок, так и шкод никому платити не будеть повинен, нижли естли бы тую речь купил, пенези свои тратить. А пакли бы сторона поводовая, которая позвала, менила коня або вола своим доморослым, або речь, дома уробленую, як сукно и якую колвек иншую речь, а сторона жалобливая, которая будеть з лицом приведена, будучи теж неподойзреною, менила быти своим доморослым або доморобленным, а подобенство ку тому ся стегало, хотя бы и обеде стороне выдали светков годных, тогды за подобенством и за свидетельством сторона обжалованая при своих светках близшая будет ку выводу присягою, иж то его ест доморослое або дома робленое, бо тому бы вжо шло о горло. А вед же суд подобенства всякие на доброй бачности мети маеть и в речах вонтпливых склоннейший маеть быти ку вызволенью, нижли ку каранью. А простого стану человек, который первый або другой раз около таковых речей будеть обвинен, тот ку таковому отводу маеть быти припущон, а по выводе такового

только от горла обжалованный волен будеть, а навезки себе домогаться не маеть.

Артыкул 4

О то, што бы ся стало на торгу албо на ярмарку и празднику.

Розумеючы быти не меньшый пожиток нам и подданным нашим с торгов и ярмарков, которые в том панстве нашем бывають и для того варуючы, абы такие згромаженья людские в покою и безпечности доброй заховани были, уставуем: гды бы хто у кого што на торгу украл, а с тым лицом заразом на горячем учынку пойман был, албо бы што в кого перед тым краденых речей на торгу познано, албо бы який збыток, гвалт, бой, раны, забийство вчынено, ино, станет ли ся то в месте нашем под врядом судовым, в том ся стороны и вряд наш заховати мають, яко о том вышей в артыкуле втором сего ж розделу описано. А трафит ли ся пойманье з лицом албо забийство, где о горло пойдеть, на торгу албо на ярмарку и празднику в ынших местех наших не под урядом судовым албо теж в местех князских, паньских и земянских, тогды, не может ли быти при том возный, и перед вижом того вряду нашего або того пана, будь теж врядника его, в чьем ся то местечку станеть, маеть быти такой иман и до везенья в замку або в дворе тамошнем сажон, и где бы се то стало межы слугами або подданными шляхетскими, звлаща в том одном повете оселых, албо бы наш подданный господарский шляхетского человека обвинил и осадил, а шло бы о реч такую, за што горлом карають, тогды жалобная сторона, способившы себе возного и сторону, маеть того обвиненого, будь того ж дня або назавтрее, а надалей дня третего або четвертого, взявшы с того везенья торгового, вести з возным и

з стороною, где всхочеть, албо до вряду нашого судового в том же повете, албо теж до пана того, чий чоловік будет, и там собе справедливости доводити. А естли через чотыри дни тот, хто посадить, а того вязня своего з везенья такового торгового не выйметь без слушных правных причин, тогды тот вряд маеть его доброволне, толко взявши собе потуремное, выпустити. А тот вязень потом навезки водлуг стану своего, яко бы бит был, за зельженье и вязенье свое, также и того потуремного и теж шкод, естли бы ся ему за тым иманьем и саженьем якие стали, будеть мочи на том, хто его был посадил, позыскивати перед тым же врядом. И для того тот вряд, беручы обвиненого до везенья, маеть теж и того жалобника албо везеньем, албо парукою доброю опатрити, яко бы и обвиненому в такой мере, як вышей описано, справедливость не гинула. А будет ли обвинен в таких речах кравых наш подданный иншого присуду, а не того, где торг будет, от шляхетского человека, ино тот жалобник так же ся маеть заховати и вести его до того врядника нашого, в чьем присуде ест, толко бы в том же повете, и там собе права доводити. А выкупати з везенья того первшого торгового тот маеть, хто дасть осадити, по тому, яко о том в розделе четвертом доложено, а потом тое шкоды на виноватом смотрети. Если бы кривда яка на торгу, будь в речах кравых або иных менших сталася человеку, на торг приезджому, будь нашим або шляхетским подданным от людей оного двора, где торг будет, с таковыми тот вряд справедливость неотволочную што наборздей чынити повинен будеть. А приездчий человек, наш або шляхетский, учинит ли кривду человеку оного вряду, где торг ест, тот там же маеть быти до везенья осажон. И будеть ли вина в речи кравой, то нашого подданого до врядника нашого, под чым присудом будеть, а шляхетского человека до вряду гродского або теж до пана его, яко похочеть, вести и там собе справедливости доводити

будеть. А в речах менших, не кравых маеть о нашем подданом врьднику нашому, а о шляхетском — пану его або в небытности панской врьднику знати дати. А врьдник наш або шляхтичь, сами приехавшы або через посланцов своих, мають таких обвиненных с тым же врьдом, под которым ся што на торгу станеть, сполне судити и винных карати. А не приедет ли, ани пришлеть врьдник наш або шляхтич ку тому праву, ино вжо тот пан або врьдник оного двора, где торг был, взявши к собе на тое право возного и двух шляхтичов, земян наших, господарских, мает такую речь судити и сказовати и до заплаты винного у везенью держати. Вед же такие поступки, вышей описанные, мають ся заховати межи обовательми того ж одного повету, в котором тот торг або ярмарок будеть. А што ся дотычеть купцов и иных людей чужоземских албо и тубылцов и иных людей приездчых з ыншого панства або теж и з сего панства, але з ынших поветов далеких за колкодесять миль, таким в кривдах их на том же врьде, где ся што на торгу станеть, за обосланьем от того врьду оного пана, чий слуга або человек в чом обвинен будеть, справедливость чинена быти маеть. Также и с таких людей здалека приезджих, кому бы колвек в чом кривду на торгу учинили, тот же врьд, под которым ся на торгу што станеть, даючи о том паном их знати, звлаща естли бы обвиненные того потребовали, и рок водлуг далекости местца, як зехати можеть, паном их складаючи справедливост чинити водлуг статуту и порадку, о том вышей, в разделе четвертом описаного. А естли бы шляхтич на таком торгу не судового местца який збыток учинил, тогды о то з оселости позыван будеть, вынявши то, естли бы был в речи кравой, за што горлом карають, на горячем учынку пойман, такого до суду гродского вести мають. А неоселые шляхта и за меншие выступки, хотя не кравые, могуть быти иманы, вед же ку росправе ведены до суду гродского.

Артыкул 5

Яко маеть в дому чием лицо застати.

Уставуем: хто бы хотел в чием дому шляхетском так на селах, яко и в местех речи краденые застати, тогды, взявши возного и к тому людей сторонных веры годных, и при них в оном дому тех речей краденых искати маеть. А скоро бы там што з речей краденых нашол и кого при лица застал, маеть при том же возном и людех сторонних у того, кого при лица зостанет, выведатися, откуль тые речы в дом его достались. А потом, осветчивши возным и стороною, того шляхтича до городу позвати маеть. А естли никого не застанеть, одно лицо найдет, однако ж с тым лицом маеть ехать до вряду нашего и там далее подле права поступовати. Пакли бы хто в своем дому крадежу искати не допустил, клетей и иных домовыхсхованей отомкнути не хотел або от лица отбил, або лице и злодея отнял, тогды тот, хто то учинить, будеть повинен тую всю шкоду стороне жалобливой платити водле доводу або присеги. Тым же способом, хто бы хотел в чиего человека крадеж застати, маеть ся заховати, яко вышей написано. Нижли толко з возным и з стороною, опустивши дом подданого его, мает того пана або врядника, а не будеть ли врядника, ани тивуна, ино старшого, хто в том селе будеть, обослати оповедати тое, абы не розумел гвалтовного наеханья. И естли ж бы пан або врядник его при том обыйску быти не хотел, тогды сторона жалобливая предся с тыми, кого маеть при себе, обыйск вчинити и вси схованья трясти и, нашодшы, с тым до того двора пана его, ку которому тот человек належить, вести мает.

Артыкул 6

О иманью злодея в потрафенью на дорозе.

Коли бы ся кому трафило злодея своего з лицом албо и без лица, с трафунку на дорозе поткавши албо угонивши, поймати, тогды тот, поймавши, маеть што наблизшым по дорозе той людям околичным, а будет ли поблизу возный, и возному то оповедати и оказати и вести его албо до пана его, албо до нашего, господарского, вряду судового, што наблизшого от того местца, где помаеть, и там себе з ним справедливости доводити. Леч часу права в таких речах при инших знаках, доводех не менш маеть быти то упатровано, естли же тот, хто жалуеть, тую шкоду свою заразом, гды ся ему стала, будеть на вряде оповедал и записал, будь менуючы власне того злодея имем, албо менечы, же не ведати, от кого тая шкода в злодействе сталасе.

Артыкул 7

О важности лица, за што злодей горлом маеть быти каран.

Уставуем, иж кождый злодей, з лицом приведеный и правом переконаный, при лица его, которое бы стояло вышей чотырох коп грошей, маеть горлом каран быти. А которое бы лицо чотырох коп албо менш стояло, а первшый бы раз с тым был пойман, тогды такой тое, што украдено, з навезкою вернути маеть. А не будет ли мети чым навезку платити, тогды на выробок за то злодей будеть выдан: музчызне на рок по копе грошей, а жонце по пятьдесят грошей вытручаючы. А потом того ж злодея, естли бы ся трафило кому поймати повторе з лицом, хотя бы тое лицо и дву коп грошей не стояло, тогды вжо дупцы у столпа бит быти маеть, а за шкоды и

совитость не будет ли мети чым платити, на выроб, яко вышей описано, выдан быти маеть. А пакли бы и третий раз тот же што украл, тогды вжо и горлом каран будеть. А на довод против такого злодея, з лицом таким, за што горлом каранье описано, приведенного, при иных поступках правных шляхтичу одному самому, а ровному з ним человеку простому самовторому присега сказывана будеть. А где бы не шло о горло, толко о иное каранье меньшее, то без присеги за сведецством трех або двух чоловеков выконывано быти маеть.

Артыкул 8

Для покою посполитого застановенье от злодейства.

От того часу уставуем и хотим то мети, абы кождый с подданных наших и с подданных князьских, панских, духовных и свецких, и боярских, так можного стану, яко и меньшого, хто бы колвек што в кого на торгу, в дому або где колвек коня, вола, корову и иные всякие речы купил албо выменял, тогды при такой купли або мене мають быти боришники, люди добрые, вери годние, и с теми боришники сам тот истец, хто продасть або променять, будеть ли се то на торгу стало, заразом до вряду, замку або двора нашего або до вряду нашего местного, звлаща где ест право майдеборское, а трафит ли ся то на торгу в местах князьских, панских, землянских, до самого пана, в небытности паньской — до врьдника его, прийти и тую продажу або мену до гниг сознати, и записати давши, оный, хто купит або выменяет, выпис на то себе взяти маеть. А где бы ся купля або мена стала не на торгу, але в дому або где колвек, звлаща в таких местцах, где торги оподаль, миль в чотырох — в пети або и далее, при том также боришники мають быти, а потом тот, хто продаеть, на первый або на другой торг по той купли або мене маеть з боришники або

хотя з одним борышником до близшого местечка, где торг бываєть, ехати и тую продажу або мену сознати. А который купил, выпис себе взяти маєть, а тым выписом, гды потреба укажеть, маєть себе очыщати, а вряд кождый от такового записанья и выпису не маєть болш брати, толко один грош, от купуючого — полгроша, а от продавцы другую полгроша.

Нижли естли бы хто потом тую реч познал и то перед врядом довел, же то его власная реч, тогды тот, хто первой купил, пенези свои тратить, а тое, што купил, перед врядом маєть оному, хто познал и довел, вернути. А будет ли менити, же при том лица много погинуло, тогды тот, хто купил, маєть отприсягнутися, иж болшей тых речей не купил, ани о них сведом, и то купил, не ведаючи, жебы мела быть реч краденая. А тот, у которого што познають, пенезей своих маєть смотрети на том, у кого што купил або выменял. А где местечка суть ближей, там подданные нашы, господарские, также духовных и свецских станов селяне на селах, ани в домех своих ничего продавати не мають, але до мест и местечок все, што хотечы своеє власности продавати, возити и продавати кождому волно. И купчыки албо торговцы для купованья некоторых речей по селом ездити не мають, леч на торгах и в местечках, где ся кому што трафить, куповати кождому позволяем, чого яко врядники нашы, господарские, так князские, паньские, духовные и земяньские мають постерегати и обволывати, абы за такими покутными сельскими купецствы и торговлями злодейство не множылося.

Артыкул 9

О погоненье следом в якой колвек шкоде покраденной.

Коли бы покрадены кони, волю, быдло и иные речи в дому и где ж колвек, а тот шкодный понял бы след тое шкоды свое и, собравши людей добрых околичных суседов водле давного обычаю гонил следом, а тот след где бы ку которому селу албо в чый дом привел, тогды маеть послати до того села або до дому, где след вышел, людей добрых сторонних годных веры, абы з села своего и з дому, где бы след вшел, або з грунту земли села своего след вывели. Таковое село або в чый дом след будеть вшел мають тот след в тое копы взяти и з села або з дому из земли свое того села след вывести аж до иное границы, куды тот след пойдет. А если бы тое село, до которого след приведено, от себе следу не вывели або от следу отбили, або, выгнавши, быдлом затоптали, и на таком застановившись тая копа, где следу не отведено або отбито, мають взяти возного, и с тем возным люди сторонние, копа вся мають оную шкоду осумовати, на чом оный шкодник самотреть присягнуть, менючи себе шкоду от того села. А гды присягнуть, тогды оное село тую шкоду винни будуть заплатити, а себе винного искати и по сказанью мають через возного и сторону, которые при том были, объявити то вряду городскому того повету и половицу пересуду вряду дати, а вряд маеть рок водле важности шкоды и науки статutowое заплате зложити и тот рок листом своим пану тех людей ознайти и в том его намянути, абы тую шкоду людем своим заплатити велел, або, если о самого его дому копа будеть, сам заплатил. А не станет ли ся в той речи плата на рок, от вряду зложоный, тогды укривжоная сторона, гды, позвавши о то сторону противную до вряду городского, доведеть того, же тая копа и сказанье слушне вчинено, тот тую шкоду будеть винен

совито заплатити. А естли бы укривжоный злодейством хотел шкоды свое доходити копою, тогды вси в той околицы вокол на милю со всих чотырех сторон мають казати подданным своим на копу сходитися. А то ся маеть розумети вперед на тые местца, где досихмест копы не бывали, которые коповища кождый подкоморий в повете своем назначити и села тых, хто ся там становити будеть, описати маеть. А на Руси и инде, где здавна копы бывали, там мають быти и тепер копы отправованы на старых коповищах тым обычаем, яко первой того бывало. А на тых теж местцах, где досел копы не бывали, таковым же порядком и поступком копы збираны и отправованы быти мають, яко ся и на Руси заховывало и заховуеть.

Артыкул 10

Естли бы хто колвек шляхтича оселого або неоселого невинне и без лица о злодейство обвинил.

Уставуем: где бы хто колвек шляхтича так оселого албо и неоселого обвинил о злодейство без лица и кром слушное причины так за позвы, яко и без позву, человека доброго, веры годного и неподозреного, тогды таковое обвиненье оному шляхтичу на почтивости и доброй славе его ничего шкодити не маеть, але за таковое обвиненье тот жалобник повинен будеть того шляхтича навезати, яко бы его зранил, и там же на замку або в дворе нашем, где ся тое потрафить, маеть седети дванадцать недель, естли бы тот жалобник был сам шляхтичь. А где бы простого стану человек шляхтича тым обычаем, яко вышей описано, о злодейство обвинил, маеть за то у стовпа дубцы бит быти, обволываючи тот его выступ.

Пакли ж бы в таковом обвиненью шляхтича хотя без лица, одно выписом с гниг пиволанья албо якие слушные причины и теж знаки на него у права показал и злодейства на него за тым доводити хотел, а тот бы шляхтич обвиненый перед тым николи о тое се еще никому не отводил, ани отприсягал, тогды в таковом обвиненью первый кроть от того самодин отприсягнутися маеть, яко ему в том не был и не ест шкодником. А по присяже за таковыми знаки вжо ему навезка не маеть быти плачона, ани везенья не повинен терпети. А где бы того ж шляхтича, если оселого — за позвы, а неоселого — и без позву, на вряде нашем судовом также хто о злодейство другой раз тым же обычаем за слушными знаки и вжо за другим поволяньем обвинено было, тогды вжо не самодин, але самовтор з шляхтичом оселым, веры годным, неподойзренным также без навезки того шляхтича поволаного отприсягнутися маеть. А где бы и третий раз того ж шляхтича с причин певных, а не згола, але за третим поволяньем о злодейства хто обвинил, тогды вжо самтретий з шляхтою оселою, людьми веры годными и неподойзренными от того отприсягнутися маеть. А естли бы сполна светков не мел, хотя бы одного недоставало, с ким отприсягнутися, тогды за доводом слушным або за присягою жалобника маеть всю шкоду ему заплатити, а собе винного искати. А вед же естли бы того ж шляхты ужо четвертый раз также о злодейство было обвинено за слушными и явными знаки и поволяньем вжо неоднократно, первой того уделаным, то на него показано и доведено было бы теж и лица при нем не зостали, а сторона поводовая, шляхтичом будучы, самтретей шляхтою, людьми знаемыми, тубылцами, вери годными а неподойзренными о тое злодейство его поприсегнула, тогды вжо горлом каран быти маеть яко злодей, а шкода з ыменья або з маетности его рухомое за доводом слушным маеть быти плачона стороне поводовой. А естли бы шляхтич обвинен был от человека

простого стану, тогды и за четвертым разом человек стану простого аж самсем з двема шляхтичы а с чотырма человеки собе ровными, неподойзренными поприсегнути его маеть.

Артыкул 11

О обвиненью в злодействе шляхтича, лет зуполных не маючого, также и о простых людях.

Естли бы ся трафило, ижбы шляхтич в летех шестнадцати, а не болш, обвинен о злодейство або приведен был з лицом, тогды таковому про молодость лет его не маеть быти поличоно за злодейство и не маеть быти до ката в руки и на муку даван. Нижли тую шкоду отец его або матка, або кривные з ыменья части его повинны з навезкою заплатити и, заплатившы, то почстивости его шкодити не маеть. А не будет ли мети чым платити, ино дати его на выслугу, поки бы то заслужыл, што зашкодил, а выслуга маеть быти по копе грошей год. Тым же обычаем может розумети и о детях людей простых, лет не дорослых. А вед же таковой хлопец неодоослый , естли бы в колку злодействах и при лица был дознан, таковых вряд маеть карати водле зданья своего, то ест не горлом, але яким караньем на теле.

Артыкул 12

О поволянях.

Уставуем, абы поволянья злодейские перед врядом оповеданы и явне высветчоны и до гниг кожного вряду, где ся тое право точыть будет, а потом и до гниг гродских за сознаньем возного и стороны записованы были, которые книги яко перед тым, так и тепер зовуть чорными книгами. Таковое

оповеданье и поволање, врьдовне записаное, маеть у права
езде местце мети и приймовано быти и гниги таковыє чорныє
врьд кождый гродский маеть мети особыє, з иншыми
справами в одны книги таких речей злодейских не мешаючы.

Артыкул 13

**Хто бы злодея приличного, ведомост о нем маючы, в себе в
дому ховал. Уставуем и сказуем, иж коли бы хто злодея
приличного, ведомо в дому своем албо на именью своем
осадивши, домом ховал або мешкати допустил, албо
явного злодеи от шубеницы своими пенезми откупил,
тогда таковой кождый, естли бы то на него слушным
правом переведено было, всю шкоду, которая бы ся кому
через того злодея з ыменья его стала, будеть повинен
платити и оправовати. Тым же обычаем, естли бы кому
злодея, правом поконаного, на смерть выдано, а он бы не
скарал, а потом кому ся колвек от того злодея шкода
будеть деяти, тогда тот, хто того злодея пустил, за доводом
стороны жалобное, же ся ему от оногo злодея шкода деяти
будеть, повинен будеть тую всю шкоду платити и
оправити.**

Артыкул 14

**О покраденье свирна або клети паньское и шляхетское и
теж клети мужыцкое.**

Теж уставуем: гды бы покрадено которому пану або
земенину свирен скарбный або спижарню, а то бы на него
правом было переведено, тогда за то повинен будеть
заплатити вины дванадцать рублей грошей и шкоду

покраденую за присегою оправити. Тым же обычаем, естли бы мужык мужыку клеть выкрал, тогды за покраденье клети мужыку три рубли грошей и шкоду всю з маетности злодейское маеть за присегою плачоно быти. А место навезки за обое такое злодейство тот злодей, або и колко их будеть, мають горлом карани быти.

Артыкул 15

О лицо, которое ся найдеть в дому человека неподозренного албо теж и подозренного.

Уставуем: гды бы у человека неподозренного всякого стану за замком лицо было найдено, а до тое хоромины было бы окно, до которого могло бы лицо укинено быти и неприхоронено, тогды таковой человек, естли будеть неподозренный, маеть, з жоною и з детьми дорослыми, будет ли их мети, отприсягнутися, а не будет ли жоны або детей, ино с челядью домовою.

Тым же обычаем, гды лицо застал в чием дому, в гумне або за плотом, по тому ж маеть тот человек неподозренный отприсягнутися, иж того не ведал. А естли бы в хороmine за замком было найдено, и хотя б тое лицо было прихоронено, а окно бы у тое хоромины было так великое и замкненьем необварованое, жебы человек им улезти мог, то такеж маеть от такового лица обвиненый отприсегнутися. А не будет ли так великого окна або хотя бы и великое окно было, а замкненьем знутра было добре обваровано, то вжо такое лицо маеть быти поличоно за злодейство, с которым кого при том лица застануть, мает быти веден шляхтичь до вряду нашего, а слуга або человек панский, шляхетский — до пана своего. Пакли ж бы такое лице вонтпливое найдено у человека подозренного, то

ест первой при лица яком стоячого албо поволаного, тогды шляхтичь, естли бы четвертый раз, яко о том вышей доложено, был в такой речи обвинен, вжо водлуг оного ж артыкулу сужон быти маеть. А против простого человека за третим разом и при таком лица довод маеть быти чинен. А за доводом мають быти водлуг права горлом караны, а шкода з ыменья або маетности винного з навезкою плачона будеть.

Артыкул 16

О злодею, которого на злодействе не в дому поймають.

Естли бы злодей был пойман на злочинстве, а не в дому своем, а тые речи краденые в дому еще не были, таковый злодей сам один маеть за тое злочинство каран быти, а жона, дети и домовая челяд от того будуть волни, одно шкода, злодейством его вчиненая, з маетности того злодея за доводом плачона будеть, што бы болш над тое лице украл.

Артыкул 17

О знаки злодейские на человека подозреного.

Уставуем: гды бы на человека которого простого стану подозреного, то ест который, хотя бы при лица не был, але однак был бы вжо поволаным або злодейство кому платил, хто жаловал, менуючи собе от него шкоду в злодействе яких речей, а мел бы на то светков трех або двух людей добрых, неподозренных, веры годных, которые бы того злодейства з яких слушных причин ведоми были, тогды за сведецьством таким мает быти тот человек подозреный на муку выдан и мучон маеть быти от стороны поводовое один раз. Вед же не далее, толко через годину, одно бы его на члонку не охромил;

и домучит ли ся злодейства, тот ма быти горлом каран. А естли ся ничего не домучит, тогды маеть его навезати водлуг стану его.

Артыкул 18

Трикроть злодея приличного одного дня может мучыти.

Уставуем: гды бы поймано злодея приличного, а на тот час без лица будеть пойман, тогды такового злодея три кроть одного дня может мучыти, толко бы на котором члонку не образил. А естли бы ся не домучыл, тогды за кождым разом муки оное маеть его навезати водлуг стану его.

Пакли ж бы в оной муце злодейства на нем домучытися не мог, а оною мукою уморен або на члонку охромен, таковой будеть повинен за умерлого головщину совито, а за хромоту яко за цалого человека платити подлуг стану его. Нижли естли бы тот злодей в оной муце для чаров спал, а муки не чул, а тые чары были бы при нем найдены ув устех або на голове, у волосех, подпахами або где инде, тогды навезки ему не повинен дати и еще токовый приличный злодей хотя бы ся за такими чары до злодейства не признал, будеть повинен стороне жалобливой шкоду платити, на чом присягнуть.

Артыкул 19

О злодеях и розбойниках, которые бы врьдника своего поволали.

Уставуем: гды бы чьих колвек подданных злодеев або розбойников и яких колвек злочинцов поймано, а они бы, идучи на смерть, поволали врьдника своего, иж того

злодейства их сведом и тым лупом с ними ся делил, а тот
врядник был бы шляхтичъ, таковой маеть первший кротъ
отприсегнутися самодин, а потом, естли бы таковых других и
третьих злочинцов поймано, а тые также, идучи на смерть, того
ж поволали и на шыбеницы не отволали, тогды тот от тых
поволаный маеть отприсягнутися так, яко о шляхтичу вышей
описано. А четвертым разом, естли бы тым же способом был
поволан, тогды вжо без кожного отводу и присяги, и без лица,
леч однак за доводом маеть быти сказан на смерть яко злодей,
а шкода з ыменья або маетности его укривжоному плачона
будеть.

А где бы тот врядник не был шляхтичъ, тогды за первшым
поволаньем злодейским, которые бы то смертью запечатали,
маеть стороне жалобливой шкоду всю платити, на чом
присягнеть. Пакли ж бы того ж врядника нешляхтича повторе
таковые ж злодеи и тым же способом поволали и также
смертью запечатали, таковой нешляхтичъ вжо без кожного
лица также за доводом маеть сказан быти на смерть яко
злодей, и по такового за тыми знаки слухными и поволаныи
правными поконаного маеть вряд наш гродский повету
каждого зеслати и, поймавши его и на вряде перед собою
поставивши, казати на него стороне жалобной фольдровати.

Артыкул 20

О человека неподозренного.

Уставуем: естли бы шляхтич которого нешляхтича и
неподозренного помовил, менуючы, ижбы его злодеем был, от
него в злодействе ему шкода ся становила, и, не маючих
никоторых слухных знаков, хотел его о злодейство
поприсегнути, тогды тот человек, яко будучы неподойзренный,

близший будеть от того самотреть з суседы своими, людьми неподойзренными, будь чужоволостцами албо з людьми того ж одного пана, але однако ж в особливых домех мешкаючими и людьми добрими, вери годными, неподойзренными и неприличными, отприсягнутися, а суд ему того маеть допустити. А естли бы тот человек самотрет на том не присегнул, тот тую шкоду, о што жалоба будеть, повинен будеть заплатити, а другой раз, гды бы того ж о злодейство было обвинено, тогды за другим разом и обвиненьем от шляхтича маеть быти поконан водле права и присеги яко злодей.

Артыкул 21

О забитье злодея при лицах.

Уставуем теж: где бы хто злодея при лицах в дому своем забил, такового злодея забитого того ж часу по оном забитьи маеть оказати суседом околичным и потом што нарыхлей возным и стороною обведшы и до вряду привести и оказати маеть. А потом, будет ли позван о то до вряду, тогды вряд маеть ему допустити отприсягнутися, иж его на злочынстве при лицу в дому своем забил. Так теж, естли бы ся кому трафило на дорозе або где инде полем або лесом утекаючого злодея погонити, а он бы пойматися не дал, а в том при лицах был забит, тогды тот, хто гонить в дорозе за злодеем, маеть при собе мети суседов або сторонных людей и с тыми, привезшы труп, перед врядом маеть высведчытися, иж его при лицах забил. А будет ли о то ку праву позван, также маеть тыми людьми, с ким за злодеем гонил, самотреть на том присегнути, иж на злочынстве и при лицах яко злодея своего забил. А ранного злодея маеть вести з лицом до вряду нашего так, яко вышей описано, бо злодея, при лицах пойманого,

нихто не маеть ни одного дня в себе держати, але того ж часу вести до враду. А хто бы злодея через день и через ноч в себе в дому держал, тогды, приведшы до вряду, первой винен будеть его навезати водле стану, а ранний естли будучы пойман, а до вряду не ведучы через день и через ноч задержан и там в дому его умер, тогды будеть повинен головщызну платити также водле стану тым же обычаем. Естли бы хто, злодея поймавшы и до вряду не ведучы, в дому в себе або на дорозе, правом не поконавшы, мучыл, таковый также первой будеть повинен его совито навезати, потом у право з ним уступити.

Артыкул 22

Хто бы што вкрал на дворе нашем, господарском.

Теж, хто бы на дворе нашем, господарском, што вкрал, а то бы стало менш двох коп грошей, а шла бы тая реч не о горло, и правом бы то на него переведено албо лицо вынято, таковому мають ухо одно урезати, а потом естли бы што вкрал, бы теж краденая реч и десети грошей не стояла, тогды вжо горлом маеть быти каран, вед же и в тот час за слушным поконаньем правным.

Артыкул 23

О жонах и о детех, которые вживали речей краденых.

А естли бы лице в дому застато и дети и жона при том были, и тых речей краденых, ведаючи их быти крадеными, уживали, тогды они повинни будуть тую шкоду платити, а в недостатку заплаты и сами головами выдаваны быти, нижли не в вечную неволю, одно покуль ся выробить, яко тым,

которые бы закуплены были, а горлом тот сам злодей маеть быти каран, который крал.

Артыкул 24

О выдаванью лица з уряду нашего и теж з двора князского, паньского и шляхетского.

К тому уставуем: естли бы лице принесено было до вряду нашего, господарского, князского, паньского и земяньского, а хотя бы тое лице была речь важная — золото, серебро, грошы, шаты, кони дорогие, тогды от всего того лица, хотя наважнейшого, кождый вряд, взявши доход свой пятьдесят грошей, маеть тое лицо тому, хто его зысчеть, вернути и отдати, а злодей за вину злодейскую горлом каран будеть. А которое бы лицо стояло менш копы грошей, от того выкупна толко шесть грошей брано быти маеть.

Артыкул 25

О блудяги.

Кнежата и панове хоруговные, панове рада, также и врядники земские о блудяги, также и о то, с чого злодей согнан бываеть, мають ся заховати тым обычаем, нижей описаным, то ест, гды ся чый конь албо якое иное быдля приблудить або згонное трафиться на йменью их, будеть взято до двора их, а будет ли в тот час в том именью пан сам, то такое быдля может у себе ховати, поки его тот, чые будеть, отыщеть. А отыскуючы, маеть от кождого коня тот, чый будеть, дати по два грошы, а быдло маеть отдавати даром. А шляхта, которые седять у поветех, преблудные або згонные клячы и быдло мають водити и давати до дворов наших, а

болш трох дней не мають в себе ховати блудяги, также и згонного. По тому ж ся и врядники князские, паньские, гды прибудное або згонное быдля або колко их в небытности в том именью самых панов их трафить, мають ся заховати и до вряду нашего отдавати, яко о шляхте вышей в сем же артыкуле описано. А вряд наш тую два грошы, беручы быдло, маеть тому, хто его дасть, отдати, а потом то себе у того, чые быдло будеть, озметь. А хто бы з шляхты або з урядников князьских, паньских через три дни в себе блудяги або згонные ховал и до двора нашего не дал, а то будеть на него переведено и лице з дому шляхетского або з двора паньского вынято, тогды того маеть ся справовати яко злодейства.

Артыкул 26

О краденью збожя всякого, в копах на поли або в стиртах зложеного, также и сена.

Уставуем: гды бы хто злодейским обычаем чые збоже жал або готовое жатое збоже зложеное або сено крал, або сеножать злодейским таемным обычаем скосил, а тот, чые збоже або сено, будеть беручы зостал, тогды тот, хто зостанет, маеть, поймавши, вести с тым лицом, з возы и с конми, где всхочеть, будь до вряду нашего гродского або до пана его, а тот вряд наш або пан з оного человека справедливость учинити яко з ыншими злодейми приличными винен будеть. Естли ж бы тые, што по жыто або по сено приехали, пойматися не дали, а в том кого с тых злочынцов забито або ранено, тогды тот, хто забеть, маеть стороне людям околичным и теж на враде оповедати и возным обвести и труп або ранных на вряде и возному оказати, звлаща естли бы тые злодеи, змоцнившыся, труп з собою не взяли або, ранными будучы, не увошли. А будет ли о то ку праву притягнен, тогды мает того

отприсягнутися самотреть з суседы, которые бы при том были, а в недостатку людей сторонних — з слугами, поддаными своими, иж при збожю своем забил або ранил; таковый головщины ани ран платити не будеть повинен. Пакли ж бытые злочынцы, змоцнившыся, того пана самого, будь слугу и подданных его при его ж збожю побили и поранили або и забили, а то бы на них слушным правом было переведено, таковые будуть повинны гвалт платити дванадцать рублей грошей и раны подданным оправити, якого стану будуть. А ранил ли хлоп шляхтича, тот горло тратить. А естли бы шляхтич шляхтича в таком припадку забил, тот горлом каран будеть и головщина, гвалт и шкоды з ыменья плачоны, а за зраненье навезка маеть быти плачона. А забет ли шляхтич простого человека, тот гвалт, шкоды и головщину платити маеть. А простой человек за простого забитье горлом каран будеть. Также кого бы поймано крадучы сноповье с коп або сенные копы або теж збоже, у пряжмо режучы под колос, таковый простой человек, гды будеть з лицом приведен, маеть у столпа пугами бит быти, а шкоду з маетности заплатити, если што болш будеть менити. А естли бы на злодействе в поли не поймано, але лице в дому найдено албо следом присочоно, о то, яко и о ином злодействе, маеть быти сужоно водлуг сего статуту.

Артыкул 27

О покраденье ставу и сажовки.

Уставуем: кому бы злодейским обычаем ловлено рыбы в ставе або в сажавце, таковый, гды будеть пойман и приведен до вряду з лицом первшый раз, за доводом маеть быти пугами бит. А где бы тот же другой раз з лицом был пойман, тот за доводом слушным урезаньем уха каран будеть. А естли ся того

ж третий раз допустить, тот за доводом слушным маеть быти каран яко злодей, хотя бы лицо не стояло шацуючы и десети грошей.

Артыкул 28

О шкоде, которая ся станеть часу пожоги або в стоненью на воде.

Гды бы се трафило под часом от огню погоренья в месте або где колвек або бы хто на воде стонул, а в тот час што ему згинуло, которая згуба у кого колвек бы се затаеная показала, тогды тот, чьи речи будуть, маеть з ним о то чынити правом яко о злодейство. А тот, у кого то познано будеть, окажет ли то оповеданьем на вряде, же то з воды або с огня вынял, от злодейское вины волен будеть. А тые речи тому, чьи суть, вернути, але тот, хто такие речи свои всхочеть мети, половицею цены, чого стояти будеть, маеть у оного окупити.

Артыкул 29

О людях своволных таковых, который бы, намовивши невесту мужатку, и з нею уехал.

Повстегаючы злость людей своволных, уставуем, иж где бы хто, якого колвек стану будучи, пропомневши боязни божое и повинности своее хрестияньское, смел подмовити и взяти кому жону, хотя ж з ее призволением, и уехал бы з нею, тогды, будет ли постигнен в дорозе, в месте, в госпode и на котором колвек местцу, маеть быти пойман и до вряду городского веден, яко и который иной злочинца, або теж з оселости его земское, позвы ку праву будучи притягнен на рок завитый, таковый за доводом слушным горло тратить. Так теж

и тая невеста, которая на то позволила, на горле карана быти маеть. Кроме того, естли бы муж ее горлом карати не хотел, то мает зостати при воли его. А шкоды за бранье маетности за позволеньем таковое белое головы, то все з совитостью з ыменья его, хто то учинить, плачона быти маеть. Где бы ся теж то трафило, жебы в гоненью тот, который будеть гонити, от того, хто з мужаткою уезджаеть, забит был, або бы теж того, который бы таковым преречоным способом з белою головою уезджал, забито, тогды в том суд заховатися маеть водлуг того, яко о чужоложнику в сем же розделе, артыкуле нижнем тридцатом ест описано.

Артыкул 30

О каранью чужоложства.

Забігаючи, межи иншими, и той злости, абы ся в панствах наших християнских не множила, то ест чужоложство, которым немней пан бог бывает ображон, уставуем: естли бы муж, маючи в подозренью жону свою о чужоложство, и на тое бы ся насадиши якого колвек стану застал з нею на вшетечности, тогды волно будеть мужу, оного чужоложника и з женою своею поймавши, и то суседом околичным заразом оповедати, потом также заразом вести до вряду нашего гродского, а там, показавши то перед урядом явне и правдиве, не з вазни, яко против жоны або тому, кого с нею застал, маеть их самотреть албо з людми сторонними, которые бы при том застатью и пойманью были, албо з слугами и челядью домовою поприсегнути. А они обое горлом карани быти мають.

То ж ся маеть розумети и о панне, которая бы, боязнь божую и встыд отложившы на сторону, вшетечне мешкала, на

которую повинным по отцы и по мечу волно будеть инстыговати. Вед же вряд маеть пилне того постерегати, абы то не было з вазни, ненависти або с хтивости маетностей яких. А естли бы тот чужоложник не дался поймати и в том был забит, тогды о том розсудок маеть быти так чинен, яко о гвалтовнику дому шляхетского, на гвалте забитом, ест описано. Пакли ж бы от чужоложника муж в тот час при застанью его был забит, таковый мужобойца горло и честь тратить, а головщина з ыменья албо маетности его плачона будеть, и жона такая также горлом будеть карана.

Артыкул 31

О каранью зводниц.

Уставуем, хотячи то мети вечными часы, ижбы подданные наши, под росказаньем нашим мешкаючи, учстиве жили, зысков спросных богу и людем почстивым обрыдлых не наследовали, прото абы такие люди, будь мужчизна або белая голова, в местех наших не были терпены, которые звыкли для зыску своего спросного намовляти панны або вдовы и мужатки кому гволи для спросности телесное, так иж хотя бы с которое могло быть што доброго в стане малженском, оборочаются за намовами зводниц внивеч, в спросное а вшетечное помешканье. Для того росказуем воеводам, старостам и уряду месткому, абы таких за оказанем явным имати казали и карали обрезањем носа, ушу и губы и з мест выганяли. А где бы ся и по таком каранью тым же спросным зыском жывили, тогды вряд таких на горле карати маеть.

Артыкул 32

О забитью бенкарта.

Хто бы бенкарта забил, таковый от горла волен быти маеть. Вед же естли бы матка жива была оного бенкарта, волно ей будет головщизны доходить, а головщизна таковому сыну, бы его теж мела нет ведома яким зацным чоловеком, не маеть быти плачона, одно яко за простого стану чоловека.

Артыкул 33

О корчмах покутных.

Обачаючи теж то, иж в том панстве, великом князстве литовском, на частых местцах, на селах намножилосе свовне много корчом покутных, которые корчмы покутные не одно на великой переказе местом нашим и шляхетским, але и в речи посполитой сказу и шкоду приносят не менш с тое самое причины, же в таковых корчмах покутных уставичне забойства, злодейства, розбой и иные многие збытки деются, чому забегаючи, уставуем, то хотечи мети, абы яко на именьях князских, панских и шляхетских корчмы покутные нигде не были, и подданные, так нашы, яко панские, князьские и шляхетские, по селах в домех своих пива на шынк не варили и не продавали, также медом и горелкою не шинковали и шинков жадных не мели, кромя стодол при гостинцах и дорогах звыклых, также на именьях паньских и шляхетских, в которых для людей переежьчих яко речы стравные, так и шинк уставичне быти может, а таковые корчмы покутные в каждом воеводстве, землях и поветех вряд наш гродский через наместники свои, придавши до них возного поветового, яко у своих урадах, так и в ынших державах замков и дворов

наших, которые в их воеводстве або старостве, у волостях, по селах будут, гамовати мають. И где бы у которого кольвек подданого нашего пиво, на шинк увареное, также мед и горелку шинковную знашли, тогда яко трунок, так и все начинье пивное, медовое и горельчаное — котлы, кублы, бочки, а не иншую маетность забирати мають до замку або двору нашего. А с того половица пожитку маеть ити на шпиталь, а другая половица на оный врьд гродский. А на именьях, волостях и селах панских, князских и шляхетских, всякого стану духовного и светского с того не выймуючи, в каждом повете мають того постерегати и о таких корчмах пильне выведыватися врьды гродские. А такого шляхтича, хто бы сам корчмы покутные в селех або в дому своем шляхетском мел, а не на гостинцу, албо при якой дорозе, не збудовавши дому гостиного, мел, албо людям своим в домех их мети дозволил, каждому шляхтичу, хто похочет, позвати о то до суду гродского на рок завитый волно. Гды то на которого шляхтича доведено будеть слушным доводом, мает вины заплатити три рубли грошей, которое вины половица маеть належати тому врьду гродскому, а другая половица маеть быти дана тому шляхтичу, хто позоветь. А тот врьд гродский повинен будеть тому всему досыть чынити и то выконывати под виною на нас, господара, до скарбу нашего земского того панства дванадцатма копами грошей. По тому ж старосты, державцы, тивуны и кождый врьд наш, который бы в том был противен а врьду гродскому тых корчом покутных на волостях наших забирати боронил албо бы сам таковых корчом ужывати подданым нашим по селах для пожытку своего позволял, таковой же вине менованой подлечы винен будеть за кождым разом, колько бы кроть о то для невыконанья того артыкулу от кого колвек перед нас, господара, або до суду головного позван был.

Артыкул 34

Хто бы кого обвинил и перед врьд привел, мает того ж часу описатисе, на который рок маеть доводити.

Теж хто бы, кого обвинившы перед врьдом до везенья албо за паруку давшы и рок от врьду ку доводу принявшы, сам без слушное причыны на тот рок не стал албо слушное причыны нестанья своего через посланца на тот рок не ознаимил, тогды врьд по выистью оного року обвиненого маеть волным учынити и вольное мовенье у права с тым, хто его обвинившы не доводил, заховати.

Артыкул 35

О цыганех.

Иж цыганы суть люди непотрабные и порожнюючы, которые не толко жадное послуги, пожытку нам и никому в речы посполитой не чынят, але и овшем шкода через них в ошукиванью простых людеи и в крадежы, а снать и в збиванью потаемном не малая ся дееть, а часом, выходечы до иншых земель, звлаща неприятелских шпегами и жожами до злого могли бы ся ставати, а прето уставуем, абы их конечно от того часу нигде в панстве нашом, великом князстве литовском, и в землях, до него належачых, далее не было ховано, чого старостове пограничные и иные державцы наши мають с пилностью постерегати, абы до земли наше не входили. А гды их которые з них з староства и врьду своего выпудить, абы жаден з ыншых станов подданных наших через то их не прыймовал и на именах своих не переховывал под виною до скарбу нашего дванадцатма копами грошей.

Артыкул 36

**О новом назвиску челеди дворное место того, што их перед
тым неволниками звано.**

Ознаимуюм и ведомо то чыним, иж што в сем теперешнем статуте тых людей о челядь, которые перед тым неволниками были званы, отменено назвиско и поменено, а написано их челедью дворною отчизною, материстою, купленою, або полонениками, тогды тое отмененье назвиска их часу права на кождом враде, гды бы хто своеи челяди неволное пойскивал, никому с подданных наших до ужыванья и доваженья справедливости ничого шкодити и перешкажати не маеть.

Артыкул 37

От которого часу тым статутом судити мають.

А тые вси речы, в том статуте описанные, мають ся стегати на речы пришылые от того часу, яко за конфирмацыею нашою, господарскою, ку ужыванью сес статуть выдан, выймуючы и варуючы толко артыкул тринадцатый в розделе семом о способе доводу застав давных, которые уросли по выданью первых старых статутов.